




Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1051/A/1







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1051/A/1





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1051/A/1



Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
1051/A/1




1051


L XLII

16/2











41846  
A  
ANTONII MV,

SÆ BRASAVOLI

Færrariensis, Examen omniũ

Syruporum, quorum pu-  
blicus usus est.

*Omnia ab authore recognita.*

CVM INDICE.



VENETIIS.

M D X L.



ANTONIO

SE BRASAVOL


PERMANENT EXAMEN OMNIBUS

SYNOPSIS QUOTUM

PHYSICIS

OMNIBUS ANTIQVARIIS

CVM INDICE



VENETIIS M D X F



AD ILLUSTRIS-

simam unā & pudicissimam uirginem

ELLEONORA ESTENSEM,

Antonius Musa Brasauolus

bene agere.



ANTIQUORVM MOS  
fuit, & hoc etiam tempore serua-  
tur, si quis opus aliquod egregiū  
parasset, alicui principi, aut nobis  
lissimo Heroi nuncupare: ne in  
vulgus absq; patrono, & tutore prodiret. Res  
profectò à nemine qui mētis compos sit, detre-  
ctanda, sed tamen quę nos ab incepto repellat,  
ne videamur partus nostros egregios putare:  
quos potius abortiuos, & prociduos arbitra-  
mur. Tamen quicquid sit, quū præcedentibus  
mēsis de Syrupis inter nos sermo incidisset,  
& tu de hac materia doctē & abundē differuis-  
ses, visum est mihi, nulli magis conuenire, quā  
tibi: quæ non modò Magdalenam imitata es,  
huius mundi illecebris & deliramētis spretis, re-  
rum diuinarum contemplationi vacas: sed ple-  
runq; etiam Marthæ satagentis officio funge-  
ris, vt triplici corona digna sis. Prima, quia spō-  
re nullo monitore, nec infantia dissuadente,  
imò Illustrissimo patre primis motibus obuian-



te & reluctante, Sacratissimam hanc Religio<sup>na</sup>  
rum frequentiam ingredi curasti: frequentiam  
in quam pudicissimarum virginum & sanctas  
rum, matronam beatam Claram imitantium,  
quam corporis CHRISTI VIRGINIVM vo  
cant, & quam nullus alter Vestalium Virginum  
coetus in tota Italia sanctitate ac miraculis su  
perat. Hic tu spiritui & orationibus vacas, & sta  
tutis horis te totam contemplationi praestas. Se  
cunda corona est, quia illis horis, quibus vel aliae  
dormiunt, vel mechanico operi incumbunt, tu  
apparandis & concinnandis pharmacis diligen  
tem operam praestas. Quod opus, utpote ple  
num charitatis, dignum est ut a te fiat: nepe sic  
conforores alias egras iuuare potes: & ita veluti  
altera Martha sollicita es circa frequens ministe  
rium. Tertia corona, quia Diui ALPHONSI  
Ferrariae Ducis filia, quum maritum principem,  
ex summis Italiae proceribus sperare posses, tu  
potius puerum IESVM, dulcem Mariae natum,  
pulcherrimum, deliciosissimum, qui eadem sem  
per virenti etate, eadem pulcherrima pulchritu  
dine, eisdem semper probissimis moribus in spon  
sum elegisti: quem cognoscere totis viribus stu  
des Illustrissima Virgo, cognitum laudare, lau  
datum amare, amatum venerari, veneratum ex  
primere, expressum imitari, ut denique cum eo im  
mortali felicitate perfruaris. Hic est ille praedul  
cis, & prepotens sponsus, qui te non oppidi do  
minam,



# EPISTOLA

minam, non Urbis Ducissam, non prouinciae Reginam, non Christianorum imperatricem, sed totius coeli, & paradisi deliciarum participem faciet. Igitur Illustrissima hunc sequi studeas, hunc imitari, hunc totis viribus amare: vt vna sis ex prudentibus quinque virginibus, quae oleum sibi statuto tempore compararunt, vt aduenienti sponso IESU sine mora possis occurrere, & in eius amore semper conuiuere: Vt cum Phocylide concludam, vnà cum sanctis Sororibus, *Σωτηρις καὶ τελευτῆς ἀγαθὴν μέχρη γήραος οὐ δ' ὦ*, id est, Vitam perficite malorum immunem vsq; ad senectutis limen. Sed cur Noctuas Athenas portos: aut Angelos bene agere instruo: Accipe igitur Elleonora Illustrissima, de Syrupis libellum: vt, quum Marthae officio fungeris, in his componendis aliorum errores corrigas. Vale Virginum pudicissima.

A 3



<sup>6</sup>  
**I N E X A M E N O M N I**  
um Syruporum eximii Philoso  
phi & Medici Antonii Mu  
sæ Brasauoli, Frācis  
Bouii Ferrariensis

**E P I G R A M M A.**

**Q** Vi prius exactè Medicamina quæq̃ recenset  
Simplicia, ac vires, sint quibus illa, docet.  
MVSA. Syruporum totam hic Antonius artem  
Explicat, & priscos æquat honore viros.  
Hanc sacra Atestinæ Virgo noua gloria gentis  
Luminibus placidis Elleonora legit.  
Doctior hinc Medicus, mage Pharmacopola peritus  
Hinc componendi pharmaca, abire potest.  
Hinc necis humanæ, Medicinæ inscitia turpis  
Causa aberit. Vitam lux patefacta feret.  
Haud necis humanæ causa inuidiosa feretur.  
Iam Medicina, quod est, ipsa salubris erit.  
Arte sine ingenium cæcum est, ars ipsa remoto  
Officio, manca est, hoc sine penè nihil.  
Non sat Aristotelis, magniq̃; arcana Platonis  
Nosse, licet viuo singula fonte petas:  
Socratico hic sophiam voluit deducere ritu  
Cælitus, atq̃ hominum consuluisse bonis.



72  
EXAMEN OMNI-  
VM SYR VPORVM QVO-

rum in publicis officinis usus est,

ANTONIO MVSA

Brasauolo Ferrariensi

authore.

BRASAVOLVS,

Senex pharmacopola.

SENEX.



EVVS HEVS. Quorsum tam rapidè,  
tamq; celeri cursu properas? qui testu-  
dineo gradu alioqui tuo huic antiquis-  
simo mulo insidens incedere soleas?

BRASAVOLVS. Ad cœnam vos  
cor: hanc enim diem hucusq; ieiunus transiui. SENEX.  
Quur tu quem medicè viuere oportet, ventriculum tam  
longo spatio inanem esse permisisisti? Fortè heri vesperi  
pleniori cœna vsus es, quæ ad hanc vsq; horam te satius  
rum fecerit. BRA. Non equidem: sed in diui Ioannis ve-  
nerationem, pro qua omnes Christiani hodie ieiunant,  
id est semel in die comedunt, & ego eundem morem ser-  
uare institui. SEN. ad prandium igitur vocaris, non ad  
cœnam. BRA. Vtrunq; simul expediam. SEN. Quur

A 4



in meridio pransus non es, vt est omnium fere communissimus mos? BRA. Vt vxorculæ meæ, & alijs domesticis mulierculis satis facerem, atq; morem geram. SEN. O te miserum atq; infortunatum. Igitur mulierculis pareres? BRA. Et pareo, & parent. SEN. De me actum esset, si in re vel tantilli momēti vxori meæ aures porrigerem, & annuerem. BRA. Tamen difficile est scēmiam cogere. SEN. Difficillimum. BRA. Quomodo igitur continuo domi nō certas? SEN. Imò nulli sunt dies, vel nulla saltem hebdomas, quæ rixis, clamoribus, & contumelijs conigalibus careat. BRASA. Ego potius econtrario dicam, O te miserrimum, atq; infeliciissimum, qui continuam rixarum & cōtumeliarum pestem domi alas. SEN. Quis ille est adeò temperans, & modestia præditus, qui vxorem ducens ab his temperare possit? BRA. Ego is sum, licet parum modestus, & parum temperans, tamen septimus agitur annus postquam vxorem duxi. Nunquam verò eam vel iratus turpi nomine, aut cōtumelioso appellauī, & ad hoc vsq; tempus adeò tranquillè vnà viximus, vt nullus vel religiosarum cœtus pacatior inueniri possit. SEN. At ego primis protinus diebus institui, nunquam suo nomine vxorem meam vocare: sed continuo aut belluam, aut mēdicam, aut scortum, aut alio simili nomine, quoties opus est vocare eam, appello. BRA. Ego autē meam non solum suo nomine, sed etiam honestiori eam appello, quæ mihi mitissima effecta est. SEN. Aut mulier non est tua vxor, aut diuino loco nata. BRA. Ferrariæ orta est, & mulier quæ biliosissimam temperaturam nacta est, si qua altera. SEN. Quomodo igitur



igitur tam diu absq̃ bello, iurgijs, & verberibus viuere potuisti? BRA. Quomodo tu in tam magno incommodo in bello magis quàm hostili tanto tempore vitam duxisti? SEN. Audies (si aures accommodare nō pigeat.) Ab intio cū vxorem duxi, statui & fixa mente reposui: quicquid vellem, quicquid dicerem, vel sanū, vel insanum, vt ipsa id ageret, & annueret. BRA. O demencia non modo mira, sed plusquam feralis, Hoc est, hoc est, quod vxores multas (pauperulas quidem illas quæ his nebulonibus iungūtur) in exitium perducit. Quippe nulla est mulier, quæ suam bilem, & suam indignationem non habeat. Multi verò fatui putant leonem verberibus cicurare, quod boni cicuratores non faciunt: sed canes in conspectu leonis cædentes, cicures leones reddūt. Quid autem de vxore egeris, prosequaris. SEN. Ex his quæ dicebam, illa quædam annuebat, alia negabat quibus assentire volebam: & quia negabat, verbis atq̃ verberibus afficiebatur. Imò prima nocte qua domum meam accessit, muliebria femoralia paraueram, & duos baculos: quando hora cubandi in cubiculo soli clausi fuimus, femoralia in terram proieci, & sumpto baculo alterum illi dedi, inquiens: Volo nunc pugnemus, vter nostrum femoralia ferre debet, & quia nec baculum sumere voluit, nec pugnare, grauitèr fustuario prima illa nocte vapulauit. BRA. O fatuissime virorum, pulchra matrimonij consumatio illa fuit. Vtinam sumpto baculo te pro merito multasset. Dic autem, illa quæ negabat, & quibus te inuito annuebat, erant ne alicuius momentis? SEN. Minimi quandoq̃, & plerunq̃ nullius: sed expe



riundi gratia quædam vana & absurda proponebam, vt  
ad mea vota annuere & negare condisceret. BRA. O  
omnium quos adhuc nouerim vir orū fatuissimum. Vxor  
rem igitur assentatricem & propè parasiticā habere cu  
piebas, quæ in rebus falsis te laudaret, & manifestè ves  
ra inficiaretur? SEN. Non assentatricem cupiebam, sed  
mihi obsequentē. BRA. Dic (ni pigeat) fuit' ne vnquam  
obsequens? SEN. Nunquam potui iurgijs, minis, aut  
verberibus adeo efficere, vt præceptis meis obsecundas  
ret. BRA. Igitur tam longæuam ætatem pugnans, &  
quali bello? Magis quàm intestino miseram vitam duce  
re potuisti? SEN. Plus certe fuit quàm intestinum bel  
lum quod inter nos factum est: nunquam enim tam hor  
rendum & ingens monstrum domari potuit, quod Her  
culeam clauam etiam retundit. BRA. Nescio an tu po  
tius, vel illa monstrum sit. Quippe tu nunquam domitus  
es: sed continuè furiali incessu, & non humano proces  
sisti. SEN. Non licet virum ab vxore domari, & dor  
so muliebres clitellas gestare. BRA. Hoc est illud quod  
perpetua bella inter vos facit. De te autē plurimum mis  
ror, quem plerunq; viderim famulum tuum, & pueros  
quos instituis, benignè, & piè admonere, & labores  
multos vt eos rectè instituas patēris, tamen quando &  
quoties lubet expellere potes, & illi sponte abires: non  
potes autem pusillū tolerare, vt vxorem propriam edos  
ceas, quæ velis nolis tua est. Eadem domo viuitis, eidem  
mensæ accumbitis, eodem cubiculo acquiescitis, eodem  
toro cubatis, communes filiorum parentes estis, bonæ &  
malæ fortunæ participes, quam & si volueris, expellere  
non



non potes, nec ipsa sponte discedere, sed te ad cineres  
vsq; comitabitur. SEN. Libenter scirem quomodo vxor  
rem tuam mitiorem reddideris: nam discens fortè imitabor,  
& quod superest mihi vitæ, quietius transigam.  
BRA. Rem (vt arbitror) difficilimam agredieris: nam  
psitaci rostrum nactus es: tamen non grauabor meum &  
verum has feras cicurandi modum edocere. Principio,  
Antiquum morem considerare cœpi, quo vxor maritū,  
& maritus vxorem emebat. Id interpretatur Plutarchus,  
ex hoc significari, inter virum & vxorem æqualis  
tatem quandam esse debere, vt vterq; alteri sponte ob  
temperet. Cuius rei erant illa verba solennia: Si fueris  
**mihi Caius, ero ubi Caia.** Deinde mihi ex instituto  
proposui, hoc momentaneum vitæ spatium in perpetua  
animi pace, quiete, & tranquillitate percurrendum esse:  
propterea primis illis diebus à nuptijs omnia agere cœpi  
quæ vxori meæ placere præuidebam, explorabamq;  
ab ancillis, à sorore, & alijs, an quicquā noscerent quod  
vxori meæ placeret, quod illi gratum foret & iocundū,  
& nihil intentatum mittebam, quin efficerem, vt in  
omnibus illi satisfacere, & sua vota implerem. Illa vi  
cissim ita me amare cœpit, vt quicquid cogitat, quicquid  
agit, in meum solatium sint, & nihil aliud animo habet,  
quàm mihi grata parare. Quippe in dies nouas dapes,  
nouos intinctus & scitamenta, noua opsonia quæ meo  
palato sapiant, perquirat. Si quandoq; in habitu corporis,  
& vestium genere mihi displicuerit, non arguo, nō  
reprehendo, non exclamo, iubens vt hanc vel illam ves  
tem dimittat, vt manicas aut torale mutet, vt vittas, in



fulas'ue alio more gestet. sed mihi fabellam quandam fingo: In templo mulierem vidisse tali habitu, taliq; mitra redimitam, quæ mihi adeò placuerit, vt oculis meis nihil vnquam gratius occurreret. Sequenti die aliam mulierem me vidisse refero, quæ ob vestium lacinias, ob vitæ varietatem adeo mihi displicuerit, vt eam magis quàm Tisiphonem abhorrerem, & quam nullo pretio matrimonio mihi iunctam esse velim. Hæc audiens vxor mea vestes me inscio mutabat, vittasq; vt mihi gratum erat, aptabat. Itaq; pacificè, summo cum amore & beneuolentia ad frugem redibat. S E N. Vir sum ego qui hæc pati non possem, & cui has feras imperiose potius quàm blandè vincendas esse videtur. B R A. Tuam tamen ad hanc vsq; tam longæuam ætatem vincere non potuisti. S E N. Nec (vt arbitror) posthac vincam, nisi interfecero, aut spontanea morte decedat. B R A. Ego autem meam mihi cicurem, blandam, meisq; votis commodam re minima reddidi. Nec dubito me oppositum facturum fuisse, si contumelijs, aut verberibus illā pervincere voluissem. S E N. Nunquam in iram in tanto tempore prorupistis? B R A. Nunquam. S E N. Quid ageres si tuos nummos expenderet, tuasq; bona dilapidaret? B R A. Imò ingenuè tibi dicam: primus illis mensibus à nuptijs clauēs cubiculorum quorūdam seruabam, in quibus pauca illa pecuniola quam habebam, & alia quædam domestica bona aurea & argentea condebantur, quoad eius mores occultè expertus essem. Sed postquam mihi filios peperit, quod statim post nonum mensem accidere nosti, vniuersis bonis meis sumptis, & tota illa pecuniola



cuniola quam habebam, omnia illi præsentavi, & in eius ditionem ædi, his verbis vsus: Cassandra soror, hæc tua sunt, & natorum tuorum: si placet expendas atque profundas, tibi enim filysq; profundes. Si parca eris, tibi, filysq; parces, nunc enim peperisti, & iterum plena es: quantum in me sit, vel parca sis vel prodiga, nihil refert: mihi enim vel hic, vel alibi nihil vnquam defuturum est: sed tibi, filysq; tuis deesse posset si immatura morte præuenirer. S E N. Expedit'ne quantum lubet, & omnes mulierum cupiditates explet? BRA. Ter aut quater occultè obseruaui, magis parca est quàm optarem, qui meapte natura liberalis sum. S E N. O te felicissimum, qui adeò secundum vota vxorem instituisi. O dignum & sanctum consortium. BRA. Hoc est quod semper optaui, quietè, pacificè, & hilari mente vitam ducere, & cuius gratia tales mores institui, quamuis à principio ab amicis quibusdam admonitus essem, ne mihi fæ moralia (vt vulgari adagio fertur) ab vxore imponi sternerè, sed eà iurgijs & verberibus subiectam redderem. Quem morem semper despexi, tanquam nebulonum & indignorum hominum improhorumq; putans. Etenim ingenuum existimo, nobile, ac pene diuinum, beneficijs potius & blanditis vxorem sibi beneuolam reddere quàm minis. S E N. Deinceps & ego experiri incipiam nunquid meam mitiorem reddere possim. BRA. Id deniq; efficies, quamuis difficillimum sit contractas rugas serico panno adimere. S E N. Hæc de vxoribus satis sint. Ad id autem propter quod te vocaui descendamus. BRA. Quid est illud? S E N. Præcedenti anno promis



fisti, & iureiurando affirmasti, post simplicia medicamenta, ea composita, quorum apud publicos pharmacopolas usus est, examinare: imò & iandiu te coepisse enarrabas. Obsecro igitur atq; obtestor, ne promissa rescindas. BRA. Promisi equidem, sed aliquem inuenire oportet, qui promissa obseruet. Diuersa enim sunt promittere, atq; præstare. SEN. Imò apud probos integrosq; viros, idem planè est promittere & præstare. BRA. Ita certe est, & probus vir nunquam iureiurando affirmare aut negare debet, sed simplicissimis particulis, est, & non, continuè loqui. Quum igitur composita medicamenta examinare promiserim, quando opus erit & tibi lubebit, ita efficiam, vt tu voti compos fias, & ego promissa non rescindam. Oro autem, ne in præsentime impendas cœnam petentem, & ingenti fame oppressum. SEN. Et ego apud te cœnabo, ne alia occasione data laborem subterfugias, & apprimè opto hac die notatu digna felici omine incipiamus. BRA. Quid prohibet deposita veste, cum domi sumus iam incipere? SEN. Omnia composita medicamenta quæ in officinis habemus vna scheda secundum hunc ordinem descripsi, vt omnes syrupi simul essent, omnia eclegmata simul, omnia vnguenta simul, & eundem ordinem in cæteris seruo. BRA. In his disponendis ordinem ne seruas? vt syrupi frigidi vno ordine, & calidi alio disponantur? SEN. Nullum ordinem seruauì, sed vt mihi offerebâtur disposita sunt. BRA. Erit igitur idem ordo qualis in simplicibus fuit. SEN. Talis planè. BRA. Quæ autem series inter composita alias antecedit? SEN. Primam seriem.



# SYRUPORVM

riem Syrupis dedi, & inter illos, is qui de corticibus citri nuncupatur, primum locum obtinet. B R A. De his rebus tractaturi id in primis admonere volo, cum in his compositis de simplicibus sermo erit, ad ea recurrere oportet, quæ in examine simplicium scripta reliquimus, nisi aliqua sint, quæ incuria eo libro omiserimus, hæc enim isto loco exponemus. Nunc autem syrupi de corticibus citri compositionem enarra. SEN. Ita apud Mesuen ferè legitur: Recipe corticum pomorum citri recentium libram vnā, in quinque libras aquæ fontium bulliant ad consumptionem duarum partium, & cum vna Zuchari libra fiat syrupus, & cum quatuor musci granis condiatur. Nec desunt qui in Iuleb proyiciunt ex corticibus citrorum partes conuenientes, & propriæ quando vicinatur complexionis cocturæ eius, & est delectabilis, & quando submergitur in aqua decoctionis citri feta tineta ex chesmes, tunc est excellentior. Hæc Mesues, hunc syrupum describens. B R A. Imò & alij omnes hoc modo describunt. SEN. Reperitur ne apud antiquos hic syrupus? B R A. Nusquam inuenire licuit: imò paucissimas huius generis potiones antiqui scriptis mandarunt, & paucissimis utebantur. SEN. Ergo syruporum mos antiquus non est. B R A. Non more nostro: quoniam apud antiquos oxymel, hydromel, ptisanæ, & quædam alia non multa inueniuntur: nec in diluulo propinabantur ut nunc fit, sed in febrium ardoribus pro siti sedanda, & ad aperiendum qualibet hora diei, cum opus esset. SEN. Mirum mihi videtur antiquiores concoctricibus potionibus vsos non esse. B R A.

Syrupus  
de corticibus citri

Syrupis  
an antiqui  
vterentur,



Imò maxime vsi sunt, & plerunq. Galenus concoquit  
 melicratum ex hyssopo, hydromel & oxymel tribuens.  
 SEN. Arbitrabar id nomen syrupus Græcum esse, &  
 ex antiquissimis authoribus sumptum. BRA. Græcum  
 certe est, & à Græca lingua deflexum, & potius syno-  
 pus, quàm syrupus proferendum esset: vnde Græci succi  
 cum ὀπὸν vocant. fiunt autem potissimum ex succis syno-  
 pi, vsus autem fecit, vt syrupi dicerentur: quamuis Her-  
 molaus à Syria dictos putet, & alij à σύρω, quod est tra-  
 ho, & ὀπὸν succus. SEN. Non possum aliqua ratione  
 arbitrari antiquos Græcos non habuisse syrupos. BRA.  
 Potiones habebant, sed quæ potius vinum, quàm aquam  
 reciperent. SEN. Non ne aliquibus nominibus eas ap-  
 pellabant? BRA. Quis hoc ignorat? nam προπομα, &  
 προποματα appellabant, nos præpotionem, & propis  
 nationes Latine interpretari possumus. longe autem à  
 & propi syrupis quibus nunc vtimur absunt. Quippe Aëtius ca-  
 pite centesimo vigesimo quinto, libro. XIIII. potiones  
 natio an- ex melle & vino confectas προποματα peculiariter ap-  
 tiquorū. pellari tradit. Et Alexander Trallianus lib. IIII. capi.  
 XLIII. ( alijs locis omisis ) propomata facit ex aniso,  
 apio, althæa, absinthio, malis medicis, mastiche ad col-  
 li dolorem repellendum, pro hydrope autem capite  
 XXXI. propoma ex absinthio, cassia, id est nostra vo-  
 cata canella, spica nardi, & apio componit. Quæ potio-  
 nes nostrorum syruporum naturam sapere videtur. Sed  
 in vino potissimum parabant, & ex melle, quia illis nos-  
 trum saccharum deerat. Quandoq. tamen idem Tralla-  
 lianus in inflammatione iocineris, potiones ex aqua per  
 deco



decoctionem tribuit, quæ recentium syruporū vice funguntur, vt ex apij decoctione, quæ potionum genera Græci ἀποζέματα vocant. est autem capite. XV. tertijs lib. ἀποζέματα ex quibus certè habetur his potionibus humores concoxisse: & per potiones etiam capite. XXVIII. concoquit, & capite. XXIX. Quid autem opus est loca adducere? quippe constat cōcoctricibus potionibus totum Trallianum scaterere, licet alterius compositionis, & modi sint, quàm hic, quas nos syrupos vocamus, tamen in eundem finem factæ pro concoquenda materia. Nec turberis quòd aliàs dixerim calorem naturalem eum esse qui materiam verè concoquit, nunc autem hoc munus syrupis attribuam, quia ita esse constat solum calorem naturalem verè cōcoquere, Scyrupos autem ideo concoquere quia naturalem calorem augent, ideo in syruporum genere præsertim recentiorum multi sunt qui tantum alterant, & non digerunt, quia nec naturalem calorem augent, nec illi opem præstant, sed vel solum inasfrigidant, vel alia qualitate corpus afficiunt: ea autem apud Galenum potissimè concoquunt quæ humores extenuant, propterea. XXIIII. Aphorij. primi libri Galenus humores extenuat quos vult purgare Melicrato ex hyssopo, vel origano, vel tragorigano vel thymo, vel pulegio, quæ ab eodem authore in lib. Quos oportet purgare, quo tempore, & quibus medicamentis, referuntur. SEN. Quomodo interpretari potest id vocabulum ἀποζέματα? BRA. De frutum seu deferue factum à ζεῶ ferueo. erant autem ex herbis vel radicibus decoctæ, quæ frequenter post catapotia exhibebant. Imò &



apud Paulum Æginetam multæ potiones reperiuntur,  
 quibus humores concoquebat: & apud Aëtium, imò &  
 ante hos Oribasius Sardus, q̄ penè diuinus creditus est,  
 vt illo versiculo circumfertur, αἱ δὲ θεὸς σεβιὺς δι' ὃς φαί-  
 σι, hoc est Dignus honore Deum Dius Oribasius. 3. li-  
 bro potiones scribit, quæ vim concoquendi habent, &  
 ἡ δὲ α'. quæ à Græcis ἡδύα, & ὠφέλιμα, id est suauia, & utilia  
 nūcupantur. Galenus præterea aquam hordei, mulsum,  
 oxymel, & ante ipsum Hippocrates ægris propina-  
 runt: constatq; apud Dioscoridem & Galenum plura  
 vinorum genera fictitia quibus egri utebatur, quæ vim  
 nostrorum syruporum habere certum est. Ex his igitur  
 inferendum putamus aduersus quosdam recentes scio-  
 los, qui syruporum vsus demunt, Antiquiores authores  
 multa habuisse syrupis nostris proportionata, licet syru-  
 pis nostris non vterentur, nec componere scirent, illis ta-  
 men materias concoquebant: nam & extenuabant, &  
 vias parabant vbi opus erat. Si autem voluerim per Hip-  
 pocratis, Galeni, Pauli, Aëty, Sorani, (si is liber Sorani  
 sit qui publicè circumfertur) Tralliani, Aureliani, Celsi  
 loca edocere Antiquos potionibus concoquentibus vsos  
 esse, ex solis Authorum sententijs liber in iustum vo-  
 lumen cresceret, & institutum nostrum omittere opor-  
 teret. S E N. Satiùs duco syru-  
 pos trutina perpende-  
 re, & vno verbo contentos esse, Antiquiores mora-  
 borum materias potionibus concoxisse. Dic autem,  
 hic syrupus de corticibus citri iam citatus, conuenit ne,  
 an quicquam illi addi oportet? B R A S A V O L V S.  
 Præter ea quæ à Mesue dicuntur, valet etiam ad cea-  
 rebri,



rebrī, & cordis affectus frigidos, & ad omnes pituitosas ægitudines: ad has enim intemperies hoc syrupo frequentissimè vtor. Quippe mihi institui ab initio & prodesse ægris, & placere. SEN. Ideo optimos poëtas imitaris, qui simul & prodesse volunt, & delectare. BRA. Imò & optimos medicos imitari studeo, qui ea sectantur, quæ ab Hippocrate in Aphorismorum libro edocentur, vbi iubet ægro Paulò deteriore cibum exhibendum esse, modo suavior sit. Ventriculus enim illum amplectitur, & melius concoquit, quàm insuauiolem & medioliorem. Mihi enim illi medici semper displicuere, qui adeò seuerè suos ægros tractant tanquam Tyranni, vbi mitioribus & suauioribus rebus sanare possunt: quanquam & nimis indulgentes etiam accusem, qui omnia concedunt, huic communi sententiæ innixi: Quantitas nocet, non qualitas. SEN. Si possibile esset, omnia ad exactam regulam, id est mediocritatem ducere oporteret. Sed cum fieri non possit, plerunq; ægris (cum sine periculo est) indulgere conuenit. Nos autem ad prædictum syrupum reuertamur. BRA SAVOLVS. Vt lubet, pro citricorticibus quid sumendum sit, disputatum est, an citri extrema pars, id est vltimus ille cortex luteus, vel simul caro illa alba, quæ post corticem sequitur. Si cortex ille extremus sumatur, calidior est syrupus: nos autem totum id sumere consueuimus à luteo cortice vsq; ad succum. Ego potius laudarem vt extremus cortex cum aliqua carnis parte, ad quantitatem



semipolicis sumeretur. Quibus citrea poma defunt, hi ex limonum corticibus parare possunt, quamuis nulla virtus in his corticibus in coquendo relinquatur, vel saltem pauca: propterea limonum cortices non coniunguntur. Si quis autem condire tentet, nullus sapor vel odor aut paucissimus relinquitur, demptis paruis limonibus, qui supra citra inserti sunt. Hi enim & dulcem succum, & corticem citri corticibus affinem habet. Potest etiam hic syrupus ex aranciorum corticibus fieri, tamen insuauis sunt illi cortices, quia amaritudinem habent gustui ingratam, quæ adhæret ventriculo, tamen illi confert si potui detur. Cum hic syrupus deest, plerumque citrorum conditura vtor, quæ corticum citrorum vires maxime suscepit. Id autem quod à Mesue dicitur (& sunt qui in iuleb proyiciunt ex corticibus citrorum partes conuenientes) tres sensus habere potest, Vnus est ut doceat, syrupum de corticibus citri hoc modo fieri posse, Cum iuleb sit, & prope cocturam suam peruenerit: nam (ut suo loco ostendemus) particularem cocturam exigit, in ipsum citrorum cortices pone, & ad cocturæ finem bullire sinas, Tunc syrupus de corticibus citri (præter modum iam edoctum) perfectus est. Secundus modus, qui sententiæ Mesuæ applicatur est, ut ad primi syrupi modum, quando prope cocturam accedit citrorum cortices addantur, quantitati iuleb, id est iam syrupi perfectionem accipere volentis, pro ratione tamen, ut non sit plus quam oporteat, nec minus. Etenim in decoctione quinque librarum aquæ libra corticum sit, & viginti unciae relictæ sint, & vna zuchari libra addita sit, quæ  
ad



ad spissitudinem facit: duæ vnciæ corticum citrorum sumantur, vt syrupo vis fortior reddatur, quoniam ex longa ebullitione priores cortices vires aliquas amisisse videntur. Itaq; cor, cerebrum, & ventriculum vehementius iuuabit. Nec te lateat quòd hoc nomine Iuleb ipsum Syrupum intelligit, vt pluribus etiã locis videre licebit. Tertium sensum omnes ferè pharmacopolæ sequuntur, vt non legant corticum citrorum, sed cidoniorum, quod re ipsa quidem conuenit, tamen nec ab re est, citrorum legere, & non cidoniorum, quandoquidem ex citris quocunq; anni tempore fieri possit, ex cotoneis, non nisi statutis, nisi quis siccos cortices seruet, tunc autem vires amittunt. Imò & annis superioribus citra sola hyeme ad nos ferebantur, nunc nullum est anni tempus, quo citra desint, imò & incorrupta seruantur, & Italia nunc citreta habet amœnissima pluribus locis opere topiario disposita, fundis mirè consita sunt. Et apud Anxures & Formias. Anxur, quæ à viarũ asperitate nomen sortita est secundum recentes, tamen secundum antiquos Anxur dictum est quòd ibi Iuppiter imberbis coleret: quasi ἀνευ ξυγός, id est sine nouacula, nunc vulgò dicitur Terracina. Formiæ autem molla prope Caietam in via Appia spatio tribus millibus passuum plus minus. SEN. Multi sunt pharmacopolæ qui cidoniorum cortices in vltima coctura accipiunt, aly citrorum. Quibus inhæretur? B R A S A. Hoc nihil refert, quoniam hic syrupus à Mesue sine his paratur: Deniq; addit aliquos esse, qui prædictos cortices addere voluerunt, propterea quoscunq; cortices sumere, non magnificerem. Id tamen



summè optarem, vt duo syrupi ex corticibus citri para-  
rentur: Vnus, qui hos cortices reciperet p aliquot dies  
ex aqua maceratos pro effœminatis & delicatioribus  
viris. Alius ex cortice non macerato, pro his qui ama-  
ra potare non verentur: Nam si hic cortex sine mace-  
ratione ebulliat, extremam quandam amarulentiam in  
decoctione relinquit, quæ tamen huic syrupo effica-  
ciores vires præstat, vel primum ex maceratis corti-  
cibus dimittas, & citrorum conditorum condimento,  
illius loco vtaris. Hic etiam syrupus delectabilior effi-  
cietur, si in Iuleb ferè decoctum, cortices ponuntur:  
Nam zucharum ita densatum amaritudinem in ipsum  
imprimi non sinit, & ita delectabilior efficietur, sed  
minus efficax. S E N. In his tuis prædictis, non ad-  
erit muscus, nec seta tincta in chermes. B R A S A V O.  
Imò vt plurimum ex mosco componunt. An verò seta  
illa in chermes tincta poni debeat, non magnifacio:  
quia nec Mesue dicit eam setam necessario in huius sy-  
rupi decoctionem ingredi: Imò inquit perfectiorem es-  
se. Quod an verum sit ambigimus. S E N. Quid sit mus-  
scus abs te discere capio: de eo enim in simplicium exa-  
mine tractare obliti sumus. B R A S A V O L V S. Quæ  
de nostro vocato mosco his oculis hausi, ea audacter  
enarrare tentabimus. Antiqui, hoc est Hippocrates, Dio-  
scorides, Galenus, & Plinius Galeno antiquior, & for-  
tè in his perquirendis accuratior, nusquam de mosco lo-  
cuti sunt: Intelligo autem de nostro vocato mosco odo-  
rato, quia muscum herbam & marinum muscum ad vna-  
guem pertractarunt: De mosco autem vel moscato nihil  
vnuquam

Musculus.



anquam apud hos inuenire licuit : Græci autem posteriores vt Aëtius , & Paulus , musci quidem vel mosci meminere , quid autem sit non exponunt , sed apud ipsos in compositionibus quibusdam mixtus inuenitur , vt apud Aëtium legere potes libro . XVI . capite . CXVI . & deinceps in omnibus compositionibus quas moscatas appellat , quia moscum recipiunt , in ipsis mixtum inuenies . SEN . Quomodo profectum est muscus vel moschus ? BRASAVOLVS . Nos muscum & muscatum dicimus , & apud Plinium muscus herba in Cyrenaica prouincia odorata nascitur . Græci posteriores moscum appellant , Mauritani Misch . Non est mihi curæ quomodocumq; nuncupetur , vel cum aspiratione , vel sine aspiratione scribatur , quoniam nulli sunt probati authores qui de eo loquantur : Suaderem tamen quod posteriores Græcos imitemur , Moschum dicentes . Quod nomen hinc nonnulli dictum putant , quia Græci animal hoc ex quo moschus colligitur , vitulorum colorem habere iudicarunt , quos  $\mu\sigma\chi\omicron\upsilon\varsigma$  &  $\mu\omicron\chi\alpha\gamma\epsilon\iota\alpha$  appellant . Alij inquit ita appellari , quia Græci priamos stolones  $\mu\sigma\chi\omicron\upsilon\varsigma$  vocant . Moschus autem odoratus , est tanquam in eo animante stolo . Quicquid , tamen sit , cum Misch Afrum nomen esse nouerim , & in Africa potissimum hæc animalia nascentur , arbitror à Misch moschum recentes Græcos deflexisse , fit autem hoc modo : Animal est ( quod Alphonsus illustrissi . Ferrariæ Dux quandoque in delicijs habuit in sua Padana insula quæ Alcinoi hortos



æquat) in Ægypto, & pluribus Africæ locis in colore ceruo simile, dorcade aut capreolo paulò maius, & nonnunquàm æquale. in figura capreolo simile, ungues multifidos habens vt capreolus, agile valde, & velocissimè currens, quod incolæ gazellam appellant, Nos caz pream vel dorcadem peregrinam nuncupare possumus: quamuis nonnulli voluerint, diuersum animal à gazella esse, id in quo nascitur moschus. Quicquid tamen sit, quia de incertis nominibus cura esse non debet, illis inhæremus qui ex illis partibus proficiscentes gazellam appellari dicunt. Venetys mercatores vidimus qui illud strissimo Alphonso Duci Ferrariæ gazellam vendere cupiebant, moschum in folliculo habentem: Quippe in hoc animante superfluis sanguis circa vmbilici partes colligitur, qui sanguis primò foetet, deinde paulatim maturatur, quousq; ad suppurationem perueniat, & magis ac magis continuò redolet: Inest autem his beluis naturalis instinctus, cum huius abscessus maturitatem persentiunt, lapidibus atq; arboribus tumorem confriscant, quoad duram pellem extenuantes pus exeat, quod odoratissimum est: hoc incolæ colligunt, & est moschus odoratissimus qui sponte fit, & vi ab animali non demittitur: Tamen si in ea vltima maturitate ab animali sumeretur eandem ferè perfectionem haberet. Qui autem colligunt, folliculos ex alys gazellis abreptos habent quos implent hoc perfectò pure, antequam maturuerit graue olet. Venetys Gazellæ folliculum odorare volui cum esset animali iunctus, omnino grauem odorem habebat, quia nondum ad maturitatem peruenerat. Si autem acci  
dat



dat ab animali auferri antequam abscessus concoctus sit  
vt auferri debeat cōcoquitur quidem, sed ineptius olet.  
Ad nos perfectus in copia non affertur, sed folliculi so-  
lum vi ab animali abrepti, ex orientalibus et occiden-  
talibus partibus ad nos comportatur: perfectior est ex  
oriēte allatus, præsertim ex illis partibus in quibus nar-  
dus, et odoratæ herbæ nascuntur. Si folliculus ab ani-  
mali dematur, ad moschum progignendum deinceps  
aptum non est. At si sponte sua exeat in maturitate cons-  
fricando, tunc iterū atq; sæpius moschum facit. Eiusmo-  
di animalia moschum quidem maturant apud nos si has-  
buerint quando conuehuntur, illa etenim sanies ad co-  
cturam venit, tamen iterum non emittit pus, aut ineptè  
emittit. Quod ratione cœli, aëris, et earum rerum quib-  
us viuit euenire arbitror. Nec aliud excogitare pos-  
sum quàm tumorem illum, præter naturam toties repeti-  
tum materiam esse, quæ naturaliter in eo animante per  
illam viam per modum crisis expellatur. Sicut in multis  
alys menstrua sunt: nec id animal diu viuere posse nisi ita  
expurgetur, propterea in nostro cœlo breui expirat.  
Nunc in mentem venit, qd odoratissimū moschum Vene-  
tijs viderim, subnigrum, quem mercatar quidam habebat,  
et ex prouincia Cathai se attulisse fatebatur, iter  
non ineptum sibi fingens per mare Euxinum, Colchum,  
Ibericham, Albaniam, quo ad in Scythiam peruenerit:  
Est enim Cathai regio Scythiæ extra Imaum pars.  
Nec mirum videatur, quoniam eo loco regio est à Pto-  
lomæo vndecima Asiæ tabula Randamarcostra nuncia-  
pata, in qua nardus abundat, et quam Setus fluius



alluit: Incolæ regionem, vbi optimus moschus nascitur, Ergimul vocant, particularem verò urbem, Singui.

SEN. Mirum est quomodo pus adeo redolere possit.

BRASSA. Non mirum, quia omnibus non redolet, imò aliquibus ita displicet, vt noceat, alij odorantes capitis dolorem incurrunt, alij attonitum morbum, Mulieres præfocationem vteri. Nobis humanum stercus mirè displicet, non solum ob odorem, sed & visu, tamen carnes & gallinæ eo vescuntur, tanquam re odoratissima, quia eorum odoratus à nostro longè diuersus est, & multa brutis sapiunt, quæ nobis amara videntur: ideo non mirum si hominibus id, quod pus est alterius animantis, redoleat, cum in maturitatem peruenerit.

SEN. Nunquam deinceps hoc pure in condimentis utar. BRASSA. Multa dimittere oporteret, si vnde veniant, & quid sint considerentur: quæ tamen optima opsonia sunt, vel ex ijs saltem optima parantur: sed

quod intrat per os non coinquinat hominem, iuxta Christi sospitatoris sententiam. Si harum rerum rationem habere volueris, nunquam pinguis fies. SEN. Dicas, qua qualitate moschus insigniatur. Calidum esse nemo dubitat, & etiam caliditate insigni, quod sanguinis concoctio indicare potest, præter experientiam, quæ rerum magistra est. Si enim corpori nostro applicetur, manifestissimè calefacit. BRASSA. Varias & diuersas partes habere facile deprehendi potest. Quòd

siccitatem habeat, ex eo videtur, quia si corpori nostro applicetur exiccat, & præterea odor in sicco fundatur, vt Aristoteles in Meteoris, & in libris de Anima docet.



cet. habet præterea suauitatem annexam, qua multorum capita aggrauantur & replentur. Auicenna calidum & siccum esse in secundo ordine iudicauit. Nos autem ab eo multas partes humidas non remouemus, & humiditas eius multum crassa est. Additq; Auicenna citrinum, id est luteum cæteris perfectiorem esse. Nos autem huius coloris moschum nunquam vidimus, nisi per citrinum ferrugineum colorem habentem intelligat. Hæc de moschi generatione & qualitatibus.

SEN. Post moschum quid granum sit apud antiquos scire percipio, ne errem in moschi pondere, quod grana quatuor esse debet: video autem aliquos siliquæ semen, alios triticum, alios hordeum sumere. BRASA.

Ne sis mihi in hac re molestus, quoniam de ponderibus aliàs seorsum tractabimus, rem optimè ostendentes, non ex aliorum scriptis, sed ad oculos: quia nobis institutum est, potius sensibus loqui, quàm aliorum scripta imitari, præsertim vbi ex antiquis sensatæ rationes habentur.

SEN. Magnam moschi copiam singulis annis ianioribus vendo, ad venerem excitandam. BRASA. Id mirè facit, si cum oleo cicino quod vos de Kerua appellatis, componatur: imò si virile membrum eo vngatur, adeò mulieres in Venerem proritat, vt varys & inusitatissimis motibus clunes moueant. Id faciunt qui in sui gratiam & amorem mulieres ducere cupiunt: quod indicium est calidum atque siccum esse: eius etiam odore vterus mirè trahitur, propterea eius vsus in pessarijs maximus est, præsertim in vteri strangulatu. SEN. Ingreditur & hanc compositionem seta in chermes

Moschus  
ad. vene-  
rem exci-  
tat.



tincta. B R A. Id ex duabus causis factum Arabes putant. Primo, quia setam confortare cor arbitrantur, ut Serapio capite. XXVIII. Aggregationis, & Auicenna in libello de viribus cordis scriptum reliquere. Secundo, putant chermes, & ipsum cordis confortatiuum esse, & setam calidam & siccam cum temperamento. S E N. Es'ne tu alterius sententiæ? B R A S A. In hac re quic

**Seta.** quid senserim enodare tentabo. De seta in primis sermonem faciens, quam antiqui sericum appellarunt. In Italia antiquiori tempore non nascebatur: nunc passim habetur: & omnes Ferrarienses mulieres ferè eius natales norunt & artificium. Vnum tamen est quo moueor ut non possim nostram vocatam setam sericum appellare: quia sericum ex arbore depectitur apud Seres.

**Sericum.**  
**Seres.** Sunt autem Seres populi in Scythia extra Imaum montem, ut Ptolemæus. XI. Asiæ tabula docet: in quo loco sericum nasci capi. X V I I. 6. libro. Plinius scribit, inquit: Seres, lanicio sylvarum nobiles, perfusam aqua depectentes frondium canitiem: vnde geminus foeminis nostris labor, redordiendi fila, rursumq; texendi: Tam multiplici opere, tam longinquo orbe petitur, ut in publico matrona transluceat. Seres mites quidem, sed & ipsi feris persimiles, cœtum reliquorum mortalium fugiunt, cum commercia expetant. Hactenus Plinius. Ex quibus colligere licet supra arbores, & arborum folia sericum nasci, & à vermiculo non fieri. Aliàs autem arbitratus sum, vermes supra arbores suapte natura ascendere, ibiq; & depasci, & sericum facere: at supra folia fieri planè cōstat. Hos populos Ptolemæus Sericos appellat,



appellat, vbi Serici montes sunt: quamuis Plinius Ser-  
 ries vocet. Sericum nunquam vidimus quod sciamus, ta-  
 men Scythicas vestes, mappasq; Scythicas, & sudarios  
 la obseruauimus, quæ ex alia materia esse quàm sit nos-  
 tra seta comperimus. Cum Plinio Virgilius est, in-  
 quiens: Velleraq; vt folys depectant tenuia Seres. &  
 Ausonius in singulari Ser dicit, in plurali Seres. Quod  
 præcitato Virgilij loco Seruius animaduertit: est autem  
 Ausony carmen, Iam pelago volitat mercator vestis  
 fluus. SEN. Ex his igitur constat Antiquorum seris-  
 cum nostrum non esse, quia ipsi è folys lanuginem quan-  
 dam aqua depectebant, deinde filabant, vt deniq; tes-  
 las contexerent. Sed de quo miror Pausanias est, qui  
 non vult sericum dici eo quòd apud Seres nascatur, sed  
 potius Seres à serico denominationem habere. Nam Ser. Ser.  
 est (vt inquit) nomen vermiculi qui sericum facit, à  
 quo & sericum & Seres denominantur. Quod an ver-  
 rum sit, non reperio: imò oppositum constat, vt Soli-  
 nus capite LVIII. testatur, idem ferè cum Plinio scrib-  
 bens. Inquit enim: In tractu eius oræ, quæ spectat  
 æstium orientem vltra inhumanos Scythas, primos homi-  
 num Seres cognoscimus, qui aquarum aspergine  
 mundatis frondibus vellera arborum adminiculo de-  
 pectunt, liquoris & lanuginis teneram subtilitatem  
 more domant ad obsequium: hoc illud est sericum in  
 vsum publicum damno seueritatis admissum, & quo  
 ostentare potius corpora, quàm vestire, primò fœmi-  
 nis, nunc etiam viris persuasit luxuriæ libido. Et reli-  
 qua de earum gentium moribus, quæ & Plinius &



ipse referunt. Ex quibus habetur, arboris lanam potius esse sericū, quā nostra à vermiculo facta seta : quamuis serici nomen ad omnes arbores lanigeras vsurpemus. Constat equidem apud alias plures gentes, præter Serias lanigeras arbores inueniri. Omnis autem eius generis lanugo sericum dicitur, quia ea quæ apud Seres nascitur cæteris perfectior est, vnde per excellentiam aliæ lanugines sericum appellantur, tamen & suo particulari nomine insignita sunt. Plinius cap. XI. lib. XII. in Persia Gosopinos arbores appellat, qui circa fruticem lanuginem habent, ex quibus lintea fiunt Indicis præstantiora. In Arabia præterea Cyna arbor reperitur, ex qua vestes fiunt : & Insula est in Persia, quam Plinius capite. X. lib. XII. Tylus vocat, in qua arbor est cucurbitam faciens cotonei mûli amplitudine, quæ maturitate ruptæ ostendunt lanuginis pilos, ex quibus vestes pretioso linteo faciunt. Hæc omnia à nobis serica nuncupantur : quamuis Plinius dicat has arbores lanigeras esse alio modo quā serum. Si autem rem interius contemplari voluerimus, ex his telæ fiunt quæ à nobis bombycinæ appellantur : Nos etenim herbam habemus, ex qua bombycinæ vestes ita à nobis vocatæ fiunt, quas Latine Gosopinas dicere possumus. Ea autem lana ab aliquibus inter lina numeratur, vnde xyulina dicuntur : quamuis ab alijs inter lanas esse indicentur. Plinius inter lini genera xylon numeravit, vnde xyulina lina. Adde quod capite primo lib. XIX. etiam Gosopium vocat. Nos omnia ea, quæ ex arbore, vel herba nascuntur, potius inter lina numerare suademus, quæ



quæ autem ex animalibus inter lanas : quamuis inter hæc etiam non multum discriminis facere, nec cum alio, qui secus dixerit, digladiari voluerim. Sunt verò qui contenderint Seres idem sericum habere, quod apud nos est, & illud vermiculos facere, nec supra folia nasci, cuius sententiæ Volateranus est, cui non solum non assentimus, sed de eo miramur, qui Plinium quem non rectè intelligit, reprehendit : nanque dicit non nasci supra folia, nisi illuc vermiculi scanderint. Sumit autem argumentum Volateranus ex Virgilio secundo Georgicorum supra citato, dicente, Velleraq; ut folijs depectant tenuia seres. Addit Pausaniæ authoritatem in fine sexti libri dicentem, σὺς appellari vermiculum, idest ser, quo sericum fit, vnde Seres populi apud Indos, quod his potissimè abundant. Addit & Procopij sententiam de serico in Europam aduecto, hoc autem est primo libro belli Persici, vbi inquit : Ad Iustinianum principem duos monachos eius semen ( ego potius oua, quàm semen nuncuparem ) ex Serinda Indiæ ciuitate Constantinopolin attulisse : ex coq; deinde sub fimo posito Paulatim vermiculos emersisse, qui mori folijs enutriti sericum fecere. Inde transfusum est per reliquam Europam. Ut autem Volaterani sententiam magis affirmemus ea addam, quæ à Diuo Ambrosio capite. XXXIII. quinti Hexameron dicuntur, vbi inquit : Et quia de volatilibus dicimus, non putamus alienum ea complecti, quæ de verme Indico tradit historia, vel eorum relatio qui videre potuerunt, forte hic corniger vermis conuerti primum in speciem



caulis utq; in eam mutari naturam in processu quodam fieri bombilis, nec eam tamen formam figuramq; custodit, sed laxis, & latioribus folijs videtur pennas assumere. Huc accedat pro Volaterano Seruij testimonium, qui secundo Georgic. inquit. Apud Indos & Seres sunt quidam in arboribus vermes, qui bombices appellantur, qui in araneorum morem fila tenuissima deducunt, unde est sericum: nam lanam arboream accipere non possumus, quæ ubiq; procreatur. ex quo Seruij testimonio sumi potest, apud Seres vermiculos esse, qui bombices dicuntur, sericum facientes: & non esse lanam supra arbores, quia hæc ubiq; habetur. Accedat in hunc cumulum, quod aqua calida sericum nostrum deducitur. Nec prætermittamus Suidæ testimonium, qui idem refert quod à Procopio dictum est, duos peregrinos seniores vel presbyteros, non autem Monachos, ut Procopij interpretes retulit, & etiam à Volaterano refertur: quanquam non dubitem Iustiniani tempore monachos fuisse, hi ad Iustinianum detulere.

Suidæ autem verba ( ne fortè desideres ) hæc sunt: σήρες ἔθνος, ἐν ᾧ ἡ μέταξιν γίνεται, ἐξ ἧς καὶ σερικὰ τὰ ἐν μετὰξιν ὑφασμένα λέγονται, καὶ σήρ, ὁ σήρεος, σκώληξ. σερικὴ, ὅτι ἡ μέταξιν ἐστίν, ἐξ ἧς ἐώρεσαν τὴν ἐωδήτα ἐργασθεῖσθαι ἡν πάλαι μέν ἐλληνες μηδικὴν ἐκάλεσαν. τὰ δὲ νυν σερικὴν ὀνομάζουσιν, ἐπὶ δ' ἐ' ἱουστίνανου πρὸς αἰεὶ ὅπως πρὸς βουλεύονται ῥωμαῖοι, ὅπως οἱ αἰετοὶ ἀνενεμενίστην μετὰ τὸ ξανὸν ἐξινδῶν, ἀποδ' ὁ μὲν δ' ἐ' αὐτὴν ἐ' ῥωμαῖοις αὐτοὶ μέν κύριοι γέγονται, μεγάλων χρημάτων ῥωμαῖοις δὲ τοῦ το πείσσωσι κερδαίνειν μόνον, ὅτι δ' ἡ οὐκ ἐ' ἀναγκαῖα δ' ἵσονται τὰ σφέτερά κ' ἄντον χρημάτων ἐς τοὺς πολέμους μετενεγκέν, καὶ σ' ἡ' ἐ'



• πρῶτον ὑπὸ τοῦ καὶ σερικὰ ἰμέτια. Quem si interpretari  
 voluerimus, hæc dicit: Seres gens, apud quam  
 ea, quæ vulgò à nostris seta dicitur à Græcis me-  
 taxa, gignitur: vnde & serica dicuntur, quæ sunt  
 ex seta contexta: & ser seris vermiculus. Sericam  
 idem est quod metaxa, id est seta: ex quo consueverunt  
 vestem conficere: quam olim Græci medicam vocabant:  
 nunc sericam dicunt. Tempore Iustiniani imperatoris  
 Romani ad Æthiops legationem miserunt: vt Æthio-  
 pes euentes sericum ab Indis & id per manus tradentes  
 Romanis: Ipsi quidem magnam pecuniarum vim com-  
 pararent: Romani verò hoc vnum lucri facerent: ne co-  
 gerentur in hostes suam pecuniam transfundere: hinc di-  
 citur & filum sericum & sericum vestimentum. Nos au-  
 tem ab his dissentire cogimur, quicunq; hi sint qui Pla-  
 nio aduersari volūt, quippe scimus sericum apud Seres  
 in arborum folijs nasci, tanquam lanugo, vt supra coto-  
 nea mala lanuginem videmus. Ampla autem est, & ob-  
 longa apud Seres, vt filari possit: quod non solum ex  
 Plinij testimonio scio, sed viros allocutus sum, qui totam  
 Scythiam peragrarunt, hi referunt supra arborum folia  
 nasci, & ipsa folia reduci. Huc afferam Amiani Marcel-  
 lini testimoniū, qui libro. XXIII. Idem cum Plinio sen-  
 tit inquit, Agunt ipsi quietius Seres, armorum semper  
 & præliorum expertes, utiq; hominibus sedatis, & pla-  
 cidum est otium voluptabile, nulli finitimorum mole sti.  
 Cæli apud eos iocūda, salubrisq; temperies, aëris facies  
 munda, leuiumq; ventorum commodissimus flatus, & ab-  
 bundè syluæ sublucidæ, à quibus arborum foetus aqua



rum asperginibus crebris velut quædam vellera molliē  
tes ex lanugine & liquore mixtam subtilitatem tenerri  
mam pectunt, nentesq; subtegmina conficiunt sericum,  
ad vsus antehac nobilium, nunc etiam infimorum: sine  
vlla discretionē proficiens. Ipsi præter alios frugalissī  
mi, pacatoris vitæ cultores, vitant reliquorum mortaliū  
coetus, cumq; ad coēmenda fila vel quædā alia transeunt  
flumen aduenā, nulla sermonum vice propositarum res  
rum pretia solis oculis æstimant, & ita sunt abstinentes  
apud tradentes genita, nihil ipsi comparant aduentit  
tium. Ex quibus manifestē colligitur Marcellinum idem  
cum Plinio sentire, & verē sentire: eos autem longē de  
cipi qui aliter sentiant: nam sericum verē lanugo est sup  
pra arborum folia concreescens. S E N. Authores tamen,  
quibus innituntur, despiciendi non sunt. B R A. Non  
equidem si ab illis intelligerentur. S E N. Volateranus  
igitur authores non intelligit? B R A. Non lubet supra  
hanc rem iudicium ferre, fuit equidem vir multæ lectio  
nis Volateranus, sed non multi iudicij, qui non animada  
uertit alios authores à Plinio aberrare potuisse: nempe  
difficile est Plinium summum virum taxare, non quia &  
ipse vir non sit, sed difficile, quia nisi certas, & statutas  
rationes habeamus, silendum potius est, quàm incerta ef  
futare. Vt autem exquisitius recentiorum errores ostens  
dam, qui volunt apud Seres vermiculos esse supra arbo  
res, & non foliorum lanugines, id scire te volo apud an  
tiquiores nostrum sericum bombycem appellari: nam vt  
Plinius libro. XI. capite. XXII. docet, in Assyria genus  
est bombycum nidos luto facientium, & ceram longē co  
piofius



piofius quàm apes parientium: hic nō est vermiculus iste qui noſtram ſetam facit, ſed erucæ genus eſt. Deinde addit eſſe aliam originem huius vermis: nam habet duo veluti cornua, nec iſ eſt qui noſtram ſetam faciat. Poſtea inquit: ſit bōbilis, ex quo necydalus, ex hoc in ſex menſibus bombyces telas aranearum more texūt ad veſtem, ad luxum virorum ac ſcēminarum, quæ bombycina appellatur: hic eſt ille vermiculus, cuius oua inter mammæ noſtræ mulieres fouent, & vermiculi naſcuntur ſetifici paſſim per totam Italiā nunc, de quo elegantiffimè Hieronymus Vidas Mantuanus cecinit. SEN. Igitur noſtra ſeta apud antiquos bombyx erat? BRA. Erat equidem, & Plinius capite. XXIII. eiufdem lib. XI. tertium genus ponit in Co inſula inuentum, quod propriè ad nos perlatū eſt in Italiam ex folijs arborum caducis natum: & hoc eſt ex quo propriè noſtra vocata ſeta fit. & quamuis ex cupreſſi, terebinthi, fraxiniq; folijs naſcatur, & furſure paſcerent, tamen inuentum eſt temporis proceſſu morum maximè amare, quamuis & alia quælibet folia amet, ſed non ita bene ſetificat, Mulieres Ferrarienſes in primo vere antequam mori folia eruperint (quia poſtrema arborum morus germinat, ideo ſapienſiſſima nuncupatur) ſuos vermiculos lactuca nutriūt. Vehementius nigræ mori folia amat, & propterea ſi hæc comederit elegantius ſericū, & abūdātius facit. Noſtra igitur ſeta ſericū dici nō debet, ſed bōbyx, quia ita apud antiquos appellabatur. SEN. Quid ergo erit, quod vulgo bōbaſo dicitur. BRA. Quod ab antiq; gōſo piū vocabatur, ex arboribus vel herbis, Nos cottonū vulgo dictū



habemus: In Creta nascitur ex frutice parvulo. fructum similem barbatae nuci ferentem. In apuleia, & Oenotria etiam frequentissimum habetur, & in Maltha insula prope Siciliam, quam superioribus annis equites Hierosolymitani vel Rhody Rhodo amissa non vi, sed prodicione, sibi Coloniam elegere. Nos etiam Ferrariae cottonum vidimus, & plantauimus, accollegimus: Quare cottonum nostrum, sericum potius appellandum duco, quam nostram setam, quia omnia lina (hæc ita nunc appellantur) quæ vel ex arboribus vel herbis initium sumunt, potius serica nuncuparem, quam bombycem, si proprium nomen non haberent, tamen habent, quia quod apud Seres nascitur sericum dicitur: quod in Oenotria gosipion. Nostra autem seta ab antiquis bombyx dicta est, à nobis seta, quoniam primi panni ex ea confecti longiores villos in morem setarum habebant: est enim seta quasi sueta in sue pilus. Illud tamen prætermittendum non est, posteriores Græcos hoc nomen sericum, etiā nostræ setæ à vermiculo factæ attribuisse, & σινικόν. σινικόν dixisse, quamvis & μετὰ σινικόν appellēt. SEN. Ea quæ de serico à te enumerata sunt, breuibus collige. BRA. Libenter, cottonum vel bombaso Gosopium est apud antiquos, nostra seta bombyx: quamvis & recētes Græci σινικόν, id est sericum appellent, sed diuersa appellatione, quia antiquum sericum ita nuncupatum est, quia apud Seres fit, in Scythia, id est Tartaria, & inde pulcherrimum ad nos fertur, & pulcherrimas texturas Scythicas obseruari, quæ aliam speciem habebāt quàm nostra seta faciat. Nostra autem seta dicta est sericum à  
seto



fete vermiculo ipsam faciente: ita enim hic vermis in ali  
 quibus Indiae partibus nuncupatur. SEN. Vnum est,  
 quo discrucior, quid scilicet ad eorum virorum authorita  
 tes dicendum sit, qui oppositum sentire videntur. BRA.  
 Dicas à recetibus non rectè intelligi. Nā Virgilius pro  
 nobis est, quando depectunt tenuia vellera folijs: Pausa  
 nias autem dicit Seres esse Indiae populos, quamobrem  
 opus est esse alios Seres in India, quàm apud Scythas.  
 Non defuere tamen qui procures apud nos appellantur,  
 dicentes Seres in India esse, & Scythiam esse Indiae par  
 tem, qui quantum hallucinentur, clarum est Cosmogra  
 phos considerantibus. Nam Scythiam diuidunt in Scy  
 thiam extra Imaum montem & Scythiam intra Imaum  
 montem: Seres & Serica regio sunt in Scythia extra  
 Imaum montem, cuius termini hi sunt, Ab occasu habet  
 alterā Scythiam & Sacas, à septentrione terram inco  
 gnitam Ptolemæo, ab ortu Sericam, à meridie partē In  
 diae extra Gangem, similiter Serica à meridie partē In  
 diae extra Gangem, vt videre liceat Sericam aliam pro  
 uinciam ab India esse si in Scythia sit: si autē per se pro  
 uincia sit, adhuc ab India diuersa est, quia ad Indiam à  
 meridie terminari dicit à Ptolemæo. Adde Indiā trās  
 Gangem dicitur terminari ad Sericam: nam ab occasu al  
 teram Indiam habet, & Gangem fluuium: à septen  
 trione, Scythiam, & Sericam: ab ortu, Sinarū regionem:  
 à meridie, Indicum pelagus. Propterea, quod à Pausa  
 nia dicitur, Seres populos esse apud Indos à sere vermi  
 culo denominatos gētes alias esse, putare oportet, quàm  
 quæ in Serica apud Scythas viuunt: nam in India, maxi



ma nostræ setæ copia est, cuius maximum emporiū in Ca-  
 lechut fit: quamuis & ex Serica regione illuc afferatur.  
 Vides etiam, quod ex Procopio adducitur esse apud In-  
 dos, non inueniri apud probos authores, aut Serindam,  
 aut Seres in India: arbitrorq; monachos illos non attulisse  
 vermiculorum oua, aut ex Serica, aut ex Serinda, sed  
 potius ex Assyria, vbi maxima est horum vermiculorū  
 copia, & inde Constantinopolim facillimus est transis-  
 tus. Quod præter rem non est, illos monachos ex Hieru-  
 salem & partibus Syriæ venisse, aut fortè ex Seri regio-  
 ne venire, quæ in tractu est regionis Colchicæ. vel cum  
 nostro hoc tēpore in Persia, Eri, sit vrbs ita fortè dicta  
 corrupto vocabulo quasi Seri, in qua ingentissima est hu-  
 ius setæ copia, adeo vt totus alicuius etiam magne vrbs  
 populus seta vestiri possit, quæ à vermiculo fit, fortè illi  
 monachi inde venire. Quod verò additum est ex Diuo  
 Ambrosio, nihil ad rem, quia de verme Indico sermos  
 nem habet, non autem de Serica regione. Nos autem fa-  
 temur nostrum vermiculum ex India allatum esse, aut ex  
 Eri parte Persiæ in regione quæ Chorazani nunc dicitur:  
 quamuis & ex Colcho, & ex Tyro, & ex tota As-  
 syria potuisset Constantinopolim à monachis, aut senio-  
 ribus quibusdam ferri. Seruū autem testimonium satis vi-  
 deretur, nisi maior esset Plinij, Marcellini, Solini, ac  
 Melæ autoritas, & etiam veritas oppugnaret: mirorq;  
 de ipso qui dixerit, nos lanam arboream accipere non  
 posse, quæ ubiq; procreatur: quia arborea lana, quæ ser-  
 ricum sit, non nisi apud Seres procreatur. SEN. Breui-  
 bus quæ dicta sunt conclude. B R A. Nostra seta apud  
 antiquos,



antiquos, bombyx est apud posteriores. Sericū, nō quidem deductū à Serica regione, sed à sere vermiculo. Nostrum cottonum vel bombasum gossipion est. SEN. Fertur ne sericum ad nos è Serica regione? BRA. Fertur quidem, et præsertim pulcherrimæ vestes feruntur, sed à nobis tota ea pars Tartaria nuncupatur, quamvis post Ptolemæi tempora, regiones inuentæ sint & potentissimi reges, ac bellicosissimæ gentes post Sericā: quippe inuenta sunt, Tagus, Tholonia, Chairam, Cathay, & multa alia illis antiquioribus ignota, è quibus pulcherrima serica veniūt. Habes igitur quid sericum sit, & quòd nostra seta non sit verè sericum. An modò seta nostra calida sit, & cor confortet, inquirendum est, quod per duos tramites agere tentabimus. Primus est, via regia, id est experientia ipsa rerū magistra, ex qua manifestè deprehenditur setam siccam esse, sed an calida sit faciliè deprehendi non potest. Alia via est ex causis rerū sumpta, naturam horum vermium considerantes, & quibus nutriantur. Nutriuntur hi vermes apud nos mori folijs, quæ summo opere amāt, vnde ex horum foliorum qualitate, & setam esse putamus, quamvis nulla ferè sit herba, qua non saturentur: Imò Ferrarienses mulieres antequam mori germinauerint, lactucæ folijs libenter pascunt: sed opus sericum totum ex moro est, morus autem frigidam temperaturam habet, ideo & sericum nostrum frigidum esse censeo. An verò cor confortet, à nullo authore dicitur, qui fide dignus sit, Serapione & Auicenna demptis. Serapio tamen id non asserit, sed à quibusdam medicis dici asseueravit. Nobis autem ea cordi conferre videntur.



(vt Galeno placet) quæ odorata sunt, Seta autem non solum odorata non est, sed foetet, nisi ab alio odorem sumat: ideo à compositionibus quæ cor roborare habent, potius arcerem, quàm recipere voluerim. SEN. Tamen hic mos valde incaluit. BRA. Quicquid sit, & quomodo cunq; vsus processcrit, hanc esse veritatem non solum arbitror, imò scio, & potius alicuius cor roboras res, si cum serica veste donares, quàm si libram serici comederet. SEN. Nos sericum accipimus in chermes infectum. BRA. Et hic alius error est priore maior, quia sericum ita infectum in primis præparatur vt colorē recipere possit: præparatur autem liquido alumine, quo primo imbuitur, liquidum autem alumen vetriculo aduersatur: quomodo igitur hic syrupus aduentriculū valebit? Adde postquam sericum in chermes ebullitionem immersum est, statim in rem quandam immergunt, quæ nostra lingua Mistra nuncupatur: in quam gallæ ingrediuntur, ipsi pope appellant. Suaderem igitur, vt setam in chermes tinctam non acciperes. SEN. Quid igitur sumemus? BRA. Aut nihil, aut ipsum chermes sine seta. SEN. Vidi, qui granum tinctorum pro chermes acciperent. BRA. Hi minus despiciendi sunt, quàm qui setam in chermes tinctam sumunt. Sed quia facillimum est habere chermes, ideo potius ipsum habere cures, q̃ etiam vili precio assequeris, nempe Venetys non expendes pro qualibet libra, quatuor libras Venetas. Non est Coccus. autem coccus chermes, quia coccus est nostra vocata grana, quæ ex Cypro assertur, & in Italia etiam nascitur: unde multi decipiuntur qui putant chermes esse coccū. SEN.



SEN. Reperitur'ne apud antiquos chermes? BRA. Nō erat in magno vsu apud eos, tamen ipsum reperio: non tamen sub hoc vocabulo chermes, sed sub cocco. SEN. Rem inauditam dicis. BRA. Fortē magis miraberis si tibi dixerō in Italia esse chermes, & in Apennino, Regium Lepidi versus, nos excavasse, sed (vt arbitror) tinetur inieptum, tamen experti non sumus. SEN. Quid dicis excavasse? Chermes semē esse putabam. BRA. An semen sit an non sit, ambigo: quid autem putem, aut dubitem afferre non grauabor. Scito ex herbarum radicibus sumi, & non esse semen quod extra terram herbis insit. Ego frequenter excavaui, & granula circa radices collegi quæ breui tempore in vermiculum transeunt.

SEN. Quomodo transire possunt? sit'ne ex semine vermis? BRA. Aperitur semen, & parua quædam formica alata exit, quæ auolat, exterior cortex inanis relinquitur, qui ad tincturam nihil valet, & hic est coccivermiculus, qui apud Diuum Hieronymū reperitur, & in sacris literis legit' Tinctura ex vermiculo, id est re in vermiculum tendente, imò proprio vermiculi sanguine, in ea re quæ semen videtur, vel paruum onum incluso.

SEN. Quomodo prohibetur, ne in vermiculū trāseat? BRA. Cū ea semina, vel quicquid sint, statim à radice demuntur: in aliquibus locis aceto inspergunt, vt velox illa generatio extinguatur. In alijs locis in butyrum, aut pinguedinem iaciunt, quæ vermem extinguunt? SEN. Quæ herba est illa, cuius radicibus inhæret chermes? BRA. Multæ sunt herbæ, sed vna inter alias parua incisa multum, quæ pinpinellæ folia imitatur, tamen mas



gis incisa sunt. In multis Germaniæ locis colligitur, & in Polonia præsertim apud Crocouiam urbem regiam, circa Vistulum flumen: imò Poloni chermes appellant cleruicel, quod etiam nomen mensis est, in quo potissimum chermes colligunt: solum enim apud Polonos hoc mense colligitur. Et quod in Polonia nascitur alia plura in perfectione excellit. In Hetruria quoque nascitur, et Hetrusci putant genus pimpinellæ esse, & hanc herbam suo vulgari nomine strellam appellant, alij thrialmum. Nascitur autem & sub alijs herbis: nam Poloni tres herbas habent, sub quibus nascitur. Vna est, quam ipsi appellant nyedospialek, putant esse auriculam muris, tamen non est illa Dioscoridis, sed ipsi ita appellant. Nascitur & sub parietaria & sub siligine, quam Græci & Latini olyram, Poloni zito: nos segala vocamus. Sed hanc non excauant, quia maior est proventus ex siligine quàm ex chermes. S E N. Cur dubitas an semen sit? B R A. Quoniam in vermiculum transit. S E N. Apud nos etiam multa legumina vermiculi efficiuntur. B R A. Non ita citò, nec in vniuersum, sed ex corruptione, vna tantum parte leguminis in vermem transeunt, qui aliam partem comedit. Quòd autem sit ouum, & non semen, mihi persuadet etiam sub varijs herbis inueniri, vnde suspicor esse aliquorum vermium oua, vel subterraneorū animalium, vt suadet illa cita vermiculi generatio: & si vermiculū volatē digitis interfeceris, purpureū cruorem, aut purpuream humiditatem emittit, qua digiti inficiuntur: imò si in granis chermes, quæ Venetys venduntur, spectes, nonnihil inest quod vermiculi colorem habet.



habet. Adde quum senescit non tingere: quod indicium est humiditatem illam purpuream exiccari. Ideo suspicatus sum ouum esse, & non semen, & præsertim, quia & illa herba pimpinellæ similis: & aliæ, in quarum radicibus chermes inuenitur, aliud semen habent supra terram, quo progenerantur. SEN. Quid in causa fuit, ut in hoc syrupo chermes acciperetur, & seta in eo tincta? BRA. Quid sentiam aperire enitar. Quod Græci coccum dicunt, Arabes chermes, vel chesmen appellant. Ideo ubi in Arabum compositionibus ponitur chermes, coccus sumi debet, ut apud Serapionem videre licet, capite. CCCXXI. Verum quia granum id, quo setam inficimus, dicitur & ipsum chesmes, & nos charmesis num vocamus colorem illum floridum, & chermes hoc granum nostra vulgari lingua. Propterea recentes in Arabum compositionibus cum chermes inuenere, nostrum chermes accipiunt, cum potius coccum accipere debuissent, qui est verus Arabum chermes: ut facile videri potest si quis Serapionem, & Dioscoridem legat. Inquit enim Serapio: Chesmè apud Dioscoridem est arbustum, quod administratur ad accendendum ignem, et est medium inter arborem & herbam, cuius rami sunt multum subtiles, super quos sunt grana rotunda similia lenticulæ, quæ colliguntur & reponuntur, & conseruantur, & conficiuntur ad tingendum. Et melior grana est illa quæ defertur ex terris quæ dicuntur Galates & Andabusi, & ex Armenia, & secunda est illa de Siana & Lithia, & deterior omnibus est Hispana. Reperitur autem in arbore glandium interius Calchic animal

Charmesi  
nus color.



reslo sum paruum, simile limacis, & colligunt illud mulieres cum ore earum. Hæc Serapio ex sententia Dioscoridis, satis barbarè & infidè. Cui si Dioscoridem in capite de infestorio cocco perleges, idem cum suo chesmos esse deprehendes. Inquit enim Dioscordies: Κοκκὸς ὁ βοφικκῆ, id est granum tinctorū, surculoso nascitur frutice, cui grana lenticulæ adherent: leguntur hæc ad vsus, componunturq;. Optimum est è Galatia & Armenia, sequens ex Asia, Ciliciāq; pessimum ex Hispania. In Cilicia è roboribus provenit limaci paruo simile, quod loci eius mulieres exceptum ore, coccum specialiter appellant. Vbivides chermes apud Serapionem esse Dioscoridis coccum. Quid autem per id velit Dioscorides, quod mulieres excipiant ore, non possum aliud coniectari, quàm ita excipere vt melius seruetur: inde enim non nihil maturitatis cōtrahitur. Aliter enim quid sentiat, imaginari non possum, nisi codex corruptus sit, & aliquid desit: imò aliàs putavi coccum Dioscoridis esse nostrum chermes, & mulieres ore accipere, ne in vermiculum transiret. Sed hoc me dimouit à tali sententia, quia dicit nasci frutice surculoso: herba autem est, ex qua nostrum chermes ortum habet: Coccus autem infestorius nascitur ex frutice, et de eodem loquens, dicit in Cilicia è roboribus nasci: apparet autè quod è roboribus nascitur, esse granum quod tingendo est, non autem Chermes. Vel dicimus in Codice Dioscoridis nullum esse vitium, sed locum fuisse ab interprete male intellectum. Cuius loci verba sunt: ἡν αἱ τῆς γυναικὸς τῷ σώματι ἀναχέχου ἑκα κόκκον καλοῦσιν. quæ sic ad verbum transferas: Quæ eius



eius loci mulieres ori colligentes, coccum vocant. Mulieres enim colligunt coccum ori, id est ad ostingendum ac fucandum: ut τὰ σματι non septimi apud nos casus, sed datiui vim habeat. Illam autem vocem euulsum vel exceptum, de suo addidit interpres, neq̃ vsquam est in Græca litera. Cuius rei magnificus & reuerendissimus CÆLIUS Calcagninus, vir vnde quaq̃ doctissimus, me attentum fecit. Sed ad rem nostram redeunt, Cum in Mauritanorum compositionibus chermes, aut setam in chermes tinctam reperiesset: noli chermesinum intelligere, sed infecturam in coccum, id est in granam tinctorum appllatam: vnde coccinea vestis apud antiquos. Est enim alia res chermes. Ideo illos non multum reprehendo, qui pro seta in chermes tincta coccum sumunt. Adde tamen nec setam tinctam aut pannum sumenda esse ob præparationem. An verò cor roboret, nondum apud aliquem authorem fide dignum reperi, sed tantum adstringere, & vulneribus neruorum prodesse. Tamen supinus quidam error apud nonnullos planè quintæ classis medicos inuenitur, qui granum quod tingendo est, ad prouocandos menses exhibent, cum plurimum supprimat, ut ego plerunq̃ eius puluerem exhibeam his mulieribus, in quibus de abortu dubium est. Et quia nonnullæ sponte abortire volunt, ne in furto deprehendantur, petentes ut in hac re illis opem darem, ego hoc granum exhibui, ne si vellent, abortire possent. Qui autem ducere menses fatentur, argumentum sumunt ex colore, quia rubrum, ac si rubra menses ducant: multi enim maximam propositionem habent



summè falsam: Omnia rubra menses prouocare, tamen multa rubra inueniuntur, quæ vim adstrictiuam habent: Scitoq; quod à Dioscoride dicitur, Cuius grana lenticulæ adherent, non esse intelligendum grana lenticulæ figuram habere, sed quod more lenticulæ inhaerent.

SEN. Igitur non est nostra, qua tingunt in chermese.  
BRA. Non vt videtur. SEN. Igitur nostram granam edoceas, & quid illud sit, quo nunc in Chermesinum tingunt. BRA. Nostra grana est coccus baphice, id est granum infectorium Dioscoridis, & Pliny, & chermes Serapionis, ac Mauritanorum. Quid autem sit apud antiquos chermes nostrum, quo floridus color, quem chermesinum vocamus, fit, dubium est. Tamen bene Plinium considerans visus sum expiscatus esse grana nostra in Cypro, & Creta, & pluribus alijs locis nascitur, Venetiasq; assertur ex pusillo frutice folia habente, ilicis aquifoliæ similia, vt Plinius libro decimosexto, capite octauo docet: tamen hæc folia parua sunt, & spissiora. Tamen & in robore coccus nascitur, præsertim in ilice, vt Plinius capite quarto lib. XXIII. testatur, & Theophrastus tertio de plantarum historia, inquit: granum puniceum facit. de his loquitur, quæ in arboribus fiunt, tamen fructus non sunt, vt nux auellana, quæ visum callo compactili facit. Idem in eodem lib. repetit, cum omnia enumerat, quæ in ilice nascuntur. SEN. Ea igitur quæ in ilice nascitur nostra grana est. BRA. Non est, sed à Pli. cap. IIII. lib. XXIII. Coccus, ilicis appellatur. est aliud granum à cocco, sed & ipsum tingit. Si autem apud antiquos nostrum chermes reperiatur, est  
id



id de quo Pli. præcitato loco inquit: est autem genus ex eo ( scilicet cocco ) in Attica ferè, & Asia nascens, ces-  
 lerrimè in vermiculum se mutas, quod ideo scolecion vo-  
 cant, improbantq; si apud Antiquos nostrum chermes  
 sit, est coccus scolecion: nam chermes nostrum ocys-  
 simè in vermiculum transit. Vnde tria cocci genera apud an-  
 tiquiores scripta inueniuntur: Coccus infectorius absolu-  
 tè, qui nostra grana est ex arbuscula pusilla nascens, for-  
 lia circinata spinosa habens parua, & coccus scolecion,  
 qui fortè est nostrum chermes, nisi intelligas esse genus  
 aliquod cocci ilicis, quod in vermiculū cito transeat sco-  
 lecion dictum, aut dicas non habuisse rationem tingendi  
 ex scolecio, qualem nos habemus, ideo ab ipsis scolecion  
 despiciebatur, nobis autem facit colorem magis floridū,  
 quam coccus baphice faciat. Tertium est, coccus ilicis, ut  
 ex his omnibus colligere possis quid sit chermes apud  
 recentes, & nunquid apud antiquos reperiatur. An verò  
 cor roboret chermes, nec antiqui nec recētes prodideret:  
 non antiqui, quia apud ipsos quid sit non reperitur. Ara-  
 bum enim chermes est coccus baphice, quem granum vo-  
 camus. Recentes etiā nihil prodidere, quia ipsi de cher-  
 mes loquentes, de eo verba habent, de quo Arabes scri-  
 pserunt: propterea in hoc syrupo chermes dimitterem, ve-  
 luti vnum, de quo experimenta sumpta nō sunt, quod an  
 calidæ naturæ sit, an frigidæ, si scire cupias, calidæ natu-  
 re esse illud ostēdit, quod celerrimè in vermiculū transit  
 ea enim cita generatio caliditatē notat. SEN. Mihi vide-  
 tur mirè antiquos adeò modicè de nostro chermes esse lo-  
 cutos. BRA. Ne admiratiōe afficiaris, quoniā fortè nihil

Scoleciō.

Cocci tria  
gna apud  
antiquos.



locuti, nisi id sit, quod coccus scolection à Plinio nuncus  
 patur, quamuis plerunq; dubitauerim quod esset coccus,  
 de quo Plin. capi. XLI. IX. lib. vbi de tingendo Ames  
 thystino tractat, & inquit coccum Galatiæ rubens gra  
 num, postea addit, vt dicemus in terrestribus. Putabam  
 hanc particulam à Plinio positam esse, vt sub terra nasci  
 animaduerteteret. Nostrum autem chermes vel ouum sit,  
 vel semē sub terra nascitur: est enim granum illis radici  
 bus inhærens, quod potest ratione coccus appellari. Idē  
 enim est apud Græcos κόκκος, quod apud Latinos gra  
 num. SEN. Si autem reperiretur, qui & setam, & cher  
 mes in hunc syrupum imponere voluerit, quomodo age  
 re debet? BRA. Aut seorsum setam, & chermes ponat,  
 aut hoc modo præparet: accipiat libram chermes, quod  
 in puluerem redigat, sintq; igni suspensæ in æneo lebe  
 te quinque aquæ libræ, quæ cum calida est antequam fer  
 uere incipiat, in eam chermes puluerizatum injiciat:  
 deinde vna ebullitione bullire faciat, & ab igne depo  
 natur: postea setam, quam crudam vocant, (eo quod  
 nullum colorem suscepit) in prædictam aquam ponat:  
 & donec optimè imbibatur relinquat: deinde eam stat  
 tim exprimat, factaq; mediocri expressione, in succum  
 pomerum dulcium, & aquā rosaceam infundat. SEN.  
 Igitur exiccari non debet? BRA. Non debet exiccari,  
 sed debet statim in prædictum succum & aquam infun  
 di, & statim pharmacopola cum extrahit suo vsui accō  
 modare debet, quia solum eo tempore præparanda est,  
 quando syrupum hunc conficit. SEN. Quæ proportio  
 setæ esse debet ad chermes? BRA. Pro libra setæ, libra  
 chermes



thermes sumatur, ad imbuendum. Vnum tamen est, in quo de vobis pharmacopolis miror, qui ferè semper huc syrupum candum habetis, id est quo zucharum concreuit. SEN. Aliter fieri non potest. BRA. Quia arte caretis, qua fiat. Multi sunt modi, sed vnus hic præcipuus est, addere parum mellis zucharo: hoc enim prohibet, ne zucharum in duritiem illam (quam vulgus candū vocat) concreseat. Mel tamen prohibere non potest quin durescat in processu temporis, sed bene prohibet ne candeascat (vt hoc vocabulo vtar) tamen non durescit nisi longo tempore transacto. Sed interim à Pharmacopola venditur. At vnum aliud apud pharmacopolas obseruaui, hunc syrupum mucidum fieri. SEN. In hoc non sinam te mentiri, sed causam ignoro. BRA. Facile reddam: & si nostro modo parabis, nunquam aut hic, aut alter syrupus mucidus fiet. SEN. Dic obsecro. BRA. Mucor, & muciditas ex superflua humiditate fiunt: hoc manifestè deprehenditur in dolys vinaris, quando guttæ delambendo vas exeunt, mucor fit ob eam humiditatem, & quanto magis vinum aquosum est, tanto magis mucore abundat. Eodem modo, quando è naribus humiditas exit, mucor fit, & ideo pueri ob ingentem capitis humiditatem continuo nares mucore plenas habent, & in humidis locis semper situs & mucor generatur. SEN. Fortè piscantium nares semper mucidæ sunt, & persstillantes, quia intrinseca humiditas ab extrinseca allicitur. BRA. Ridicula, sed non præter rem ratio. Idem in uestris syrupis accidit, quando syrupum vsq; ad aquæ & humiditatis resolutionem non decoquitis, mucidu

D



fit. Igitur si ad vnguem decoquatis, mucidum non fieri animaduertetis. SEN. Lucor etiam ex caliditate fieri videtur: nam aestiuo tempore, & senienie cane, panis potissimum mucidus fit. BRA. Idem ex humiditate causatur: tunc enim calor aeris, intrinsecam panis humiditatem ad extrinsecas partes allicit, unde intrinsecus exiccatur panis, extrinsecus humescit, & mucidus fit: quod ut euia-  
 tetur, iubeo mulieres meas panariam capsam tota aestate in cella vinaria seruare, quoniam loci frigiditas panem mucidum fieri non sinit. Sed haec alio commodiori loco tractanda sunt. SEN. De hoc syrupo satis dictum erit, si quae in ipso omittenda sint, breuibus repetas. BRA. Setam, & chermes omitterem, quae ad rem nihil faciunt, imò seta in chermes tincta ob praeparationem obest.  
 SEN. Prosequar' ne alios syruos? BRA. Tibi ipsi cantare poteris: mihi enim fabulam surdo cantabis, nempe coenare decreui, quoniam fame plus quam Saguntina premor, coenans autem obaudio, praesertim in prima mensa, ubi dentes solum strident. SEN. Igitur canina fame premeris? BRA. Imò humana: heus puer sterne mappam, vosque ancillae dapies in mensam portate, tuque manibus lymphas praebe. Obaudio nunc senex, quoniam ea vulgata sententia vera est, Ieiunus venter, non audit verba libenter: licet ineptiori carmine dicta sit. Et Catonis vetus sententia est: Venter aures non habet. Mecum in caena eris: postea syruos alios, & caetera composita medicamenta prosequeris. Interim dum haec pedisse quae in refrigerandis dapibus retardant, haec striblitia in spiram verju, famem sedare incipiet. BRASAVO.  
 Quid



# SYRVPORVM 51

**Q**uid impedit nūc syrupos iam cæptos prosequi?  
 Postquā exēpta fames, & amor cōpressus edē  
 di, & omnes inuicē loqui incipiunt quia prope  
 finē sunt, in quo rumor gentiū fieri solet. SEN. Tu iu  
 uenis properē comedisti, imò tubercinatus es: Ego eden  
 tulus nōdū huius comædiæ actum primū exegi. BRA.  
 Vno verbo sequētem syrupū nomina, qui in tua scheda  
 scriptus est. SEN. Ego prius huius clupeæ geniturā, &  
 hos fluuiatiles cācros comedā, bisq; hūc cyathū exhauriā  
 quā de syrupis verba facturus sim. BRA. Et ego iterim  
 bellaria depromā. SEN. Sū bellariorū satur. Syrupus, q  
 sequitur is est q de acetositate citri appellat. BR. Ego pos  
 tius de succo citri nūcuparē, qā itrinseca citri p̄s tota suc  
 cus est. qbusdā pelliculis dēptis. Hūc autē syrupū secūdū  
 Mesuæ sentētiā parāt pharmacopolæ, cuius cōpositio  
 hæc est p̄ Mesuæ verba descripta, vt simul & cōpositio  
 nē, & Mesuæ verba, vt ab ipso autore dicūtur habeas:  
 Recipe succi acetositatis citri, libras duodecim: decoque  
 in vase vitriato super prunas cū facilitate vsq; dū con  
 sumatur tertia pars ipsius: deinde coletur, & dimittatur  
 donec clarificetur: & accipe ex eo quod clarū est, libras  
 septē, & funde super ipsum ex Iuleb claro & depurato  
 libras quinq; & coquatur donec inspissetur. Si autē æstas  
 fuerit, dimittatur in sole donec eius aquositas consumas  
 tur. Hæc est secūdū Mesuē huius syrupi cōpositio.  
 Addit deinde eius inuamentum magnum esse in extins  
 guendo inflāmationes cholerae rubeæ, & febres inflama  
 matiuas vebemētes, & febres pestilētia, & propriē quæ  
 sūt in æstate venenosa, & cōfert ebrietati, vertigini, &

Syrupus  
 de acceto  
 sitate ci  
 tri.



siti vehementi. SEN. Posses' ne vno verbo ad quid valeat exprimere? BRA. Possum. Ad omnes ægritudines biliosas ex pura bile valet, & pestilentes, vel quæ veneni naturam sapiant, & ad sitim extinguendam. SEN. Est' ne hic parandi modus apud antiquos? BRA. Antiqui de zucharo nihil vnquam prodidere, & hunc syrupum nunquam fecere, tamen in omnibus fere ægritudinibus præcitatis acido citri succo utebatur. En Galenus lib. VII. de simplicium medicamentorum facultatibus, inquit esse tertij ordinis resiccantium, infrigidantiumq;, & de acida citri parte loquitur, quam partem in. II. de alimentorum facultatibus lib. etiam frigidam facit, sed gradum non determinat. Et Paulus Aegineta lib. VII. & Aëtius lib. i. acidam citri partem in tertio ordine frigidam & siccam esse arbitrati sunt: sed Paulus primo lib. capite. LXXX. Idicit abundè infrigidare, gradum vero non determinat. Plinius Secundus quarto de re medica lib. (si is Pliny liber sit, qui de re medica circumfertur) huic frigidam naturam inesse fatetur: imò & experientia ipsa hoc comprobat. Quis igitur negare poterit vehementibus inflammationibus & æstibus succurrere? Imò Aëtius capite XXIX. lib. X I I. ad inflammationes vtitur hoc succo pani aut pollini admixto, & modo cataplasmatis appposito. Nam antiqui, citri succum per os non sumebant, sed cortice tantum, & carne vescabantur, vt apud Galenum, Paulum, & Aëtium videre licet, qui inquit corticem, ventriculum roborare, quâuis difficilius cōcoctionis sit, & carnem pituitosam materiam gignere. Nec immeritò hic Syrupus contra pestilentem morbum



morbum valere à Mesue dicitur, quoniam & antiqui ci-  
trum veneno aduersari fatebantur, quod potius semini  
attribuunt, quàm pomo. Quāuis Dioscorides anceps sit,  
quum dicit, *δύοις μὲν δὲ ἵχθῳ ποθεῖν ἐν οἴνῳ, αὐτὴν τε περὶ αὐτὸν ἀπο-  
κρίνεται*, id est, vim autē habet quod in vino potū vene-  
nis aduersatur. Hoc autem ita ad pomum, sicut ad semē  
referri potest, quāuis de semine propinquius sermonem  
habuisset. Tamen præter rem nō est, si & de semine, &  
de pomo id intelligamus, quia Plini. lib. XXIII. capite.  
VII. inquit: Citria contrauenenum in vino bibuntur,  
vel ipsa vel semen. Nec obstat quod Theophrastus. VI.  
lib. istud pomo attribuat, & Paulus, & Aëtius, quoniā  
& semini hoc dotis inest, quod Auicenna cortici, & se-  
mini attribuit. Serapio etiam Dioscoridem referens, ita  
refert ac si pomo hanc dotem elargiatur. Quicquid sit,  
totum pomum veneno resistit. Vnum autem est, in quo  
recentiorum quorundam error deprehēditur, qui hunc  
syrupum valere inquiunt contra prægnantium fastidia  
quando edere non possunt, & extranea appetūt, vt car-  
bones, terram, pilos, & similia: quam affectionem Græci  
*κίττα* & *κίττα*, id est picam vocant. Plin. lib. XXIII.  
capite. VI. malatiam prægnantium interpretatur. Inest  
autē hoc genus fastidii prægnantibus vsq; ad tertiū men-  
sem, vt Paulus Aegineta capite primo primi libri docet.  
Causa autem est, quia foetus paruus & imbecillis ea  
quæ ad locos mittuntur consumere nō potest. Nos autē  
mulieres vidimus quæ vsq; ad quartū, quintū & sextum  
mensem hac affectione vexabantur, sed cōmune est tem-  
pus, cū foetus moueri incipit. Dicitur autem cissa, id est

Κίττα:  
Κίττα.  
Malatia  
prægnan-  
tium.



pica: quoniam hoc animal, quia vorax, in cibi fastidium  
 saepe venit. Sed ne praesentem occasionem omittamus, Il-  
 lustrissima RENATA Galla Ferrariæ Ducissa, nunc cis-  
 sa vexatur, tamē in quarto mense à conceptu est. Nec os-  
 pus est putes cissam solum esse cum extranea appetunt,  
 sed cissa etiam appellatur, cum ad eò perturbatus est ven-  
 triculus, ut cōuenientia edere nō possit, quamuis extras-  
 nea nō appetant. Propterea Plinius præcitato loco præ-  
 gnantium malatiā meritò appellauit. Constat autem præ-  
 gnantium ventriculo (nisi æstuans fuerit) potius obesse,  
 quā prodesse. Illorum autē error ex hoc prouenit, quia  
 authores non considerarunt, qui non dicūt citri succum  
 ad hunc morbū valere, sed semen. Quāuis in Dioscoris  
 de indifferens videatur, tamen Plinius capite. VII. lib.  
 XXIII. de semine id dicit, et Paulus Aegineta lib. I.  
 Adrem autem nostram redeunt, Hic est optimus syru-  
 pus in æstuantibus morbis, quo frequenter iubeo ægros  
 pro instinctu uti: ut nuper magnificæ Dianæ Estensi con-  
 trariæ in æstuantis ventriculi morbo: sit autem ex succo  
 citri, tamen citri nomine limones, Adam poma, et arans-  
 tia veniunt. Ego potius ex limonibus pararem, quoniam  
 succum frigidiorē habent: hic autem potissimū frigi-  
 ditas expetitur, et limones saporē habent citro maximē  
 cōuenientē. Nam ut Plinius dicit capite. XXVIII. lib.  
 XV. citris odor acerrimus, sapor asperrimus. Inter hæc  
 autē limones omnium asperrimū habent, ideo potissimū cis-  
 tra sunt limones. Tamen si ex citro etiam habere places-  
 at, ubi tāta frigiditas nō expetit, parato. Illos autē phar-  
 macopolas damno, qui Venetijs succū citri emūt: sed pos-  
 tius



# SYRUPORVM

tius voluerim vt citra emerēt, & ſeorſum ſuccū & cor-  
ticē in ſyrupū redigerent, carnē vero condirent. Succus  
enim quē Venetijs afferūt, plerūq; aqua mixtus eſt Zu-  
charum, præſentē ſyrupū ingrediens, clarificatum (vt di-  
citur) eſſe debet: propterea à Meſue Iuleb nuncupatur.  
Multi ſunt, qui nimis coquunt, tūc facile cādeſcit, & cō-  
creſcit, & indurioris mellis formā trāſit. Quod eſt opo-  
ſitū acetofi ſucci, qui ſuapte natura nec dureſcit, nec  
cōcreſcit, ſed potius quæ gelāſcūt liquidiora reddit: ex  
nimia autē coctura, & ſucci extrema reſolutione cōcreſ-  
cit. Propterea tu (ne erres) ſume citri ſuccum, & paula-  
tim per linteum præcolato ſine aliqua expreſſione, vt  
quod ſubtile eſt, paulatim tranſeat: qui enim vehemēter  
linteū exprimūt ſuccū nimis ſpiſſum colligunt, Vnde id  
ſolū ſumere oportet, quod ex ſe deſcendit. Duobus autē  
modis ſyrupus fieri poteſt, Sole, & igne. Si Sole fiat, id  
eſt per morā in ſole, magis clarus cōtinuò permanet: Si  
igne, niſi bene animaduertatur, nimis craſſeſcit: qui enim  
nimis coquunt, in duritiem enogari, id eſt vocatæ gelat-  
inæ ducunt. SEN. Igitur ex limonibus etiam parabo?  
BRA. Imò parabis, quia vehementius infribidat, &  
penetrat. Poſtquam hic puer mappam ſuſtulit, & denti  
ſcalpia præbuit, ſyrupos alios proſequaris. SENEX.

**S**yrupus de ſtæchade tertio loco habetur. BRA. Igi-  
tur hiſ ſyrupis diſponendis nullum ordinem ſeruare?  
SEN. Nullum, vt iam præſatus ſum. BRA. Gaudeo  
tamen hoc ordine diſponi, quoniam eos primò enume-  
rare viſus es, quibus illuſtriſſimus patronus meus Hera-  
cules Ferrarię Dux vtitur. Eſt compoſitio apud Meſuē

Syrupus  
de ſtæcha  
de.



reperta in hunc ferè modum ab eodem authore, & sequentibus verbis descripta.

Recipe, florum stichados 3. xxx.

Hæsc, id est Thymi )

Calamenti ) añ. 3. x.

Origani )

Anisi )

Pyrethri ) añ. 3. viij.

Piperis longi 3. iij.

Zinziberis 3. ij.

Passularum enucleatarū vncias iiij.

Mellis libras v.

Hunc syrupum (cū hæc solū recipit) appellāt de stichados sine speciebus, vel de stichados incompletum. Tu autem potius de stæchade dicito. Si autem pulueres consequentes recipiat, syrupus de stichados cum speciebus, vel completus nuncupatur.

Pulueres autem sunt hi qui sequuntur.

Recipe Cinamomi )

Calami aromatici )

Spicæ, id est Nardi )

Croci ) añ. 3. i. ʒ.

Zinziberis )

Piperis nigri )

Longi )

Ligentur in panno raro, & suspendantur in syrupo. Dosis eius est, vncia vna cum decoctione spicæ, & alachilil. Hic syrupus expertus est ad omnes ægri tudines nervorum frigidas, vt est paralysis, epilepsia, spasmus, tremor,



tremor, & tortura. Valet etiam ad catarrhum frigidū,  
 à capite ad pectus, & ventriculum ipsum roborat. Hæc  
 Mesue. SEN. Reperitur ne apud an: i: uos hic syrupus?  
 BRA. In primis eius vires audias: Obstructiones aper-  
 rit, crassa attenuat, extergit, totūq; animalis habitū robo-  
 rat extaq; confirmat. Quod semper à causa frigida mas-  
 lè affecta intelligendum est, & præsertim pectori anhes-  
 lantibus, & destilationes habentibus opitulatur. SEN.  
 Est igitur valde utilis hic syrupus? BRA. Utilissimus.  
 Cum verò multo calore nō indigemus, incompletum sum-  
 mimus, id est eum, quem vos sine speciebus appellatis  
 (quamuis non defuerint qui dixerint, eum qui incomple-  
 tus est, solum recipere stœchada & passulas.) In intensi-  
 siori verò frigitate, eum sumendum iubemus, qui spes-  
 cies, id est pulueres aromatum enumeratas recipit, De  
 hoc syrupo nihil apud antiquiores reperitur, tamen dis-  
 cunt ad omnia præenumerata stœchada valere. Sed vnū  
 est in quo ambigere possemus, quomodo scilicet compos-  
 ni oporteat: quoniam à Mesue simplicia solum enume-  
 rantur, sed modum componendi, & an coqui debeat,  
 prætermittit. SEN. Subintelligitur decoctionem fieri se-  
 cundum artem. BRA. Quæ est, & qualis hæc ars ad co-  
 ctiones parandas? SEN. Nos instinctu quodā, sine pon-  
 dere, sine determinatione aquam sumimus, vt oculis præ-  
 sentatur & ingenio nostro videtur: postea ad libitum  
 bullire sinimus: deinde simplicibus expressis, quæ prius  
 decocta sunt, mel in hanc decoctionem ponimus, quod  
 tamen prius expumatum sit: itaq; ad syrupi formam alte-  
 ra ebullitione reducimus. BRA. Miror admodum in his



condiendis vos statuta aliqua pondera nō habere. SEN. Omnino non habemus. BRA. Viam igitur inueniamus, & certam normam, per statutas mensuras componendi Syrupos. SEN. Id libenter addiscam. BRA. Et ego lubentius edocebo, si aures præstabis. SEN. Et aures & caput, & vniuersum corpus habebis. BRA. Noli autem vniuersalem regulā in omnibus Syrupis expectare, quia in aliquibus solum conueniet, in quibus cum erimus te admonebimus: In alijs verò suas particulares regulas edocebimus. Quum Syrupum de Stœchade parare opus est, omnia quæ ipsum ingrediuntur, para, & crassiuscule contunde, & in vitriatum catinum omnia pone, deinde octo aquæ libras superinfunde, si omnia Syrupi simplicia sicca fuerint. Si ita egeris, optimè infundi experieris: post viginti quatuor horas exprime, & inuenies duas aquæ libras à simplicibus imbibitas esse: Tunc & aqua, & simplica simul igni suspendas, vt bulliant igne claro ad consumptionē tertiæ partis, vel supra ignitos carbones fiat: Relinquetur quatuor libræ decoctionis plus minus, in quas libras quinque puri mellis imposito, & iterum bulliant expumando, quoad fuerit cōsumpta decoctio, & ad formam Syrupi redactū sit: in quā formam tunc redactum esse deprehendes, cum gutta summo pollice capta inhaeret, nō tamen coit, & si indice guttā quæ in pollice est tetigeris, prætenuia fila mittat, & nō statim abruma patur. Nec guttæ resiliunt, in hoc præsertim Syrupo qui mel recipit: nam mel optimū vt Plin. lib. XI. cap. XV. docet, reglutinosum est. Si autē herbæ recentes sint, septē libræ aquæ in infusione satis sunt, quia vna tantū imbitur.



bitur. Sunt verò Recentes qui generalē quandā regulā tribuunt, quoties ab authoribus scriptū reperiunt, quòd aliquid in sufficienti quātitate aquæ bulliat, ipsi hāc sufficientem quantitātē, ita exponūt: Si res sint quæ multam ebullitionem sustineant, in omni manipulo ponantur ( vt eorū verbis utar ) bocalia quatuor aquæ: Si verò mediocrē ebullitionē sustineāt, dimidiū aquæ accipiant: Si verò paruam ebullitionē sustineant, vnū bocale sumere oportet: volentesq; hanc regulā ad pōdus reducere, res, quæ plurimam decoctionē sustinent, hoc modo recipiūt aquā, vt vna libra ipsaurm in sex aque bulliat: quæ verò mediocrem, in tres: quæ paruam, in vnam & semis. Sed hęc non est cōgrua, conueniensq; regula, quoniam in hoc Syrupō sunt res quæ multum decoctionē sustinēt, vt zinziber, pyrethron: & quæ mediocrē, & quæ paruam, vt cetera alia. Nunc autē ponamus omnia hęc mediocrem ebullitionem pati, tunc oportebit, hanc simpliciu quantitatē in tres ferē aquæ libras ebullire. Quod apparet si quis computet, vnicuiq; libræ simplicium tres aquæ libras dando. Sunt enim simplicia quæ hūc Syrupū ingrediuntur, ferē quatuordecim vnciæ, speciebus dēptis: sed nimis absurdū esset in tam paruā aquæ quantitātē ebullire, nempe ad sextā partem cōsumere satis est: ideo nihil ferē relinqueretur, in quod quinq; mellis libræ injci deberent, & ad syrupi spissitudinē ebullirent: quia partim per ebullitionē, partim per breuē cocturā cōsumptū esset, & ferē mel exhauriretur. SEN. Certē, hanc esse nimis paucā aquæ quantitātē semper iudicaui. BRA. Omnino pauca est. Ideo tu pro tota huius Syrupi quantitate



si herbae aridae sint, octo aquae libras sume: Si autem vi-  
 rides, septem, & adeo bullire sinas, ut expressione facta  
 quatuor librae decoctionis relinquuntur: nam duabus li-  
 bris imbibitis in herbas, sex relictæ erant. Si deinde has  
 sex ad consumptionem tertiæ partis resolueris, quatuor  
 librae solum relinquuntur. Ego hunc syrupum ex zucha-  
 ro pro Illustrissimo Hercule Duce Ferrariæ parari fa-  
 cio, ut iocundior sit. SEN. Qua hora species illæ in syru-  
 pum conyici debent? B R A. Recentes Pharmacopolæ  
 cum syrupus ferè coctus est, imponunt. Nos autem secun-  
 dum hunc ordinem incedendum esse iubemus: Si multo  
 calore indigeamus, etiam diu hi pulueres in syrupo bul-  
 liunt: si non, tanto minus. Imò iubendum est ut prædicti  
 pulueres suspensi in syrupo maneat: quod & ipse  
 Mesue innuere videtur, quamuis multi hoc solum intela-  
 ligant cum decoctio sit. SEN. Hoc mihi summè quas-  
 drat: quia si multa caliditate indigemus, magis ebullire  
 oportet: si autem pauciori caliditate opus sit, tantum his  
 pulueribus condiatur. Quod opus nos pharmacopolæ  
 dicere solemus aromatizare. B R A. Sed hi pulueres ma-  
 gis agunt, quàm aromatizare: nam aromatizare est odo-  
 rem aromatum, rei, quam condimus præstare. Hi autem  
 pulueres sunt potius syrupo calcæria. Cum verò ad for-  
 mam syrapi decoctus erit, si pöderabis, inuenies quinque  
 libras esse, & semis plus minus. Vnum tamen aduersus  
 tas, quod maiori coctura indiget æstate, quàm hyeme.  
 Quippe hyeme sex librae, aut paulò amplius esse debet:  
 æstate solum quinque, & semis sint, vel circa. Aliter in va-  
 se, in quo seruatur, sponte ebulliret, & spumam faceret,

atq;



# S Y R V P O R V M 61

atq; mucorem. SEN. Loquuntur ne de hac re antiquiores? B R A. Imò, nam Paulus Aegineta capite. XV. septimi libri, in his, quæ ex vino fiunt, dicit: Mellis æssuati sextarium vnũ ad vini sextarios quatuor accipiunt, & componuntur incocta: In his vero quæ ex succo & aqua fiunt (hæc autem ad nostrorum syruporum naturam ferè accedunt) si quidem coquantur, vnã mellis partem ad treis accipito, liquore in coctione ad duas ferme partes cõsumpto. Re tamen vera nostri syrupi æstiuo tempore seruari non possent, si succi aut decoctiones ad duas partes solũ consumerentur: propterea hi rectè agunt qui ad mellis ferè, aut zuchari pondus, vel circà arctant. Inuentus autem est syruporũ seruandorũ vsus, tũ vt compositiones præsto sint, quando eis indigemus, tum quia radices & herbæ omni tempore non sunt, tum quia compositiones ex mora quodammodo fermentantur. Deniq; in vitro circunlitum vas serua. In hoc syrupo nulla simplicia examinare oportet, quia omnia in examine simplicium medicamentorum exposita sunt. Id solum anis maduertere iubeo, vt pro calamento, calamini ha montana sumatur, & montanum organum, vel quod ex Creata ad nos nuper p Illustrissimi Ducis nostri naues comportatum est. Quod autem dicit passulas enucleatas, tu corinthiacam vnã à pediculis munaam intellige. Quære etiam verum calamum aromaticum, & veram spicam, id est narũm. Inquit eius dosim esse vnciam vnã. Nos duas etiam exhibemus magno ægrorum cõmodo. Quod autem addit sumi cũ aqua decoctionis spicæ, & alchilib, spica nostra quæ pseudo spica est, & non vera, grauiss



mum odorem, & aegros laedentem in decoctione facit  
 ideo dimittenda, quousque veram nardum nacti erimus.  
 Alchilil verò est libanotis, quam nos rosmarinum voca-  
 mus, cuius flores potius sumendi sunt, quam herba, vel  
 cacumina illa, quibus flores insident: nos cum alijs aquis  
 igne eliquatis exhibemus, praesertim cum Illustrissimus  
 Princeps sumit, ne dipliceat. SEN. Si absque infusione  
 ebullire voluerim, debeo ne omnia simplicia vna vice si-  
 mul in aquam conijcere? BRA. Non, sed prius ea pos-  
 nantur quae multam decoctionem patiuntur, deinde quae  
 mediocrem, tertio quae modicam: vel hunc ordinem ser-  
 ues: Primò pyrethrum in decoctionem ponere oportet,  
 deinde passulas, mox anisi semen, inde calamentum &  
 eriganum, postea stœchada, quam sequatur hasce, &  
 pulveres, quas species nuncupatis, piper longum scilicet  
 & nigrum, & zinziber. SEN. Nunc in mentem venie  
 syrupus alter de stœchade à Mesue in capite de aegritu-  
 dinibus nervorum descriptus. BRA. Est in principio ca-  
 pitis, ubi Iudæum quendam adducit, tamen in isto sine  
 speciebus, & illo Iudæi parvam differentiam video, nam  
 præcipua simplicia in hoc sunt. Illius autem syrupi per-  
 mixtio (ne fortè quæras) hæc est.

Recipe florum stichados vnc. iiij.

Halcæ ) añ. vnc. i.

Ziniam id est ibigæ )

Piperis ) añ. 3. iiij.

Pirethri )

Passularum sine interioribus vnc. i.

Coquantur in libras quatuor aquæ usque ad duas, & se-  
 pe



# S Y R U P O R V M 63

pæ libram semis, fiat syrupus. Dosis eius est ab vncia. 1. vsq; ad duas cum aqua alchilil. Vides hæc sola calamentum, origanum, anisum, & gingiber deesse: vna tamen met intentio est, & ad vnum met finem tendunt: fortè ille Iudæus imperfectè scriptum reliquit. Ex hoc etiam syrupo quantitas aquæ sumendæ pro decoctione imperfectè habetur. SEN. De hoc syrupo satis dictum est. BRA. alios igitur prosequaris. SENEX.

**S**yrupus rosatus simplex quartus in ordine est. **Syrupus rosatus simplex.**  
 BRA. Gaudio plurimum, te in hoc tuo ordine, sy-  
 rupos primo loco posuisse, quibus illustrissimus Prinz  
 ceps & patronus meus Hercules Ferrariæ Dux utitur.  
 SEN. Ego hoc ordine digessi, quia in pennæ apicem  
 uenere. BRA. Quicquid sit, ego apud vos pharmacopo-  
 las, nomine syrupi rosati simplicis tres syropos inuenio.  
 Vnum, ex infusione rosarum recentium. Alium, ex infu-  
 sione rosarum siccarum. Tertium, ex succo rosarum.  
 SEN. Ita est. Sed & quartum habemus, qui rosatus so-  
 lutius appellatur. BRA. Hoc noui, sed tres solùm esse  
 intelligo, qui sub nomen rosati simplicis veniunt. Ille au-  
 tem solutius appellatur, non quia simplex non sit, sed  
 quia soluit, quod alij non faciunt. Ad id autem, quod  
 erat nobis propositum redeunt, dicimus, inter phar-  
 macopolas maximam confusionem esse, imò & inter  
 medicos maximam ignorantiam, & animæ suæ maxis-  
 mum dispendium, qui pharmacopolarum composicio-  
 nes ignorant, nec discere curant, sed tanquam cæci sinu-  
 se auci ab ignaris quandoq; pharmacopolis: nam cum  
 pro agris suis syrupum rosatum simplicem indicunt,



eundem syrupum semper non exhibent, quia varij pharmacopole varios parant. Sunt enim, qui pro simplici rosato, eum qui de rosis siccis fit, parant, & exhibent magno errore, quia forte restringere non est opus, hic autem restringit, Alij pharmacopole eum pro simplici faciunt qui de succo rosarum est, alio etiam errore: nam hic soluit, cum forte tunc solutione non indigeamus. Alij pro simplici illum parant, qui ex infusione rosarum fit. SEN. Qui nam pro syrupo rosato simplici sumendus est? BRA. Is, qui ex infusione rosarum fit, de quo Nicolaus in Antidotario sub nomine syrapi rosati, qui siccitati & calori febrium succurrit, suum reprimat, recreat, & constipat: fit autem in hunc modum.

Syrupus  
rosat<sup>9</sup> sim-  
plex d suc-  
co ro saru,

**R**ecipe rosas recentes, & pone in vas, & super asperge aqua feruente, & coperi vas, ne fumus inde exeat, & cum aqua refrigerit exprime rosas & eijce, deinde eandem aquam feruentem super alias feruientes rosas iterum proijce, & supradicto modo facies, tam diu mutando rosas, quoad aqua fiat rubea, deinde in lib. quatuor zuchari pone, & cum bullire inceperit, albumen oui in aqua frigidam inijce, & aquam simul, atq; albumen adeo concuties quoad spumescat, & eam spumam in syrupum bullientem impone, & cum spuma nigrescere coeperit, suauiter cum spatula remoueas, & iterum aliam spumam infunde, & supradicto modo fac quousq; syrupus clarior fiat, & cum coepit quasi filum facere, vel supra marmor positum, vel supra vnguem non diffunditur, coctus est. Hæc Nicolaus. SEN. Hic est syrupus rosatus simplex, quem semper paravi, & exhibui,

quum



quum medici syrupū rosatū simplicem ordinant. BRA.  
 Et hic est, quo vti debēt qui præscribunt, & in febribus  
 sitim sedare cupiunt, ventriculum roborare, & calorem  
 extinguere: nam ille qui ex succo rosarum fit, cōprimens  
 do soluit: qui autem ex rosis siccis, nimis adstringit. In  
 vno autem de Nicolao, miror, qui huius syrupi descrip-  
 ptionem posuerit, tamen quantitatis rosarum, & aquæ  
 normā omiserit: propterea ego potius Mesuē sequerer,  
 qui & rosarū, & aquæ pondera docet, & quot vicibus  
 infusio fieri debeat, assignata. Hec enim imperfecta regu-  
 la est, quod toties infundatur, quoties aqua rubra fiat:  
 quia aliquibus citius rubra videbitur, alys tardius. Et in-  
 fusionū multiplicatio (vt apparebit) hunc syrupum solu-  
 tiuū facit. Ideo Mesuen imitandum suadeo, qui ter tan-  
 tum infundit, imò cum his tribus infusionibus aqua adeò  
 rubra fit vt vinum videatur, & odorem seruat. Ideo ne  
 feceris hunc syrupum sine ordine, vt triuiales pharmaco-  
 polæ faciunt, sed Mesuen imiteris ita dicentem.

**R**ecipe foliorum rosarum recentium libras sex, po-  
 nantur in vas vitriatum terreum stricti orificij, &  
 fundantur super eas aquæ calidæ libræ quindecim, &  
 stringatur orificium vasis & dimittatur per horas octo,  
 tunc denuò colentur, & in vas tantundem foliorum ros-  
 sarum recentium mittatur, & demum eadem aqua cale-  
 facta super ea emittatur, & stringatur orificium similis-  
 ter per octo horas, & deinde coletur. Et si conseruare  
 vuleris, ponatur in vas vitriatum stricti orificij, & des-  
 stilletur oleum in orificio eius & stringatur caput eius,  
 & exponatur soli per dies quadraginta, & hoc appella-

Syrupus  
 rosat⁹ sim-  
 plex à in-  
 fusione ro-  
 sarum re-  
 centium



Mucharus  
rosarum.

Latetur Mucharus rosarum. Hæc Mesue. Vt ex his colligere possis, Mesuen bis solum infundere, quod satis est. Tamē si alicui ob perfectiores vires tertiam infusionem facere placebit, tertiam faciat. Tamen duæ satis sunt: aliter in solutiuum transiret: nam quinta infusio hunc Syrupum soluentem facit. Potius igitur hunc modum infusionis Mesuæ eligito per conueniens pondus factum, quam illum Nicolai, in quo non est ponderis determinatio: semper enim illi mihi displicuere, qui sine mensura & ordine agunt. Infusionem habes: nunc opus est modum componendi Syrupum edocere. Idem Mesue inquit loco prædicto: Si sumantur infusionis rosarum lib. quinque, zuchari in quatuor, deinde bulliant leniter ad spissitudinem Syrupi, qualem Nicolaus in suo edocuerat, ipse autem Nicolaus æqualem quantitatem zuchari, & infusionis sumit, & tunc minori ebullitione indiget, quia citius ad spissitudinem venit. S E N. Quare mucharus appellatur? B R A. Quia mucharus apud Arabes, idem est quod infusio apud Latinos. Ideo dicitur mucharus rosarum, id est infusio rosarum. S E N. Reperitur ne apud antiquos hic Syrupus? B R A. Quomodo reperiri potest si zucharum ignorabant? habebant autem ferè similem ex melle factum vt apparet, si quis Paulum Æginetam legerit libro. VII. capite. XV. vbi Hydrorosati compositionem parat, inquit, Hydrarosatu est rosarum detractis vnguibus libris quatuor confici, aque sextarys quinque, mellis sextarys duobus: an ebullire debeat, an non, prætermittit, supponens (vt arbitror) ab eo qui talia parare scit, intelligi. Si aliquid igitur sit apud antiquiores

Hydroro  
satum.



quiores quod nostro rosato simplici comparari possit, est hoc hydrososatum, quod aquam recipit: nos autem ex infusione rosarum iam dicta, mel rosatum etiam conficimus: imò vos pharmacopolæ infusionem illam per totum annum ad hunc usum more Mesuæ seruatis. SEN. Ita est. BRA. Suaderem igitur omnibus pharmacopolis, ut tres syropos ex rosis seruarent: Eum, de quo nunc per egimus ex infusione recentium rosarum, quem vos lucrim simpliciter, syrupum rosatum simplicem appellandum: & eum, qui ex rosis siccis fit, & eodem modo ut prædictus componitur. In hoc tantum differt, quòd rosæ sicce sunt, ita enim magis cōstringit, & ventriculum roborat: quem syrupum de rosis siccis nuncupare debemus. Est autem recentiorum inuentum, quia infusiones rosarum potius soluant, præsertim cum transeunt secundam aut tertiam infusionem. Tertius syrupus est ex succo rosarum factus. Sumitur enim succi rosarum rubrarum quantum lubet, & tantundem sacchari, & simul clarificentur, vel utrunque prius quam misceatur, ex albumine oui clarificatum sit, ut supra edocimus: deinde ad spissitudinem syrupi bulliant. Sunt aliqui qui minus sacchari ponunt, sed hoc nihil refert, quia deinde magis bullit. Hic autem syrupus, de succo rosarum appellandus est, qui si in quâritate sufficiente exhibeatur, soluit: ut si tres unciae sumantur. Itaque fit Mel rosatum ex succo rosarum & ex infusione rosarum, quam (ut supra diximus) pharmacopolæ seruant. SEN. Quum de syrupis rosaceis sermo interciderit, non ab re fortè erit, & de solutio tractare. BRASAVO. Imò conue-

Mel rosatū  
ex succo  
rosarum.  
Mel rosatū  
ex infusio-  
ne rosa-  
rum,



nientissimum erit: nam & ipse simplex est, sed ad aliorum differentiam solutius nuncupatur. Est idem cum syrupo rosato simplici: hoc dempto, quod plures infusiones habet. Si quintam infusionem habuerit, soluit, sed in nona exquisitissime. A vobis ex communibus rosis paratur cum potius ex valde rubris fieri deberet. Sed & ex vocatis damascenis plerumque ab aliquibus fit, & magis soluit quam ex alijs. Tres unciae exquisitè solvunt, quatuor autem exquisitissime. Si cum aqua endiviae, aut alterius herbae secundum intentionem aegritudinis misceatur, adeo ut bibi possit, subtiles materias & aquosas potissimum trahit, & à venis & ad omni parte corporis: quamvis nonnulli, ex vjs solum ducere putarint. Experientia autem rerum magistra ab omni membro ducere suadet: flatus autem per ventrem excitat, nisi aniso, cinamomo, foeniculo ue corrigatur. Novus est syrupus, id est qui non multo antè tempore in usum venerit, quum tamen sine molestia aestivo tempore educat. Ego etiam ex melle parari iubeo, ut hyeme sumi possit. Nihil aliud additur illi, quem Mesue parat, nisi quod infusiones multiplicantur. Scito autem aliū syrupum solutivum rosaceum apud Avicennam inueniri lib. I II. canoni, fen XXII. tracta. II. capite. XX. Sed ipsum facit ex succo, non ex infusione. Recipit autem succi rosarum libras duas, mellis lib. quatuor, scamony assati unc. i. decoquantur, quousque inspissetur: & eius dosis est à duobus usque ad quinq. Ego autem intelligo à duabus drachmis usque ad quinq. SEN. Electuariū rosatum Mesuae, idem fere est nonnullis additis. BRA. De electuarijs nihil in praesenti

Syrupus  
rosatus so  
lutivus

Dispositio  
Mellis  
Rosarum  
Scamony  
Assati  
Unc. i.  
Decoquantur  
quousque  
inspissetur  
& eius dosis  
est à duobus  
usque ad  
quinq.



senti curæ sit, sed tantum syrupos tractemus. SEN. Mirum est antiquos suum hydrosatū nō ebullisse. BRA. Imò ebulliebant. SEN. Tamen Paulum supra adduxisti, qui de ebullitione nihil locutus est. BRA. Subintellegendenda erat in Paulo tanquam res prænecessaria: nam si Aëtii legeris lib. V. capi. CXXXVIII. videbis ebullitionem edocere, & quod ad consumptionem tertie partis fieri debeat, ut est etiam apud recentiores in decoctionibus mos. Inquit enim rosarum recentium resectis vnguibz, & in umbra integro die cum sua nocte flaccidarum, libram vnam, mellis sextariū vnum, pluuiæ aquæ ad tertias decoctæ sextarios tres: ut nouem inquam sextaria, ad tria tantum feruescendo perueniant. In feruescentem adhuc protinus ab igne remotam, rosas langues factas conycito, atq; in vase exquisitissimè obturato seruabis: post die aquæ excolatæ, expressis abiectisq; rosis, mel admiscebis, totumq; in fictile vitriatum excipies, & aliquot diebus insolabis: postremò in vinaria cella recondes: quod longè magis infrigidat, quàm mel rosatū. Ex quo vides ebullitionem fieri, non autem ut nos: quippe nos post mellis miscellam ebullitionē facimus, illi ante. Nos etiam experti sumus hydrosatum antiquorum parare: sed citò corrumpitur, nisi in frigidissimo loco seruetur. Ideo nos & commodius, & felicius nostros syrupos rosaceos aut ex melle aut saccharo paramus, qui per totum annum seruantur: quod antiqui æquè leuiter facere nō possunt, nisi frigidum locum sibi elegerint. Ideo Aëtius dicit in vinaria cella seruari. Eodem autem modo, quo syrupus rosatus solutius fit, iubeo syrupum se-



**Syrupus solutivus ex floribus persicorum.** lutium ex floribus persicorum fieri, qui biliosas materias educit & subtiles, odoratus multum, & qui sex infusionibus perfectus est, perfectissimus si septem fiant, & qui optimi gustus est, & in ardentibus febribus refrigerat. SEN. De syrupis ex rosis satis dictum esset, si mel rosatum explicuisses. BRA. Ea quæ dicta sunt, satis esse potuerunt, nisi ad abundantiorē doctrinam addere voluerimus, triplex, imò quadruplex mel rosatum fieri debere: Vnum, quod rosas integras recipit, potius inter eclegmata numerandum, sicut & zucharum rosatum. Intellige autem ex integris rosis, non quia conteri non debeant & contundi: sed ex integris, id est non ex succo, sed ex folijs, detractis vnguibus. Præparatur autem hoc modo apud omnes pharmacopolas: sed antiqua præparatio non est, pro quacunque libra mellis uncias quatuor foliorum rosarum accipiunt. Eodem etiā modo zucharum rosatum conficiunt, uncias quatuor rosarū, libram vnam zuchari exhibentes, & in feruentem solem ponunt. Sed de his aliās. Ad mel rosatum colatum veniamus, in quo omnes pharmacopolæ maximè errant. SEN. Quomodo in hac re tam facili, tamq̃; vulgata errare possumus? BRA. Errorem manifestè ostendam. SEN. Nunquam crediderim, nisi his oculis viderim. BRA. Si quietè audies, quod dixi verum esse percipies. SEN. Citò expedias. BRA. Non'ne pharmacopolæ errabunt si nec antiquos, nec recentes authores sequentur, in re tamen, quā antiqui, & recentes parare docent: imò & ipsi pharmacopolæ recentes se imitari fatentur. SEN. Si hoc ostendes, deinceps silebo, & verū sequar: sed



sed per recentes quos intelligis? B R A. Nicolaum vestrum, qui Antidotarium scripsit, sed ignarus quid significet nomen Antidotus, si ipsum legeris, differentiam inter nostrum mel rosatum, & illud Nicolai manifestè percipies. Dic (ni refugis) quomodo vos mel rosatum paratis? S E N. Duo mellis rosati genera habemus: Alterum colatum, alterum non colatum. Non colatum sit unicuique libræ mellis uncias quatuor foliorum, vnguibus remotis exhibendo. B R A. De hoc in eclegmatibus loquemur, de colato nunc sermo fiat. S E N. Colatum ex infusione rosarum secundum Nicolaum aut Mesuen facta paramus, tantumdem mellis, quantum infusionis sumentes: & ad formam syrupi ebullire faciētes, quæ est quoties sumpta gutta supra vnguem non diffluit, aut si digitis compressa cum aperiuntur in sese resiliat. B R A. Quis edocuit vos mel rosatum ita parare? S E N. Ego à præceptoribus laudatissimis pharmacopolis didici, tamen in nullo libro legi: puto alios ita fecisse, propterea in usum cesserit. B R A. Non possum negare hoc mel rosatum ex infusione aliquid conferre, & vim rosarum seruare: tamen cum antiquiores & recentes de aliqua re optimè sentientes habeamus, eos potius imitari debemus, quàm usum aliquem sine ratione factum. S E N. Ita est. B R A. Lege in primis vestrum Nicolaum, quomodo mel rosatum paret, ventriculum roborans & abstergens, & frigidas materias concoquens. En Nicolai liber, eius compositionem lege. S E N E X. In decem libras albissimi & purissimi mellis despumati succi recentium rosarum libram vnam, ponantur in cacabo ad ignem, & cum

Mel rosa  
tū colatū  
& non co  
latum.



Rhodoss  
mel.

bullire inceperit, viridium rosarū cum forficibus vel cultello incisarum libras quatuor addas, & tam diu bulliāt, quod ad succi cōsumptionē veniat, & cūm bullierit semper agitetur & in fictili vase posito, quandiu magis tepnebitur, tanto melius erit. Hæc Nicolaus. BRA. Cur albiſſimum mel accipi iubet? SEN. Quoniam album mel alijs perfectius est. BRA. Nescio vnde hoc inuenerit Nicolaus, & tu affirmare possis, quod mei album alia excedat. SEN. Ita semper audiui. BRA. Si Dioscorides legisses, didicisses, mel optimum subrutilum esse, non album, & ut Plinius inquit cap. XV. vndecimi libri, aurei coloris, quod sit è thymo. Ideo mel album sumi non debet quando optimum mel quærimus, sed subrutilum, vel aureum colore. Quod autem addit, disputandum esse, multum conuenit, ut flatuosæ partes desmantur, & sine noxa mel rosatum fiat. SEN. Mesue habuit ne sermonem de ipso? BRA. In melle rosato ipsum quodammodo adumbravit, vbi dicit, aliquos ex succo, folijs, & melle fecisse, tamen eadem mensura non est, nec idem pondus, quoniam vult foliorum rosarum partem vnā & semis, succi partem vnā & semis, mellis partes tres sumi. Quicquid autem sit, Nicolaum potius, quā Mesuen, aut alium recentem in hoc sequi debemus. SEN. Quo ordine mel rosatum antiquiores fecere? BRA. Dioscorides de rhodomelle tractat lib. V. sed quomodo fiat non docet. Id tantum dicit, quosdam ex succo rosarum, & melle conficere, quod rhodomeli appellant, arteriæ asperitatibus vtile. Sed Aëtius lib. V. capite. CXXXVII. mellis rosati confectionem

in



in hunc modum fieri docet: Succi rosarū exectis vnguibus, partes tres, mellis partem vnam, calido soli pluribus diebus exponitur. Si verò aer sit nubilus, & non appareat sol, mel rosatū cribro setaceo rariori excolabis, mistioribus carbonibus decoques. SEN. Refert' ne eius vires Aëtius? BRA. Imò refert. Inquit enim: Leniter adstringit, refrigerandiq; potestate pollet, ac non nihil, mellis ratione abstergit. Habet & quid subamari, & molliter acris: ideo ori confert, quòd calida inflammatione obferuentes distillationis defluxum laboret, & ventriculo, ad quem humores acres, & biliosi defluant, post vomitum medetur, ad stomachum etiam absq; materia aestuantem, & ad febricitates in totius morbi, atq; in particularis quoq; accessionis vigore constitutos vtiliter exhibetur. Sæpenumero enim in febribus vna tātum largior potio congruo tempore exhibita, ad integram morbi solutionem sufficit procurato sudore, ac citata aluoznam præcæteris cunctis potionibus, mel rosaceum potentissimum est ad acutos humores per aluum ducendos, Hactenus Aëtius. SEN. Pretiosissima res est mel rosatum, sed eodem modo non fit ab Aëtio, & Nicolao. BRA. Non equidem. Nam apud Nicolaum copia mellis maior est, quàm apud Aëtium: nec Aëtius folia ponit, quæ Nicolaus addebat. SEN. Tu autem quod mel rosatum magis laudas? BRA. Quod ab Aëtio describitur, quoniam succi rosarum magis sumit, quàm mellis. In succo autem vires sunt. Adde, mel rosatum Nicolai ad potum ineptū esse, nisi alicui aquæ misceatur. Quod autem ab Aëtio fit, per se potabile est: & quod est apud Nicolaum, cale-



Rhodos  
staete.

Rhoeti.

facit, nec illud in acutis febribus exhiberem. Quod autem apud Aëtium est, ad temperiem vergit, & potius in frigiditatem transit. Ideo in acutis febribus Aëtius suum potui dat. SEN. Servant' ne perpetuò Græci modum conficiendi Aëty? B R. A. Servant multi. Tamen Hera molaus putat idem esse Aëty Rhodomel, quod Pauli Rhodostaeti, quum tamen non sit: licet Rhodostaeti succum rosarum, & mel recipiat. Differentia autem est in pondere, nam Aëty rhodomel tres partes succi rosarum recipit, & vnam mellis. Sed Pauli rhodostaeti duas partes succi rosarum sumit, & vnam mellis. Quippe compositio rhodostaeti Pauli, quæ habetur lib. VII. capite XV. ita habet: Succi rosarum, vnguibus detractis, sextarios duos, mellis sextarium vnum, decoquito vsq; despumando, donec pars quarta coctura euanescat. Habet præterea compositionem quandam Paulus, quam Rhoeti appellat, præcitato loco, inquiens: Decoquito ad tertias succi rosarum sextarios treis, mellis sextarios quinque. Quæ compositio cum præscriptis affinis est. SEN. Hæc plus recipit mellis, ideo melli rosato Nicolai magis propinqua videtur. Dic autem tu quam compositionem magis sequereris? B R. A. Voluerim pharmacopolas succum rosarum seruare, postea modo vnu, modo aliud (vt ex petit morbus) componere. In acutis febribus Aëty rhodomel parato. Cum ventriculum roborare volueris, & pituitam excerni, melle rosato Nicolai vtaris. Pauli rhodostaete vehementius est, quam Aëty Rhodomel, quoniam mellis maiorem copiam recipit. Adhuc vehementius ad incidendum rhoeti eiusdem Pauli est. SEN. Nicolai



Nicolai mel rosatum tantum rosarum tempore fieri potest. BRASA. Ita est: sed Pauli, & Aëty compositiones omni tempore parantur: quia toto anno rosarum succum integrè seruatis. Ab vno autem abstinere non possum, aliquos esse, qui mel rosatum colatum faciunt ex melle rosato cum folijs exprimendo: propterea dicunt colatum appellari, non animaduertentes, vbi succus ingreditur, necessarium esse percolari. SEN. vnum in syrupo rosato solutio considerandum omisimus.

BRASAVOLVS. Quid est hoc? SENEX. An æquales partes infusionis, & zuchari, an minorem, an maiorem sumere debeat. BRASA. Si hæc obseruabis, quæ tibi aperiemus vera esse deprehendes. Pro omni libra sacchari, libram vnam & semis infusionis accipito, & ad mellis spissitudinem ebullire sinas: tunc mirè soluit, & quandam vtilem amaritudinem enanciscitur. Sunt autè qui æquè sacchari librâ, & infusionis miscet, & minus soluit. Ineptissimè autem soluit, si octo vnciæ infusionis & libra vna zuchari sumantur: quod faciant plures pharmacopolæ Ferrariæ. SENEX. Ita certe est.

BRASAVOLVS. Hac re multum perturbor, quoniam plerumque quatuor vncias syrupi rosati solutui exhibeo: & nihil penitus soluunt: aliàs duæ, aut tres vnciæ mirè educunt. Breui autem futurum speramus, quod omnes pharmacopolæ (in nostra præsertim vrbe) omnes compositiones eodem modo parabunt: & ab Illustrissimo principe nostro publico proclamate iubebitur: nam vt iustissimus est princeps, ita, ne populi sui ex pharmacopolarum & medicorū ignavia pereat, procurabit.

Syrupus  
rosatus so-  
lutius.



SEN. Equissimi principis munus hoc erit. Sed arbitror, circa maiora occupatissimum harum rerum non recordari. BRA. Imò nihil est, quod eius profundissimam memoriam effugiat: nempe omnia etiam minutula, tanquam præsentia sint, intuetur, et consecretatur. Neminem adhuc reperi, qui Illustrissimum Herculem memoria nō quidem superaret, sed æquaret: et qui his duobus sensibus impensius vigeret, auditu, et visu, qui sunt discipline sensus. Tempus autem est ad alios syropos transire.

## S E N E X.

Syrup' violatus compositus,

**S**yrupus violatus accedit. BRA. Et hoc etiam illustrissimus princeps noster utitur, cum destillationes sub cane ad pectora fluunt, dum apros sub ardenti sole et feras voraces insectatur. Tamen apud authores syropi ex violis, aut violati diuersi reperiuntur: nempe vnus est de succo violarum: alius ex violarū infusione factus: alius ex decoctione, quem Mesue scribit. Vos quo utimini? SEN. Nos Mesuen imitatur, qui in hunc modum syrupum de violis parari iubet, et his verbis.

Recipe violarum

vnc. ij.

Seminum cydoniorum )

añ. s. viij.

Seminum maluæ )

Iuiubarum )

añ. nu. xx.

Sebeste )

Coquantur in libras sex aquæ cucurbitæ, ad cōsumptionem tertiæ partis: deinde addas zuchari libram vnam et semis, et syrupum facias secundum artem. Hic est syrupus, quo in publicis officinis utimur. BRA. Cū igitur syrupum violatū præscribo, hunc exhibetis? SEN. Hūc

BRA.



BRA. At ego quoties absolute syrupum violatum præscribebam, eum sumendum intelligebam qui ex violarum infusione fit. SEN. A quo ponitur is, quem intelligis? BRA. A Mesue ipso, & Nicolao: Mesue enim in principio tractatus de syrupis simul ac semel infusionis rosarum & violarum operationem docet. Sumi enim debent foliorum recetium violarum libræ sex, & in vitreatum vas terreum stricti orificij poni: deinde supra ipsa, aquæ calidæ libras quindecim impone, & orificiū vasis bene obturatoritaq; per octo horas dimittito, postea colato, et iterum in vas alias sex lib. violarum, id est foliorum ex floribus violarum ponito, & eandem aquam calidā per octo horas superingerito, deinde percolato & in vitreatum vas stricti oris seruetur, deinde superponendo, & obturando, Soli q; per quadraginta dies exponatur: Tuncq; Mucharus violarum nuncupatur. Hæc est apud Mesuen infusionis violarum preparatio, qua vtitur ad parandum syrupum violarum ex infusione violarum. Tamen non ita præparatur apud omnes, quia Nicolaus excedit numerum duarum infusionum. SEN. Debemus ne eo vti, antequā sit p quadraginta dies insolutus? BRA. Si eo indigemus, protinus fit sine aliqua mora in soles sed cum seruare voluerimus, ne corrumpatur, p quadraginta dies insolatur. SEN. Aliquos vidi, qui Iuleb violatum ex infusione ita parabant. BRA. Et ita fieri nihil impedit. Tamen communis mos est vt ex aqua vi ignis eliquata & zucharo fiat. Non defuere tamen, qui cum violarum succo pararent, & qui cum infusione violarum aridarum, cum recentes defunt. Sed minus efficax est.

Mucharus violarum.



De eo, qui ex violarum succo fit à Mesue tractatur, quā  
 vult sumendas esse succi violarum libras tres, zuchari li-  
 bras duas, et decoquatur. SEN. Nos semper ex aqua  
 Iuleb vio vi ignis eliquata Iuleb nostrum facimus. BRA. Tamen  
 latum ex de hac aqua per iginis vim eliquata, apud hos authores  
 aq̄ vi ignis sermo non fit. Nam Mesuæ, cui hoc iuleb attribuitur, tā  
 eliquata. tum vel ex infusione, vel ex succo violarum fieri iubet:  
 ex aqua autem igne eliquata fieri nunquam meminit,  
 quamuis & hoc iuleb suaue sit, & non aspernandum.  
 Vnde in his iuleb hunc ordinem ponimus, vt id ex aqua  
 igne eliquata factum primum locum habeat, quia cæteris  
 debilius, tamen suauius. Isto autem an potentius sit,  
 quod ex succo violarum paratur, an quod ex infusione,  
 in dubio est. Id quod ex succo est, violæ substantiam re-  
 cipit: quod autem ex infusione sit, superficiales partes  
 sumit, quæ magis lenientes sunt. Ideo secundum locum  
 habet quod ex infusione sit. Tertium, quod ex succo.  
 SEN. Nos id tantum paramus, quod ex aqua vi ignis  
 eliquata sit, tamen & alia iuleb genera parare conueni-  
 ret, sed omitti possunt, quia syrupos eodē ferē modo cō-  
 fectos habere oportebit: alterum de infusione violarum:  
 alterum de succo violarum, quibus loco iuleb vti poterā-  
 mus. SEN. Fient ne eodem modo syrapi? BRA. Omnia  
 no ex solo succo & zucharo, vel sola infusione & zucharo  
 fiunt, sed apud nostros pharmacopolas in his con-  
 diendis syrapis varius est mos. SEN. Nos non vtimur.  
 BRA. Aliqui sunt qui fecere, sed inter se non conue-  
 niunt: quippe in syrupo de succo violarum quidam sex  
 vncias succi, & librā zuchari accipiunt: alij octo vncias  
 succi



succi & libram zuchari: alij æquales partes zuchari, & succi: alij quatuor vncias succi, & libram zuchari, eundem morem in syrupo isto de succo violarum seruavolentes, qui in zucharo rosato, & violato ex integris rosis, & violis servatur. Sicut enim in illo pro qualibet zuchari libra, vncia quatuor rosarum ponuntur, ita hic pro qualibet zuchari libra quatuor vncias succi rosarum ponunt. SEN. Res adeò inconstans est, vt quem sequi debeam ignorem. BRA. Ego autem te edocebo, vt errare non possis. SEN. Tibi plurimum debebo. BRA. Nōne hoc factum putabis, si in Mesuæ conficiendi modum ostendam? SEN. Certè, sed nusquam locū animaduerti. BRA. Lege modum faciendi iuleb de succo violarum Iuleb violatum ex succo violarum. apud Mesuen, vbi accipit succi violarum libras tres, zuchari libras duas, & iubet cum facilitate coqui: hinc ratio sumitur condiendi syrupum de succo violarum. SEN. Est modus parandi iuleb, non syrupum. BRA. Quam differentiam facis inter iuleb & syrupum? nam & iuleb syrupus est: Græci recentes zulapon vocant, quod recentes iuleb quasi succū vel ex succo. Imò, & in apud barbaras quasdam nationes succum signat: & cur non Iolebum eo quòd in eum viola infundatur: i' or viola est, & i' eo infundo: vnde fieri potuit i' o' l' e' b' o' r. Quamuis hanc vocē barbaris quàm Græcis magis esse cōsuetā, & Resuerendissimus COELIVS Calcagninus iudicet. SEN. Putabā iuleb à syrupo differre, quia suavior & limpidior esset. BRA. Hæc nō est differentia, sed q̃a syrupus magis decoquitur, quā iuleb, & i multis syrupis plura ponuntur, in iuleb simpliciter vnā. Propterea si syrupū de



succo violarum parabis, eandem mensuram seruare debes quam Mesue in iuleb seruat: sed tu postea decoctionem augeas. SEN. Hoc non displicet. Verum & in illo syrupo, qui ex infusione violarum fit, pharmacopolas distinctos video: ut aliqui plus, aliqui minus decoctionis pro zuchari portione sumant. BRA. Habet tamen apud Mesuen generalem regulam conficiendi: statim in principio tractatus de syrups, ubi operationis iuleb ex infusione modum ponit, videlicet quinq; infusionis libras sumendas esse, & quatuor zuchari, & paulatim coquantur, itaq; iuleb fit: si vero parum plus ebullire feceris, syrupus erit. Vnde tres syrups violati inueniuntur, & in officinis seruari debent, ex succo violarum, ex infusione violarum, & violatus compositus. Cum autem simpliciter syrupus violatus ordinatur, eum intelligere opus est, qui ex succo violarum fit, & simplex est. Is vero qui fit ex succo, cum ad ditione indici debet, syrupus ex succo violarum. Tertius, qui his fortior est, et qui plura recipit, debet cum hac additione indici, syrupus violatus compositus. Itaq; nullus error fiet. Imo etiam tot syrups per gradus distinctos habere conuenit, quonia aegritudines per gradus distinctae sunt: Vnus enim syrupus vni aegritudini, & alter alteri magis conuenit. SEN. Deinceps omnes parabo. Sed in condiendo syrupo de succo violarum non nulli aequas partes succi, & zuchari accipiunt, regulam huius rei a syrupo de fumo terrae maiori sumentes, in quo equales partes succi, & fumi terrae ponit. BRA. At is syrupus non potest esse conueniens regula ad hunc, quia illum multa alia ingrediuntur praeter succum fumi terrae,



in hoc solus violarum succus ponitur. Ideo nō mirum si  
 copia Zuchari in eo de fumo terre sit maior. Ideo potius  
 laudo, vt à Iuleb de succo violarū modo iam dicto nor  
 mam sumas. De his autem syrupis, & si à Me sue dicant  
 tur leniendo soluere, copiam notabilem exhibui ad vna  
 cias sex perueniendo, tamen nihil penitus eduxere: in  
 aliquibus parum. SEN. Igitur tres syrupos violaceos  
 parabo. BRA. Nec aliquem prætermittere debes, sed  
 quando compositum syrupum facies, prima quæ deco  
 ctionem ingredientur, sint iuiubæ & sebestem: deinde  
 semina maluæ & cydoniorum, deniq; violæ: quoniam  
 minimam decoctionem patiuntur, vt violarū capite Me  
 sue docuerat. Deniq; vt de hoc syrupo finiam, scito, aliās  
 mihi fuisse suspectos syrupos & potiones, quæ iuiubas  
 reciperent: quoniam ab antiquis dānantur. Quippe Ga  
 lenus secundo de alimentorum facultatibus, serica da  
 mnat. Sunt autē apud Græcos serica, quæ apud Latinos Serica.  
 Zizipha appellantur. Inquit autem Galenus, solum ap  
 peti ab insolentibus, & effrænatīs pueris, ac mulieris  
 bus, nam imbecillissima sunt, & difficillimē concoquun  
 tur, cumq; hoc stomacho inutilia sunt. Damnatū præ  
 terea ob Oribasio, Paulo, Aëtio, quæ & aliquibus sy  
 rica nuncupantur: tamen dulcedinem quandam habent  
 emollientē, quæ pectoribus conuenit: propterea non du  
 bito tussi ex materia calida factæ & his pectorū intem  
 periebus valere, vbi materiam crassiusculam reddere  
 opus sit. SEN. Reperiuntur ne apud antiquos Zuchari  
 ad succos proportionēs? BRA. Ex Paulo Ægineta elis  
 ci possunt, capite. XV. septimi lib. vbi compositionem.



quam appellat Rhodostacti, docet: in qua sumit succi rosarum sextarios duos, mellis sextarium vnum, decoquit usque despumando, donec pars quarta cocturę euanescat.

SEN. Ex hoc loco Zuchari proportionem ad succum facile elicio, quamuis ipsi mel Zuchari loco ponerent, quia ipsis Zucharum ignotum erat. BRA. Propterea Mesue non ab re maiorem portionem succi, minorem Zuchari ponit, quamuis dimidium præcise non ponat.

SEN. Reperitur ne syrupus violatus compositus aliter descriptus? BRA. Equidem reperitur, & Mesue in capite de pleuresi, in sermone in aqua cicerum duas descriptiones assignat: Alteram Ioanitię, alteram Hamech, quę ab hac differunt, licet non multum. SEN. Adducas ni piget. BRASAVOLVS. En Ioanitię syrupus in primis.

Recipe violarum recentium )

Seminum cydoniorum ) añ. 3. x.

Seminum citruli )

Seminum maluę 3. xij.

Gummi arabici 3. viij.

Dragaganti 3. ij.

Super hæc libras septem aquę calidę fundas, & per diem ac noctem permittuntur: postea ad consumptionem medietatis bulliant: deinde cum duabus libris & semis penidiarum fiat syrupus. SEN. Hic syrupus nostrum multum excedere videtur. BRASAVOLVS. Certè multum excedit, nec dandus esset, nisi maiori attenuatione indigeremus. Nunc illum Hamech audias.

Recipe



Recipe violarum

vnc. ij.

Seminum cydoniorum )

Maluæ

) añ. vnc. i.

Iuiubarum )

Sebestem

) añ. nu. xxx.

In septem aquæ cucurbitæ libras ad consumptionem  
 tertiæ partis decoque, & cum duabus Zuchari libris fiat  
 Syrupus. S E N. Hic à nostro, quem paramus, non multo  
 tum differt. B R A. Imò eum esse arbitror, quo utimur:  
 & ubi differunt, librariorum error fuit: quippe Mesue ab  
 Hamech sumpsit. Addoq; tibi alium syrupum de violis à  
 Serapione edoceri, Tractatu. VII. capi. XXIII. quem  
 si legere volueris, simplicem esse ex infusione violarum  
 percipies. Sed de hoc iam satis. S E N. Nondum satis erit,  
 nisi in primis admonueris, an ex siccis violis fieri possit.  
 B R A. Fieri quidem potest, sed inefficax est: propterea  
 & succum, & infusionem serua, & magnam syrupi vio-  
 lati composui copiam, cum violæ florescunt, ad totius an-  
 ni usum para: ne ex siccis violis parare cogaris, quæ mi-  
 nus frigida, & minus humida sunt, quam recentes, nec  
 leniunt: quod præcipue in hoc syrupo exigitur.

S E N E X.

**S**yrupus iuiubinus in ordinem venit. B R A. In hoc Syrupus  
 etiam vos composito, & non simplici utimini. Est iuiubinus.  
 autem iuiubinus simplex is quem Mesue Iuleb iuiubis  
 nam appellat: & re vera conueniret hunc syrupum per  
 se distinctum fieri: nam ubi non magna pectoris asperis-  
 tas adest, & sputum tenue ac subtile sit, ut incrassatio-  
 ne indigeamus, sed non magna, tunc simplici syrupo

F 2



iuiubino vti oportebit. Cum autem intensa materierum  
incrassatione indiguerimus, cōposito iuiubino vtemur.  
In simplici autem centum iuiubæ in quatuor aquæ libris  
ad medietatem resolutionis aquæ coquuntur, et cū vna  
Zuchari libra syrupus fit. S E N. Quam aquam sumere  
debemus? B R A. Alias de aquis disputatum fuit à recen-

**Aqua plu-** tibus, et conclusum, pluuialem aquam in syrupis pectora  
nialis i sy ralibus sumendam esse, quoniam tenuior sit, et magis  
rupis per penetrans, quàm aliæ: quia ex vaporibus facta, hinc ve  
ctoralib<sup>9</sup> ad pectoris partes penetret, magis efficacem esse, et as  
sumenda. ptam existimarunt. Nos autem non ita simpliciter hanc

rem inferendam censemus: sed Galeni sententiæ inhæ-  
rentes primo de simplicium medicamentorum facultatis  
bus, capite quarto, dicimus: Quanto aqua est magis sim-  
plex, tanto frigidior est: propterea vbi refrigeratione  
indigemus et incrassatione, ut in hoc syrupo iuiubino,

**Aqua fon-** pluuialem aquam sumendam iudicarem: vbi autem infri-  
tis, in quib<sup>9</sup> gitatione, aut incrassatione non indigemus, aquam fons  
bus sumen- tis sumerem. Verùm hæc non sunt hoc loco discutienda:  
da. sed satis sit apud antiquos talem differentiam aquarum

non fieri, sed eam tantum quæ sit pura, quam Galenus  
lib. supra citato capi. V. ex tribus sensibus iudicat, gus-  
tu, visu, et odoratu, et sit expers qualitatis, et nihil in-  
gustum imprimat, ut sit planè perlucida, ac sincera, ut  
in odore nullam habeat qualitatem, tunc iudica aqua esse  
puram, et illam esse quæ syrupos et medicamenta ingre-  
di debeat. Quod autem à recentibus creditur pluuiiales  
aquas magis penetrare, ab Aëtio non creditur, qui cap.  
CLXXV. libri tertij, aquam pluuialem fontanæ coma-  
parans,



parans, inquit: Plus enim habet cōstipationis quā fons  
 tana. Ideo neq̃ abstergit facile, neq̃ coquit, neq̃ mades-  
 facit, & excretionēs impedit: quod si alicubi moram tra-  
 xerit, magis adhuc constipat, tardiorisq̃ transitus fit,  
 egestionēs detinet, tardius cōcoquitur, distribuiturq̃, ac  
 destillationes gignit. Hæc Aëtius de pluuiali aqua. &  
 Pli. lib. XXXI. capi. III. eorum opinionē grauiter rea-  
 darguit, qui aquas pluuias probāt: imò inquit, horum  
 sententiā refellere interesse vitæ. SEN. Nō videtur q̃  
 pectorales decoctiones probè ingredi possit: tamē Pau-  
 lus eā laudat cap. L. primi libri, inquiēs: Cœlestis præ-  
 terea aqua, teste Hippocrate, nullo pōdere grauis, dul-  
 ciorē abūdati, limpiditate neutiq̃ vulgari, tenuitate de-  
 niq̃ cēsetur, eo quod à sole lenissimū trahatur, & tenuis-  
 simū. B R A. Id ex Hippocratis sententiā dicit Paulus,  
 qui tenuissimā aquā laudauit. Sed aqua duobus modis  
 cōsideratur. Vno modo ratione qua elemētū est. Altero,  
 vt nostrū corpus ingreditur. Ratione qua elemētum, &  
 frigida, ac tenuis est ab Hippocrate, & Paulo pluuialis  
 summē laudatur. At hæc eadē pluuialis ab Aëtio, vt nos-  
 trū corpus ingreditur, dānatur. Propterea & Paulus  
 præcitato loco inquit omniū aquarū pluuialem maximē  
 putrescere (quāuis Auicēna in syrupo de papauere pri-  
 mo oppositū dicat) quia ex qualitatibus diuersis cōstat.  
 Ex marina enim aqua & alyis eleuatur: tamen (inquit  
 Paulus) & si facillimē putrescat, ob hoc nō est existimā-  
 da deterrima, nam alterationis procliuitas virtuti magis  
 quam vitio adscribēda est. Quapropter quæ inculpate  
 aquæ indicys prædita, facillē putrescit, saluberrima cen-



senda est. Hoc intelligo ratione qua aqua. Et hæc verba Pauli, & Hippocratis de perfectione aquæ ut aqua loquētiū, nō aut ut à nostro corpore sumēda, in causā fuerit, ut recētes putarint, in omnibus affectibus pectoris pluuiālē sumēdā. Sed hæc aliās disputāda sunt: Nunc syrupū de iuiubis Mesue prosequamur: Hic autē est, ut passim in omnibus ferē scriptum authoribus reperitur.

Recipe iuiubarum lib. x.

Violarum )

Seminum maluæ ) añ. vnc. v.

Capillorum Veneris vnc. i.

Seminum cydoniorum )

Papaueris )

Melonis ) añ. 3. ij.

Lactucæ )

Dragaganti )

Liquiritiæ )

Ordei mundi ) añ. 3. viij.

Decoque in libras quatuor aquæ fontium, et cū libris duabus zuchari fiat syrupus. SEN. Hic est re vera iuiubinus apud Mesuen syrupus, tamē ipsum hoc modo nunquā parare potui, sed opus fuit semper, vel aquā augere vel zīzīpha diminuere. BRA. Nō possum nō credere descriptiones has mēdosas esse: nēpe zīzīpha aquā longē superāt, vnde si decē libræ zīzīphorum in quatuor aquæ libras bulliant, potius eclegma fiet quā syrupus: imò nel nō possit, vel ægre bulliret. Propterea arbitror errorē potius esse in zīzīphis, quā in aqua: hunc enim syrupum puto proportionē habere ad iuleb iuiubinū, in quo



quo etiam quatuor aquę librę ingrediuntur: sed quia hic centū iuiubas accipit, & nihil aliud ingreditur, hic sexaginta iuiubas sumēdas puto, vel cētū, nō aut centū quinz quaginta, vt nōnulli accepere. Verū sexaginta sumendas potius laudo, quoniā & antiquū Mesuē habeo ita incipit: Accipe iuiubas sexaginta: & potius enumerandę sunt, quā pōdere describēde, quia si pōdere tradātur, opus est semina extrahere. SEN. Propter qd? BRA. Quoniā hęc est, & esse debet vniuersalis regula apud pharmacopolas, vbi inueneris apud authores sebestem, pruna, iuiubas, tamarindos, per pōdus in suis receptiōnibus descripta, semina abstrahēda sunt, & proyiciēda: vbi autē per numerum ponūtur, semina extrahere nō est opus, vt in hoc loco. Quare legendū puto vt meus antiquus Mesue habet, iuiubas sexaginta. In alia etiam re error est, vbi enim legitur violarū, seminū maluę vnc. v. legi debet drach. v. vt ille antiquus Mesue citatus habet, qui in multis multo emendatior est: & vbi recētes violę haberi possunt, recētes semper accipias, quoniā siccę vires mutant. SEN. Quid de iuiubis? Sunt'ne recētes, an siccę sumendę? BRA. Recētes potius, sed bene maturę. Sunt autē bene maturę cū rugosę fiūt, & dulciores: acquirūt autē & perfectā maturitatē ab arbore remotę, quia humiditas qđā crassa resoluitur, & rugosę ac dulciores fiūt, dulcedine quadā emolliēte. Propterea & si à Galeno & antiquioribus reprobētur, tamē ad incrasandā materiā probē valēt, & maximē prosunt. Sumuntur recentes bene maturę: cū verò recētes desint siccas accipito, non quidem siccitate extrema: sed tali vt



intus sit mollities illa suæ carnis sub corio prædulcis:  
 quales sunt eæ, quas Ferrarienses mulieres filo cōsuūt &  
 fenestris suspensas seruant, priusquam sextum mensem  
 trāsierint. Pro semine papaueris, de albi papaueris se-  
 mine intelligito: pro ordeo mūdo, intellige à suis cortici-  
 bus, vt vis abstersiua abeat, & lenitiua remaneat. Cū  
 aut hūc syrupū facis, primò iuiubæ ingrediatur, postea  
 semina, & glycyrrhiza, deinde tragacanthum, deniq;  
 violæ, & capilli Veneris. S E N. Qua de re? B R A.  
 Quoniā prius ea ponere oportet, quæ maiorē decoctio-  
 nē sustinēt, deinde quæ minorem, tertio quæ minimam:  
 quippe tres gradus in decoctionibus sunt. Primus, ea re-  
 cipit quæ multā decoctionem sustinēt. Secundus, ea quæ  
 mediocrē. Tertius ea quæ paruam. In vnū te admoneo,  
 quòd zucharū hūc syrupū ingrediēs libra vna esse de-  
 bet, nō duæ: quia in simplici syrupo iuiubino, quē Iuleb  
 de iuiubis appellat, vnā zuchari librā solū ponit, in quo  
 nihil aliud est quod inspissare possit, q̄ iuiubæ. In hoc  
 autē syrupo cōposito multa alia sunt, quæ decoctionem  
 inspissant. Adde quòd syrupi magis coqui debet quàm  
 Iuleb: ideo nimis spissaretur, si duas zuchari libras reci-  
 peret. nec opus est dicere quòd decoctio ad dimidiū nō  
 fiat: nā & si Mesue pōdus decoctionis nō ponat, quan-  
 tum solui debeat, tamen regula sequentis syrupi seruanda  
 est, & Iuleb iuiubini, & aliorum multorū, vbi qua-  
 tuor aquæ libras decoquendo ad duas reducit. Si etiam  
 experiaris, inuenies pulchrius fieri cū vna libra zuchas-  
 ri, quàm cū duabus & in sequēti syrupo de papauere, in  
 quo Mesue quatuor aquæ libras tātum ponit, satis esse  
 voluit



uoluit octo uncias zuchari, & octo penidiarum. Tamen quia zucharum (vt fertur) nullam ferculum perturbat, si duas libras ponere volueris in tuo arbitrio sit, sed vna sola satis est, & Syrupus aptius ducitur. Hoc autem nunc omisso, ad syropos alios transeamus. SENE X.

Syrupus de papauere sequitur. BRA. In nulla re magis confusi sunt pharmacopolæ, quam in hoc syrupo. SEN. Qua de re? BRA. Quia multæ sunt descriptiones, & aliqui pharmacopolæ vnā, alij aliam sequuntur. O miseros ægros, quibus præter intentionem vnus Syrupus contingit ex his de papauere, qui suæ ægritudi ni ita non quadrat: à Medico autem putatur cōueniēs exhiberi. SEN. Credebā ego omnes pharmacopolas cōpositū Mesuæ de papauere, parare. BRA. Quem appellas tu cōpositū? nā omnes cōpositi sunt. SEN. Ego illū cōpositū appello, cuius descriptio apud Mesuen hæc est:

Recipe papaueris albi

Rubri	) añ.	3.	50
Capillorum veneris		3.	xv.
Liquiritiæ		3.	v.
Iuiubæ		nu.	xxx.
Seminum lactuæ		3.	xl.
Seminum maluæ	)		
Cydoniorum	) añ.	3.	vi.

Coquantur in libras quatuor aquæ ad consumptionem medietatis, & cum zuchari & penidiarum añ. 3. viij. fiat Syrupus. BRA. Tu hoc vteris? & paratum seruas? SEN. Et nunc seruo, & continuè seruauī. BRA. Multi tamen in hac vrbe sunt, qui sequentem à Mesue positum

E s

Syrupus  
de papauere.



ante syrupum Dinari faciunt.

Recipe Pauperis albi.)

Nigri.) id est eorū capita añ. 3. lx.

Et decoquatur in libras quatuor aquæ pluuiæ quo  
vsq; redeant ad lib. vnā & semis, & cū zuchari albi, &  
penidiarū añ. 3. iij. fiat syrupus. S E N. Est simplex de  
papauere. BRA. Ita appellari potest, quia nihil aliud de  
coctione præter papauerū capita recipit. Alios etiā nos  
taui, q primū syrupū de papauere Auicēnæ faciunt, qui  
& ipse simplex est, sed vñ succū recipit, aut sapā. Pro  
pterea nonnulli in cōposito Mesue à te citato sapam ad  
dunt: nam semi libram sapæ cū syrupo ad bulliendū pos  
nunt: quod tamen nec ab authore dicitur, nec cōuenit, cū  
infrigidare intendamus, & sapā calida sit. S E N. In tan  
ta confusione quos sequi debemus? BRA. Opus est duos  
syrupos Mesue de papauere paratos habere. Primum  
simplicem, alterum compositū: nam ambo ad somnum in  
ducendū, ad sitim extinguendam, ad prohibendam des  
tillationem ad pectus, & ad leniendum valent. Sed ille  
simplex minus frigidus est, & solum intentionē simplis  
cem habet ad prædicta, ad somnū scilicet prouocandū,  
& leniter infrigidandū: Compositus autem ad infrigis  
dandū & leniendum intensius. Ideo à Mesue ad tussim  
siccā, et phthisin valere dicitur. SEN. Curabo vt in mea  
officina ambo sint. BRA. Si vtrosq; habere neglexeris,  
saltem cōpositū habeas: Ego autē pharmacopola laudas  
bo, qui vtrosq; seruabit. SEN. Nunq̃ mihi deerunt. Dic  
autem (ni piget) debent' ne eo modo fieri, vt descripti  
sunt? BRA. Nonnullis erroribus demptis, aut emendatis,



eo modo fiant. SEN. Illos libenter audirem, ne deinceps incautus errarē. BRA. En in simplici de papauere, papauerū capita in quatuor aquæ libras ebullit, quousq̃ libra vna cū dimidia relinquatur: Sed papauer ex his est, quæ mediocrē decoctionē patiūtur: propterea si tā diu bullierit, vires amittere puto, præsertim si papauerū capita recentia sint. Si enim antiqua essent, maiorē ebullitionē exigerēt. SEN. In recentibus ad quantū aqua ebulliendo resolui debet? BRA. Satis est, si pars tertia resoluat, vel libra vna, & semis. Ideo Mesuen ita legas: & decoquatur in libras quatuor aquæ, vsq̃ dū desit libra vna & semis, vt à quatuor libris aquæ libra vna et semis bulliēdo euanescat: vnde libræ duæ & semis decoctionis relinquent. SEN. Cōueniētius videt quod minus restet, propter minimā quātitatē zuchari, quæ ingreditur: sunt enim quatuor zuchari, & quatuor penidiarū drachmæ. BRA. O bonevir, mēdosus est Mesue cōtextus, et legi debet: vncias quatuor, nō drachmas. Idē error in cōposito Loco Mesue restitu  
aū. 3. viij. legi debet, vncias octo: nec valet quod aq̃ quā  
tita: respectu zuchari multū exuperet ī simplici de papa  
uere, q̃a penidia vice zuchari fongūtur. Nō debēt aut tā  
tū papauera ebullire tū ob causā dictā, tū q̃a humiditas  
& frigiditas maximē expetūtur, q̃ ob multā decoctionē  
euanesūt. Nō laudo etiā quod pluuialis aqua sumat, ob  
rōnes dictas: quā tñ Mesue sumēdā iudicat. SEN. Sūt ne  
ī cōposito de papauere aliqua errata? BR. Et maxia. SE.  
Quō maxima in re tā vulgata? BR. Audies. Nam calida  
pro frigidis recipit. SEN. Quæ sunt hæc? BRA. Dicit



papaueris albi & rubri, est autem rubrum papauer anti  
 qua anæmone, quæ calida est. In hoc autem syrupo frigi  
 da solum recipienda: propterea legendum est potius, pa  
 pau- ris albi & nigri, non rubri, aliter præter intentio  
 nem rubrum papauer poneretur. Adde, in nostro anti  
 quo Mesue legi, papaueris albi, & nigri: & quod ni  
 gri, & non rubri legi debeat, testimoniū sumi potest ex  
 simplici de papauere, in quo papauer album et nigrum  
 ponuntur, cuius intentio est infrigidare, & somnum pro  
 nuocare. Cum autem eadem intentio in hoc sit, rationabi  
 le est albi & nigri legi, non autē rubri. SEN. Hic esset  
 magnus error. BRA. Imò est, & non animaduertitur.  
 SEN. Deinceps igitur nigrum, non rubrum accipiam;  
 BRA. Itaq; non errabis. SEN. Vidi alios syropos de  
 papauere, quibus medici in alui profluuijs utebantur.  
 BRA. Multæ aliæ sunt descriptiones syruporum de pa  
 pauere, à multis alyis authoribus scriptæ, quas prosequi  
 non est opus. Auicenna duas ponit, quarum secundam  
 ad profluuium alui valere certum habeo. Prima autem  
 ad somnum conciliandum: & à nonnullis fit, quem ap  
 pellant syrupum de papauere centum capitum, estq; sim  
 plex syrupus. Nicolaus etiam syrupum de papauere ad  
 profluuium valere scribit: imò & antiquiores in proflu  
 uijs alui papauere vsi sunt, extantq; apud Aëtium, Paus  
 lum, & Oribasium multa ad profluvia, quæ papauera  
 recipiunt. Hæc autem de hoc syrupo satis.

Syrupus  
 de quinque  
 radicibus.

S E N E X.

**S**yrupus de quinque radicibus in ordinem venit.

BRA. In quem ordinem, si ordinem non seruas?

SEN.



SEN. In ordinem meæ inordinatæ schedæ. BRASA. Equidem inordinatæ, nam simplices syropos seorsum à compositis scribere poterat, & calidos à frigidis, aut saltem ordinem secundum humores habere, aut secundum corporis partes, aut secundum ægritudines. SEN. Nihil consideravi, sed ordinaui ut in mentem venire, & ut in officina præsentabatur. BRA. Quum hoc ad rem ipsam nihil referat, syrupum de quinque radicibus examinemus. Quod magis commodè fiet, si unum & syrupum de duabus radicibus, & syrupum bisantium sine aceto & cum aceto, & syrupum acetosum simplicem discutiamus. Omnes pharmacopolæ & hic & per totam Italiam eundem syrupum acetosum simplicem parant, eum scilicet qui à Mesue describitur, & simpliciter syrupus acetosus nuncupatur, qui & ab Auicenna ponitur prima secundum quarti canonis, in libro autem quinto plures syropos acetosos describit, & Serapio in suo Antidotario, & Hali in .x. lib. suæ practicæ, hunc præsentem syrupum acetosum simplicem conformari docent. SEN. Nonne antiquiores de ipso tractarunt? BRA. Nusquam. SEN. Quomodo hoc dicis? nam Mesue ipse de hoc syrupo Galenum adducit. BRA. Quomodo autem Mesue Galenum adducere potuit, si Galenus zucharum ignoravit? SEN. Istud igitur mirum est, præsertim cum à recentioribus Galenus. XI. de arte curatiua adducatur. BRA. Certus sis, nusquam de eo locutum esse Galenum, imò grauius errant, qui librum secretorum Galeni adducunt, in quo hunc syrupum inueniri dicunt. SEN. Vnde igitur hic error emanauit? BRA. Quia Hippocrates, Galenus,



et antiquiores de oxymelite tractarunt, quod ab hoc differre non videtur, nisi quia mel zuchari loco sumit. Zucharum verò antiquiores ignorarunt: propterea acetosum simplicem Mesue parare non poterant, sed bene oxymelitem, de quo suo loco differemus. Est autem simplicis acetosi vel sine aliquo addito acetosi descriptio, hæc quæ sequitur, per Mesue verba expressa.

Syrupus  
acetosus  
simplex.

**R**ecipe Zuchari boni albi partes quinque, et in vase lapideo pone, et superinfunde aquæ fontis dulcis et claræ libras quatuor, et decoquatur, semper eius spumam abiciendo, et sit ignis, in quo coquitur prunarum, aut tenuis flammæ sine fumo, et decoque hoc modo, donec clarificetur, et diminuta sit aqua, sicut medietas eius: deinde infunde super ipsum aceti vini albi claræ partes duas in leui, et in forti partes quatuor, et in mediocri partes tres, et da ei post illud decoctionem in coctura: sit autem hæc coctura, coctura syrupi. Hæc Mesue ad verbum SEN. In hoc syrupo plura mihi præsentantur ambigua incipiam autem ab vltima parte, vbi inquit: In leui partes duas, in forti quatuor, in mediocri tres: per hæc verba quid intelligendum sit dubito. Nam illos aberrare puto quæ leue ad acetum applicat, et forte, et mediocre, in aciditate. BRA. Imò maxime errat, quia potius de leui aceto partes quatuor ponendæ essent, et de forti partes duæ. Sed verus intellectus est, quod leue, mediocre, forte, ad syrupum referatur, vel ad morbum: ut sensus sit: In syrupo leui, quæ non multum appetat, duæ aceti partes sint: in forti quæ multum aperiet, sint partes quatuor: in mediocri quæ mediocriter appetat, sint partes tres. Aut ad morbum referamus: In leui morbo



morbo sint duæ aceti partes in syrupo: in forti sint quatuor aceti partes: in mediocri morbo sint tres partes aceti. Dic autē paratis' ne hos tres simplices syropos in leui, forti, mediocri? SEN. Vnus solū paratur. BRA. Qui nā est ille? SEN. Differunt pharmacopolæ. Sunt qui tres partes aceti ponant, & qui duas, rari qui quatuor, tamē & reperiuntur qui addāt. BRA. Tu quem facis? SEN. Semper eum paro, in quo tres partes aceti sunt, nam potius medium sequi elegi, quā extrema. BRA. Ego autem vnū extremū potius sequerer. SEN. Quod? BRA. Vt duæ partes aceti solum ponantur, quia medico semper licet, quando voluerit, acetum addere. Sed quando plus aceti receperit, quā medico placeat, ita facile subtrahi non potest. SEN. Imò potest alia addendo. BRA. Sed non ita facile, nec deinde syrupus acetosus erit. SEN. Tua ratio non mihi displicet, propterea eum deinceps parabo in quem duæ partes aceti ingrediuntur. BRA. At opus erit, vnum semper agas. SEN. Quid est hoc? BRA. Vt medicum admoneas qui hoc syrupo utitur, te eum solum fecisse, qui leuis est: & in leui morbo valet, in quo duæ partes aceti tantum sunt: vt si acetum addere voluerit, addat: tamen conuenientius esset tres syropos habere. Verū nostri temporis medici non solū hoc non curant: sed inter hos syropos differentiam nesciunt, nec an fiant, sed cū indicunt ægro satisfacisse putant: rem verò quam ordinant, & an bene paretur, ignorant. Hæc autem aliās, quia nobis institutum non est de medicis maledicere. SEN. Aliud etiā est, quod in hoc syrupo me addubitare fecit, quia Mesue iquit ad materias



calidas valere, & ad frigidas & ad subtiles, & ad cras-  
 sas viscosas: hæc autem opposita videntur, & simul in-  
 compatible esse. BRA. Opus est scias, quod hæc eas-  
 dem quantitate nō agit, sed diuersa: nam hic syrupus ra-  
 tione aceti incidit, & frigidus est: propter frigiditatem  
 ad materias subtiles & calidas valet, sed ob incidendi  
 vim, quam habet, ad crassas materias & glutinosas va-  
 let, eas attenuando: vnde non inconuenit vnum ratione  
 diuersarum partium, & qualitatum ad duo cōtraria va-  
 lere. Nota autem quæ sequuntur, quia in materiebus fri-  
 gidis & crassis, non valet ratione frigiditatis, tamen  
 valet ratione incisionis. Ideo addit Mesue, posse vir-  
 tutem infrigidationis tolli, non remota eius penetratio-  
 ne. Istud autem fit, illi nonnihil calidi addendo, vt cina-  
 momum, aut radices calidas aperientes, quæ non solum  
 frigiditatem remouent: sed ad penetrationem & resolu-  
 tionem addunt. SEN. Miror quomodo Galenum addu-  
 cat, si nusquam Galenus de eo loquatur. BRA Galenus  
 de oxymelite tractat, quod ex melle & aceto fit, de quo  
 suo loco differemus: puto illum esse locum, quem Mesue  
 citat. Sed vnum est in quo magis ambigo, quàm in præ-  
 dictis. SEN. Quid est illud? BRA. Hunc syrupum ad  
 atram bilem valere, tamen Hippocratis, & Galeni sen-  
 tentia est, acetum eos iuuare, in quibus amaræ: eos autem  
 summopere lædere in quibus atra bilis dominatur, sed  
 magis mulieribus inimicatur, quàm viris, nam vterū læ-  
 dit. Non videtur ergo in melancholica materia conueni-  
 re. SEN. Quid igitur ad Mesuen dicere oportebit?  
 BRA. Fortè nō intelligit ratione suæ qualitatis ad atrā  
 bilem



bilem valere, sed tantum ratione penetrationis: quia alia  
medicamenta atræ bili propria ad statuta loca penetra-  
re facit, & vim dissoluendi ac dissicandi illis tribuit. Ideo  
acetum atræ bili conueniens non est, nisi ratione penetra-  
tionis. SEN. Hoc igitur per accidens prouenit, & non  
ex natura huius syrupi ob suā qualitatem. BRA. Quic-  
quid sit, hic syrupus acetosus, ratione qualitatis aceti ad  
humorem melancholicum non valet: sed tantum penetra-  
re facit, & resoluit: propterea ad syrupū acetosum com-  
positum veniamus. SEN. In Mesue post hunc syrupum  
simplicem acetosum, quem ipse syrupum acetosum absol-  
uto vocabulo appellat, syrupus acetosus cum radicibus  
sequitur, quem recentes de duabus radicibus vocant, &  
acetosum compositum. Fit autem cum aceto, & sine ace-  
to: cum aceto est acetosus compositus: sine aceto absolu-  
tè est de duabus radicibus: licet qui ordinant, cum ace-  
to, aut sine aceto addere solent. SEN. Ita est, & nos  
vtrosq; paratos seruamus. Et hunc qui acetum suscipit  
de duabus radicibus cum aceto nuncupamus, vel acetosum  
compositum, vel acetosum cum radicibus: qui autem  
acetum non habet, de radicibus absolutè dicitur, vel de  
duabus radicibus sine aceto. BRA. Vbiq; per totam  
Italiam ita paratur, & Mesue compositionem sequun-  
tur omnes medici, quæ hæc est.

**R**ecipe aquæ fontis claræ libr. X. & proyce super  
ipsam radicis fœniculi, apy, endiuia, ana. vnc. iij.  
anisi, seminis fœniculi, apy. ana. 3. viij. seminis endiuia,  
vnc. 6. Coquatur cum facilitate, quousq; veniat ad lib. v.  
tunc proyce super ipsam Zuchari boni lib. tres, et claris

Syrupus  
acetosus  
cum radi-  
cibus.



ficetur sicut prius: dende funde super ipsum aceti boni  
quâtitatem sufficientem, iuxta modum superioris doctri-  
næ, & da ubi oportet. Hæc Mesue. S E N. Hic est ille  
syrupus, quem facimus. B R A. Auicenna hunc syru-  
pum quinto libro docet, & eum syrupum acetosum com-  
munitatis appellat: sed non addit radices endiuivæ, quæ  
fortè in Mesue abesse debent: nam & in meo antiquis-  
simo Mesue non adsint, unde vocatus est de duabus ra-  
dicibus, quia duæ radices solæ ingrediuntur, & tunc nō  
erit opus fugere, quod tātum duæ radices calidæ ingre-  
diantur, endiuivia autem sit radix frigida, ideo dictus sit  
de duabus radicibus scilicet calidis. S E N. Reperis-  
tur' ne apud Antiquos hic syrupus? B R A. Non reperis-  
tur hoc modo compositus, sed apud Paulum, Aëtium et  
antiquiores proportionales decoctiones inveniuntur ex  
radicibus & apij, & fœniculi, & ex hyssopo, pulegio,  
origano, tragorigano in materiebus crassjs, ut liquidum  
est, si eorum volumina legeris, quæ ubi de febribus notis  
tractant, his plena sunt. Hic autem syruporum modus  
inventus est, ut omni tempore hæc in promptu habeantur,  
& magis delectent. Dicas autem, quando radices in  
syrupum ponis, sumis' ne integras? S E N. Non, sed in-  
frusta seco. B R A. Hoc non peto, sed an radices inte-  
gras, non adempto meditullio, an corticem tantum circa  
meditullium accipias. S E N. Semper excoriamus, et me-  
ditullium abycimus. B R A. Sed sine ratione factum vi-  
detur: nam vis radices in eo potissimum consistere vides-  
tur, quod est medium totius, & in quo potissimum vita  
plantæ est, hoc autem est meditullium: nam eo non modo

tota



tota radix, sed & tota planta viuit. SEN. Ratio id in-  
 ferre videtur: tamen in hoc syrupo de radicibus apud  
 Auicennam. V. lib. ita scriptum reperitur: Recipe corti-  
 cum radices fœniculi, & corticum radices apij. Quod ar-  
 gumentum est, corticem sumendum esse. BRA. Et ego  
 ex Mesue argumentum faciam, quia ipse in suo syrupo,  
 dicit radices accipiendas, non corticem radices: ideo ra-  
 dices sumendæ, quæ integræ sint. Etenim Mesue corti-  
 ces harum radicum dicere sciuit, & non radices, si cor-  
 tices, & non radices sumendas voluisset. SEN. Quid  
 ergo sumendum? BRA. Vt hanc rem optimè enode-  
 mus, scito apud philosophos in viuentibus ordinem per-  
 fectionis dari, & imperfectionis. Homines inter viuen-  
 tia perfectissimi sunt, propterea ad hominis generatio-  
 nem multa instrumenta requiruntur: in brutis pauciora  
 quàm in hominibus: in insectis adhuc pauciora, adeo vt  
 in frustra etiam consecta per aliquod temporis spatium  
 partes viuant. Arbores autem & herbæ tot instrumentis  
 non indigent, ideo non solum per semen, sed etiam per  
 furculorū transplātationē, & insitionē Eodē modo her-  
 bæ seminæ, & per ramusculorū plantationē viuunt, et in  
 eadē specie indiuidua faciūt. Omnia aut quæ viuunt, vno  
 organo indigent, in quo potissimum vita fundatur, vt in  
 animalibus cor, quod est caloris fons: insecta vero in fric-  
 ta concisa, habent aliquid cordi proportionale: pro-  
 pterea & incisa viuunt, non tamen diu, quia intercisum  
 est cordi analogū, & corruptū. In plantis verò per totū  
 est proportionale cordi. Ideo incisæ in partes, & plan-  
 tatæ viuunt, & quælibet pars suum cor habere videtur:



tamen in tota planta vnum solum erat actu, plura autem potentia. Cum autem inciduntur rami & surculi à planta, actu efficiuntur illius speciei plantæ indiuidua, & actu habet cordi proportionale. Similiter in omni viuente opus est vnum esse, quod in toto continuationem faciat, & à quo nervi & totius ligamenta nascantur, sine quibus non consisteret, nec moueretur. Hoc in animalibus est cerebrum, & spinalis medulla: in plantis est meditullium illud. Sicut autem in animalibus illa pars frigida est secundum speciem animalis: ita hoc meditullium spinali medullæ proportionale, ratione herbæ, cuius est meditullium, est frigidius, vel minus calidum: propter hoc ita aperituum non erit, sicut cortex, quo integitur in radicibus calidis. In frigidis radicibus secus est, quia habent frigiditatem maiorem, quam habeat cortex, & hoc in multis. Sunt etiam aliquæ radices, quæ hanc differentiam non habent, quia vsq; in profundum eodem modo carnosæ sunt, vt rapa, cuius cortex tenuissimus est, in medio tota caro est, & in rapa vis in medio est, non in cortice. Eadem fortè ratio in rhabarbaro dicenda esset. Ad rem igitur redeuntes, in radicibus aperientibus cortex sumi debet, quando radices aliquas decoctiones ingrediuntur: & ratio in promptu habetur, quia cortex magis calidus est, & magis aperitiuus, quam meditullium. In frigidis autem radicibus & non aperientibus, meditullium simul addere oportet, vt cum cichoreum decoctiones ingreditur, meditullium adimi non debet, tum quia frigidum, tum quia egregius cichorei qualitatem seruat: nam in meditullio maiorem amaritudinem sentis, quam in cortice.



tice. SEN. Est'ne verè cortex id quod meditullium inte  
 git. BRA. Respectu meditully cortex appellari potest,  
 tamè respectu radice nequaquam: quippe in radice tria  
 sunt, Cortex, qui primò occurrit, & terræ propinquus  
 est, qui ita se habet ad radicem, sicut himen, id est pellis  
 cula tenuis, quæ nos ambit: deinde caro, quæ est a corti  
 ce isto subtilit vsq; ad meditulliū: postea meditullium, q  
 à mulieribus Ferrariensibus anima herbæ nuncupatur.  
 Exterior cortex sumi non debet, sed is, qui est à summo  
 cortice vsq; ad meditulliū, quod caro appellatur. Super  
 rior enim cortex & terream naturā sūpit, & à radijs so  
 laribus exustus est: vnde in calidis & aperientibus radi  
 cibus in decoctionibus, & in hoc syrupo, & alys carne  
 vtaris: in frigidis aut radicibus, & carne, & meditullio,  
 vt in endiuia, cichoreo, lactuca. Quod si dicas in cichor  
 reo meditullium calidū videri, quia amarū, nam (vt Gal  
 lenus quarto lib. de simplicium medicamentorum facultat  
 ibus testatur cap. XVIII.) omne amarū est calidum.  
 Respondemus omnino aliq̃ caliditatē habere, propterea  
 aperit: his enim duobus insignitur cichoreū, quod apes  
 rit, & infrigidat. SEN. Ita igitur agendū erit quomo  
 docūq; radices sint. BRA. Si radices multū tenues es  
 sent, nihil moueri oporteret: si aut crassæ essent, meditul  
 liū abyciendū est. SEN. Tu autē superius mihi videbaris  
 satis euidenti ratione probare meditullium efficacius esse,  
 vtpote in quo vis intērior sit, quia est tāquā anima plan  
 tæ. BRA. Tamen si carnē gustes, atq; meditulliū, in car  
 ne, & sapore, & odorem intensum herbæ p̃sentis, sed  
 in meditullio parū (aliquibus demptis præsertim frigis



dis.) Gusta hunc apij corticē, & hunc fœniculi, nūc mo-  
do eorū meditullia gusta. SEN. Gustavi, & alias sæpe  
gustaueram, maior vis in carne sentitur, & nescio quid  
excellētius, quā in meditullio sentitur: tamē q̄a apij ra-  
dices parue sunt, & caro tenuis, raro aut nūquā meditul-  
liū remouemus. BRA. Sed Mesue in Secœniabin (ita  
ipse appellat) de radicibus, inquit: Recipe corticū ra-  
dicis apij, fœniculi & reliqua, quæ sequūtur, quod indi-  
ciū est ab apio etiā meditulliū remouēdū, & Auicēna in  
syrupo acetosō de radicibus cōmunitatis, iubet corticem  
radicis apij in syrupo recipiendū. SEN. Fortē hoc ab-  
re nō esset, cū authores dicūt, Recipe corticē radice, tūc  
sola caro sumatur: cū autē dicūt, Recipe radicē, tota ra-  
dix integra, meditullio nō amoto accipiatur. BRA. Hoc  
videretur rationē aliquā habere, nisi authores de radice  
quādoq̄ loquētes carnē meditullio dempto intelligerēt:  
& quia maior vis in aperiētibus & calidis in carne est,  
quā in meditullio: & q̄a meditulliū minus crassum est  
& durum quod magna decoctione indigeret. SEN. In  
quibus casibus hoc syrupo vteris? BRA. In materiebus  
biliosis notis, quæ crassæ sunt: & etiā valet ad materias  
pituitosas: nā obstructionū aperitiuus est, nō modò hepa-  
tis, splenis, & renū, sed etiā vniuersi corporis, & mates-  
rias crassas atq̄ glutinosas incidit & abstergit. SEN.  
Quo tēpore egritudinis exhiberi debet? solēt enim Re-  
cetes post septimā propinare. BRA. Nullū adest statu-  
tū exhibēdi tēpus per dies: sed semper exhiberi potest,  
quando oportet, etiā si in egritudinis initio sit. Tamen  
eग्रitudines quæ nō sunt biliosæ puræ, sed notæ, vt plu-  
rimum



rimum hunc ordinem habet: ut in primis portio subtilioris materiae resoluat: Ideo raro ante primam hebdomadam eo indigemus. Quare dicere non oportet ante septimum diem vel post septimum diem sumendum esse: sed quando opus est. Opus autem est, quoties materia crassa est, lenta, glutinosa, & partes nostri corporis obstructae sint, tunc ab hoc syrupo etiam in principio egritudinis incipere debes. Hic autem antequam ad aliam transire, de tempore colligendarum radicum verba facere, nisi statuisse determinato libello, de tempore colligendarum herbarum tractare. Ab hoc autem non abstinebo: cum multi sint, qui voluerint radices colligendas esse, cum herbae folia amiserint, eo autem tempore in medulla nulla vis est quae ad temperaturam faciat, sed ad plantae vitam solum facit: quod argumentum est carnem & non medullam sumenda. Ad rem autem nostram redeuntes, dic cum auctor inquit, tunc projice super ipsum zuchari boni libras tres, & clarificetur sicut prius, quomodo hanc partem intelligis? S E N. Hoc modo, postquam ebullierit, percolamus omnia bene exprimentes. B R A. Hoc mihi summe placet, quod expressio fiat. S E N. Postea tres zuchari libras addo. In hac autem re inter se differunt pharmacopolae, quoniam aliqui duobus, aut tribus ouorum albuminibus sumptis zucharam & totam decoctionem simul clarificant: alij zucharam per se clarificant, & deinde in decoctionem ponunt: alij nullo modo clarificant. B R A. Hi forte non inepte agunt, quoniam frustra albumen ovi poni videtur pro liquorum depuratione, in quibus acetum ingreditur. Tu autem quomodo agis? S E N. Ego in tota decoctione clarificare soleo, duobus, tribus, aut



pluribus ouorū albuminibus sumptis, pro quantitate syrupi, quā facio. BRA. Tu ergo maiore syrupi copiam facis quā ab authore describatur. SEN. Equidē. BRA. Deinceps ne hoc feceris: nam in theriaca ostendimus ex mente Galeni, nec augendas, nec diminuendas medicamentorū quantitates & cōpositiones, de qua re aliās tractabimus. SEN. Deinceps integrā cōpositionem parabo. Dic autem tu, laudas præsentem syrupum clarificari an non? BRA. Id agendū est, quod ab authore dicitur. SEN. Qui nam modus est ille? BRA. Ipsum lege, qui inquit, clarificetur ut prius: Ideo opus est eo modo clarificare ut prius docuerat, quod in acetoso simplici fuit. SEN. Quomodo docuerat? BRA. Ebulliēdo & expumando, semper spumā abijciendo, & decoquatur hoc modo (inquit) donec clarificetur. Itaq; huius syrupi clarificatio fiet, spumā demendo cū ebulliet cū zucchero, donec clarus euadat, ea scilicet claritate quam habere possit, quæ tamen erit integra claritas. SEN. Ovis igitur parcam. BRA. In hoc casu parces, nam & frustra cum aceto ponuntur. SEN. Debet ne diminui vsq; ad dimidium? BRA. Non, sed vsq; ad claritatē, quam habere potest: hanc autē habebit, cū amplius spumā non faciet. Dic autē quā aceti quātitatē in hūc syrupū ponis? SEN. Pro qualibet syrupi libra semilibra aceti. BRA. Sunt qui uncias quatuor, & qui quinque, & qui octo pro qualibet libra ponant. SEN. Quid in causa fuit, ut hæc differentia nasceretur? BRA. Quoniam in hoc syrupo eodem modo ut in præcedenti acetum poni debet, in leui partes duæ, in forti partes quatuor, in mediocri partes tres:



tres: quia Mesue ad precedentem syrupum seipsum re-  
fert. Ideo aliqui fortem, aliqui debile, aliqui mediocrē,  
aliqui nullum, sed suo modo parant. SEN. Igitur tres sy-  
rupi compositi acetosi fieri deberent? BRA. Deberent  
quidem: sed satis est debilem, id est debili morbo conue-  
nientem vel in aceto debilem seruet: quia doctus medi-  
cus, acetum semper addere potest, si opus erit. Si autem  
vel fortis vel mediocris esset, & debiliori indigeret, ace-  
tum auferre non posset, ut in simplici acetoso etiam dixi-  
mus: semper autem bulliat expumando, post impositio-  
nem aceti quod syrupum clarū reddit. Ideo ovis non in-  
digemus ubi acetum ingreditur, sed illis solū utimur in  
illo de radicibus sine aceto secundum vos pharmacopo-  
las: sed satis est secundum Mesue ebullitio: vnumq; ani-  
maduertat, si absq; aceto syrupum feceris, ut sine aceto  
de radicibus appelletur, quādo ipsum clarificas expu-  
mando, semper expumare debes quousq; perfectus sit,  
& ad syrupi cocturam peruenerit. Si autē acetum ad-  
dere volueris, ut sit acetosus compositus, vel acetosus de  
radicibus, noli expectare quod coctus sit quando acetū  
addere volueris, sed tunc ponas acetum, cum prope co-  
cturam syrupi peruenerit, semper expumando. SEN.  
De hoc satis dictum est, ad illum de quinque radicibus ve-  
niamus. BRA. Ut lubet: sed dic quem authorem sequi-  
mini in hoc syrupo? SEN. Ignoro, nos ipsum magistras  
lem syrupum appellamus, & eo medici utuntur: vnde  
autem venerit, nunquam audini. BRA. Et ego certe nus-  
quam inueni, nisi in quibusdam libellis Receptarijs nū-  
cupatis Petri Gallii: possent dici libelli de componendis

Syrupus  
de quinque  
radicibus.



medicamentis: sed communiter, *κατὰ γένος*, *κατὰ τόπον*. Id est *κατὰ γένος*, *κατὰ τόπον*. Tu autē addidisti esse magistralē syrupū, quid intelligis p̄ illam particulā magistralē? SEN. Nos receptas magistrales appellamus quæ in vsu quotidiano sunt. BRA. Appelletis vt lubet. Quod mihi absurdū videtur, est, apud diuerfos pharmacopolas vario modo Ferrariæ fieri. Sūt enim qui sequentem cōpositionem sequuntur: sed vnde hauserint, ignorant: nec eorum praeceptores sciebant.

Recipe radicis Apj )  
 Petroselini )  
 Fœniculi ) añ. vnc. ij.  
 Asparagi )  
 Brusci )

Misce, *καὶ* bulliāt in sex lib. aquæ fontis ad cōsumptionē tertiæ partis, deinde facta expressione addatur zuchari libræ tres, *καὶ* in fine decoctionis, aut p̄pe finē, adde acetī optimi vnc. viij. SEN. Hic non est syrupus de quinque radicibus quē paro, *καὶ* quē maior pharmacopolarū pars parat: in hoc enim à te citato semina desunt. BRA. Hoc nō ignoro, tu modo tuū edoceas. SEN. Est hic q̄ sequitur.

Recipe radicis Apj )  
 Petroselini )  
 Fœniculi ) añ. vnc. ij.  
 Asparagi )  
 Brusci )  
 Seminis Apj )  
 Petroselini ) añ. vnc. i.  
 Fœniculi )

Misce,



Misce, & omnia decoquantur in lib. X. aquæ, & libram vnam aceti ad consumptionem medietatis: inde co-  
letur, & cum melle quantū sufficit, fiat syrupus. BRA.  
Ponis' ne acetum, vt cū aqua bulliat? SEN. Pono. BRA.  
Id nō conuenit, sed tunc poni debet, cum ferè coctura fa-  
cta est, aliter nihil ferè aceti haberet: vna etenim aceti  
libra in libris decem aquæ ebulliens non persentitur.  
SEN. Ob hoc ægrè persentitur acetum in hoc syrupo.  
BRA. Cū autem apud aliquos pharmacopolas in suis  
syrupis huius speciei sentitur acetum, apud alios non sen-  
titur, Causa est, quia diuersas compositiones sequuntur  
& diuersis modis agunt. Ego sentiri voluerim, q̃a eius  
officium est aperire, attenuare, resolvere. Quæ omnia  
excellentiùs fiunt, si acetum in compositionibus adda-  
tur quam si desideretur. Dic autem facis' ne cum melle  
aut zucharo? SEN. Nullus melle vtitur: sed zucharo.  
BRA. Tamen descriptio tua, quæ passim circūfertur  
mel recipit. SEN. Verum est: sed nos, vt suauiore fa-  
ciamus, mel accipimus. BRA. Id dicis ac si mel suaues sy-  
rupos non faciat: imò ex melle dulciores sunt, & in hoc,  
mel potius sumi voluerim, quàm zucharum, quoniam  
hoc syrupo vtimur ad vehementius aperiendum, quàm  
faciat syrupus de duabus radicibus. SEN. Noui ego  
pharmacopolas quosdam, qui syrupum de duabus radi-  
cibus exhibent, quoties syrupus de quinq; radicibus præ-  
scribit. BRA. Hi vehementer errant: nam & si ad ean-  
dem intentionem valeant, tamen hic est magis validus,  
quam ille de duabus, præsertim quādo additur quātitas  
aceti sufficiens. Nā quādoq; indigemus parum aperire,



quod facimus cū aceto so simplici: quandoq; magis, quod facimus cum illo de duabus radicibus: quandoq; adhuc magis, quod facimus cum syrupo de quinque radicibus, vnde medicus hoc peculiare in se habere debet, vt ad vnam intencionem debilia, fortiora, & fortissima p̄ gras dus habeat, & immutare sciat: nec vim naturæ faciat si voluerit ab extremo ad extremū sine medio progredi. Cū autem per media conuenientia transit, naturæ satis facit, & nullus error fieri potest. Alij tamen pharmacopolæ sunt qui alium syrupum faciunt ex quatuor radicibus, & illum pro syrupo de quinque radicibus parant. Ipsum autem in libro quodam suo inueniunt, qui Lumen apothecariorum appellatur sub nomine syrapi de radicibus magistralis, cuius compositio hæc est.

Recipe radicum Apij )

Fœniculi ) añ. m. i.

Petroselini )

Endiuie )

Seminum Apij )

Fœniculi )

Anisorum ) añ. vnc. 6.

Ameos )

Asparagi )

Aceti boni libras duas.

Omnia præter acetum in lib. XX. aquæ bulliant vsq; ad perfectam coctionem, deinde coletur, & colaturæ addantur mellis purificati lib. IIIL. et acetum prædictum, & ad perfectam coctionē decoquatur. SEN. Rari sunt qui hunc syrupum faciant. BRA. Aliqui tamen non desunt.



sunt. SEN. Quem debeo ego pro syrupo de quinque radicibus paratum habere? BRA. Ego eum pararem, quem tu paras, sed cum melle potius, quam cum zucchero. SEN. Accipiendæ sunt integræ radices in isto, an sola caro? BRA. Caro sola, præterquam in apio, cuius radicem integram ut plurimum sumimus, tum quia parvæ, tum quia medullium tenellum est. BRA. Cum is à medicis syrupus de quinque radicibus præscribit, eum facito qui in medio descriptus est, in quo radices, et semina ponuntur: suaderemque, ut pro qualibet syrupi libra quatuor saltem acetum vnciæ ponerentur, si quis plures addere voluerit. Sed ad Bisantinum syrupum veniamus, qui et ipse in ordine horum aperientium syruporum, et qui acetum recipiunt, existimatur. SEN. Est Mesue syrupus. BRA. Nullum alium authorem legi (præter Mesuen) qui illum describeret. In frequentissimo usu est per totam Italiã, in materiebus crassis, glutinosis, et in magnis obstructionibus, et præsertim ubi materia atra biliosa est, ut in quartana febre. Sed tu eius descriptionem enarra. SEN. Ita ad verbum ex Mesue colligitur ut ego dicam.

Syrupus  
bisantinus  
sine aceto.

Recipe succi Endiviæ )

Apj ) añ. lib. ij.

Lupulorum )

Boraginis vel Buglossæ aut dos ) añ. lib. i.

mesticæ aut sylvestris. )

Bulliant bullitione una, et despumantur, ac depurentur. Tunc ex hoc depurato accipe lib. IIII. Zuchari Tabarzeth lib. II. semis, et coquantur cum facilitate donec fiat syrupus, hic est syrupus Bisantinus Mesue. BRA SA.



Syrupus  
bisanthinus  
cū aceto.

Non ne & acetum ingreditur? SEN. Non ingreditur  
in hoc qui sine aceto est. Si autem cum aceto facere vo-  
lueris, Mesue docet ad omnem partem depurati succi ad-  
dendum esse aceti boni clari, partem semis, & tunc bi-  
santhinus cum aceto appellatur, sed hi ambo, & hic qui  
cum aceto est, & ille qui sine aceto dicuntur bisantini  
absq; additione. BRA. Additionem addas, ne quicquam  
omittatur, quod nostrum examen effugiat. SEN. Addi-  
tio hæc est, vt in prædictis succis bulliant.

Foliorum rosarum vnc. ij.

Liquiritiæ vnc. ʒ.

Spicæ ʒ. ij.

Anisi )

Fœniculi ) añ. ʒ. iij.

Seminis Apij )

Nihil aliud additur. BRA. Hæc ferè sunt alter syru-  
pus. Sed quomodo hæc ponis? SEN. In succis ebullire  
facio vsq; ad ebullitionem illam, deinde percolo, & cla-  
rifico, deniq; acetum addo. BRA. Hoc autem mirum est,  
in hac vrbe esse qui cum additione ista, & qui sine ad-  
ditione parent. Ego suaderem, vt cum additione fieret;  
nam hic syrupus in aperiendo eum excellere dicitur, qui  
de quinque radicibus est. SEN. Libenter abs te ordinem  
præcedentium syruporum in aperiendo haberè. BRA.  
Talis erit ordo, vt inter omnes nuper enumeratos pri-  
mus in aperiendo sit.

Acetosus simplex.

Postea de duabus radicibus sine aceto.

Tertio, de duabus radicibus cum aceto.

Quarto,



Quarto, de quinque radicibus.

Quinto, bisantinus sine aceto.

Sexto, bisantinus cum aceto.

Bisantinus autem, vel cum aceto, vel sine aceto sit, cum additione semper fieri debet. Tamen de bisantino sine aceto dubium fieri posset, an illum de quinque radicibus superet, in quo acetum ingreditur: acetum autem ad aperiendum plurimum facit: propterea absolute dicendum est, syrupum de quinque radicibus, Bisantium sine aceto superare. Tamen Bisantinus sine aceto nunquam dari debet, nisi in eo casu, in quo acetum noceret, et reliqua quae syrupum ingrediuntur, conuenirent. Sed et in hoc casu nec syrupus de quinque radicibus, nec acetosus compositus conueniunt. SEN. Quo ægritudinis tempore exhiberi debet hic Bisantinus syrupus? nempe recentes post septimum diem propinare solent. BRA. Ut supra edocuimus, non ad sunt statuta syruporum tempora: sed ægritudo et materia, et ægri affectio ea sunt quae hunc vel illum syrupum vocant: unde quocumque tempore eo indigemus, dandus est, etiam si ægritudo inciperet. Tamen raro accidit, quod in principijs eo indigeamus, propter hoc recentes, in principijs à Bisantiano abstinendum esse dicunt, quod absolute dicere non licet. In magna etenim obstructione ab hoc incipere conueniet. Inquit accipiendum esse boraginem, vel buglossam syluestrem, vel domesticam. Hoc à Mesue positum non est, sed ab interprete additum. Mesue tantum boraginem scripsit, eius autem interpretes ignorabat boraginem esse verum buglossum, sed de hac re in examine



simplicium locuti sumus. Illuc recurras, ne librum libro  
 misceamus. SEN. Dicitur à Mesue, Accipe eius depuras-  
 ti libras quatuor, Zuchari Tabarzeth libras duas & ses-  
 mis. Qualis est horum verborum sensus? BRA. Intellige  
 pro singulis quatuor libris succi depurati, duas libras,  
 & semis Zuchari accipiendas esse. Vnumq; addo, Mes-  
 sue intentionem esse, vt nunquam maior copia huius sy-  
 rupi fiat, quàm sint quatuor libræ succi, & duæ & ses-  
 mis Zuchari. Nempe Galenus in Theriaces compositis  
 ne docet, nunquam authorum compositiones augendas  
 esse, aut minuendas, quando per certam & statutam men-  
 suram & per certum pondus scriptæ sunt: ideo laudas-  
 rem vt singulas compositiones in sua quantitate paras-  
 res: neminem tamen in Syrupis cogerem vt hanc regulam  
 seruaret, sed in aliquo antidoto, & maiori pharmaco,  
 non solum suadens, imò cogerem. Vnde Venetorum The-  
 riacam, & Mithridatū nihili facio, etiam si vera simplis-  
 cia haberent: quia secundum Andromachi quantitatem  
 & aliorum authorum non parant: sed adeò multiplicant  
 vt lacus harum compositionum vna vice parent. Ad rem  
 autem nostram redeūtes, quid intelligis tu per vnā ebul-  
 litionem? SEN. Quod cum bullire cœperit, ab igne des-  
 matur: vnde ex hoc infertur parum ebullire debere.  
 BRA. Deciperis bone vir, & tecum multi: quia illa ver-  
 ba integram ebullitionem notant: sed illud semel fieri,  
 non autem quod ebullire facias, postea frigescat: & de-  
 inde iterū bulliat: sed cōtinuo bullire oportet, quoad  
 spumam fecerit, & depuratum sit. Scitoq; Zucharum Ta-  
 barzeth esse Zucharum album: quippe Mauritani album  
 Tabarzeth



Tabarzeth appellant. Est autem album Zucharum id quod bene expurgatū & excoctum est, non tamen quod vulgo sinum vocamus: sed quod alijs precedentibus purgationibus adeò depuratum sit, vt arbum euaserit, nondum tamen extremam manum accepit & finum effectum sit. Scito etiam, quod à Mesue dictum est ebullire cū facilitate, id in omni syrupo intelligendum esse, quia vehemens ebullitio spumam ingentē excitat, & perfecte confici non finit. SEN. Vnū à te scire percipio, quare hic syrupus bisantinus, aut Dinari nuncupatus sit. B R A. Id est nomen eius syrupus Bisantinus, sed interpretes parū bonus qui in nomine deceptus est, vertit Dinari, quia Bisantium genus monetæ est, ac si dicatur syrupus qui moneta dignus est. Re autem vera hæc inscriptio ita intellectu vana est: sed potius hoc coniectandū à loco appellatum esse syrupum bizantinum, id est quo medici bizantini utebantur. Intelligo autem per Bizantium non Constantinopolim quæ in Asia est: sed Bizatiū in Africa: quāuis hoc Bizatium, non Byzantiū scribendum sit, & sic apud Plinium legitur in castigatis codicibus. Mesue enim Aphricanus fuit, & proprie Damascenus, vel fortè ab aliquo Græco Constantinopolitano hanc compositionē habuit, propterea Bizantinū, id est Cōstātinopolitanū syrupū appellauit, vtpote quem à Constantinopolitano authore habuit. Quicquid tamen sit, de nominibus multum sollicitos esse non est opus, modo rem ipsam cognoscamus. Dic autē tu, si intra annū hic syrupus desiceret, quomodo eū reparabis, quia succos non habebis? SEN. Nos magnā copiam facimus, & succos seruamus,

H



si forte fortuna deficeret. BRA. Quomodo succos ser-  
uare potestis? SEN. Factis succis, eos percolari dimit-  
timus, quibus optime percolatis, facē abycimus, postea  
per densum linteū descendere facimus, deinde in vitrea  
tum vas ponimus cum bene depurati sunt, & oleū supra  
ponentes seruamus. BRA. Miror, quod breui non cor-  
rumpantur. SEN. Imò corrumpuntur, sed non ita bre-  
ui. BRA. Quāto tempore durat? SEN. Per spatium  
sex aut octo mensium. BRA. Hoc nihil est, nam opus  
erat saltem per integrum annum seruare. Vidi ego non  
nullos, qui ebullire faciunt, deinde seruant. SEN. Et  
hoc modo cito putrescere debet. BRA. Cito: propterea  
in hunc modum fieri suaderem, Expresso succo per sta-  
men bene coletur, deinde per densum linteum, postea  
soli per. XV. dies exponatur, deinde iterum percoletur,  
& in vitreum vas recondatur, oleo tamen supra posito,  
& vasis ore optime obturato. Itaq; per annum, & etiam  
diutius perdurabit. Omnesq; succi hoc modo parati colo-  
rem quendā subrubrū faciunt, colori granatorū similem  
& viridem colorem quē in principio habebant, amittūt.  
Rosarū vero succus vini speciē refert. Scito tamē aliquos  
succos esse, qui citius corrumpuntur, vt succus apij, fœnis  
culi: alios, qui tardius. . SEN. Post annum, hi succi si ser-  
uētur, sunt ne bonis? BRA. Eos nō laudo, sed ipsis abies-  
ctis nouos parare: nepe tractu tēporis semper vires amitt-  
tūt: imò si fieri posset, semper eis recentibus vti deberes.

Syrupus SEN. In hunc ordinē syruporū aperientiū, & acetū rea-  
acetosus cipiētū, syrupus acetosus Diarhodō esse videt. BRA.  
diarhodō. Nescio vnde hic syrupus nomen Diarhodon sortiatur.  
SEN.



SEN. A rosis, quæ ipsum ingrediuntur. BRA. Eadem rosæ syrupum bisantinum cum additione ingrediuntur, tamen non appellatur Diarhodon. SEN. Verū est, sed rosæ non ingrediuntur Bisantinū sine additione. BRA. Quid ad res? Nulla ratio est, cur potius de rosis, quā de endiuia vel fœniculo, vel apio nuncupetur, quæ in maiori copia hunc syrupum ingrediuntur. SEN. Quomodo igitur appellandus est? BRA. Voluerim potius, quod appellaretur syrupus acetosus Diachylon. SEN. Cur Diachylon? Derideremur, quia Diachylon ceroti genus est, nō syrupus. BRA. Et tu hos ignaros deridebis, qui nesciunt chylon succum significare. Cum autē multi succi hunc syrupum ingrediantur, conueniens est ipsum acetosum Diachylon, id est de succis appellare. SEN. Etia Bisantinus succos recepit. BRA. Verū est: sed non tot, & ille suum nomen habet. Tamen Mesuen considerans, sententiam mutō: nam Mesue post hunc syrupū, aliū ex puris succis facit, quem acetosum de succis herbarum appellat. Ideo hunc potius diarhodon, quā diachylon appellato. SEN. Quomodo hoc fiet, si rosæ in minori copia ingrediuntur? BRA. Conueniens est de rosis appellari, quia nihil per se solum in maiori copia hunc syrupū ingreditur, quā rosæ. Si enim ipsum de endiuia nuncupabis, à te petam cur magis de apio non dicitur? quia tanta succi apy copia, quanta endiuie ingreditur: Eadem est ratio, si à fœniculo denominare volueris: sed nihil est in tota compositione, quod per se solum in maiori copia sit, quā rosa, ideo à rosis denominatur, & ita etiam placuit auctori. Nūc vero eius compositionem

Syrupus  
acetosus  
diachylō



in medium afferas. SEN. Hæc est quæ sequitur.

Recipe succi endiuie

Apj ) añ. lib. ij. ʒ.

Radicum fœniculi )

Apj ) añ. vnc. ij.

Endiuie )

Rosarum vnc. i.

Liquiritie vnc. ʒ.

Spice ʒ. ij. ʒ.

Anisi )

Fœniculi ) añ. ʒ. vij.

Seminis Apj )

Proyce super hæc aquæ dulcis lib. VI. & decoque  
vsq; ad consumptionem duarum partium, & cum tribus  
libris Zuchari et duabus aceti fiat syrupus. Sed dicas ad  
quos affectus valet? BRA. Ad ingentes obstructions,  
ad hydropem, ad antiquas febres & atrabilarias. SEN.  
Easde igitur vires cum Bisantino habebit. BRA. Non  
modo easde, sed multo maiores. Ideo in ordine aperien-  
tium Bisantinum cum aceto etiam excedit. SEN. Res-  
peritur' ne alius syrupus, secundum hunc ordinem, qui  
hunc in aperiendo superet? BRA. De alijs suo loco dis-  
cemus, nunc autem id scito, Illum de succis herbarū,  
quem Mesue describit, hunc excedere, quem in vsum re-  
duci voluerim, quam nunc non sit, tamen optimus est.  
Sed quomodo hunc acrem Diarhodon paras? SEN.  
Omnia simul misceto cum aqua, vt bulliant, & vsq; ad  
consumptionem duarum partium ebullire sino. BRA.  
Quomodo intelligis duarum partium, ex tribus, an ex  
quatuor?



quatuor? SEN. Ex tribus. BRA. Bene sentis, quia si dixisset ad consumptionem trium partium, opus esset intelligere ex quatuor: quia semper propinquior diuisio fieri debet, nisi expressa partium mentio et diuisionis facta sit. SEN. Post cocturam ex primo, & in expressione zucharum & acetum pono, ebullire faciens, quousque ad syrupi formam reductus sit. BRA. Ponis ne omnia simul eodem tempore ut bulliant? SEN. Pono. BRA. Hoc agendum non est, sed rosæ, & spica seruanda, quæ tam longam decoctionem non patiuntur quin vires amittant: & primo sunt rosæ, deinde spica in fine decoctionis addenda. SEN. Ita deinceps agam. BRA. Non ab re erit frigidiori vino labia abluere. SE. Ut lubet fiat. BRA. Eia postquam os ablutum est, ad intermissum negotium reuertamur.

## SENEX.

**S**yrupum de pomis post prædictos scripsimus. BRA. *Syrupus de pomis.* Quem de pomis? SEN. Et simplicem, & eum qui inscribitur Sabor. BRA. Simplicem primo tractemus. SEN. A Mesue describitur, pro cordis tremore, & eius debilitate, ad confortandum, & quando syncopin patitur, & habet suspiria, & suspiria luctuosa. BRA. In omnibus ferè cordis affectibus ab atra bile pendentibus conuenit. SEN. In hunc modum fieri docet Mesue.

**R**ecipe pomorum dulcium & acetosorum, ana. lib. v. Coquatur hic succus, usque ad consumptionem medietatis, & postea per duos dies dimittatur quousque clarescat, deinde coletur, & cum tribus libris zuchari fiat syrupus. Hic est simplex syrupus de pomis. Mesue deinceps de sequentia verba addit: Sūt qui in succo setā tinētā in



chermes submergant, & hoc est ante depurationem succi, & per tantū temporis ibi tenetur, quousq; rubeat, & recipiat virtutem tincturæ, tunc enim excellentior est, et magis confortat. B R A. Addis' ne tu setam tinctam in chermes? S E N. Addo, & ita faciunt omnes pharmacos polæ. B R A. Verum est, sed magno errore, nam seta in Chermes tincta multum aluminis recipit, & aliarum rerum cordi aduersantium. Ideo hæc seta addenda nō est, vt etiam superius i syrupo de corticibus citri docuimus. Ideo non est addenda eiusmodi seta, præsertim quia à Mesue non additur: sed aliquos addidisse refert. Si autem hanc setam imponere cupis, illam ita para, vt in syrupo de corticibus citri edocuimus. S E N. Potius dimittam. B R A. Dimittas, quoniam modicam imò nullam spem habeo in seta, & in Chermes. Dic autem quæ poma sumis pro parando succo? S E N. Et dulcia & acida. B R A. Quomodo vulgo appellantur hæc pomorum genera, quæ tu sumis? S E N. Nomina ignoro: sed eo in forū, & poma gusto, que illuc vendenda portantur: si dulcia sint, pro dulcibus emo: si acria, pro acribus. B R. Hoc minus malum est, quàm ea sumere quæ ab Arabum imitatoribus sumuntur: ea enim sumunt que ipsi muza, id est medij saporis sua lingua appellant: sed Mesue ex utroq; genere & acri & dulci sumenda censet: nec im merito, quia dulcia odorata sunt, & cor roborant: acria putredini aduersantur. S E N. Quendam medicum audiui, qui hūc syrupum ex acidis pomis fieri debere profitebatur. B R A. Ego etiā audiui: sed longe decipiebat hic vir: nam ex acidis pomis factus syrupus aliā intentionem



tionem habet, vt ex Serapionis Antidotario sumi potest, vbi ipse hunc syrupum ex acidis malis factum describit: nec dicit passionibus cordis succurrere, sed ventriculum, atq; ventrem roborare, & vomitum ex bile remouere, & sitim auferre, & eam sedare, nihil autem de corde ponit. Cordi vero odorata conueniunt, vt Galenus in libro de simplicium medicamentorum facultatibus docet. Imò Anicenna. V. lib. sui canonis syrupum de pomis muzis, id est medij saporis describens, non dicit valere cordi, sed ad debilitatem ventriculi, & pulsum oris ventriculi ex caliditate, & vomitum cholerici abscindit, et sitim. Nulla autem ratio est cur passionibus cordis non succurrat, nisi quia dulcia poma odorifera non sumit, quæ enim inodora sunt, vt acria poma, cordi non succurrunt, vel parum agunt, vt modicus est odor. Imò quia Mesue deincaps de syrupo acetoso de pomis tractabit, quem docet confortare stomachum & cor, & sitim sedare. Si quandoq; illud parare volueris, poma dulcia & acria sumere debes: quia ratione dulcium odoratorum cordi succurrit: ratione acrium, ventriculo. Illi igitur aberrant, q. vel muza poma, id est medij saporis, vel acria accipiunt: sed obcor odorata poma & dulcia sumenda sunt, & acria per se. Imò suaderem vt maior copia dulcium, quam acidorum sumatur. Nam & Paulus Aegineta, hydroa malum facit ex pomorum succis, & poma dulcia tantum recipit. SENEX. Dic tu quæ poma sumenda sunt? BRASAVOLVS. Multa genera dulcium pomorum sunt & acidorum: voluerim ego vt ex dulci & odorato fieret, qualia sunt ea poma, quæ nos piola quasi



Hydroma  
lum.

appia vocamus: & illa etiam quæ Rosa ob colorem, & fragrantiam nuncupamus: suaderemq; vt pro acidis pomis ea sumerentur, quæ Musona vulgo dicimus, in marmarum formam oblonga & magna. SEN. Sunt ne antiqui de hoc syrupo locuti? BRA. De hoc præcise nunquam tractarunt, sed de facto ex pomorum succis. Nā Paulus Aegineta libro. VII. capite. XV. de hydromalo loquens, ex succo cydoniorum facit: postea in fine illius partis inquit esse nonnullos, qui hydromalon ex malis dulcibus similiter composuere. Est autē compositio antiqua talis: Malorum concisorum purorū libras quinque in aquæ fontis sextarijs decem tantundem elixato, donec vnum corpus reddatur, postea refrigerato, & colato, & mala proijce expresso cremore: aquam vero metiens mellis quantitate dimidiam admisceto, & rursus assidue despumando donec octaua pars euanescat decoque. SEN. Cur melle vsus est Paulus? BRA. Quia antiquiores zucharo carebant. SEN. Nunc redit in mentē. BRA. Erat & alter modus à prædicto, succi malorum dulcium mundorum contusorum sextarios duos coquito despumans vsq; ad tertias, omniaq; vna vice simul mixta sint. SEN. Quæ compositio tibi magis apta videtur, hæc Pauli, an illa Mesue? BRA. Antiquas compositiones nunquam despicere auderem: tamen vt ingenue, suas laudes vnicuiq; tribuam, facto ambarum periculo, Mesue compositio aptius succedit: sed & illa Pauli aptior venit, si loco mellis zucharum acceperit: Vnde si hanc Pauli mensuram sequaris, & ex zucharo parabis, aptiorem syrupum inuenies. Ob hæc autem suadeo vt in  
syrupo



Syrupo de pomis Mesue maior pars sit dulcinm & odoratorum pomorum, minor acrium. Appellatur autē Syrupus de pomis simplex ad illius differentiam, qui Sabor dicitur, est enim si compositus, tamen cum simpliciter Syrupus de pomis ordinatur, absq; aliquo addito, hic intelligendus est, ille autem qui Sabor dicitur, nunquam nisi per eius nomen exprimatur intelligitur. Verū quia differentiam video inter pharmacopolas in cōponendo hunc Syrupum Sabor: propterea dic tu quem paras, vt eius cōpositionem iusto examine perpendere possimus. SEN. Illum paro qui à Mesue in cura maniae & melancholiae sanguineae describitur, vbi inquit: Sabor rex Medorū Syrupus conferens maniae & melancholiae ex adustione cholerae, cuius descriptio subsequens est.

Syrupus  
de pomis  
Sabor.

Recipe succi Buglossae domesticae ) añ. lib. ʒ.  
Sylvestris )

Succi pomorū dulciū redolentiū lib. iij.

Folliculorum senae vnc. iij.

Croci ʒ. ʒ.

Zuchari tabarzeth lib. iij.

Fiat autem sic: Sena proyiciatur in succos per diem & noctem, post cōtritionem eius: deinde bulliant ebullitione vna, aut duabus: deinde cum zucharo fiat Syrupus: Crocus autem confricetur in panno in eius decoctione. Haecenus Mesue. BRA. Hic est verē Syrupus Sabor: sed nōnulli pharmacopole Ferrariae pro hoc Sabor decepti alium faciunt, in quo & poma ingrediūtur. SEN. Eam edoceas (ni tibi molestum sit.) BRA. Ille est, quē Mesue in capitulo de Soda frigida ab humore melana



cholico describit. Est autē syrupus Mesui Iube, qui multum valet in quartana & in omni ægritudine melâcholica, & oppilatione splenis: vnde non multum differt ab illo Sabor in intentione, sed bene in compositione. Decipiuntur autem putantes esse syrupum Sabor, quia principium illius capitis incipit, sapor heben Girges. SEN. Quæ est huius syrupi descriptio? BRA. Si placet referam. SEN. Placet. BRA. Hæc est quæ subsequitur.

Recipe capillorum Veneris )

Radicum Buglossæ domesticæ )

Sylvestris )

Florum earundem )

añ. vn. i.

Polypody )

Epithymi )

Foliorum Senæ )

Chamomillæ )

añ. 3. viij.

Stichados )

Chamædryos )

Schœnanchi )

añ. 3. iij.

Hellebori nigri )

Fumi terræ )

3. viij.

Eupatorij )

3. iij.

Succi pomorum dulcium. Cōtextus cōmuniter legūt  
3. viij. Sed legi debet. vnc. viij.

Itaq; legit contextus meus antiquus, omnia præter Epithymum, & succum pomorum. In libris tribus aquæ bulliant, vsq; ad duas: deinde epithymus in eo bulliat ebullitione vna, & coletur, & cum iucco pomorum, & duabus libris zuchari fiat syrupus. SEN. Hic syrupus certe laudabilis



laudabilis est. BRA. Tamen præscriptum Sabor nuncupatum facere debes qui in roborando corde plurimū valet, præsertim cum atra bile afficitur. SEN. Quā, zuchari quantitātē in syrupo de pomis savor ponere oportet? BRA. Diuersæ descriptiones diuersa pondera habent, in summa autem zucharum sit libræ tres, vt superius annotasti, & crocus .3. y. Ideo semper eodem modo facito, nam cōpositio exquisita euadet. Dic autem, quod a Mesue in fine additur, Crocus autem confricetur in pāno in eius decoctione, quomodo hoc intelligis? SEN. Nos crocum in lineum pannum ligamus rarum, et ebullire facimus. BRA. Optime agis, sed opus est lineum pānum, in quo est, fricare, vt crocus simul confricetur, & subtilior pars exeat, crassior autē abijciatur: imò si actu subtilissimè puluerizatus esset, in decoctionē ponere nō vereretur, vt non solum vires, sed & ipsemet actu ingrederetur. Nunc ad alios syropos accedamus.

## SE N E X.

**S**yrupus de agresta accedit. BRA. Præstans est, atq; optimus in magnis æstibus ad leuandam sitim, & inflānationes tollendas, dandusq; est non solum ægris, imò & sitientibus sanis: inflānationi ventriculi plurimū valet, & quando bile plenus est, & in biliosis febribus, & in vomitu ex bile: valet etiā ad vomitū prægnatiū, & ad earundē ventriculos, qui superfluitates facile recipiūt: valet & ad malitiā prægnantiū, quā græci κίτταρ vel κίτταρ, nos picā dicimus. Venenis etiam obstat, propterea mirus syrupus est, q̄ et in crassiusculis materiebus ob icisionē exhiberi potest: sed dic quomodo illū paras.

Syrupus  
de agresta.



Omphaco  
meli.

SEN. Eodem modo quo syrupum de acetositate citri, nam accipio succi vuæ omphacinæ lib. XII. & in vitrea to vase ad consumptionem tertiæ partis super prunas, igne lento, & cū facilitate decoquo; postea percolo, & dimitto, quoad clarificetur, & ex eo quod clarū est lib. VII. accipio; & libras quinque iuleb clarificati & depurati addo, id est zuchari clarificati libras quinque, & coquatur donec inspissetur. Si verò æstas fuerit, dimittatur in sole donec eius aquositas consumetur. BRA. Fieri nō potest nisi in æstate, quia hoc tempore solum & vinum omphacium, & vuæ omphacina habentur. SEN. Imò illo modo fiet. BRA. Eodem præcise modo paras, vt ille de acetositate citri paratur. SEN. Ita est, Sed miror, quod apud antiquos hic syrupus nō inueniat. BRA. Imò inuenitur, sed (vt diximus) zucharum non habebant, propterea ex melle confecere. Paulus lib. VII. capi. XV. de omphacomeli tractat, est autem compositio ex vino omphacio & melle confecta, secundum mensuram fere à te citatam. Quippe in mensura parum differunt. SEN. Quomodo facit suum omphacomeli Paulus? BRA. Audies, inquit, Accipe succi omphaciæ, id est vuæ immature sextarios tres, mellis sextarium vnum, & per. xl. dies soli exponatur, aut igne decoquat. SEN. Certe parua differentia est inter vtrosque, nisi in positione mellis & zuchari, in mensura autem rerum parua est. Numerat autē Paulus dies expositionis ad solem, qui à Mesue non numerantur & re vera numerari non possunt, quia in alia qua æstate magis æstuans sol plus consumit, quàm in alia in qua sol non ita æstuabit, ideo aquositas citius vna æstate



estate quam alia consumitur. SEN. Nos semper igne lento paramus. BRA. Ita etiam conuenit, sed solis calor magis vniformis est, ideo antiqui, vt plurimum soli expnentes parabant, quamuis nōnunquam ad ignem coquerent, præsertim cum æstiuum tempus pluuosum erat: quod tamen raro accidit. Ideo mihi magis placet quod tempus expositionis ad solem præfixum non sit, sed tam diu insoletur quandiu equositas exiccetur. Tria autem à te scire cupio. Primum est, quam vuam omphaciam accipias. Secundum, quo tempore colligas. Tertio, an illico exprimas. SEN. His tribus tibi satis factum iri conabimur. De vua omphacia respondemus nos electionem nō habere, sed eam agrestam sumere, quæ præsentatur. BRA. Hoc non conuenit, sed id omphaciū sumere oportet, cuius matura vua qualitates, quæ syrupo attribuuntur, magis habet: Propterea sumendum est omphacium albæ vuæ, quam nos vulgo albanam vocamus. SEN. Ita deinceps faciam: colligimus autem in mense Iulij. BRA. In principio, an in fine? SEN. In fine. BRA. In Iulij mensis medio colligenda est, antequam sit initium maturitatis, & cum iam habet succum: in hoc enim medium seruare oportet, ne deflorescentiæ multum propinqua sit, vel maturitati. SEN. Hoc non obseruabamus. Omphaciam nam vuam verò à vite demptā per duos dies seruamus, postea exprimimus. BRA. Et hoc agendum erat, vt superflua quædam humiditas resolveretur. SEN. Nescio autem an cum gariophyllis condire debeam. BRA. Ego cum nulla re condirem: vidi & qui tū Myrobalanis cōdirent, tamen suaderem, vt simpliciter fieret, quamuis &



Auicenna in. V. lib. sui canonis duas Gariophyllorum drachmas simul misceat, & sine Zucharo faciat: vel si tu dulcorare volueris, Zucharum addas. Quem syrupum etiā describit Serapio, sed nos Mesuen imitatur, ut pos- te eū qui syrupum paret omphacomeli antiquorum pro- pinquissimum. Quomodo autem omphacina vna expri- mi debeat, omnibus etiam mulierculis notum est.

## S E N E X.

Syrupus  
de fumo  
terræ.

**D**E hoc satis dictum arbitror. Ad syrupū de fumo terræ veniamus. BRA. Cum duo sint de fumo ter- ræ syrupi, maior & minor, utrosq; ne paratis, an vnum solum? SEN. Vnum, maiorem scilicet. BRASA. Nec immeritò, quia is obstructions ventriculi, & hepatis magis aperit, & hæc membra magis roborat, & cutis morbos sanat, à salsis & adustis humoribus depen- dentes, quales scabies, impetigo, serpigo, lepra, morbus Gallicus ita tunc appellatus, quàm ille qui de fumo terræ minor est. Nunc eius descriptionem assigna. SEN. Hæc est quæ sequitur, à Mesue ad verbum acc- cepta.

Recipe Myrobalanorū Citrinorū ) añ. nu. xx.  
Chebulorum )

Florū boraginis vel buglossæ Violarū )

Absinthij ) añ. vnc. i.

Cuscutæ )

Liquiritiæ ) añ. vnc. f.

Rosarum )

Epithymi ) añ. s. vij.

Polypodij )

Prunorum



Prunorum	nu.	c.
Passularum enucleatarum	lib.	℥.
Tamarindorum	)	
Cassiae fistulae	)	
	an.	vnc. ij.

Hæc omnia bulliant in lib. X. aquæ, quousq̃ perueniant ad lib. tres, & cum succi fumi terræ cocti & depurati, & Zuchari ana lib. III. Fiat syrupus decoquendo quousq̃ eius formam acquisierit. BRA. In hoc syrupo præparando ordinem simplicium ingredientium potissimum cōsiderare oportet, ratione ebullitionis, quoniam aliqua maiorem, aliqua minorem decoctionem patiuntur. SEN. Nos omnia simul vna vice miscemus, & ebullire facimus. BRA. Error grauiissimus est. SEN. Tu ergo ordinem edoceas. BRA. Libenter id faciam. Primo polypodium ingredi debet: deinde pruna, passulæ, glycyrrhiza, absinthium, postea rosæ, cuscata, flores boraginis, post hæc violæ, myrobalani, deinde epithymus, deniq̃ cassia & tamarindi: Quæ secundum aliquos ebullire non debent, quoniam vim raram & debilem natura sunt. Mihi autem magis placet, quod in fine inijciantur, & vna vel altera ebullitione bulliant, vt cum alyis commodius vniantur, sicut Mesue in capite decoctionis docet. Et si dixeris lenitiua bulliendo humiditatem amittere. Respondemus amittere quidē humiditatem accidentalem, non tamen naturalem. Si igitur hunc syrupum parare volueris, hunc ordinem serua, qui subsequitur, Facta decoctione, Zucharum aqua fontis clarifica, quo decocto & clarificato, fumi terræ succum adde cum ad cocturam syrupi peruenerit: prædicta autem decoctio



pluribus vicibus paulatim addatur, quoad perfectam coctionem habuerit, & hoc modo decoctionis vis non res soluitur: denique tamarindi, & cassia inijciantur, & decoctio in finem ducatur. SEN. Deinceps ita agam: sed quosdam audiui, qui hunc syrupum rosas recipere negant, & ubi legitur Ros, ipsi exponunt rasæ, ut ita sequatur glycyrrhizæ rasæ. BRA. Hi longe decipiuntur, tum quia in antiquis Mesuæ codicibus legitur rosæ, tñ quia dicit ana vnciam semis. Si autem hæc particula rosæ abesset, legeretur liquiritiæ rasæ, ana vnciam semis, quod absurdum est: nam hæc particula ana de vna re sola dici non potest. Denique rosæ in hac compositione multum proficiunt, cum ob alia multa, tum ad roborandum, scitoque boraginis flores sumendos esse. Interpres additi buglossæ: sed de omnibus simplicibus hic positus in simplicium examine abunde egimus. Hic autem syrupus vim compressiuam, solutiuam & lenitiuam habet, ratione diuersarum rerum ingredientium. SEN. Has res enarra, & statim alium syrupum in medium afferam. BRA. Libenter hoc faciam. Ob myrobalanos, tamarindos, & pruna comprimit. SEN. Quomodo ob pruna comprimit? BRA. Quia pruna sumuntur quæ acidum saporem habent: tamen laudarem potius ut dulcia pruna, qualia Damascena & Iberica, id est quæ vulgò cathalaunica nuncupantur, acciperentur, quia illa atræ bili magis aduersantur, quam quæ vulgo sumuntur, & à mense à quo maturantur, & colliguntur, augustana appellantur. SEN. Debent ne sumi viridia pruna, an arida? BRA. Si viridia haberi possint, viridia sumantur, quia magis leniunt: si autem viridia non



non habeantur, quando hoc syrupo indiges, sicca acci-  
pito, quia & exiccata leniunt. Ad rem nostram redeun-  
tes, ob epithymū: polypodiū, absinthiū, & terræ fumum  
soluit. Ob cassiā lenit, & tamarindos, & adde pruna, si  
dulcia sint. SEN. Quæ quantitas huius syrapi ventrem  
soluere apta est? BRA. Si recenter factus sit, quatuor  
vnciæ soluant, moderatè tamen: si non ita recens sit, &  
in duriori aluo, sex exiguntur. SENE X.

**Q**uid impedit nūc syrupum de absinthio cōfides  
rare? BRA. Duæ descriptiones à Mesue fiūt: Syrupus  
vtram vos paratis? SEN. Primam. BRA. de absyn-  
thio.  
Eius descriptionem propone. SEN. Hæc est ad vers-  
bum ferè quæ subsequitur.

Recipe absinthij Romani	lib.	℥.
Foliorum rosarum	vnc.	ij.
Spicæ	3.	ij.
Vini albi antiqui boni & odoriferi,	) añ. lib. ij. ℥.	
Succi Cotoneorum	)	

Dimittatur per diē & noctē in vase lapideo, deinde  
coquatur cū facilitate vsq; ad medietatē, & cum mellis  
lib. II. fiat syrupus expertus & nobilis. Hæc Mesue.  
BRA. Syrupus est multis nominibus dignus, quippe vē-  
triculū roborat, & prociduo appetitui cōuenit, vētricu-  
lo debiliori succurrit, & quādo intestina mollia sunt,  
ipsis prodest, hepatis debilitatē remouet, presertim quā-  
do hæc à causa frigida prouenerint: imò & in causis cas-  
lidis cōuenit si nōnullis frigidis corrigatur: sed per vas  
lapideū quid intelligis? SEN. Nos vitriatū vas accipia-  
mus ex argilla cocta confectū. BRA. Quāuis de hac re



multa cura non sit, tamen per lapideum vas marmoreum potius accipere oportet, quàm lateritiū, aut figulino opere factum: quippe nomine lapidis apud antiquiores figulina non veniūt: sed ea solum quæ in montibus prodeūt.

SEN. In hoc syrupo rosæ, spica, & ea quæ modicam decoctionē patiuntur, quo ordine poni debent, quia ante decoctionem omnia simul infusa sunt? B R A. Scito, & sit tibi alta mente repostum, quando infusio per aliquod temporis spatium decoctionē præcedit, tūc omnia simul infundantur. Illa vero quæ modicam decoctionem patiuntur, suam vim exhibēt rebus infusis, & ita in decoctione vis horum seruatur, quod non fieret si primo infusa non fuissent, sed ab ebullitione incepissent. Cum enim bulliunt & non præcedit infusio, tunc ordo seruandus est, ut quæ maiorem decoctionem patiuntur, primo inijciātur: deinde quæ minorem: deniq; quæ minimam. Dic vero, paras' ne hūc syrupum ex melle, vel Zucharo?

SEN. Ex Zucharo quādoq; paravi, sed nūc melle vtor.

B R A. Non inficior ex Zucharo fieri posse, sed & author ex melle facit, & res ipsa exigit: eo enim in materibus frigidis solum vtimur. Si autē materia calida sit, frigidis temperamus. Sed dicas cur alium syrupū de absinthio non paratis, qui à Mesue fit, & simplex est?

SEN. Quia in usu non est. B R A. Ego quādoq; eo vterer, quia in aliqua hepatis affectione solo absinthio indigeo, & non alijs rebus, tunc hoc syrupo vterer.

SEN. Deinceps in tui gratiam parabo. B R A. Imò in ægrorum gratiam, quibus conueniet, & ego ipsum syrupum de absinthio simplicem appellabo.

SENEX.



## S E N E X.

**S**yrupus de mentha succedit. B R A. In syrupo de Syrupus  
absinthio erant duo syrapi, quorum primus erat in de mētha.  
vfu, secundus non est. Contrarium est in syrupo de men  
tha. Duo etiam à Mesue scribuntur: sed secundus in vfu  
est, primus autem non est. Et hoc merito, quia secundum  
inuenit Mesue, & probauit, & primo excellentiorem  
esse non modo ipse dicit, sed quotidiana experientia cō  
probatur. Est autem optimus ad ventriculum, cum frigida  
ditate peccauerit, & vomitus ac nauseas sanat: singula  
tus remouet, atq; fluxus ventris à causa frigida. In calida  
etiam ventriculum roborat: nam ad hoc agendum  
egregius est, sed eius descriptionem afferas. S E N. Hęc  
est quæ sequitur.

Recipe succi Cydoniorum muzorum )

Dulcium )

Succi granatorum acetosorum ) añ. lib. i. ℥.

Dulcium )

Muzorum )

Supra hos succos inijce menthæ siccæ lib. i. ℥.

Foliorum rosarum 3. y.

Et dimittantur per diem & noctem, deinde coquantur cum facilitate vsq; ad medium, & cum mellis vel Zuchari lib. II. fiat syrupus, & aromatizetur cum gallia.  
Hęc Mesue. B R A. Cur mentham siccam accipitis?  
S E N. Non accipimus siccam penitus: sed quæ passa fuerit, utpote quæ humiditatem quandam superficialem amiserit. B R A. Et eo modo sumenda est. In hoc quoq; syrupo, in his quæ decoquantur ordo non ponitur,



quia omnia simul per diem & noctem infunduntur. Scitoq; cum apud hunc authorem inuenies per diem & noctem, intellige viginti quatuor horas; cum autem per diem, aut per noctem, intellige duodecim horas. Sed dic, ponis'ne tu galliam vt redoleat: quod vos aromatizare nuncupatis? S E N. Vt ingenue verum fatear, non pono. B R A. Multi pharmacopolæ, & Ferrariæ, & in tota Italia te sequuntur. Sunt tamen et aliqui Ferrarie, qui redolere faciunt, & qui galliam muscatam Mesue, semper paratam habent. S E N. Ego deinceps parabo, ne quicquam vel necessarium mihi desit. B R A. Recte quidem ages. S E N. Raræ sunt compositiones quæ mentham recipiant, & sicca esse non debeat. B R A. Hoc non mirum quia viridis flatus excitat, qui ventriculû cõturbant & lædunt: sicca autem vim flatuosam amittit: sed exquisitè sicca non fit, vt superius tu ipse aduertisti. Vnum autem obiter annotare volo. In aliquibus pharmacorum descriptionibus legi menthæ humidæ: tunc sola viridis mentha intelligenda non est, sed & ea quæ in pingui & humido solo viruerit. S E N. Hoc mihi summe placet à te annotatû esse. B R A. Hoc tibi addâ, quando absolute in aliqua compositione mentha ponitur sine aliqua additione siccæ, vel viridis, siccam semper intelligere oportet. Idem iudicium est de hyssopo, & plusribus alijs, quæ suo loco dicemus. Sed vnum est, quod in hoc syrupo perpendendum est, succos esse libras septem & semis, puluerem menthæ esse libram vnâ & semis, vel mentham ipsam quæ imbibet ferè totam succorum quantitatem. Ideo non poterit ebullire vsq; ad medium, propterea



propterea vel succi augendi vel mentha sicca esse non debet, ne succos imbibat.

## S E N E X.

**S**yrupus de epithymo, post illum de mētha scriptus Syrupus  
est. BRA. Ego hoc vtor, magno etiam præsidio in de epithy  
scabie gallica, in cancris, in area, in scobie, in occultis mo.  
vulneribus que cauernosa, sinuosa, & fistulosa sunt, in  
lepra, & in vniuersam in omni morbo ex atra bile adu  
sta facto, & simplici atra bile, & bile adusta, qui si in  
copia sumeretur, egregie euacuaret. SEN. Quanta est  
hæc copia? BRA. Quatuor vnciæ vsq; ad sex. SEN.  
Eodem modo soluit & Syrupus de fumo terræ. BRA.  
Ille de fumo terræ minus soluit. SEN. Est igitur hic sy  
rupus solutiuus? BRA. Solutiuus quidem, quia soluit,  
sed etiam digerit: propter hoc, quando opus est, ipsum li  
benter exhibeo, quia simul & soluit, & digerit: quod  
etiam infusionem senæ facere deprehendimus. SEN.  
Quæ differentia est, inter hunc syrupum, & illum de fu  
mo terræ? BRA. Ille de fumo terræ minus calidus est,  
& hic de epithymo magis. Propterea in materiebus cal  
lidioribus eo de fumo terræ vti debemus: in minus calis  
dis, illo de epithymo, qui tamen inter se plurimum cōue  
niunt. Cū igitur adustos humores biliosos esse video, sy  
rupo de fumo terræ vtor. Si autem atrabilarij, aut pituiz  
tosi fuerint, syrupo de epithymo vtor. Nunc autem eius  
descriptionem consideremus. SEN. Hæc est quæ sub  
sequitur à Mesue ad uerbum accepta.

Recipe epithymi boni hortensis 5. xx.

Myrobalanorum citrinorum 5. xv.

I 3



Indorum	añ. 3. xv.
Cuscutæ	) añ. 3. x.
Fumi terræ	
Thymi	)
Calamenti	)
Buglossæ	)
Emblici	) añ. 3. vi.
Bellirici	)
Liquiritiæ	)
Polypody	)
Agarici	)
Stœchados	)
Rosarum	)
Seminis fœniculi	) añ. 3. ij. 6.
Anisi	)
Prunorum	nu. xx.
Passularum enucleatarum	vnc. iiij.
Tamarindorum	vnc. y. 6.
Zuchari	lib. iiij.
Rob, id est sapæ	lib. ij.

Fiat syrupus. Hæc Mesue. BRA. In hoc syrupo ambiguitas non mediocris est de ebullitione simplicium, in quanta aquæ quantitate ebulliri debeant: equidem putare non oportet, Mesuen in duabus libris Rob ebullire voluisse, quia fieri non posset. SEN. Primo in aqua ebullimus, & exprimimus: deinde Rob addimus. BRA. Sed quantam aquæ quantitatem sumis? nam à Mesue non exprimitur. SEN. Sine pondere accipimus, ut nobis videtur, & omnia simplicia in tantam aquæ quantitatem



tatem in fundimus, quanta sufficit: vt aqua simplicibus  
superemineat: itaq; per diem dimittimus, postea deco-  
quimus, & exprimimus. BRA. Ergo prius infunditis?  
tamen à Mesue non dicitur iufundi debere. SEN. Ita  
semper facimus. BRA. Et ita semper erratis, quia sine  
ordine ponitis quæ maiorem decoctionem patiuntur, et  
quæ minorem, & quæ ferè nullam, vbi ordo seruandus  
est. SEN. Modum igitur, quo operari debeam in hoc  
syrupo edoceas, ne deinceps errem. BRA. Faciam si  
aures accommodabis. SEN. Iam accommodatas habes.  
BRA. Credendum est hic Mesuen, & aquam, & aque  
quantitatem omisisse, quia supponit sumendam esse, &  
posse sumi ex aliquo superiori syrupo. Inter prædictos  
autem syrupos ille de fumo terræ maior huic magis effi-  
nis est, quàm aliquis alter, & hoc non solum viribus, sed  
& compositione. Ideo ex illo per similitudinem aquæ  
quantitatem sumendam puto. Sint ergo libræ decem  
aquæ, in qua fiat decoctio, adeò vt tres libræ remaneât.  
Ordo autem rerum quæ ingrediuntur hic sit, vt primo  
polypodium & agaricum ponantur, deinde pruna, pas-  
sule, glycyrrhiza, fœniculi, anisa, stœchas, fumus ter-  
ræ ingrediantur: postea rosæ, cuscuta, buglossa. In-  
de Myrobalani absque nucleis: denique epithymus.  
In vna autem decoctionis parte tamarindi dissoluantur,  
& zucharum cum Rob positum bulliat, &  
cum fuerit ad spissitudinem mellis decoctio paulatim  
addatur, & in fine inyciantur tamarindi in il-  
la decoctionis parte dissoluti, & vna vel duabus ebul-  
litionibus bulliant ad spissitudinem syrupi: nempe



tamarindi parum bullire debent. SEN. Quid intelligis per vnam vel per duas ebullitiones? BRA. Tibi nunc aperiam: puto autem te scire cur simplicia ebulliamus.

SEN. Nec istud perfecte scio. BRA. Per ebullitionem, simplicium vires excitantur, & melius in liquore in quo decoquuntur, suas vires imprimunt. Appellatur autem vna ebullitio, cum ebullire incipit, quousque simplicia sursum & deorsum semel reuoluantur. Cum vero bis, duae ebullitiones sunt. Vnde cum tamarindos inycis, tali hora inycito quod vna vice agitādo, aut ad summū duabus syrupus decoctus sit. SEN. Mesue dicit hunc syrupum valere ad Saphati, per hoc vocabulum quid intelligere oportet? BRA. Id quod Græci dicunt ἀχῆρας. Vides igitur eos qui dicunt quindecim libras aquae sumendas errare. SEN. Cur hortensem epithymum accipit? BRA. Quia sylvestris & montanus nimis sicci sunt. Sed nō quærimus tantam siccitatem, quia materiesbus adustis aduersari debet.

## SENE X.

Syrupus de eupatorio. **I**gitur syrupū de eupatorio examinare incipiemus. BRA. Si eius descriptionē propones, de illo statim loquemur. SEN. Mesue in hunc modum habet.

Recipe Radicum apij )

Foeniculi ) añ. vnc. ij.

Endiuiae )

Liquiritiae )

Squinanti )

Cuscutae ) añ. 5. vi.

Absinthij )

Rosarum



Rosarum	)	
Capillorum veneris	)	
Bedeguar	)	
Suchaba	)	
Florū buglossæ, aut radicū eiu	)	añ. 3. v.
Aniſorum	)	
Fœniculorum	)	
Eupatoriū	)	
Raued	)	
Masticis	)	añ. 3. ij.
Spicæ	)	
Aſſari	)	añ. 3. ij.
Folij	)	

Coque in libras octo aquæ ad consumptionem tertie partis, & cum libris quatuor zuchari fiat syrupus, cum succi apy, & endiuicæ quâtitate sufficienti. Hæc Mesue. BRA. Syrupum excellentem quidem proposuisti: sed talem, qualem nos facturos non credo, est enim optimus syrupus in longis febribus, præsertim cum vires concoctrices, & iecoris, & ventriculi corruptæ sunt, et ad hydropi præparantur. Valetq; ad καχεξία, id est malum habitum & ad cacoëthe. Si etiam in uentriculo & iecore flatus sit, eo dissoluitur. Si hæc mēbra valde frigida sint & ferè debilitate confecta, hoc syrupo reficiuntur. Ad tensionem hypochondriorum valet, & ad dolorem eorum rundem, & ad confirmatum iam hydropem. E quidem dignus est multis nominibus syrupus, sed adeò difficilis factu ut an fieri possit plurimum dubitem, ob simplicium quæ ingrediuntur difficultatem. SEN. Si omnia simpli



cia haberentur, quo ordine incederes? B R A. Ordinem continuo seruandum sequeretur, vt primo quæ maiorem decoctionem sustinent, injiciantur: deinde, quæ minorem, denique quæ minimam. SEN. Modum enarra. R A B. Primo radices apij, endiuie, bedeguar, & suchaba ingrediantur. Secundo anisi semen, & fœniculi. Tertio squinantium. Quarto absinthium & eupatorium. Quinto mastiche. Sexto assarum. Septimo spica. Octauo cuscuta & flores buglossæ, & capilli veneris. Nono rasued, & hoc sit in fine decoctionis, quoniam hoc per viam infusionis potius, quàm per viam decoctionis poni debet, vt magis operetur. SEN. Tuum ordinem iam accepi, sed mirum est cur hic syrupus de Eupatorio dicatur, cum minimam portionem Eupatorii recipiat. B R A. Verum dicis, tamen quia omnia alia simplicia alios syrnpos ingrediuntur, ab Eupatorio denominationem accipit, tanquam ab eo quod syruporum compositiones raro ingreditur. SEN. Quæ sunt illa, quæ in hoc syrupo parando tibi difficultatem pariant? B R A. Ab eo quod syrupo nomen dat, incipiam, Eupatorio inquam. Quid pro eupatorio sumis? S E N. Eupatorium vulgare non accipio, sed id accipio, quod vulgo agrimonium nuncupatur. B R A. Equidem in omnibus antiquorum compositionibus quas Eupatorium ingreditur, si ex antiquis sumptæ sint, agrimonium vulgare accipere conuenit, & tu id agens optime facis: quia (vt in examine simplicium late patet) eupatorium antiquorum, est nostrum vulgare agrimonium. Tamen vbi Mesue eupatorium ponit, dubito an agrimonium sumere debeas, quia  
Mesue



Mesue eupatorium ab antiquorum eupatorio diuersum esse videtur. In Mesue autem compositionibus, Mesue simplicibus vtor: Sed eupatorium Mesue vulgare Eupatorium, & non agrimonium esse videtur. SEN. Errabam igitur in hac compositione agrimonium sumens, sed cum viris summis errabam. BRASA. Tuo arbitrato errare poteris, nam Agrimonium vulgare, quod est antiquorum, & Dioscoridis eupatorium, iocinerosis quidem valet: sed illis passionibus valere non videtur, quibus Mesue Eupatorium succurrit. SENE. Ego igitur in hac re sum anceps. BRASA VOLVS. Et nos te hoc fasce leuabimus. Non desunt medici, qui Mesue eupatorium aliud esse ab antiquorum eupatorio iudicarent. Tibi autem dicimus, si pro eupatorio aut Mesue aut antiquorum vulgare Agrimonium sumes, nunquam errabis, quoniam & Mesue eupatorium est nostrum vulgare agrimonium, si eius descriptionem consideres. Illi que decipiuntur qui Mesue eupatorium, vulgare eupatorium esse iudicarunt: nam Mesue cum Dioscoride in eupatorio conuenit. Constat autem Dioscoridis eupatorium, Mesue eupatorium esse: quippe Mesue dicit, est herba longitudinis cubiti: Dioscorides autem esse herbam cubitalem, & aliquando ampliorem scribit. Addit Mesue, multae amaritudinis, quod non ponit Dioscorides. Addit etiam Mesue, cuius folia sunt sicut centaureae minoris viridia. Nec istud ponit Dioscorides, tamen verum est. Quae autem à Mesue dicuntur de eius folijs, quod sunt aspera, incisa, & stipes eius est subtilis, haec à Dioscoride

Eupatorium  
Mesue.



annotantur: etenim dicit folio per interualla inciso, prius  
 autem dixerat hirsuto: quod est esse asperum. Dixerat  
 etiam tenuis scapi, ut non videatur dubitandum, Mesue  
 Dioscoridis eupatorium, quod est agrimonium vulgare  
 voluisse describere, sed id quam barbare fecit. SEN. igitur  
 conueniens fuit agrimonium accipere. BRA. Et con-  
 ueniens fuit, & erit, si illud semp accipies. SEN. Vehes-  
 menter turbabar si alia herba erat, & nemini credere  
 incipiebam. BRA. Esto igitur bono animo, & reliqua  
 prosequamur. In fine syrupi dicitur, & cum succi apy,  
 & endiuie quantitate sufficienti fiat syrupus, quantam  
 succorum quantitatem accipis? SEN. Ego sine pondere  
 accipio: potest autem esse cuiuslibet succi libra vna. BRA.  
 Ita etiam alij pharmacopolae faciunt: sed ( ut ostende-  
 mus ) errant, nam tibi demonstrare potero determinatam  
 quantitatem sumendam esse. SEN. Tibi plurimum des-  
 bebo, nam omnes ferè sine ordine, & sine pondere suc-  
 cum inijciunt. BRA. Audies igitur. Cū Mesue dicit suc-  
 cos ponendos esse quantitate sufficienti, credendum est,  
 aliquo loco hanc quantitatē indicasse. Ideo locum qua-  
 rere oportet, vbi succorum quantitatem, quando in fine  
 cum zucchero ponuntur edocuerit. Si autem considerabis  
 syrupum de fumo terrae maiorem, in de regulā accipie-  
 dorum succorum accipi posse cognosces. Nam eo loco  
 tantam quantitatem succi depurati accipit, quantam zua-  
 chari. Ideo & hoc loco tanta quantitas succorum depur-  
 atorum accipienda est, quanta zuchari. Ideo illi errant,  
 qui volunt hic accipi tres libras succorum, quia & ibi  
 tres libræ succorum accipiuntur: nam illic tres libræ zu-  
 chari



chari sumuntur : ideo & tres librę succorum accipiuntur. Verum cum hic quatuor librę Zuchari recipiantur, etiam quatuor librę succorum recipi debent. Hi autem errant qui volunt quatuor libras vtrorumq; accipere, nā pro quolibet succo tantum duas libras sumere oportet, vt duę librę succi apy, & duę librę succi endiuie sumantur: quatuor enim librę vniuscuiusq; Zucharum nimis superant: quod Mesue in suis compositionibus facere non consuevit. SEN. Certē hęc est cōueniens regula. Accipiam igitur depuratum succum, & simul cum Zucharo clarificato decoctionem paulatim addens ebullire faciam. B R A. Semper ita agendum est, præsertim vbi per decoctionem fiunt, & non præcedit infusio. Sed aliud quoq; me angit, folium hanc compositionem ingredi, tamen non habetur, vos autem, illius loco quid ponistis? SEN. Ego semper vsus sum duplum spicę pro folio ponere. B R A. Vtinam veram nardum haberes, sed duo à Paulo Aegineta pro malabathro, id est folio in eius defectu sumi possunt. Vnum est, Indica nardus à vobis spica nuncupata: sed nardus nostra ex India non affertur. Aliud est, cassia, quam nos canellam vocamus. In hac magis certi sumus: ideo pro malabathro canellā inycias. Cum autem Venetys pro malabathro garyophyllorum folia vendant, non vereor folij loco garyophyllorum folia sumere, quoniam & hęc folia in hac compositione ad omnes intentiones ad quas valet efficaciam habent. Nec etiam mihi displicet, quod eius loco macis ponatur, & hoc est Arabū inuentum Nempe Auicenna secundo libro, capi. CCLIX. cum folium deficit, macim sumi iubet.

Folij loco  
qd sumen  
dum sit.



Dicas autem pro Bedeguar & Suchaha quid accipis?  
 SEN. Tibi ingenue verū fatebor, Pharmacopolas adeo  
 varios videmus, ut horum loco nihil inyciam. BRA.  
 Omittis igitur? SEN. Omitto volens, ne aliquid acci-  
 piam quod compositionem peruertat, & ab eius vniuer-  
 ſali intentione diſcedat. BRA. Res equidem eſt, quæ  
 diu pharmacopolas agitauit. Nam ſuperioribus annis  
 fructum ſylueſtris roſæ, id eſt echinum illam qui in roſe-  
 tis concreſcit, ſumere conſueuerunt, & nunc etiam ali-  
 qui ſeruant. Alij carduum ipſum accipiunt, alij rubum.  
 Sed nunc carduum vulgò benedictum nuncupatum ma-  
 ior pars accipit. SEN. Tu autem quid ſumendum iudi-  
 cas? BRA. Si in primis quid ſit Bedeguar apud anti-  
 quos diſcutiamus, eius loco quid ſumendum ſit videbis.  
 SEN. Hoc lubentiſſime audiā. BRA. Serapio. XCIX.  
 capite libri de ſimplicium mendicamentorū facultatibus,  
 de Bedeguar tractauit, Dioſcoridemq; ita dicentem ad-  
 ducit: Naſcitur in montibus Zagial, & habet folia ſimia-  
 lia chamæleonte albæ, niſi quia ſunt ſtrictiora & albia-  
 cra, & ſuper ea eſt ſimile borſæ, & ſunt ſpinoſa, & ha-  
 bet ſtipitem lōgum duobus brachys, in groſſitudine dia-  
 giti pollicis, vel plus: color eius eſt vergens ad albedi-  
 nem, & ſuper ſummitates eius ſunt capitella ſpinoſa ſi-  
 milia eritio marino, niſi quia ſunt minora & oblonga,  
 & flos eius eſt coloris purpurei, & ſemen eius eſt ſimia-  
 le grano chartami, niſi quia eſt rotundius. Haſtenus Se-  
 rapio. Audias modo Dioſcoridem de alba ſpina diſſeren-  
 tem, non dico autem de ſpina alba, ut recentes faciunt,  
 ſed de alba ſpina. Nam & Manardus deceptus  
 eſt.

Alba ſpi-  
 na.



est, λευκοκένεον Dioscoridis esse putans, Cum sit ἀκονίτιον  
 λευκόν, cum enim dicimus λευκοκένεον, fruticem intelli-  
 mus aculeatum, cuius copiam in nostris sepibus, & fo-  
 ueis habemus, flores albos, odoratos parientem, aut ge-  
 nus cardui aculeatum & quadratum, quod non est Be-  
 deguar. Cum verò de acantha leuce, id est spina alba lo-  
 quitur, est bedeguar Serapionis. Quod manifeste appa-  
 ret, si Dioscoridem Serapioni compares. Serapionis ver-  
 ba audiui: nunc Dioscoridi eadem dicenti attendas.  
 Nascitur, inquit, in montibus syluosisq; locis, folia habes  
 chamæleontis albi similia, verum angustiora candidiora-  
 raq; subhirsuta, spinis infesta, caulē binos cubitos ex-  
 cedentem, pollicari crassitudine, vel ampliore, subalbi-  
 dum, & inanem: cacumini echinus insidet, à marino  
 differens magnitudine, sed oblongus, flore purpureo  
 continente semen, quale cnici, rotundius. SEN. Nunc  
 idem præcise esse apud Serapionem Bedeguar, quod  
 apud Dioscoridem spina alba, facile deprehendi: quid  
 autem sit, ignoro. BRASAVOLVS. In Mutinen-  
 sibus montibus, Regiensibus, & Bononiensibus via-  
 ret, & in aliquo loco Ferrariensis agri asperiore, ego  
 tibi oculis ostendam. SEN. Gaudebo plurimum &  
 tibi ingentes gratias habebo. Audiui in Hetruria rustis  
 eos ad coagulandum lac eius flore uti. BRASAVO.  
 Hoc quidem non vidi, quamuis per Hetruriam equita-  
 uerim & multa obseruauerim, sed bene audiui, & eius  
 flos ad me mittentur hac æstate. Vidi tamen floribus  
 verbasci idē effici in eadē Hetruria. SEN. Ad suchaha  
 transeamus. BRA. Suchaha Serapionis spinā Arabicam



Dioscoridis esse putatur: plura tamē à Serapione de spina Arabica secundum Dioscoridem scribuntur, quam ab ipso Dioscoride dicantur, fortē Serapio in suo Dioscoridis lib. tot habebat, quæ ab aliquo interprete scripta erant: quod autē à Serapione plura descripta sint, quā à Dioscoride dicantur, manifestum fiet, si Serapionem audies secundum Dioscoridem ita scribentem: Natura huius herbæ secundum quod existimo est prope naturā Bedeguar, & est stiptica, & semen eius est fortius satis, & confert relaxationi vulvæ, & fluxibilitati ani, & cōglutinat vlcera, quoniam stipticitas eius est pauca sine superfluitate, & radix eius confert cursui humiditatum antiquarum matricis, & fluxui nimio menstruorum, & sputo sanguinis à pectore, & alijs fluxibus humiditatum corporis. Hæc Serapio secundum Dioscoridem. Sed tu modo Dioscoridem audias ita dicentem, Sping albæ naturæ videt esse, hoc est id quod Serapio dicit, est prope naturam Bedeguard. Sequitur Dioscorides, nam & ipsa spissat, stringitq; guttantia, mensium abundantias, sanguinis excreatus, & alias fluxiones etiamnum radice valens. Nascitur in asperis. SEN. Idem re ipsa cum Serapione dicit, sed Serapio magis ampliat, vel sermo Arabicus non est ita brevis. Habes autem aliud testimonium quod hæc sit, si ea legas quæ idem Serapio secundum Galenū de suchaha scribit, Inquit enim: Hæc herba est similis plantæ Bedeguard, nisi quia virtus eius deficcet & stipticat plus eo, & fructus & radix eius est fortiores quæ sit in ea, & ideo radix eius confert nimio fluxui menstruorum, & cōfert in omnibus ægritudinibus, quibus



bus confert Bedeguard, & fructus eius & radix confert apostemationi vulue & apostematibus ani, & radix eius incarnat vlcera, quia in ipsa est virtus consolidatiua cum temperamento. Hæc Serapio de suchaha secundum Galenum. Nunc Galenum audies de ἀκανθα Ægyptia eadem tertio lib. de simplicium medicamentorum facultatibus præcise dicentem, in hunc modum exorsus: Achantha Ægyptia, quidam Arabicam vocant, similis autem est albe spinæ nostrati, verum facultate validior adstringente pariter, & desiccante. Itaque profluvium muliebri radix eius inuat, & alia quibus auxilio est, quæ apud nos nascitur spina: sed efficacius tamen omnia adiuvant, tum radix, tum fructus, sic vero & columellæ prodest, & ijs quæ in sede inflata sunt, tum vlcera ad cicatricem ducit, mediocrem habens, & non molestam adstrictionem. SEN. Idem præcise de suchaha dicit quod Gelenus de spina Arabica, vno dempto. B R A. Quale hoc est? SEN. Cum Galenus scripsit prodesse columellæ, Serapio refert prodesse vuluæ. B R A. Depravatus est Serapionis contextus, à librario parum perito, nempe legi debet vuluæ, quia hi Barbari vuluam appellant, quam Latini columellam dicunt. SEN. Ita certe legendum puto. B R A. Anderem ego infinitos Arabum errores emendare, & conciliare, Græcis authoribus confendo. SEN. Nunc scio Arabum suchaha esse Arabicam spinam antiquorū. Cuperem autem ut mihi illam ostenderes, & quid accipiendum sit edoceres. B R A. Multi decipiuntur, qui hanc spinam arbusculam in Arabia esse putant qua fiat Acatia, sed longe decipiuntur, quia her-



ba est, aspectu similis nostræ albæ spinæ, tantum vero differt quia in Arabia nascitur, ut propter solum efficaciores vires habeat: sed quia haberi nō potest, vel saltem facile, propterea pro suchaha Bedeguar sumere collaudarem, quia has duas herbas idem esse arbitror, & tantum solo, quo nascuntur, differant: hoc enim apud nos, id apud Arabes nascitur. SEN. Igitur eam spinam albam accipiam pro suchaha, & bedeguar, quam mihi ostendit. BRA. Si ita feceris, non errabis. Sed vnum est quod me vehementer angit, nam huius syrupi intentionem consideras, quæ est aperire, referare, et potius soluere quam stringere, & deinde vires harū herbarum perpendens, quæ sunt prædictis oppositæ, nempe adstringere, obstruere, & fluctiones remouere, statim suchaha, et Bedeguar in suspicionem mihi venere, quod in hoc syrupo poni non debeant, qui est aperitiuus, & fluidum facere debet. SEN. Fortè ob ventriculum ponuntur, cui stiptica conueniunt, quando eius formam amiserit. BRA. Et in hoc opus est obstructiones aperire. Ideo varia Mesue volumina euoluere cœpi, ut experirer an in omnibus ita scriptum inueniretur. Omnia quæ incidi, hæc duo habebant, Bedeguar, suchaha, quæ tamen in hac compositione mihi suspecta sunt. Ideo ne in hoc syrupo essent contra pugnantia absq̃ vtilitate, vel illorum loco nihil ponerem, aut aperientia acciperem, nisi quis dicat poni ad roborandum, quod vanum est. Illosq̃ non arguo qui Caradum benedictum, vulgo appellatum pro his ponunt. SEN. Quid igitur in tanto discrimine facere oportet? BRA. Quod lubuerit facito: si autē pro me, id est pro  
meis



meis ægris parabis, loco horum duorum suchaha scilicet  
 & Bedeguar, sabinam & polypodium inycito. SEN.  
 In tui gratiam ita paratum habeo. BRA. Habeo. Alij  
 suo modo confectum velint: scito etiam cum Rauea ab-  
 solute scriptum inuenies, Rhabarbarum semper intellis-  
 gere oportet. SEN. Nunc pro hoc syrupo mihi in men-  
 tem venit, quosdam esse, qui à syrupo bisantino succo-  
 rum proportionem accipiunt. BRA. Quantam acci-  
 piunt? SEN. Sicut in syrupo bisantino sunt quatuor li-  
 bræ succorum & Zuchari libræ duæ & semis, ideo pro  
 omni Zuchari libra, debent poni succi depurati vnc. xix.  
 3. i. scrup. i. gra. xvi. BRA. Est nimia succorum quana-  
 titas: potius sume tu ex illo de fumo terre, qui fit ex de-  
 coctione & succis, sicut etiam iste fit: syrupus autem bis-  
 antinus fit solum ex succis, ideo inter istum, & Bisana-  
 tinum nulla est proportio, sed magna est inter istum &  
 illum de fumo terre. SEN. Hic discursus mihi summè  
 placuit. BRA. Imò hoc erat summè animaduertendum  
 quia in hoc adest decoctio & succus, ideo ab vno regula-  
 la sumenda est, qui decoctionem & succum recipiat, &  
 non ex vno, qui solū decoctionē recipiat, vel solos suc-  
 cos. Tu autē omnes syropos contempleris, cognosces nul-  
 lum esse huic magis porportionatum illo de fumo terre.  
 Dic autē quis ille fuit, qui hanc proportionem ex syrupo  
 bisantino accepit? SEN. Vnus est ex nostris satrapis à  
 cuius nomine abstinere decreui. BRA. Viuit' ne? SEN.  
 Diu est quod desideratur. BRA. Igitur neminē offensa-  
 des, quia hominū verbis, mortuorū manes non læduntur.  
 SEN. Est libellus Lumen Apothecariorum inscriptus.



BRA. Certe vir ille vituperandus non est, quia sua etate in adiuuanda hac arte pro facultate laborauit, & ingenium suum (vt illa aetas patiebatur) exercuit. Illos enim obtorta conscientia affectos puto, qui illos calumniatur, qui mortales adiuuare conati sunt, vel feliciter, vel infelicitate successerit: si quidem feliciter iuuerint, laude digni sunt: si infelicitate, corrigendi sunt, & errores detegendi, non tamen conuictus irritandi. SEN. Et hoc semper probi viri officium esse existimauimus, neminem laedere. BRA. Hoc non solum vir probus agere debet, sed etiam eius animus ita inclinatus & affectus sit. Nunc Syrupos alios perpendamus.

## S E N E X.

Syrupus  
de liquiritia.

**Q**ui succedit, Syrupus de liquiritia appellatur. BRA. Magnus est eius usus in pleuritide, in antiqua tussi, ad mundificandum pectus & pulmonem, sed eius conficiendi modum examinemus, enarramus simplicia, & eorum quantitatem, vt ab auctore scribuntur. SEN. Ita Mesue ad verbum fere dicit.

Recipe liquiritiae	vnc.	ij.
Capillorum veneris.	vnc.	i.
Hyssopi siccae	vnc.	ss.

Super haec proyce aquae libras quatuor, et dimittatur per diem & noctem, id est vigintiquatuor horas, deinde coquantur vsque ad mediam partem, postea super haec proyce.

Mellis	)	
Zuchari	)	añ. 3. viij.
Penidiarum	)	
Aquae rosatae		vnc. vi.

*Fiat*



Fiat syrupus, id est bulliant ad cocturam syrupi, & quando opus est administretur. BRA. In huius syrupi compositione nihil ambigui accidit, nisi cum dicit siccam hyssopum, noli intelligere extremè siccam, sed quæ in superficie humiditatem amiserit: nec opus est secundū maiorem & minorem decoctionem simplicia inycere, quia prius infunduntur. SEN In vno solum recentes ambisquitatem faciunt, cum hic syrupus aperire, & dilatare debeat cur aquam rosaceam recipiat: vnde & ego & multi alij pharmacopolæ, medicorū etiam suasu aquam rosaceā omittimus. BRA. Re vera omittenda non erat, quia partes pectoris relaxatas roborat, & vim expultricem fortiolem reddit: quod siccitate, & stipticitate quadam fit, quæ tamē modica sit ratione aliarum rerum ingredientium. Ideo aquam rosaceam semper inycias: nec debet medicus vereri in morbis pectoris modicè ad stringentibus uti, præsertim cū ab aperientibus superantur. Ideo & illi summè errāt, qui in morbis pectoris rhabbarum exhibere nolunt, & qui ob aquam rosaceam compositionem Manus christi appellatam prohibent, & plura similia, in quibus inspiciendum non est, quia potius prosunt, quam obesse possint: Imò, si omnia simplicia, & omnia composita consideremus, nihil est adeò perfectum, quin aliqua ex parte notari possit.

SENEX.

**H**is omissis ad syrupum de hyssopo descendamus. Syrupus BRA. In Mesue etiam hic sequitur, & non præter rationem: nā ad morbos pectoris, ad tussim, ad pleuropo-  
ritim, ad dolores corporis, ad asthmata efficacior est,



quàm is de glycyrrhiza prædictus. Tu autem eius compositionem edisscras. SEN. Hæc est apud Mesuen.

Recipe hyssopi sicce	)	
Radicum apy	)	añ. 3. x.
Fœniculi	)	
Liquiritiæ	)	
Hordei mundi		vnc. 6.
Seminum Maluæ	)	
Dragaganti	)	añ. 3. ij.
Seminum cydoniorum	)	
Capillorum veneris		3. vi.
Iuiubæ	)	
Sebestem	)	añ. nu. xxx.
Passularum enucleatarum		3. xij.
Ficum siccarum	)	
Dactylorum pinguium	)	añ. nu. x.
Penidiarum albarum		lib. ij.
Fiat Syrupus.		

BRA. Simplicia quæ hunc Syrupum ingrediuntur, in nostro simplicium examine perpensa sunt, & superius diximus quid per siccam hyssopum intelligere oporteat: nec opus est dubitare, quid per alba penidia intelligendum sit, nempe illa intelligimus, quæ ex zucharo albo facta sunt. Quod vero dubium ingerit est, quia si huius Syrupi simplicia misceantur, emplastrum fiet: nam Mesue non dicit vel in aqua bulliendo, vel in alio liquore. SEN. Subintelligere opus est, quia in pluribus alijs Syrupis aquæ quantitatem posuit, in qua fit decoctio: ideo non est opus ut semper ponat, sed diligens lector, &



flor, & pharmacopola plerunq; ex alijs syrupis elicere debet. BRA. Optime sentis, sed quantam aquæ quantitatē sumis, vt hæc simplicia ebulliant? SEN. Per pondus certam mensuram non habeo, sed simplicia in vas pono, & tantam aquæ quantitatē injicio, quod simplicia tegantur, & aqua pollicari quantitate supereminet. Itaq; per aliquot horas relinquo, postea ad consumptionem medietatis ebullire facio, deinde excolata decoctione penidia addo, & ad formam syrupi reduco.

BRA. Non modo tu, sed & cæteri pharmacopolæ ita operantur, sed duplex error hic est: primo, quia non semper idem syrupus erit, quia decoctio quandoq; maior, quandoq; minor euadit: secundo, quia eodem tempore omnia in decoctionem ponuntur, tamen sunt aliqua, quæ maiorem decoctionem, aliquam minorem patiuntur. Nec opus est fugias primo infundi, quia infundi non debent quando ab authore non specificatur infusio. SEN. Ab omnibus ita fieri vidimus. BRA. Et omnes sine regula agunt. SEN. Hoc, est ne sufficiens causa vt syrupū immutet? BRA. Tantum immutare potest, quod vires æquæ perfectæ non sunt in vno qui magis decoctus sit, & in vno qui minus. SEN. Da tu regulam in qua nunquam errare possim. BRASAVOLVS. In omnibus syrupis certa regula assignari non potest, Sed in vnoquoque syrupo sua exhibetur, quoniam (vt in syrupo de stæchade scriptum reliquimus) simplici, quæ ingrediuntur, ea sunt, quæ magis & minus aquæ recipiunt: si arida vel viridia sint, si mucosa vel non, si mollia vel dura. Ideo in omni syrupo sua aquæ



portio statuta esse debet. SEN. Quantam in hoc syrupo inicies? BRA. Nunc tibi ostendam, si hanc compositionem consideres, in ea paucissima sunt, quæ multum aquæ imbibere possint: ideo multa aquæ quantitate non indiget: imò si experiaris, octo libras aquæ satis esse deprehendes, & decoqui quousque tres libræ relinquantur, postea exprimantur, & cum penidijs ad formam syrupi iterum bulliant. SEN. Sed quem ordinem in decoquendo seruare oportet? BRA. Primo passulæ, Rizinpha, sebesten, ficus, dactyli, radices apij, & fœniculi ingradientur: deinde hordeū, semen maluæ, semina cydoniorum: denique tragacanthum, hyssopus, & capilli veneris. SEN. Nullus est inter nos, qui hoc modo paret. BRA. Ideo nullus est qui recte operetur. Notaque hunc syrupum dactylos, & cydoniorum semina ingredi, quæ aliquam adstrictionem illi præstant, sed leuissimā: propterea adstringente aliquo uti licet, ubi etiam apertione indigemus ad confortandum & roborandum. SEN. Quur istud nunc iterum repetis? BRA. Quia in magnorum virorum mentibus insertum est, ut nec compositio Manus Christi dicta, in dispositionibus pectoris ob aquam rosaceam, quæ ingreditur, exhibeatur. SEN. Tamen superius in syrupo de Eupatorio, qui plurimum aperit, iubebas suchaba, & Bedeguar abijcienda, quia adstringentia sunt. BRA. Id faciebam, non quia adstringentia, sed quia nimis adstringentia: imò ad repræmendandam vim fortium medicaminum adstringentia miscemus, sed non vehementer adstringentia, qualia illa sunt, quæ syrupum de Eupatorio ingrediuntur, in quo  
nihil



nihil est quod vehementem vim habeat. SEN. Hoc mihi satis est. BRA. Scito præterea multos de hyssopo syrupos à Mesue poni, vbi de tussi pertractat, qui omnes ab hoc distincti sunt. Tu solum isto vti debes, cuius per totam Italiam publicus vsus est.

## S E N E X.

**R**ari sunt, qui syrupum de prassio Ferrariæ parèt tamen quia ab aliquibus fit, & in vsu est apud illos, ideo ipsum adducere non grauabimur. BRA. Miror quod omnes non parent: nam cum syrupus de hyssopo non sanet, opus est ad syrupum de prassio deflectere: nā antiquæ tussi, & ægritudinibus longioribus pectoris plurimum succurrit, & materiam crassam et glutinosam habentibus, & antiquis viris asthma: patienbus, præsertim, a pituitoso humore, crasso, putrido, & difficulter solubili. SEN. Ad eadem igitur valet ad quæ syrupum de hyssopo valere dicebas? BRA. Ad eadē omnino, sed efficacius. SEN. Est ergo in pectoralibus syrupis aliquis ordo. BRA. Imò perfectissimo ordine incedunt: quamuis plures (non quidem medicorum, sed qui medentur: quippe differunt Medicus, & qui sine arte artem exerceat) id ignorent. Cum enim materia vel calida, vel ex calido & frigido mixta est, quia in principio calida materia magis agit, propterea à syrupo violato incipiendum est, Cum ægritudo procedit, ad syrupum de capillis veneris transeo. SEN. Ego hunc syrupum nunquam vidi vel audiui. BRA. Nūc audiuiisti, et deinceps videbis. Syrupus est, quem parari facio, inter violatum, & illum de glycyrrhiza medius, cuius descriptionē post

syrupus  
de prassio.

Syrupum  
de thoracali  
ordo.



hunc de prassio prosequamur, à syrupo de capillis veneris, ad syrupum de glycyrrhiza peruenio. Interim subtilis & calida materia euanescit, frigida & crassa remanet, propterea ad syrupum de hyssopo desleto, qui nisi profuerit, ad illum de prassio tanquam ad sacram anchoram confugimus, qui nisi sanet, is qui ægrotat, ferè desperatus est, vel ad decocta, & trochiscos veniendū. Nunc autem syrups de prassio compositionem enarra. S E N.

Hæc est quæ sequitur.

Recipe prassi	vnc.	ij.
Hyssopi	)	
Capillorum veneris	)	añ. 3. vi.
Liquiritiæ		vnc. i.
Calamenthi	)	
Anisi	)	
Radicum Apij	)	añ. 3. v.
Fœniculi	)	
Seminum maluæ	)	
Fœnu græci	)	añ. 3. ij.
Ireos	)	
Seminum lini	)	
Cydoniorum	)	añ. 3. ij.
Passularum enucleatarum		vnc. v.
Ficus siccas pingues		nu. xv.
Penidiarum	)	
Mellis boni despumati	)	añ. lib. ij.

B R A. Hæc tantum ab authore dicuntur, & nihil de componendi modo addidit. S E N. Nihil, propterea & nos aquæ quantitatem accipimus, vt nobis videbitur. B R A.

In



# SYRVPORVM 155

In hoc Syrupo decem aquæ libræ sumi debent, quæ ad consumptionem medietatis bulliant, propter mel & penidia, quæ ingrediuntur, nempe maiorem decoctionis quantitatem exigunt, quam præcedens syrupus de hyssopo fecerit, quoniam in illo solum duæ penidiarum libræ erant: hic autem præter penidia, duæ mellis libræ ingrediuntur. Non desunt autem qui velint hic hyssopum viridem sumi: nos autem siccam sumendam putamus, non tamen extreme siccam, sed quæ in superficie humiditatem amiserit: & ita de alys. Huncq; syrupum aliorum more composito, vt primo ea ingrediantur quæ maiorem decoctionem patiuntur, vt passule, ficus, radices: postea quæ minorem, vt semina: deniq; quæ minimâ, vt capilli veneris. SEN. Hoc igitur semper obseruabo. BRA. Nisi errare volueris, modo nõ sit opus simplicia prius infundere, quæ cū infusio decoctionem præcedit, tunc ordo ponendarum rerû non habetur. SEN. Cuperem nunc vt syrupum illud de capillis veneris mihi referres, quo vteris tu, nam & ego deinceps illum parabo. BRA. Hic est subscriptus.

Recipe glycyrrhizæ mundæ vnc. ij.  
Capillorum veneris vnc. v.  
Supra inijcias aquæ fontis lib. iiij.  
Et dimittas per diem & noctem, postea coquatur ad consumptionem medietatis, deinde percoletur, & huic decoctioni addantur,

Zuchari clarificati )  
Penidiarum ) añ. vnc. viij.  
Aquæ capillorû veneris )

Misce & ad formam syrupi decoque, ad vsusq; seruetur.

Syrupus  
de capillis  
veneris.



Syrupus  
de calamē  
tho.

**S**yrupus de calamētho sponte in mea scheda occurrit. **BR.** Cum duo sint apud Mesuen de calamētho syrupi, quem in tua officina paratum seruas? **SEN.** Primum apud Mesuen, cuius descriptio hæc est, quæ subsequitur.

Recipe calamenthi domestici	)	añ.	vnc.	ij.
Syluestris	)			
Chersim	)			
Dauci	)	añ.	3.	v.
Squinanti	)			
Passularum enucleatarum		lib.	6.	
Mellis		lib.	ij.	
Fiat syrupus				

In hoc quoque aquarum regulam non habemus, sed ut nobis videtur, aquam ponimus. **BR.** In hoc syrupo sex aquæ libræ recipiantur, quæ bulliant primo passulas, deinde alia secundum præscriptum ordinem ponendo, usque ad consumptionem medietatis: denique addito melle fiat syrupus secundum artem: qui syrupus ad lienosos plurimum valebit, quibus durus est lien et penè irresolubilis, et his qui frigida viscera habent, et asthmate laborant, præsertim in senibus, et in habentibus antiquas tussis: si quis enim vel pectus, vel ventriculū, vel intestina crassa, tenaci, et irresolubili materia plena habeat, hoc syrupo sanatur. Vñ tantū est, quod te perturbare possit, scilicet quid sit domesticū calamēthū. In examine simplicium de calamētho differuimus, per domesticū verò, mēthā intellige. **SEN.** Quā mēthā? **BR.** Nostratē vulgarē.

SENE X.



## SE N E X.

**S**yrupus de Endiuiā nos vocat. RRA. In hoc syrupo Syrupus  
de endi  
uia.  
pharmacopolæ plurimū differunt: aliquos enim Fer  
rariæ, & in omni ferè Italica vrbe inuenio, qui syrupū  
de endiuiā Gentilis solum parant, & semper illum pas  
rant, à quocunq; & quandocūq; syrupus de endiuiā in  
dicetur. Alij syrupum de endiuiā Nicolai paratū seruāt:  
alijs syrupum de endiuiā ex solo succo & Zucharo. Quē  
habes tu paratū? S E N. Ego consuetus sum (& ita præ  
ceptor meus utebatur) syrupum de endiuiā Gentilis pa  
rare, cuius descriptio hæc est quæ sequitur.

Recipe succi endiuiæ )  
Hepaticæ ) añ. lib. iij.

Clarificentur prædicti succi ad ignem, vt expedit.

Rosarum )  
Violarum )  
Lenticulæ aquæ ) añ. vnc. f.

Florū nenujaris )  
Polytrici )

Capillorum veneris )  
Hordei mundi ) añ. vnc. i.

Seminū cōmuniū maiorū frigidorū)

Fiat syrupus cum Zucharo quantum sufficit, secundū  
artem, & aromatizetur, cum

Sandalis albis )  
rubris )  
Berberis ) añ. scrop. i.  
Seminum cydoniorum )  
Ligni aloes )



Cinamomi )

Corticum citri )

Et vsui referuetur. B R A. Mihi summè displicet quod hunc syrupum habeas, aut vnquam paraueris. In eo enim nullum ordinem inuenio, imò confusionem quandam, & ita syrupum de hepatica appellari posse, sicuti de endiuia: quando autem apud te pro meis ægris syrupum de endiuia indicebam, simplicem syrupum quærebam, non tam amplam cōpositionem, in qua calida frigidis mixta sunt. Nos Gentili suum syrupum dimittamus, qui eo vtatur quando lubet, eo enim nunquam vtemur. Alij etiam Ferrariæ sunt qui aliam descriptionem sequuntur. SEN. Quam? B R A. Subsequentem, quam faciunt, & nesciunt à quo authore sumatur.

Recipe succi endiuiae lib. lx.

Purificetur, deinde in ipso bulliant

Rosarum )  
Sandalorum citrinorum ) añ. vnc. v.

Spodij )  
Berberis ) añ. 3. xx.

Asparagorum 3. x.

Zuchari lib. xx.

Aceti granatorum lib. ij. vnc. iiij.

Misce & fiat syrupus secundum artem. SEN. Dicunt ex Gentile sumi. B R A. A quocunq; sumatur, mihi non placet: nam cum indico syrupum de endiuia, simplicem semper intelligo. SEN. Tu specifica. B R A. Non est opus cū aliquo addito indicare: sed satis est simpliciter aut syrupū de endiuia, aut de succo endiuiae prædicere: & tunc



# SYRVPORVM 159

Et tunc simplex intelligendus est, cuius descriptio hæc est.

Recipe succi endiuæ depurati lib. viij. Syrupus  
Zuchari albi lib. v. f. d' endiuia

Misce et bulliant ad formam syrupi, sed opus est Zuchari simplex.

charum prius clarificare, et cum decoquitur, succum addere. SEN. Hic est, quem præparari vis? BRA. Hic equidem: nam si in laterali morbo syrupum de endiuia indixero, hic conuenit, alij non: syrupo autem de endiuia medici in initio morbi lateralis plerumque vtuntur. Cum verò indicunt, pharmacopolæ quos habent, exhibent.

Vnde si compositos habent, illos propinandos dant: si simplicem, simplicem: sed hic conuenit, ille contrarius est.

SEN. Quos igitur ex his parabo? BRA. Simplicem ex solo succo, et Zucharo parato: et compositum non quidem illum Gentilis, qui hepaticam recipit, sed aliud quod tu

Gentili attribuisti: et cum medici syrupum de endiuia indicunt, simplicem istum exhibeto, nisi addiderint compositum. Cum verò indicunt syrupum de endiuia compositum, aliud dant: sed illud

luc puenimus, quod medici quod indicet parum curant, et quod à pharmacopolis fiat: sed tantum compositionum nomina sciunt,

ex his verò, quæ ingrediuntur, nihil nouere. SENEX.

Syrupus de cichorea expurgandus accedit. BRA.

Quem de cichorea paras? SEN. Illum Nicoli Florentini, cuius descriptio hæc est, ex tertio libro huius authoris sumpta, in capite de oppilatione hepatis.

Recipe endiuæ domesticæ )  
Syluestris )  
Cichoreæ ) añ. m. ij.  
Taraxacon )

Syrupus  
de cichorea  
Nicolini  
Florentini.



Cucurbitæ	)	
Hepaticæ	)	
Scariolæ	)	añ. m. i.
Fumi terre	)	
Lupinorum	)	
Hordei non excoriati	)	
Alkakengi	)	añ. vnc. iiij.
Liquiritiæ	)	
Capillorum veneris	)	
Coterach	)	
Polytrici	)	añ. 3. vi.
Adianti	)	
Cuscutæ	)	
Radicum fœniculi	)	
Apy	)	añ. vnc. ij.
Asparagi	)	

Bulliant in sufficienti quantitate aquæ, & colentur, & cum Zucharo albo solido fiat syrupus, & pro vna quæque eius libra, ponantur ad coquendum. 3. iiij. rheus barbari electi, & scropo. iiij. spicæ ligatæ in petia rara, quæ sæpe exprimatur, donec syrupus sit perfecte decoctus. Dosis est vnc. ij. cum aqua euulsionis seminum communium frigidorum. Hæc Nicolaus. BRA. Certe hæc potius mihi videtur confusio, quàm compositio: nam compositiones ordinem aliquem habent, & per componendi regulas disponuntur: hæc autem non ita est. Ideo eam omitterem, vel pro illis medicis pararem, qui simplicia ignorantes, & regulas componendorum pharmacorum, ad has recentium compositiones tanquam ad sacram anchoram



anchoram confugiunt. Nunquam videbis me tali compositione uti in hepate, quomodocumque obstructo. SEN. In alyis Italiae urbibus Syrupo de cichorea Gulielmi Placentini utuntur, quem magis probas tu? BRA. Nullum probo: nempe & hic confusio quaedam est: imò de recensibus quibusdam miror, qui premittunt Syrupum de cichorea Gulielmi ob hanc causam, quia plura simplicia recipit: unde tota eorum ratio est multitudo simplicium, ac si plura simplicia recipere hos Syrupos magis egregios faciat. Nam si hoc verum esset, possemus quatuor Syrupos solum parare, qui omnia complecterentur: unum ex omnibus calidis, alium ex frigidis, tertium ex humidis, quartum ex omnibus siccis. Sed vanum est sine ratione multa simplicia aggregare. SEN. Nisi pigeat, Syrupum istum Placentini de cichorea enarra, quia à multis Italiae populis fit. BRA. Hic est subscriptus.

Recipe foliorum cichoreæ.

m. i.

Foliorum boraginis )

Lactucæ )

Violarum )

Sariolæ )

Linguae bouis, id est buglossæ )

Acetosæ )

Batisosæ )

Rhabarbari

3. ij.

añ. m. f.

Herbæ pistentur, & in libris tribus aquæ coquantur, donec tertia pars consumpta fuerit, & coletur & addantur in illa aqua libræ duæ Zuchari, & cum dissolutum fuerit Zucharum ad ignem cum Rhabarbaro puluerizato

L

Syrupus  
de cichorea  
Gulielmi  
Placentini.



et ligato in vna petia, et sæpe exprimatur manu petia rhabarbari, et tādīu permittatur decoqui, quod in syrupo formam transierit, tuncq; ab igne deponere et reſerua.

Hæc Placentinus. S E N. Memini me quandoq; hunc ſyrupum paraſſe. B R A. Paraueris, et paraturus ſis, quando libuerit: mihi hæ inordinatæ compoſitiones non placent, præſertim cum multa ſint in illis affectibus, ad quæ valent, multa ſimpliciora et perfectiora. Tu igitur pro alijs medicis paratos habeto, pro me autem nunquā.

Taraxa  
con.

S E N. Saltem edoceas quid per Taraxacon intelligendum ſit. B R A. In hac re tibi libenter ſatisfaciam. Dioſcorides de ſeri tractat, de qua abunde nos in examine ſimpliciū egimus, Serapio de Dundebe capi. CXLIII. ſcripſit, idem ſignificante quod ſeris: dicitq; Taraxacon eſſe ſylueſtrem Dundube, id eſt ſerum ſylueſtrem: eſt autem apud Dioſcoridem ſylueſtris ſeris picris, id eſt amara, quam cichoreum appellari dicit. Vnde illa herba, quam vulgò radechio ſyluatico nūcupamus, eſt ſeris ſylueſtris, et cichoreum Dioſcoridis, et Serapionis taraxacon, dicant quodcunq; recentes: nam in inuenienda hac herba plurimum hallucinantur. Res igitur ita ſe habet, Radix ſylueſtris amara, qua in acetarijs quandoq; utimur, eſt Serapionis, et Mauritanorum taraxacon, et ſeris ſylueſtris, atq; cichoreum Dioſcoridis. Sed ad alios ſyrupos tranſeamus, ne in his recentium amiſſis compoſitionibus tempus amittatur.

S E N E X.

Syrupus  
myrtinus.

E Rgo ſyrupum myrtinum huc vocemus. B R A. Nō poſſum non irasci, et non valde excandescere, ſecere



cere & nostri pharmacopolæ in hoc syrupo partes. Sūt enim qui compositum quendam myrtinum parent, & qui simplicem Mesue ex succo granorum myrti faciant. Tu quem facis? S E N. Ego semper compositum feci, & ab alyis fieri vidi. B R A. Edissere hunc tuum compositum, quem paras. S E N. Est hic qui subsequitur.

Recipe myrtilorum

ʒ. xx.

Rosarum rubearum )

Sandalorum rubeorum )

Alborum )

añ. ʒ. xv.

Sumach )

Balaustiarum )

Berberis )

Mespilorum

ʒ. L.

Aquæ fontium

lib. viij.

Bulliant omnia ad consumptionem medietatis, postea coletur, & in colatura adde,

Vini granatorum )

Succi cydoniorum )

ana vnc. vi.

Zuchari clarificati

lib. iij.

Misce & decoquas ad modū syrapi. B R A. A quo authore hunc syrupum accepistis? S E N. Est magistrālis, à quo sumatur ignoro. B R A. Tamen non displicet hic syrupus, si omnes Ferrarienses pharmacopolæ hunc pararent: sed aliqui sunt qui huius loco, composito quodam vtuntur, quem absolute syrupum myrtinum appellant: cū & ipse compositus sit, imò & si ab hoc differat, differentia modica est, & in eundem finem tendit. S E N. Ni pigeat, hunc, quem alij faciunt abs te scire

L 2



percupio. B R A. Non piget, illum audias.

Recipe granorum myrti	)	
Carnium cydoniorum	)	
Sumach	)	añ. vnc. i.
Acatiae	)	
Rosarum	)	
Spody	)	
Hypoquistidos	)	añ. vnc. ij.
Mastichis		3. 5.

Bulliant hæc omnia in libris tribus aquæ ad cõsumptionẽ terciæ partist deinde colẽtur, & colaturæ addantur Zuchari clarificati libræ tres, & fiat syrupus. SEN. Eadẽ est in hoc, & in eo quẽ facio, intetio: sed mea compositio mihi magis placet. B R A. Nec mihi displicet, propterea loco syrupi myrtini cõposui, tuũ parato. Qui vero & hunc faciunt, perperã non agunt: nam & hic est magis constrictius quàm tuus. Vellem ego vt simplicẽ myrtinum, qui hoc perfectior est, haberes, & quem Mesue parandum docet. S E N. Fieri non potest: nepe myrtilorũ succo caremus. B R A. Hãc succũ haberi facilius est, quàm Rhabarbarum, aut aliquod aliud ex his quæ extra Italiã petũtur: imò in propinquissima parte huius nostræ almæ Ferrariæ, & myrtus, & myrti fructus haberi possunt. Ne igitur hanc excusationẽ habeas, sed illũ parato, vt Mesue syrupũ de acetositate citri parare docuit. S E N. Quomodo? B R A. En succi myrtilorum lib. XII. decoque in vase vitreato lento igne ad cõsumptionem terciæ partis: deinde coletur, & dimittatur, donec clarificetur, & accipe ex eo quod clarũ est lib. VII.

¶



& funde super illud zuchari clarificati lib. v. & decoz-  
 quatur donec inspissetur ad formam syrupi: vel si æstas  
 fuerit in sole ponantur donec eius aquosa pars euane-  
 scat. Hic vere est simplex & perfectus myrtinus syru-  
 pus, quæ & Serapio describit: quâvis duas alias descri-  
 ptiones, præter hanc edocuerit, qui ad vëtris fluxus tā re-  
 cētes quā antiquos plurimū valēt: & in affectibus pec-  
 toris cōuenit vbi cōtra pugnātia fuerit, quia adsit fras-  
 ctura venæ in pectore, & etiā exitu materiæ putridæ in  
 ventriculo & in pectore existēte indigeat: tūc hic syru-  
 pus myrtinus simplex plurimū valet, alij verò compositi  
 nihilimò ad antiquā tussim cōuenit: compositi verò ad  
 fluxus ventris magis proficiunt, quā hic simplex: vens-  
 triculū roborat & omnia intrinseca viscera. Hunc igitur  
 omnino parabis, & potius compositos omittas. Tamen  
 si compositos habere volueris præter simplicē, ab re non  
 erit. SEN. In hoc tibi obtemperabo, nam continuè in  
 mea officina & simplex & compositus seruabuntur, &  
 nisi medicus, cum indixerit specificabit, simplicē exhi-  
 bebo: si vero compositum addiderit, compositum dabis  
 mus. Hunc syrupū antiquū appellasti, reperitur ne apud  
 Græcos? BRA. Imò apud Paulū Æginetam lib. VII.  
 capi. XV. reperitur, & Myrtetum appellat, sed ipse ex Myrtetū.  
 melle facit, quia zucharum nesciebat: sed ipsa composi-  
 to parū differt. SEN. Ne pigeat Pauli compositionē  
 subscribere. BRA. Nō pigebit. Inquit Paulus: Myrte-  
 tum, hoc est ex myrtis cōpositionē facies, si succi myrto-  
 rum sextarios treis, mellis sextarium vnum semper de-  
 spumando ad consumptionem tertiæ partis decoxeris.



SEN. Parua differentia est. Sed plurimū gaudeo, anti-  
quos hoc syrupo vsos esse, & myrtetum appellasse.

BRA. Potissime in aluo fluente utebantur. SEN. Igi-  
tur & hunc deinceps paratum habebo, & doleo, quod  
in nostra hac vrbe aliqui pararint, ego autem omiserim.

BRA. Satis est nunc vices rependere. SENEX.

Syrupus  
de matricaria.

**H**OC igitur omisso syrupus de matricaria accedat.  
BRA. Nullum authorem fide dignum legi, qui  
hunc syrupum tractaret, sed compositiones quasda in-  
ueni, & illas quidem varias, quæ de matricaria compos-  
itiones vocabantur. Nec nostri pharmacopolæ vno sy-  
rupo vtuntur, sed quisq; ferè compositionem ab alio di-  
uersam habet. Vt autem à te incipiam, quam composi-  
tionem sequeris? vt alijs comparando differentiam vi-  
deamus. SEN. Hæc est, quam subscribam.

Recipe matricariæ )

Betoniciæ )

Mellistæ )

Radicum apij ) ana vnc. i.

Acori )

Petroselini )

Fœniculi )

Assari )

Rubeæ tinctorum )

Cyperii ) ana vnc. f.

Calamenthi )

Sileris montani )

Passularum )

Anisorum ) ana. vnc. i.

Garyophyl



Garyophyllorum )  
 Spinæ albæ ) ana vnc. 6.

Bulliant in sufficienti quantitate aquæ ad consump-  
 tionem medietatis: postea coletur, & colaturæ addan-  
 tur zuchari libræ tres, & fiat syrupus secundum artem.

BRA. Cur spinam albam ponis, quæ constrictiua est?

SEN. Nescio, sed in mea cōpositione ita scriptū reperi.

BRA. Melius parāt, qui loco spinæ albæ calamū aro-  
 maticū legūt, nisi pro spina alba cardū benedictū acce-  
 perint.

SEN. Illū semp accipio. BRA. Alij pharma-

copolæ cōpositiones alias sequūtur. SEN. Quas? Abs-

te audire cupio. BRA. prædicā libèter, & eo libètius,

vt pharmacopolarū vnus tātū vrbis diuersitatē videas,

quā tamē diuersitatē in omni ferè Italiæ vrbe inuenies.

Sūt enim pharmacopolæ, qui subsequētē cōpositionem

sequuntur, & eā in suis officinis paratā seruāt: & sem-

per cum syrupus de matricaria indicitur, hanc exhibēt.

Recipe artemisie m. ij.

Calamenthi )

Foly )

Saturegiæ )

Origani ) ana m. i.

Thymi )

Thamarisci )

Stœchados )

Chamomillæ )

Meliloti )

Sampsuci ) ana vnc. i.

Anthos )



Blattæ bizantiæ	)	añ.	3.	ij.
Calami aromatici	)			
Spicæ celticæ			3.	i.
Chamædryos	)			
Matricariæ minoris	)	añ.	m.	6.
Betonicæ	)			
Abrotani	)			
Acori	)			
Prassii	)	añ.	vnc.	i.
Foliorum rubæ maioris	)			
Sileris montani	)			
Assari	)			
Squinanti	)	añ.	3.	vi.
Anisi	)			
Marathri	)			
Ameos	)	añ.	3.	vi.
Apj	)			

Bulliant in sufficiente quantitate aquæ secundum artem: postea addunt mellis quantum sufficit, & syrupum faciunt. SEN. Et ego hunc syrupum in mea officina seruo, sed est syrupus de Artemisia, non autem de Matricaria. B R A. Quid putas esse Matricariâ? SEN. Herbam ab Artemisia distinctam. B R A. Deciperis, nam Matricaria Artemisiæ species est, ut in examine simplicium habuisti. Tua autem compositio, quam de Matricaria vocas, mihi suspecta est, cum ob simplicia, quæ sine regula ingrediuntur, tum quia pondera in diuersis simplicibus sub diuersis anâ positis eadem sunt. Primorum enim simplicium vnciam vnâ ponis. Secundorum



cundorum vnciam semis, Tertiorum vnciam vnam, Quartorum vnciam semis: quod mihi compositionem suspectam facit, ne in ipsa error sit. SENEX. In illa etiam compositione, quam ego de Artemisia appellavi, posuisti assari, squinanti ana. ʒ. vi. deinde anisi, marathri, ameos, apy ana ʒ. vi. BRASAVO. Omnia illa continuatim legenda sunt, tamen per hoc compositionem non excuso, quia ponit chamomillæ, meliloti, sampsoci, anethos, ana vnc. i. deinde acori, prassii, foliorum rubæ, sileris montani ana vnc. i. In quibus locis legendum est ana ʒ. i. quia vncia nimia quantitas esset. Sed & spicam celticam per se ponit, quæ tamen vna solum drachma est. SEN. Igitur & hanc compositionem suspectam habes? BRA. Habeo. nihil enim aliud est, quam multorum simplicium aperientium sine ordine collectio. SEN. Illi igitur qui hunc syrupum pro syrupo de matricaria faciunt, si à medico syrupus de matricaria indicetur, hunc exhibent? Et si ille de artemisia indicetur, etiam eundem exhibent? BRA. Ita faciunt. SEN. Ego utrosque distinctos seruo. BRA. Tamen ad eundem finem valent, & nisi confusiones potius quam compositiones essent, non multum curarem, quando tibi indico, utrum horum acciperes. SEN. Sunt ne alij, qui syrupos alios de matricaria faciant? BRA. Non ne superius dixi alias compositiones esse apud alios? Seruant & Ferrariæ aliam compositionem nonnulli. SEN. Quam? BRA. Est longissima quædam & confusa receptio, quam asserre piget. SEN. In gratiam meam adducito. BRA. Faciam, postquam adeo tibi gratum esse video. Ea hæc est.



Recipe Artemisiæ	)	
Capillorum veneris	)	
Sabinæ	)	
Camædryos	)	
Camæpityos	)	
Origani	)	
Ozimi	)	
Sampsuci	)	
Calamenthi	)	
Scolopendriæ	)	añ. m. i.
Betonicæ	)	
Scabiosæ	)	
Hypericon	)	
Cyperi	)	
Squinanti	)	
Lupuli	)	
Polypodij	)	
Gentianæ	)	
Rubeæ tinctorum	)	
Spicæ	)	
Assari	)	
Thymi	)	
Epithymi	)	añ. vnc. i.
Chamomillæ	)	
Rosarum	)	
Violarum	)	
Sandalorum rubeorum	)	
Seminū cōmuniū frigidorū maiorū	)	añ. vnc. ʒ.
Seminis Apij	)	
		Fœniculi



Fœniculi	)	
Petroselini	)	
Ameos	)	
Carui	)	añ. 3. ȳ.
Iuniperi	)	
Mily solis	)	
Seminum Rutæ	)	

Hæc omnia bulliant in sufficienti quantitate aquæ ad consumptionem medietatis, sed prius in ea infusa hæc per decem horas maneant cinamomi. 3. i. 6. serapini, ammoniaci ana 3. 6. dicta gumi ligentur in petia, & simul bulliant ad consumptionem medietatis: deinde coquantur & colaturæ addantur mellis purificati lib. vi. & fiat syrupus, debito modo coquendo. SEN. Hic syrupus adhuc magis confusus videtur, quàm præscripti.

B R A. Confusissimus est, et simul calida frigidis miscet sine aliquo componendi ordine. SEN. Igitur parandus non est. B R A. Non modo non pararem, sed omnibus suaderem ut paratum non haberent: imò nec duos prædictos pararem. SEN. Ego parabo, quoad collegium medicorum congregatione facta composita omnia emendabunt. B R A. Hoc non ab re erit: nempe opus est omnibus Ferrariensibus medicis in concionem vocatis quasdam pharmacopolarum compositiones corrigere, alias immutare, alias penitus demere, & in eo potissimum conari, ne vnus pharmacopola compositionem vnâ habeat, alter aliam: sed compositiones eadem esse debent, ne medici rerum ignari indicentes decipiantur. Hoc igitur de matricaria omissio syrupo, ad alios



utiliores accedamus: nihil enim incomponendi ordine tractabo, quoniam syrupus est qui absq[ue] compositionem regulis paratur.

## S E N E X.

Syrupus  
myrachini-  
nus.

**D**E Myrachino igitur dicamus. BRASA. Nomen ipsum rem barbaram esse ostendit, & compositio à compositionum regulis abhorret, quæ (si recte memini) ex Gentile accipitur. Melius autem erit eam proponere, ut error cognoscatur: nam simpliciū pondus apud varios Gentilis codices, varium inuenitur. Compositionē igitur edisseras. SEN. Hæc est.

Recipe polypody quercini

5. xx.

Buglossæ )

an. vnc. i.

Melissæ )

Cyperi )

Corticum radicum caparorū )

an. vnc. i.

Acori )

Assari )

Senæ )

Epithymi )

an. vnc. ij.

Semina endiuie )

Lactucæ )

an. vnc. iij.

Scariolæ )

Pistentur omnia grosso modo, præter senam, & epithymum, omnia alia bulliāt in lib. quatuor aquæ vsq[ue] ad consumptionem medietatis. In fine decoctionis adde senam & epithymum, & remoueat ab igne, & dimitas in frigidari: postea manibus exprimat, & coletur, & addantur mellis rosati cum folys libræ duæ, & fiat syrupus



pus secundum artem. BRA. Miror quod hic folia ponantur, nam bene potabilis non erit. SEN. Non accipimus folia, sed mel rosatum ex folijs factum percolamus. BRA. Ob hoc te admonui, aliquos esse, qui, cum dicitur mel rosatum colatum, semper mel rosatum cum folijs intelligunt, sed postea expressum. Nunc ad syrupum ipsum descendamus. Aliquæ compositiones sunt, quæ habent polypodij vnc. vi. sed illas magis laudo, quæ habent polypodij. 3. xx. In aliquibus etiam compositionibus ubi dicitur buglossæ & melissæ ana vnc. i. habetur ana. m. i. quod etiam magis quadrat: nam simplicia quæ sequuntur, etiam sub vna vncia ponderantur. Mihi autem magis placet vna compositio, quæ dicit, buglossæ, melissæ ana vnc. i. postea cyperi, corticum radicum caparorum, acori, assari ana vnc. 6. SEN. Illi recte fecerunt qui compositiones carmine tradiderunt, tunc enim pondera variari non possunt. BRASAVOLVS. Ideo Galenus Andromachum laudauit, qui Theriacam compositionem carmine scripsit. Vnum tamen in hoc syrupo te edocere volo: quamuis dicat omnia simul bulliri, præter epithymum, & senam, scito tamen alia esse in hac compositione, quæ tantam ebullitionem non expetant: propterea in decoquendo ordinem serua, quem superius in alijs syrupis ostendimus. Tamen ultimo pone senam & epithymum. Primo autem radices, postea semina, deinde flores inycito. SEN. Semper illum ordinem seruabo, modo simplicia prius infundere non sit opus. BRASAVOLVS. Videmur in hoc recenti syrupo nimis immorari.



Syrupus  
nenufaris  
nus com-  
positus.

**S**yrupum igitur nenufarinum contemplemur. **B R A.**  
Et hic quoque syrupus recentiorum est, quippe à Frā-  
cisco Pedemontano fit: quippe illum in capitulo de cura  
malæ complexionis hepatis simplicis & compositæ in  
hunc modum, qui subsequitur, describit.

Recipe florum nenufaris	vnc.	ij.
Vngulæ caballinæ aquaticæ	)	
Psyllij integri	) añ.	vnc. i.
Acetosæ	)	
Seminum communium		3. ij.
Seminum frigidorum		vnc. 6.
Radicum fœniculi		vnc. i.
Bulliant in aqua hordei, & addantur		
Zuchari		lib. i.
Aceti albi	)	
Succi granatorum	) añ.	vnc. ij.
Et aromatizetur cum		
Sandalorum	)	
Spodij	) añ.	3. i.

Et addatur parum spicæ, ne frigiditate oppilationem  
inducat. **S E N.** Hunc nenufarinum syrupum nunquam  
paravi, sed alium simplicissimum facio. **B R A.** Quem  
**SEN.** Libras duas florum nenufaris vna decoctione de-  
coquo: postea exprimo, & in expressione addo Zuchari  
libras duas, & decoquo ad cocturam syrupi. **B R A.**  
Hic magis placet: quia semper simpliciores syropos fieri  
volumus: quippe facile est duos, aut tres simul iungere,  
& intètionem immutare: nullus est certus author, qui hos  
syropos

Syrupus  
nenufaris  
nus sim-  
plex.



syrupos inuenerit. SEN. Propterea nos, magistrales ap-  
pellamus. B R A. Vtrosq; parare poteris pro his medis-  
cis qui composito vti volunt, tamen apud nos eius vsus  
rarus est.

SENEX.

**M**iuā cydoniorum in hunc ordinem posita est. Miuā cy-  
doniorū.  
B R A. Et ipsam inter syropos numerasti? SEN.

Numero: nam addita aqua, vt syrupus, potabilis fit: &  
non modo eius vsus est ad roborandum ventriculum, he-  
par, & omnia viscera, & ad vomitum sistendum, & flux-  
ui ventris aduersatur, imò etiam concoquit materias, et  
præparat vias: & Auicenna hanc cōpositionem syrupum  
de cotoneis appellat, quāuis Mesue syrupū de cotoneis  
primo prosequatur, deinceps de miua sermonem habeat.  
Tamen communis est per totam Italiam vsus, vt ea pro  
syrupo de cotoneis vtantur: & re vera mira compositio  
est ad roboranda mēbra. Et nisi Gulielmi authoritatē  
refugeres, tibi dicere eum authorem nō appellare miuā,  
sed syrupum de cotoneis. Præterea tibi Almāsoris nonū  
librum adducerem in libro diuisionum, in cap. de mediz-  
cinis solutiuis ventris, vbi inquit: Cōfectio miuæ constri-  
ctiuæ, quæ est syrupus de cotoneis. B R A. Videris ex  
pharmacopola factus dialecticus, vbi probare miuam  
syrupum esse conaris, vel bibi, vt syrupi bibūtur. Hoc au-  
tem non inficio, sed id tantū me mouebat, quod hoc vo-  
cabulum miua apud Mauritanos succum fructuum signi-  
ficat adeò coctum, vt in fermam sapæ, vel mellis deues-  
nerit. In reliquis tecum sum, miuam esse potabilem, esse  
concoquentem malos succos, imò syrupum verè esse,  
quia ex succo fit. Sed ne pigeat compositionem quam



facis, aperire, & componendi modum. SEN. Mesuen  
penitus sequor, propterea in hunc modum paro.

Recipe succi cydoniorum acetosorum lib. xx.

Vini boni antiqui. lib. x.

Misceo, & cum facilitate coquo, donec eius tertia  
pars consumpta sit, & continuè spumam aufero: deinde  
percolo, & residere permitto donec clarescat: postea  
addo lib. sex boni mellis depurati: iterumq; bullio spu-  
mam semper auferens, & Alefanginas species in lineo  
panno vinctas habeo, quas in prædictum liquorem sus-  
pendo, sæpe stringens atq; modice fricans, vt specierum  
vis facile exire possit, & miuam transire. Cum in spissio-  
rem formâ redacta est, & iam facta sit miua, ipsam aro-  
matizo, tertiam partem drachmæ musci addens, & duas

Alefangi-  
ne species.

3. galliæ. B R A. Quæ sunt istæ alefanginæ species?

SEN. Hæ, quas hic subscribam.

Recipe cinamomi

Heil

Garyophyllorum

Zinziberis

Mastichis

Croci

Ligni aloes

Macis

} añ. 3. ij.

3. ij.

} añ. 3. i. 6.

3. ij.

} añ. 3. i. 6.

Omnia præter crocum terantur contritione crassa, et  
in lineum pannum colligentur. B R A. Tot res ponis in  
tua miua? SEN. Tot. B R A. Nunquam ea vtar in proz-  
flunio alui à calida materia dependente. Illi autem phar-  
macopolę mihi magis placent, qui simplicissimâ parant,

ex



ex cydoniorum succo, vino, & melle, vel Zucharo: quia multi ex Zucharo faciunt, et nō ex melle, quāuis antiqui Græci Miūam ex melle conficerent, quia Zucharum ignorabant. SEN. Antiquiores igitur Miūam nouere? B R A. Nouere quidem, & ab ipsis Mauritanis acceperet: sed alio nomine eam vocant, & alia proportionē conficiunt. Nempe Paulus lib. VII. capi. XV. hydromalum fieri docet in hunc ferē modum.

Hydromalum.

Accipe succi malorum cydoniorum mundorum

contusorum

sextarios duos.

Mellis

sextarios tres.

Aquæ

sextarios sex.

Coquito despumans vsq̃ ad tertias. Vides Paulum vini loco, quod Mesue ponit, aquam posuisse. Alio etiā modo parabant (vt Paulus refert,) nempe accipiebant malorum cydoniorum concisorum purorum lib. V. in aquæ fontis sextarijs decem elixabant, donec omnia essent vnum corpus: postea refrigerabant, & colabant: expresso autem cremore, mala proyiciebant, & aquam metientes, mellis quantitatem dimidiam aquæ admiscebant, & rursus coquebant, assidue despumando, donec octaua pars euanescat decoquendo. SEN. Tibi fortē placeret vt in hunc modum pararem? B R A. Et mihi placeret, & alys multis bonis viris, vt miūam his simplicioribus modis conficeres. Si autem pro alys compositam illam, quæ magis calida, quā temperata est, parare volueris, facito: nam vbi possum antiquos imitari, semper imitor. SEN. Quid significat id vocabulum Alefangine? B R A. Vocabulum est Mauritanum, &

M



Alefangi  
ne quid si  
gnificet.

Heil.

etiam corruptum, quo ipsi pulueres odoratos intelligunt, quibus cibaria cōdiuntur: ut sunt apud nos species ex pipere, cinamomo, garyophyllis, gingibere, atque similibus. Tamen ad pulures etiam vsurpant, qui vel actu vel virtute compositiones ingrediuntur. Hic puluis, quem Mesue in miuam ponit, certe odoratus valde est, et miuæ tribuit, ut possit tanquam intinctus comedi. SEN. Equidem verum est, nam re vera est optimus intinctus. BRA. Ego quandoque miuam exhibeo his qui habent ventriculum debiliorem cum carnibus, sicut alij solent intinctus vti, quos Sapores vocant, nec respuunt ægri, et illis plurimum prodest. Sunt ne hi pulures prædicti, illi qui Alefanginas pilulas ingrediuntur? SEN. Sunt pro parte, sed multa alia aromata, et ventriculum roborantia pilulas ingrediuntur, ut videre licebit, cum de pilulis agemus. Libenter autem scirem quid sit Heil: nam recentes inquirunt esse speciem cardamomi quam non habemus, cuius loco cardamomum maius accipimus. BRA. Imò heil cardamomum maius verè est, si Serapionem capite. LXIIII. de simplicium facultatibus considerabis, ubi inquit: Sacolla, id est cardamomum, et cardamomum maius est heil. est autem apud Arabes verum cardamomum maius, id quod pharmacopolæ minus appellant, quia est granum magnum plura parua grana continens. Propterea bene dicit Serapio secundum Isaac hebem Abraham, quod habet cortices et capita sicuti rosa, et sunt grana magna sicut nabach, aut parua maiora, et intra ipsum sunt granula parua angulosa boni odoris, pinguis puluerulenta. SEN. Certe hæc

grana



grana angulosa nostrum cardamomum minus sunt.

B R A. sunt (vt dicitis) tamen est cardamomum maius Serapionis, quia ipse denominat à grano magno, in quo alia grana continentur. Scito autem aliquos pharmacopolas secundum Mesuen, miuam parare, quam ipse simplicem appellat, & non primam, sine speciebus, cuius compositio recipit succi cydoniorum lib. centum, & ponitur in vas lapideum mundum, & cum facilitate bulliunt, semper spumam auferendo, vsq; ad consumptionem medietatis, deinde colant, & per tres horas residue dimittunt: postea addunt vini antiqui lib. LX. postea supra prunas coquunt, quousq; Syrupi spissitudinem habeat: addenda autem est conueniens quantitas mellis: nonnulli ex nostris pharmacopolis hanc miuam ex Zucharo, non autem ex melle faciunt: alij ex melle: alij præscriptam pro simplici faciunt, & non addant pulueres, & ex zucharo faciunt, alij ex melle, alij faciunt (vt tu) cum speciebus: vt in hac compositione tanta diuersitas sit, vt nullus ferè eodem modo paret: tamen Medici nec sciunt, nec animaduertunt, vel animaduertere curant. Vnum vero hoc loco annotabis, quod dicit has Alefanginas species esse trituras grossò modo, ob eam rationem, quia cum in syrupos vires specierum aromaticarum ponuntur, non ita facile resoluuntur. Hoc documentum & hic accipio, & ex compositione melicrati, vt si confectioes aromatizari debent, pulueres necessario subtilissimi sint, propterea in Alefanginis pilulis pulueres subtilissimos faciet. Fiut autè à Serapione nonnulli syrupi de cydonijs, & ab Auicenna, qui ab his multum differunt,



ideo omittantur: suaderemq; vt Pauli Aeginetæ compositionem sequeremur: quam pro ægris meis para pro illis autem medicis, qui barbaros sequi volunt, ne dicam mendicis, tuam miuam para. S E N. Ego illam Pauli pro omnibus parabo: nullus enim ex his inuenitur qui compositiones scire voluerint, sed tantum compositionum nomina addiscunt, indicuntq;, quid indicent ignorantes. Ne autem in hac miua diu immoremur, ad alios syrupos flectamus.

## S E N E X.

Oxymel  
simplex.

Oxymel simplex & cōpositum sequuntur. B R A. Apud vos multa esse puto, sub hac voce oxy, quæ acetum recipiunt. S E N. Multa quidem sunt, quæ in nostra arte acetum recipiunt, sed tantum quatuor sunt, quæ ab οξ & voce Græca, id est aceto, denominationem sumunt, & ab ea incipiunt. B R A. Hæc enumera, ni pigeat. S E N. Oxymel simplex, oxymel compositum, oxyszachara, oxymel squilliticū. B R A. Ab oxymelle simplici incipere oportet: nam potus antiquissimus est, quo Hippocrates & Galenus utebantur, pro expurgando splene, & hepate, vt Galenus testatur, pro incidendis materiebus crassis, & glutinosis, & quæ multum inhaerent: nempe subtiliat, aperit, incidit, abstergit, & in ægritudinibus longioribus plurimum valet: estq; antiquus syrupus. S E N. Hi syrapi mihi summè placent, qui aliquid antiquitatis sapiunt: nam facile est illos emendare, si error inciderit, cum Græci authores nunc passim habeantur. B R A S A V O L V S. Hippocrates lib. III. de ratione victus in morbis acutis, egregie de oxymelle



oxymelle pertractat, inquit in illis morbis scilicet acutis potissime utilem esse: nam sputum educit, & spiritum faciliorem reddit. Notatq; Hippocrates & valde acidum, & non valde acidum fieri posse. Si valde acidum sit, adstringit sputa, & viscosiora reddit, & submergit: ideo hoc exhiberi non laudat: si autem exhibueris, tepidum sit, & paulatim tribuas. Si vero adeo acidum non fuerit, os & fauces humectat, sputum euocat, sitim compescit, præcordijs: visceribus, cæterisq; id genus partibus amicum est: quia mellis noxas prohibet: nam quod in melle biliosum est, reprimit, & flatus discutit, & urina ciet. Post hæc ab Hippocrate eius noxæ ponuntur. Notaq; hoc in loco Hippocratem, oxymeli ante sorbitiones, ieiuno, & noctu potandum dare, quæ communis est hora sumendi syrupos. Tamen & post sorbitiones propinat, sed longo spatio, ut sorbitio iam cocta sit. SEN. Quid intelligis per sorbitionem apud Hippocratem? BRA. Nihil aliud quam cibum, quem in morbo acuto dabat, qui erat vel ptisana, vel cremor, vel aliquid simile, quod per modum potus sumebatur: quauis Galenus ipse tempus assignet, velitq; inter potum oxymellis, & sorbitionem duas horas interponi satis esse. Sed & multa alia ab Hippocrate notantur, inter quæ hoc præsertim animaduersione dignum est, quandoq; in toto morbo nos uti oxymeli opus esse, ideo inquit, tunc cum paucis aceto parandum esse, quia cum multo aceto plures offensiones facere potest. Quanta autem aceti quantitas esse debeat, ab Hippocrate regula habetur, Tantum aceti recipere debet, ut gustanti duntaxat sensu



Stāgebim  
Squingebim.

Acetum  
mulsum.

sum moueat. Vnum etiam addam ex Hippocrate, eodem loco, his scilicet magis conferre, quibus amara bilis potius quā atrā exuperat, quia acetū atrā bilem parit. Notatq; oxymeli mulieribus potius quā viris obesse. Rationem reddit, quia vterum dolore cruciat. SEN. Reperitur ne apud Græcos modus conficiendi hunc syrupum? B R A. Imò reperitur: sed tu in primis quem modum sequaris edoceas. SEN. Nos Mesuen sequimur, qui in hunc modum componit: appellat autem Secaniabim, vel Stangebim secū dum alios, vel Squingebim, sed decipiuntur. B R A. Quicquid sit de illis barbaris nominibus non curemus: sat est, illa nomina apud Mauritanos syrupum acetosum significare. SEN. Mesue accipit mellis boni partes duas, aceti boni partem vnam, aquæ fontium claræ & dulcis partes quatuor. Primo autem aquam & mel accipimus, & purificamus semper expumando: postea acetum super additur, & ita ebulliendo expumamus, & hoc oxymel simplex nuncupatur. B R A S A V O L V S. Et etiam ab aliquibus Græcis oxymeli simplex dicitur: quamuis absoluto vocabulo, cum oxymeli dicunt, hunc intelligant ad differentiam oxymellis Scyllitici & Iuliani: Latini appellant acetum mulsum. Paulus capite. XI. libro. VII. de hoc oxymeli tractat, cui cognomentum est simplex. Compositionem facit ex acerrimi aceti candidi xesta vna, aquæ xestis duabus, mellis xesta vna: hæc simul decoquit, semper despumando ad crassitudinem mellis. Inter hos differentia est, quia Paulus magis aceti ponit, quā Mesue, Sunt enim apud Paulum æquales partes mellis & aceti,



aceti, & duplum aquæ, sed Mesue duplum aquæ ad mel  
 ponit, & aceti minus quàm mellis. SEN. Quomodo  
 deinceps parabo? BRASA. Ego Paulum imitandum  
 suaderem. Tamen Dioscorides libro. IIII. alio modo  
 conficit: nempe recipit aceti sextarios quinque, marini sa-  
 lis pondo vnu n, mellis pondo decem, aquæ heminas tot-  
 idem. Mixtaq; simul omnia coquito, vsq; dum decies  
 inferbuerit: tu n refrigerata omnia in dolia diffundito.  
 Sed hanc met compositionem Plin. lib. XIIII. capite  
 XVII. scribit, sed ipse genus aquæ ponit. Quod enim  
 Dioscorides generali vocabulo dicit, aquæ heminas dec-  
 cem, Plinius dicit aquæ pluuiæ. In reliquis parua dif-  
 ferentia est. Hæc sunt Pliny verba loco præcitato ne  
 desideres. Oxymeli hoc vocarunt, mellis decem libris,  
 Aceti veteris heminis quinque, Salis marini libra,  
 aquæ pluuiæ sextarijs quinque sufferuefactis decies,  
 mox elutriatis, atque ita inueteratis, sed & hoc, &  
 hydromeli à Themisone summo authore damnaban-  
 tur. SENE X. Tu ergo ne arguas Recentiores, nec  
 de ipsis mireris, si diuersas compositiones sequuntur:  
 cum & antiqui ipsi (vt in hac videre licet) in eadem  
 re varias compositiones haberent. BRASAVOLVS.  
 Imò & Plinius alium modum oxymelitis edocet ca-  
 pite secundo libri. XXIII. ex sententia Dieuchis.  
 verba eius hæc sunt: Oxymel antiqui (vt Dieuches tras Oxymel  
 dit) hoc modo temperabant, mellis minas decem, aceti Dieuchis.  
 ti veteris heminas quinque, salis marini pondo, thym-  
 bræ quadrantem, aquæ marinæ sextarios quinque par-  
 riter coquebant decies deferuescente cortina, atque ita



diffundebant, inueterabantq; . Sustulit totum id Asclepiades, coarguitq; : nam etiam in febribus dabant : pro fuisse tamen fatentur contra serpentes, quos Sepas vocant, & contra meconium, ac viscum, & anginas calidum gargarizatum, & auribus, & oris, gutturisq; desiderys. Haecenus Plinius. SEN. Quem ergo, in tanta varietate sequi oportet? BRA. Certum est apud antiquos de eadem re compositiones varias fuisse, sed vnā pro maiori parte sequebantur. SEN. Eia quam compositionem parabo? BRA. In hac re quid sentiam audies. Antiqui oxymeli vario modo composuere, cum pauciori melle, cum pluri, cum acriori, cum minus acri: vt egritudo, quam curabant, exigebat. Quod ex Hippocrate praecitato loco manifestissime colligitur, & ex Galeno. IIII. lib. de Sanitate tuenda, & ex ipso Mesue, qui inquit, quandoq; augendam aceti dosim, & ex Serapione, & Auicenna, imò & ex tota Arabum schola, à Græcis authoribus accipiente. SEN. Erit ergo incerta componendi regula. BRA. Imò certissima, qua gustum sequebantur. Propterea Galenum audias loco praecitato de oxymeli dicentem: Id ita praeparari debebit, Cum melli optimo super carbones spumam abstuleris, conicies in ipsum aceti tantum, vnde gustanti nec acidum nimis, nec dulce videbitur. Ac denuò super prunas coques, quo ad planè vnite amborum qualitates sint, nec appareat gustanti acetum adhuc crudum, hinc ab igni depones. Cumq; vti voles, aquam ei miscebis, ita nimis temperans, vt vinum. Ergo qui bibet, si nec de acoze eius queritur, nec dulcedine, assidue eo vtatur: sin aliter utro



terutro offenditur, adiecto quod desideratur, rursus id coques. Neque enim eos probō, qui sub vna quapiam mensura id cōficiunt, qui mihi similiter vs affecti vidētur, quibibentes omnes similiter aquam vino miscere censent: nō aduertentes, quibusdam utique qui dilutiori insueuerunt, caput statim si vel pusillo meracius hauserint, tentari: quibusdam qui meraciore delectantur, stomachum, si dilutius biberint, subuerti. Cum igitur in vino tam familiari potione ista incidant, multo sanè magis in oxymelite, ut pote quàm vinum tum minus familiari, tum magis forti, ipsa sequi par est. Satiùs ergo sit ex sumentis gustu, non nostra, iudicium de modo facere: id esse sumentis naturæ conuenientissimum oxymeli ratos, quod utique est iucundissimum, proindeque etiam utile: contrà aduersissimū esse, quod iniucundum. Galenus hætenus. Ex quibus percipere potes, ex gustu etiam alieno oxymel parare. SEN. Ergo nullam certam oxymelitis compositionem habebimus, quam seruare possimus? BRA. Idem Galenus (prædictis verbis nō obstantibus) quasdam compositiones docet, quæ pluribus conueniunt, sed hæ sunt primæ mixtiones, quia deinde secundum varios gustus immutare oportet. Ideo inquit: Ipsam tamen primam ipsorum mixtionem, quod plurimis conueniat, talem esse oportet: Vni aceti parti, mellis, à quo detracta sit spuma, duplum est miscendum: deinde ambo in leni igni coquenda, donec eorum qualitates in vnū coierint: ita enim nec acetum amplius crudum apparebit. Cum aqua vero statim ita facies oxymeli: Melli quadruplum optimæ aquæ misceris: dein coques modico igni, quoad spumare desit.



nat. Ac malum quidem mel multam egerit spumam: quo etiam diutius coqui debet. Optimū vero ut breuissimo tempore coquitur, ita minimū spumæ euomit: vnde nec pari ei coctione est opus: plurimū certē quartam partem eius quod ab initio est inditum, amittit: post vero dimisio aceti adiecto, rursus coquendum, donec qualitatum omnino sit vnitas, nec acetum crudum etiā appareat. Post hæc aliam compositionem ponit Galenus, inquit: Conficitur sanē oxymeli etiam tribus statim ab initio mixtis, ad hūc modum: Aceti vni parti additur mellis duplum, et aquæ quadruplum: atq; hæc ad tertiam partem coquantur, vel etiā quartā, spuma interim detracta. Quod si valentius id facere studes, tantūdem inicies aceti, quā tum mellis. S E N. Hic est modus, quem Mesue docuit. B R A. Certe is est, et etiam ille Pauli: nā si mel, et acetum æqualia sint, est modus Pauli: Si autē acetum sit minus, est modus Galeni, et Mesue. S E N. Igitur hūc Mesue modū parabimus? B R A. Hūc Mesue conficito, quia est Galeni modus. Sed bonus medicus addere acetum, quando opus est, debet. At quia multi sunt, qui aquā et mel accipiunt, et vsq; ad cōsumptionem ferē aquæ semper expumando ebullire faciunt, antequam ponant acetum: propterea magis laudō, ut in primis, secundum Galeni normam, mel despumetur: Postea aqua addatur, et bulliant semper despumando, quousq; sint duæ lib. aquæ consumptæ, vel aliquid magis: postea addito aceto iterū bulliant, nō, ut dicit Gale. ad tertiā partem, vel ad quartam: sed quousq; syrupi formā habuerit, ut seruari possit. S E N. Non vis ergo ut antiquos penitus sequamur? B R A.



BRA. Vbi melius inuentum sit, semper melius sequor. Vides autē antiquos in hac re inuicem esse diuersos: sed melior forma, & ad conseruandum aptior, & quæ plus ribus proſit, hæc eſt, quam Galenus edocuit, & quam Meſue, Serapio, & Auicenna ſecuti ſunt: nec etiam illa Pauli parum congruit. Modus autem conficiendi, quem diximus, ſcilicet ad cocturam ſyrupi, magis conueniens eſt quàm ille Galeni vel Pauli. SEN. Arabes igitur ita iurgys afficiendi non ſunt. BRA. Imò in condiendis rebus, & in varijs compositionibus maxime præſtant: nec vnquam illuc duci potui, vt de ipsis maledicerem: cum in multis & ipſi noſtram artem inuerint. Illos tantum redarguo, qui in gratiam Arabum, eos deſpiciunt qui bonas literas ſectantur. Nunc ad oxymeli compositum veni-  
mus, ſi in primis me admonueris, an ex zucharo vel melle, hunc ſyrupum præpares. SEN. Semper ex melle, & hunc, & oxymel compositum conficimus: tamen non deſunt, qui ex zucharo parent. BRA. Scio, & Hermolaus Barbarus voluit hoc appellari Oxyzachar, quauis alia res ſit vocata oxyzachara, de qua poſterius dicemus. Nunc de oxymelle composito agendū eſt, cuius deſcriptionem enarra. SEN. Ego Meſuen ſequor: nā alij Oxymel multi ſunt, qui illum non ſequuntur. BRA. Id ſcio. Tu compositæ deſcriptionem quam ſequeris, proponas. SEN. Hæc eſt. tu m.

Recipe corticum radicum Apij	)	añ.	vnc.	ij.
Fœniculi	)			
Seminis Anifi	)			
Apij	)	añ.	vnc.	i.
Fœniculi	)			



Mundentur cortices, & terantur, & proyiciantur super eas in vase lapideo positas aceti boni antiqui & alibi lib. X. aquæ lib. XX. & dimittatur per diem & noctem: deinde coquatur, donec eius tertia pars consumatur, postea coletur, & proyiciatur super ipsum mel, quod sit medietas eius, & coquatur cum facilitate. Hæc Mesue, quem sequor. BRA. Tamen multi sunt, qui alio modo parant, nempe quinque radices accipiunt, & hoc modo ordinant.

Recipe Corticum Radicum Apij )

Fœniculi )

Petroselini )

añ. vnc. ij.

Brusci )

Asparagi )

Seminum Apij )

añ. vnc. i.

Fœniculi )

Prædictæ radices cum seminibus in lib. xij. aquæ, & lib. i. aceti decoquantur, quousque ad medietatem resoluantur, aut paulo plus: deinde cum melle, quantum sufficit ad syrupi formam ebulliant: sed hic Syrupus cum eo de quinque radicibus cum aceto plurimum conuenit, si ex Zucharo factus esset: si autem absque aceto fiat, cum illo de quinque radicibus sine aceto conuenit. SEN. Audiui quosdam, qui seminum loco vnc. I. 6. radicum raphani addidere. BRA. Equidem nonnulli sunt, qui ita parant, sed potius in gratiam quorundam medicorum, quam quod ita communiter parari possit, aut debeat. Alij etiam sunt, qui semina penitus derelinquunt. SEN. Reperitur ne apud antiquos hic Syrupus? BRA. Non, quod scierim: quamuis apud antiquos sub oxymellis nomine multæ



multæ compositiones inueniantur, sicut est oxymel Iuliani, in quem plura ingrediuntur: cuius meminit Gale  
 nus ad Glauconem in cura podagræ à bilioso humore  
 factæ, & Pau lib. iij. cap. xij. Aderat & oxymel sple  
 nicum ad spleneticos optimū, & oxymel pro calculosis,  
 quorum compositionum Pau. lib. vij. cap. xi. meminit. Oxymel  
 Nos autē hæc duo solū prædicta in vsu habemus. Opta  
 rim autem vt splenicum paratum seruare: nam optima  
 compositio est ad spleneticos, & clausa vehemēter ap  
 rit. S E N. Si compositionem edocueris, in tuam gratiā  
 parabo. B R A. Hæc est, quam dicam, à Paulo præcis  
 tat o loco sumpta.

Recipe corticis Radicis capparis	)	
Scolopendry	)	
Assari	)	
Ireos	)	
Florum iunci rotundi odorati	)	
Florum Cyperidis	)	singulorū vnc. i.
Anisi	)	
Cymini	)	
Fœniculi	)	
Acori	)	
Fructus erices	)	
Foliorum Tamaricis	)	
Salicis	)	
Radicis Apij	)	vnus cuiusq; vnc. ij.
Dendro libani	)	
Scillæ	)	
Aceti xessa vna		Mellis xestis tribus



Guttæ Amoniæ Thymiamatis.

Præpara ad modum Scyllitici, & da cochlearia duo.

SEN. Multa simplicia enumerasti, quæ an habeam & quid sint ignoro. BRA. Omnia habes partim in examine enucleata, partim quando parare volueris, docebitur mus. Interim oxymel scylliticum tractemus. Sed hoc commodius fiet, si acetum scylliticum in primis pertractauerimus.

SEN. Scire autem cupio de oxymelle composito, ad quid utile sit. BRA. Ad omnia ad quæ simplex: sed vehementius ad febres antiquas, bilem crassam, atque pituitam attenuat, & omnes obstructions, præsertim ventriculi, iecoris, & splenis aperit, urinam mouet, calculosis prodest. Quod etiam Arabes fatentur. Sed tuum modum acetum

Acetum  
Scylliticum.

Scyllitici enarra. SEN. Ego Mesuen præcise imitor: etenim scyllæ cortices accipio, nec intrinsecas nec extrinsecas, sed medias inter eas quæ in cætro sunt, & quæ in circumferentia, & acu simul consuo linea, & xl. dierum spatio in umbra siccare permitto: postea ligno cultro in frusta cominuo, & pro omni libra huius cominutæ scyllæ, acetum boni lib. viii. inycio, & in vas vitriatum arcti orificij impono obturoque, & deinde per alios xl. dies soli expono, postea colo. Itaque acetum præparatum est. Antiqui autem parabantur ne hoc modo: BRA. Pauli lib. vii. cap. xl. hoc modo conficitur: Accipe scyllæ candidæ in minutas partes concisæ, & diebus xl. in umbra exiccatae & rursum purgatæ, minas sex, acetum boni xestas xii. operculato vase ponas sub solem per dies lx. quibus transactis scillam expressam abyce, & acetum excolatum in vas reponito. SEN. Inter hoc Pauli & illud

Mesue



Mesue multa differentia non est. **BR A.** Non equidem. Alij etiam conficiendi modi à Paulo edocentur: nempe aliqui scyllæ minam vnā in aceti xestis sex recipiebant. Alij viridis scillæ idem pondus in sex aceti minas con-  
dunt, quod tamen cæteris acutius est. **SEN.** Paulus mentionē non facit quod medij cortices sumi debeant. **BR A.** Subintelligere oportet, & à Dioscoride lib. III. anis-  
maduertitur, vbi hanc compositionem scribens, inquit: Scylla, quæ sit alba deligitur, huius crudę directis duris  
& extrinsecus positis omnibus, tenerā medietatem per  
minutas partes recidunt, & filo suspendunt ex intervallo,  
ne se cōtingant segmenta per dies. XL. in vmbra, donec  
nec assiccentur: deinde cum arida erunt, in aceti optimā  
XII. sextarios mergunt, vt diebus septem patiaris esse  
sub sole obturatis diligenter vasis: post eum numerū dies  
rum scylla eximitur, calcatur, abicitur, acetum ipsū elia-  
quatur, transfunditur, reponitur. **SEN.** Video apud an-  
tiquos in tempore expositionis ad solem differentiā esse.  
Cur autem medios cortices, & non extremos accipiunt?  
**BR A.** Hoc nō immeritō faciunt, quia superficiales par-  
tes tum nimis siccae sunt, tum ob solis ardorē & actionē  
venenosæ effectæ sunt: partes vero quę apud cētrū sunt,  
humiditate nimia abundant. Vnumq; adde, non esse recia-  
piēdos cortices nimis crasses, nec nimis subtiles, sed scylla  
la, quam sumis, mediocrem substātiā habere debet. Tamen  
& Dioscorides alicrū cōpositiones recersit. Nēpe  
aliqui pondo scyllæ in sextarios aceti quinq; demittunt.  
Nec deerāt, q̄ acerrimū acetū pararēt, alio modo quā cō-  
ficeret suū acre Paulus: etenim refrugnat tunicis cortices,



Et exarescere non permittūt, statimq; musteas ac recens  
 tes alias pari mensura conyiciunt in acetum, et initio.vij.  
 mensis eximunt. S E N. Hoc acerrimum esse debet, vt fe  
 ri gustu tentari non possit. B R A. Tamen eo antiquē  
 utebantur. S E N. Gaudeo cum viderim et antiquos in  
 suis compositionibus diuersos, vt nullus inueniatur qui  
 eandem compositionem eodem modo confectam paret.  
 Recentes igitur reprehendendi non sunt, quoniā et hoc  
 semper fuit antiquorum vitium. B R A. Si tu antiquorū  
 compositiones contemplaberis, statim inuenies diuersi  
 tatem esse, quia compositio efficacior, et minus efficax  
 redditur: quas diuersitates medicus cognoscere debet,  
 ne inefficaciori remedio vtatur, quando efficaciori indis  
 gemus, et e contrario. In recetiorum autem compositio  
 nibus diuersitas est in simplicibus, quæ aliā intentionem  
 pharmaco tribuunt, et quæ morbo potius contraria est.  
 Hoc est, quod varias compositiones damno, non quia nō  
 nouerim antiquos etiam pro varietate ingeniorum et di  
 uersarum ætatum compositiones immutasse: hoc enim in  
 nostra hac facultate vsu venit, vt aliqui in qualibet etate  
 nascantur, qui sibi arrogēt. Vnde Pli. medicinam artem  
 Interpolē appellat: hi ( vt videantur potius quàm sint )  
 omnia immutant, omnia peruertunt, adeo vt multis occas  
 sionem dederint hanc artem inconstantissimam appellan  
 di, quum nulla constantior, firmitior ue sit. S E N. Succur  
 rit ne tot affectibus, quot Mesue enumerat hoc acetum?  
 B R A. Imo et pluribus quàm à Mesue dicantur: nam  
 Pli. cap. y. li. xxij. inueteratum magis probari docet, et  
 prodesse acescentibus cibis, nam gustatum pœnam eam  
 di scutit:



discutit: etiam prodesse his qui ieiunij vomunt, nam cal-  
 lum faucium facit, ac stomachi: odorem oris tollit, gingi-  
 uas adstringit, dentes firmat, colorem meliorem præstat:  
 tarditatem quoque aurium gargarizatione purgat, &  
 transitum auditus aperit: oculorū aciem obiter exacuit,  
 comitialibus, melancholicis, vertiginosis, vulvarum stran-  
 gulationibus, percussis, ac præcipitatis, & ob id sangui-  
 ne conglobato, nervis infirmis, renum vitij perquam vti-  
 le, cauendum exulceratis. Adde à Dioscoride plura alia  
 dici, quàm à Plinio scripta sint: sed in genere vehemen-  
 ter incidit. SEN. Quum apud authores tot diuersitates  
 inueniantur, quomodo confecturus sum ego? B R A.  
 Apud Latinos diuersitates solum in tēpore sunt. SEN.  
 Fuere' ne alij antiquiores Latini, qui præter Plinium de  
 hoc aceto tractarent? B R A. Columel. lib. XIII. ca-  
 pite. XXXIIII. acetum scilliticum, & eius composi-  
 tionem edocet, parum à Plin. differens, nisi in numero  
 dierum quo insolatur. Palladius in Iulio mense capite  
 octauo, de hoc aceto agit, & præparandi modum osten-  
 dit: qui & ipse in diebus insolationis differt. SENEX.  
 Pliny locum non indicasti, quo hoc acetum parare doc-  
 cet. B R A. Et locum indicabimus, & verba afferemus,  
 vt eius more conficere possis. Locus est. XX. lib. capis-  
 te. IX. Vbi de scilla agit, inquiens: Scillarum in medis-  
 cina alba est quæ masculus, fœmina nigra: scilla quæ can-  
 didissima fuerit, vtilissima erit. Huic aridis tunicis dire-  
 ptis, quod reliquum è viuo est, consutum suspenditur lis-  
 no modicis interuallis. Postea arida frustra in cadum ace-  
 ti quàm asperriimi pendentia immerguntur, ita ne vlla



parte vas contingant. Hoc fit ante solstitium diebus XLVIII. Gypso deinde oblitus cadus ponitur sub tegulis, totius diei solem accipiētibus. Post eum numerum dierum tollitur vas, scilla eximitur, acetum trāsfunditur. SEN. A Me sue non parum differt, is tamen non est. Hoc etiam loco Plinius, eius vires describit, inter quas hoc mirum dictu ponit: Sed tanta (inquit) vis est, ut auidius haustum extinctæ animæ momento aliquo speciem præbeat. SEN. Mirum dictu hoc est. BRA. Mirum quidem sed non impossibile: nempe & nostro tempore huius generis ardentes aquæ parantur, quæ semimortuos per aliquod temporis spatium reuiuiscere faciunt. SEN. Scio, & iam ego tuo nomine paravi. BRA. Aliàs parasti. Nunc vero vnā ab alijs diuersam parare incipies in gratiam Illustrissimi & excellentissimi HERCVLIS Ducis Ferrariæ quarti, quē nobis Deus optimus diu seruet: de qua mira plerunq; vidi, adeo ut tres guttæ quandoq; aliquem adeo reuiuiscere fecerint, quod domui suæ opportuna disposuit, testatus est, & trium dierum spatio adhuc superuixit, qui debebat eadem hora mori. Nonnulliq; Carmelitæ iudicarunt hanc compositionem eam esse, qua Clemens septimus Pontifex maximus vita ferè destitutus, per aliquot dies superuixit. Sed Deus optimus, qui gregem suum ab eo pastore liberare voluit, huius aquæ vires confregit. Tamen hæc cōpositio, quam faciemus, illa adhuc potentior est, quam pontifex hausisse dicitur. SEN. Quidam author noster, qui Seruitor inscribitur, alios quosdam modos acetum scilliticum parandi docet: at ego quem imitari debeam ignoro.



ignoro. B R A. Quum antiqui inter se dissidentes sint,  
 & potissimum in tempore quo insolatur: propterea à  
 tua consuetudine te dimouere nescirem, vt Mesuen se-  
 quaris, qui à Græcis, & Latinis parum euariat, & in  
 tempore insolandi. XL. dierum spatium accipit, quod  
 tempus apud medicos in pluribus criticum est. Scias au-  
 tem quemadmodum mulieres nostræ singulis annis  
 oleum rosaceum parant, vt eo per totum annum vtantur  
 quando opus erit, ita antiquiori tempore quisq; acetum  
 scilliticum pro vsu domus conficiebat, nec paulatim exhi-  
 bere verebantur quousq; ad cyathum vnum & duos su-  
 merent. Sed de hoc aceto satis. S E N. Igitur de oxy- Oxymel  
 melle scillitico loquamur. B R A. Loquamur, postquam scilliticū.  
 Græci, Latini, & Arabes de aceto scillitico inter se dis-  
 ferunt. Sed quo modo hoc mel scilliticum paras? S E N.  
 Mesuen sequor, nempe accipio mellis despumati libras  
 tres, aceti scillitici libras duas, simul coquo cum fa-  
 cilitate semper despumando, quo ad perfectam syrupi  
 formam habuerit. Quo confecto, ad medicos vsus seruo,  
 quando materiæ valde frigidae sunt, valde glutinosæ,  
 & tenaces, & quæ in locis sunt à quibus difficul-  
 ter euelluntur: valet etiam ad ventriculi, capitis, & vi-  
 scerum ægritudines, ad vesicæ mollificationem, & ad  
 eructationem acetosam. BRASAVOLVS. Quo-  
 modo sine aqua conficere potes? S E N E X. Ego  
 aquam non addo. BRASAVOLVS. Ego au-  
 tem addendam puto: vt postea semper despumando co-  
 quatur: & hoc est, quod Mesue dicit, & perficitur deco-  
 ctio eius, vt diximus in speciebus secaniabim. Ibi autem



Oxymel  
scilliticū  
cōpositū.

aquam ponit. Ideo iudico, quod aquæ libras. IIII. inijcere debeas. Nam sicut in secaniabim de radicibus aqua est duplum aceti, ita hic aqua duplum aceti esse debet, etiam aqua in simplici secaniabim acetum in maiori copia superat. Sed quod dixi satis est. Semper autem ob perfectiorem cocturam aquam inycerem, & ob eam causam quam dicit Mesue in oxymelle simplici. SENEX. Deinceps semper ita agam. Antiquiores autem de hoc Oxymelle scillitico tractarunt ne. B R A. De hoc nunquam, sed Paulus Aegineta libro. VII, capite. XI. aliterius oxymelitos scillitici meminit, quod in tua officina confectum voluerim: appellabiturq; oxymeli scilliticum compositum. S E N E X. Eius compositionem, ni pigeat edoce. B R A S A V O L V S. Hæc est, quam dicam.

Recipe Interaneorum mollium Scillæ	lib. ij.
Aceti acrioris albi	) xestas xv.
Piperis	) añ. vnc. ij.
Petroselini macedonici	)
Dauci cretici	)
Ameos	)
Anisi	)
Nardi gallicæ	)
Libystici	) ana semissem
Assari	)
Cardamomi	)
Spice nardi	)
Amomi	)
Rhapontici	)
	Feniculi



Fœniculi )

Seminis cymini )

Laserpity )

Zinziberis )

Pyrethri )

ana vnc. i.

Hissopi cretici )

Costi )

Pulegy )

Menthæ viridis, fasciculum vnum.

Rutæ viridis tenerioris caules quinq̃.

Mellis attici xestam vnam.

Hepsematis, id est sapæ, xestas duas.

Apy viridis fasciculum vnum.

Interanea Scillæ candida concisa conijce in acetum,  
 & per dies septem sub ardentissimo canis æstu maceras  
 ri finito, deinde scillam subleuans, arida quidem iam con  
 cisa, viridia vero integra aceto inferre, & post septem  
 dies rursum omnia extrahens, aceto immitte mel cum he  
 psemate: quibus decoctis vsq̃ ad crassitudinem in vas  
 sculo vitreo reconde. Hæc est Pauli compositio, qua (in  
 quit) vel ante prædium propinationis loco uti debemus,  
 vel post cibum veluti in salsamento. SEN. Hæc certe  
 magna compositio est. Mesue & ipse secundum Demos  
 critum scilliticum oxymel parare docet, sed cum isto ni  
 hil habet, omnino sum ipsum paraturus, sed opus erit,  
 quod simplicia quædam edoceas. B R A. Libenter fiet. Oxyzas  
 SEN. Nunc de Oxyzachara sermo fiat. B R A. Hæc chara.  
 molaus Barbarus Oxymel simplex, si cum Zucharo fiat, Oxyzas  
 & non cum melle oxyfâchar vocari inquit: & re vera, char.



id est suum proprium nomen: sed alia compositio est quam vos Pharmacopolæ pro Oxyſachar paratis, & corrupto vocabulo Oxyzachra dicitis. SEN. Est compositio Nicolai, quæ recipit tres res, acetū, succum granatorum & zucharum. BRA. Ego quandoq; ex solo aceto parari iubeo, quandoq; ex solo granatorum succo, quandoq; ex vino Omphacio, quandoq; ex limonum, vel narantiorum vocatorum succo, vt ſumentī conuenit. Nicolaus per hunc ordinem suum Oxyſachar fieri iubet, vt recipiantur zuchaci libra vna, succi malorum granatorum vnc. viij. aceti vnc. iij. ponantur ad ignem in vase ſtanno circunlinito, & bulliant ſemper ſpatula agitando, donec ad quantitatem zuchari vel fere deueſciat. BRA. Est potus ſuauiſ, qui februm tertianarum inflammationes ſedat, qui bilem in ventriculo purgat, qui etiam plurimum aperit. Et Oxyſachar loco oxymel liſ tutius vtī poteris: quoniam ratione mellis ita nocere non poteſt, vt oxymel facit. Quippe certus ſum ſi Hippocrates & Galenus Zucharum nouiſſent, Oxyſachar componendū voluiſſent, minori diſpendio, quā oxymel. SEN. Gaudeo quoties apud nos aliqua eſſe inuenio, quæ antiquioribus illis recondita, & occulta fuere. BRA. Certum eſt omnia non nouiſſe antiquos, in multis tamen diligentiam habuere. In vno autem in Oxyſachar te attentum faciam, quod zucharum non clarifices. SEN. Ita ſemper paro. BRA. Bene eſt.

S E N E X.

Mel viol  
latum.

**M**el violatum conſiderandum prætermiſeram. BRA. De illo agendum erat, quando de ſyrup  
po vio



po violato & infusione violarum loquebamur. Vt autem de ipso perfecte loquamur, quibus vtaris edoceas. SEN. Ego in mea officina mel violatum, & Zucharum violatum habeo: Zucharum violatum eodem modo paro, quo rosatum, vnicuique libræ Zuchari vnc. iij. violarum, id est florum violarum exhibens. Etiam mel violatum ex infusione eodem modo conficio, sicut mel rosatum ex infusione rosarum, quia ex infusione violarum & melle, mel violatum paro. BRA. De violato Zucharo errare non potes, quia à Mesue perfectam normam habes, & ab eodem de violato melle etiam regulam habes, quia vel sit colatum, vel non colatum. Si quidem colatum fiat, Mesue regulam tribuit, duarum violarum partes sint, & sex mellis, vt etiam in Zucharo facis. Tamen huius mellis rarus vsus est. Si vero colatum facias, vnus est modus cum infusione violarum, de quo superius egisti. Alius est modus ex puro violarum succo. Tertius est modus, qui mihi summè placet à Nicolao factus, vt in x. lib. albissimi & purissimi mellis despumati (secundum Nicolaum, secundum nos autem mel ad aurum inclinet) ponatur succi recentium violarum lib. i. cum igni apposita sunt, adde violarum recentium cultro incisarum libras. IIII. & bulliant semper miscendo, ad consumptionem succi. SEN. Quandoque solebam hoc modo parare. BRA. Siccitati pectoris, & lenta febre affectis plurimum conuenit. SENE X.

**P**Aucissima inter syrupos consideranda videntur. Si Diamorum quid sit, Diamorum est. BRA. An inter syrupos simplex. Diamorum numerari debeat, nec ne, in dubio est, tū quia



Mesue inter genera Loch (vt eius vocabulo vtar) númerauit, tum quia syrupi more non bibitur. Sed de hac re digladiari non liceat, modo compositionem ipsam cognoscamus. Quod genus Diamorū paras? SEN. Quod omnes alij illud scilicet quod à Nicolao edocetur, qui in hunc modum conficit.

Recipe mororum celsi	lib.	℥
Mororum bati	lib.	i.
Mellis	lib.	℥.
Sapæ	vnc.	ij.

Ita etiam conficio: Sumo succum mororū cum melle & sapa in vase æreo stanno circunlito, & suauiter decoquo: cum autem ancoctum sit cognoscere volo, guttā supra marmor pono: & si inhæreat, coctum est: adeo autem inhæreat, vt si digito tangam, resiliat, tunc coctum est: hoc viso percolo, & in vase stanno circunlito vsui reseruo. B R A. Vsus eius magnus est in palati excoriationibus, quando vna deciderit, & materia aliqua impletur, vbi in gula ardor persentitur, aut feruor quidam ingens. In principio etiam synanches plurimum valet. Sed Mesue aliam compositionem habet, quam Diamorum appellat, in ea distinctione vbi de Loch tractat, quam etiam plures faciunt, & quam ad omnes gutturis & vnae apostemata valere dicit, & ad omnem præfocationem.

Recipe succi mororum dulcium	) añ.	lib. i. ℥.
Mororum de sceni		
Rob	) ana	lib. i.
Mellis		

Coquantur



Coquantur cum facilitate vsq; ad mellis spissitudinē,  
 & serua. Appellaturq; simplex Diamorum. Sunt autem  
 qui cum maior necessitas ingruit, addunt

Aluminis	)	
Myrrhæ	)	
Croci	)	añ. partes æquales.
Succi agrestæ	)	

SEN. Ego nunquā hæc vel addidi, vel addere vidi.  
 BRA. Ego autem in Diamoro quandoq; & hæc & alia  
 (vt opus est) addo. Sed vnum admoneo, Mesuen huic  
 compositioni hæc addidisse, quæ à Galeno addūtur. VI.  
 lib. de compositione medicamentorum secundum loca,  
 qui liber à barbaris Miamir nuncupatur: & quāuis eas  
 dem præcise à Galeno in hanc compositionem non inye  
 ciantur, tamen eandem intentionem sequitur. Eo enim  
 loco duas Diamori compositiones describit, quarum alte  
 ra Andromachi, altera ipsius Galeni est. Galenus docet  
 nos puro succovti debere phlegmone incipiente, & ego  
 eo vtor, quum recentia mora in sua arbore pendent: alio  
 enim tempore cū desunt mora, eorū succus melle mixtus  
 seruatur: tamen sine melle vehementius repellit. Quod  
 in phlegmonum principijs quæritur, post principium,  
 quia simul & repellere, & resoluerē indigemus, tunc  
 cum melle conuenit. Tamen Galenus in principio simul  
 cum succo, quandoq; Rhum, id est sumachium dictum mi  
 scebat, quandoq; omphacium: quibus deficientibus, ros  
 surum flores sumebat, aut siccas rosas, aut balaustrum,  
 aut gallam, aut thus, aut hypocistida, aut succum lentia  
 sci, aut (vt breuibus expediat) aliquod adstringens,



quod vim repellendi habeat. Et hæc est in principio omnium phlegmonum intentio repellere: post principium ad concoquendum myrrha & crocus adduntur: postquam coctio facta sit, inijciendum est aliquod discutiens, ut nistrum, aphronitrum, sulphur, vel origanum, vel pulegiū, vel thymū, vel aliquid simile. SEN. Quomodo parabat Galenus suum Diamorum? B R A. Hoc modo.

Recipe Mellis lib. i.

Succi Mororum rubi lib. v.

Croci )  
Myrrhæ ) añ 3. i. 6.

Omphacij 3. i.

Diamorū  
cōpositū.

Hic modus Diamori à Paulo Ægineta lib. VII. ca. XIII. Diamorum compositum appellatur, quod à Galeni Diamoro in aliquibus & in simplicium pōderibus differt. Est autem Pauli Diamori compositi descriptio ea quæ subsequitur.

Recipe mororum succi cotylas sex, coquas ad strigmentum balneorum crassitudinem.

Croci contriti denarium i.

Myrrhæ denarios ij.

Omphacij denarium i.

Schisti lapidis triobolum

Mellis Cotylam vnam

Decoquito quousque crassitudinem induat. SEN. Si Paulus Diamorum compositum hoc appellat, necesse est, quod simplex prius edocuerit. B R A. Imò id egit: nam eodem loco duo Diamori simplicis genera ponit. Alterum ex mororū succi sextarijs tribus, quibus antea decoctis



decoctis ad consumptionem tertiæ partis, inijce mellis  
 sextarium vnum, & denuo ad mellis spissitudinem dea-  
 coquito. Alterum ex succo mororum batinorum, id est  
 ex rubis nascetium facit, quod primo adstringentius est.  
 propterea & Galenus vel ex moris celsi, vel rubi confis-  
 cit. Sed ex rubi moris magis laudat. SEN. In tam ampla  
 authorum discordia quid agendum mihi est? BRA. Lau-  
 darem ego, vt duo hæc Diamori simplicis genera, quæ à  
 Paulo sunt, seruares: nam post primum, secundo vtere-  
 mur. Si deinde vehemētiori repercussione indigeremus,  
 repellentia, vt Galenus facit, addemus: quādo resolutio-  
 ne opus erit, resoluentia inyciemus. Hi autem authores  
 sapam non ponunt, quæ in hac compositione mihi sum-  
 me displicet, quamuis & à Serapione, & à multis alijs  
 addatur. SEN. Cum etiam Hali. x. lib. eius practicæ aliā  
 compositionem huius Diamori sequatur, & aliā Mesue  
 in capite de Squinantia, quam ego imitari debeo? BRA.  
 Si duas Pauli simplices compositiones habere non vis,  
 simplex Diamorū ex moris celsi, vel moris batinis con-  
 ficito, quod solum habeas: medici vero pro ægrorum ne-  
 cessitate, secundum varia morborum tempora addent. Si  
 autē (vt officina tua copiosior sit) Diamorū compositū  
 habere studeas, illud ex Galeno præadductū, magis quā  
 id ex Paulo parato. SEN. Cū Nicolai Diamorū sapā  
 recipiat, est ne idem modus apud omnes tum antiquiores  
 tū recētes, parādī sapā? BRA. Rem discutiendā moues,  
 quæ magni momēti est in nostra arte. Sed posteaquā in  
 hac arenā descēdimus, omnia cū recētū, tū antiquorū vo-  
 lumina euoluemus, quoad tibi pro parte satisfactū esse



cognoscamus, & hoc tanto libentius agemus, quia Sapa unū est ex his, quæ simplicium examine tua incuria omisa sunt. Ab Arabibus autem initium sumamus. Cum in

**Rob.** Arabum, & Mauritanorum compositionibus Rob, vel

**Robub.** Robub, simplici vocabulo inueneris, sapam intelligere oportet: & hoc perpetuo, nam id vocabulum, succum significat: Sapa vero per excellentiam succus appellatur, quia una excellens res est, quæ succum delectabilissimum facit. **SEN.** Vinum igitur erit Robub. **BRA.** Duo exiguntur, ut aliquod sit Robub. Vnum, quod sit succus. aliud, quod sit inspissatus ad formam mellis. In alijs sucis ad sapam ipsam exemplum sumimus, quando de eorum inspissatione tractamus, fiat ad formam Rob, vel

**Sapa.** Robub, id est ad formam Sapæ. Omnis ergo inspissatus succus Robub dicitur, sed per excellentiam Sapa simplici vocabulo Robub vocatur. Ut autem verè sit Robub, opus est in primis, quod succus defæcatus sit, deinde per solis aut ignis calorem tantum inspissetur, ut sine corruptione longo tempore seruari possit. Vnde Ferrarienses mulieres per duos et tres annos sapam integram seruāt. Antiqui duo genera Sapæ, imò tria habebant, per varias cocturas distincta. Vnum genus erat, quod ebulliendo, ad tertiam partem resoluebant: aliud ad dimidium. primum à Græcis σιρην, ἢ εἴρημα, id est Sireū, vel hepsēma, Latini sapam vocant. secundum Defrutum dicitur.

**Hepsēma.** σιρην. hoc Plin. lib. XIII. cap. IX. docet, inquiens: nam Sireū, quod alij hepsēma, nostri sapam appellant, ingenij non naturæ opus est, musto usque ad tertiam partem mensuræ decocto. Quod ubi factum ad dimidium est, defrutum

**Defrutū.** vocamus.



vocamus. Omnia in adulterium mellis excogitata. Et lib. XXIII. cap. II. inquit: Vino cognata res sapa est, vino decocto, donec tertia pars supersit: ex albo hoc melius. SEN. Igitur ex tribus partibus duas resoluebant in sapa: BRA. Ita est. SEN. Ego autem Plinium intelligebam quod tantum tertia pars resolveretur, & duæ relinquerentur. BRA. Ille non est Pliny sensus, quod ostenditur cum ex hoc cap. II. lib. XXIII. ubi inquit, decocto donec tertia pars supersit. Siquidem superest tertiæ pars, indicium est quod aliæ duæ partes evanuerint. Imò & illud ex illo loco noni capitis lib. XIII. colligi potest, ubi inquit, Musto vsq; ad tertiam partem mensuræ decocto. Sed quia hæc verba non magis id significant, quam qd sola tertia pars resoluatur, propterea id quod sequitur ostendit, quod duæ partes resolui debet, & vna superesse. Sequitur autem. Quod ubi factum ad dimidium est, defrutum vocamus: ac si dicat, Sapa est quoties adeo resoluitur vt tertia pars supersit: at in hac resolutione quando ad dimidium peruenitur, defrutum vocamus: cū vero vsq; ad resolutionem duarum partium transitus sit, est sapa, vel Hepsēma, ab Hippocrate Hepsēton vocatur. Hepsetō. Nonius autem dicit suo tēpore sapatam vocatam esse. Mellacium, fortē quia mel recipiebat, vt nonnulli ex nostris mulieribus faciunt: vel quia loco mellis utebantur, cuius dulcedinem repræsentat. Est & tertium genus, quod fit ex resolutione vnius partis ex tribus, & Calesenum appellabatur. SEN. Quod nostræ mulieres singulis annis parant, quomodo appellari debet, aut in quo genere ponendum est? BRA. Non est defrutum, neq;



sapa, neq; Calenum, quia ex quinque partibus quatuor res solvunt: forte quia vina nostra Ferrariensia adeo potentia non sunt, ex quinque enim situlis adeo bulliunt, ut una tantum relinquatur. Quæ autem meliorem & suaviorem sapatam parare volunt, vuas bene maturas deligunt, & pinsunt: aliter non est suavis sapa, & quæ facile putrescit. Ut autem quidam acor è sapa adimatur, mulieres nostræ cydonia injciunt, ut simul, bulliant. Si cydonijs carerent, poma alterius generis, modo dulcia sint, accipiunt. Decipiuntur autem recentes, qui volunt hoc tertium genus sapæ dici carenum, quia tertia parte careat. Imò illius sententiæ fuit Isidorus. At res aliter est: nam calenū dicitur à Caleno oppido, & Caleno monte, qui distat, xiiij. millibus passuum plus minus à Capua capite & primaria olim Campaniæ vrbe. Nunc oppidis Ferrariæ propinquis vix similis est. Dictatq; Calenus mons à Sessa nunc vrbe, non Sinuessæ, quatuor millibus passuum plus minus. In Caleno autem monte nunc nec oppidi vestigia extant. Hac hyeme ea loca visitauimus, quoniam ab antiquis celebrata sunt, cum illustrissimus Princeps & patronus meus HERCVLES Estensis Dux Ferrariæ quartus Neapolim ad CAROLVM V. Imperatorem proficisceretur. Ad Calenum montem equitauimus, vina Calena bibimus, quæ suauissima sunt. Propterea Horatius volens Mecænatem allicere ex vino, ut secum in cœna sit libro primo Carminum, Ode. II. inquit: Prelo domitam Caleno Tu bibes vuam. & Iuuenalis: Molle calenum porrectura viro. SENECA. Vuarum igitur genera magis & minus sapatam



pam coqui faciunt? BRASAVOLVS. Ita est, quia calena vina vt sapa perfectionem & formam enancisceantur, solum indigebant resolutione vnius partis ex tribus. Nostra autem vina indigent resolutione quatuor partium ex quinque. Imò & ex Caleno monte phalerna vina, nigra, dulcia & spumantia veniunt. Nunc is locus idem nomen seruat: nam incolæ appellant li faluomi.

SEN. Possit ne haberi vniuersalis regula sine hac mensuras? BRASAVOLVS. Possit, & hæc sit: Quodcumque genus vuae, aut musti acceperis, adeò bulliat, vt mellis formam acquirat. SENEX. Si Græci in diamorro sapa non ponunt, miror quod Arabes & recentes iniecerint: nescioq; vnde ortum habuerit. Idq; dubium mihi videtur de re ipsa nunquid sapa in his gutturis affectibus, in quibus Diamorum conuenit, præsertim in principio sapa conueniat. BRASAVOLVS. Rem arduam moues, in qua non ita facile respondere possumus. Nempe Græci authores nonnulli in gargarismatibus & oris collutionibus, & ad inflammatas gingiuas sapa vtuntur. Aëtius enim capite. XX. lib. VIII. de inflammatis gingiuis tractans, primo asininum lac in ore detinendum esse præmonuerat. postea addit, & hoc qd ex vino ad tertiam vsq; mensuræ partem decocto apparatur, quod sapa dicimus, itemq; Hefsema, & capite LI. eiusdem. VIII. lib. idem Aëtius vbi ea ponit, quæ his qui in arterijs patiuntur conueniunt, & de arteriarum phar-macis loquitur, inter alia sapa exhibet, quæ Sireum quoq; & Hefsema appellatur: à vino autem abstinendum monet. & capite. LII. vbi de asperitate &



suppressa voce tractat, quando è pectore educere opus  
 est, mel & sapa addite. Paulus etiam Aegineta, ubi de  
 raucedinis, arteriarum'ue curatione loquitur, simeo, id est  
 sapa utitur. Trallianus etiam lib. II. cap. II. de destila-  
 tione tenuis materiae à capite in asperam arteriam lo-  
 quens, ex defruto & sapa compositiones facit, ubi  
 de Diacodione sermonem fecerat: ex his forte & simili-  
 bus Arabes, recentes in principio phlegmonum gutta-  
 turis, sapa utuntur, & eo praesertim quia Dioscorides  
 lib. V. ubi de vino passo, et protropo disputat, inquit: Itē  
 quod mulso decocto fit, & Sireum, ab alys herfema, &  
 sapa dicitur. Si nigra euadant, pingua, copiosi; alia  
 menti erunt. Si alba, tenuiora. Si heluola, variataq; , me-  
 diam vim utriusq; naturae ferent: omnibus tamen vis ad-  
 stringendi, continendiq; adiuncta. Arteriae languidos  
 ictus recreat. Ex his habes secundum Dioscoridem, sapā  
 vim restringendi habere, & ex consequenti repercutien-  
 di: propterea ad inflammationes gutturis in principio  
 valere sumi potest. Sed his omnibus Hippocrates oppo-  
 situs esse videtur, qui in. II. lib. de ratione victus inquit:  
 Defrutū calefacit, made facit, et subducit: calefacit, quod  
 vinosum est: made facit, quoniam nutrit: subducit quod  
 dulce est. Vnde secundum Hippocratem colligere potes,  
 in harum inflammationum initys sapa exhiberi non  
 posse: propterea (salua semper Dioscoridis pace) in  
 principio inflammationum asperae arteriae, aut partium  
 oris, ego nunquam vterer sapa. S E N. Quid dixit Dio-  
 scorides? B R A. Esse adstringentis naturae. Quod si sit,  
 in principys conuenit. Nempe ab omnibus antiquioribus  
 medicis,



medicis, & ab ipsa ratione animadvertitur in principijs repellentibus nos vti debere: postea resolventibus, denique mitigantibus: quod bis aut ter à Paulo Aegineta libro tertio capite. xxv. edocetur, & ab Aëtio locis præcitat: quos si contemplemur, in principijs sapa non vititur: ab Alexandro Tralliano libro secundo capite. iiii. à Galeno in sexto de compositione medicamentorum per loca. SEN. Sapa quando fieri debet? BRA. Quando vna sunt exquisitè maturæ: quamuis Plin. libro. xi. capite. xx. dicat, Ipsa quoque defruta, ac sapa, cum sit coelum sine luna, hoc est in sideris eius coitu, neque alio die coqui iubent. Præterea plumbeis vasis non æreis, nucibus iuglandibus additis: eas enim fumum excipere. Nostræ autem mulieres poma cydonia, aut alia, si hæc desint, injiciunt. Idem Plin. libro. xviii. capite. xxx. de temporibus vindemiæ loquens, inquit, hoc scilicet tempus, & defrutum coquendi, silente luna noctu, aut si interdiu, plena. Quæ à Ferrariensibus mulieribus nunquam observantur. SEN. Igitur sine sapa diamorum parabo? BRA. Sine sapa: quippe Græci aurothores sine sapa conficiunt, & Alexander Trallianus libro. i. capite. 41. ubi anginae præsidia scribit, diamori simplicis & compositi confectioes edocet. SEN. Quæ sunt hæc? BRA. Pro simplici diamoro conficiendo recipit succi mororum sextarios quinque, decoquit o donec mellis liquidi crassitudinem contrahat: deinde mellis sextarium vnum adycito, & iterum coquito, donec mellis densitatem obtineat. SEN. Quomodo facit suum compositum Alexander? BRA. Nunc dicemus.

Diamorū  
compositū  
Alexandri



Recipe succi mororum Sextarium vnum

Croci )

Denarium pondo duum.

Myrrhæ )

Omphacy tosti & in puluerem redacti denary pondo vnius.

Aluminis

Denarium pondo duum.

Mellis

Sextarium dimidiatum.

Succus mororum per horam arefcatur: inde igni admotus parum spiffior reddatur: mel autem iniectum ad tertias decoquito, & vbi gelascere cœperit, pulueres quoque in yce: & sicubi incidat vsus, vt ere. **SEN.** Tamen hoc composito in principio vti non debemus. **BRA.** Non equidẽ: imò ipsemet Trallianus vbi simplex diamorū describit, hoc obseruandũ monet, vt ἐπὶ τῆς ἀρχῆς, id est in principio adhibeantur quæ reprimendi vim habent, ἐπὶ τῆς ἀκμῆς, id est in summo vigore quæ digerendi, ἐπὶ τῆς παρὰ κμῆς, id est in declinatione, quæ leniendi phlegmonem, mitigandiq; facultate prædita sunt. Imò Paulus Ægineta præcitat locis mel in principio miscendum esse non vult, sed in augmento solum. Addimus autẽ nos mel, vt diu seruetur: aliter breui corrumpere & diu seruari non posset. **SEN.** Cum in simplicium examine mora prætermiserimus, ab re non erit, ea hoc loco tractare. **BRA.** Id libenter faciam à recentibus initium sumens: nam ex his in antiquam harum rerum cognitionem venimus. Apud nos duo mororum genera reperiuntur ex coloribus distincta, Album, & Nigrum. De albo moro nihil apud Theophrastum, Dioscoridem, Plinium, Catonem, Palladium, Columellam, aut alium ex antiquioribus,



bus, qui de re rustica aut plantis locuti sunt. SEN. O rem miram, quam audeo. Igitur antiqui albū morū ignorarunt? BRA. Ita videtur. SEN. Tamen sericum habebant. BRA. Habebant et bombyces, sed nigro moro utebatur, & suos bombyces isto pascebant: & si hi vermes nigro moro vefcantur, sericum pulchrius, splendidiusq; fit. SEN. Fieri potest quod antiquorum aliquis de albo moro locutus non sit? Res est, quæ mihi ferè impossibilis dictu videtur. BRA. Nullus, præter Ovidium album morum, vel à longe descripsit. SEN. Non possum non valde mirari de antiquioribus, & præsertim de Plinio omniū sagacissimo. BRA. Fortè Pli. album morū præteryt, quoniā à Theophrasto eius mētio nulla fit, quæ in plātārū historia adeò imitatur, vt eius simia vere dici possit. SEN. Nec illud dici potest, hos viros ideo albū morū omisisse, quia arbor notissima esset, quoniam de valde notioribus historiam scripsere, et de vilioribus: & huius arboris foliū ad pascendos vermes mollius est, quā mori nigræ foliū, & nūc tota Italia folys huius albæ mori vtitur. Sed quo loco, et ad quod propositū de alba moro sermonē habet Ovidius? BRA. Est in. IIII. lib. Metamor. vbi Thybes & Pyrami insolētes amores describit. Quippe locū quendā statuerūt, in quē ambo cōuenirēt: locus autē erat notissima morus, sub qua alter alterū expectare debebat. Ne autem carmina quæras, hæc sunt quæ dicā: Ne' ue sit errandū lato spatiātibus aruo, Cōueniant ad busta Nini, lateantq; sub vmbra Arboris, arbor ibi niueis vberima pomis Ardua morus erat gelido contermina fonti. Imò Ovidy sententia videtur, quod omnia



mora prius alba fuerint: deinde ob Pyrami & Thyfbes sanguinē, nigra effeēta sint. Ideo deinceps cum seipsum perimit Pyramus, in hunc modum canit: Quoq; erat accinctus, demisit in ilia ferrum, Nec mora feruenti moriens ē vulnere traxit, Et iacuit resupinus humo, cruor emicat alte, Non aliter quā cum vitiato fistula plumbo Scinditur, & tenui stridente foramine, longas Eiaculatur aquas, atq; ictibus aēra rumpit. Arborei foetus aspergine cædis, in atram Vertuntur faciem, made factaq; sanguine radix Purpureo tinxit pendentia mora colore.

SEN. Hæc mihi videntur anilia fabulamenta, quæ hyme apud ignem puerilis recitantur. B R A. Fabulamenta videntur, sed quæ sub tegmine philosophiæ mysteria tegunt: & quæ possunt saltem testimoniū reddere apud Romanos mora alba extitisse. Nam deinceps cum Thisbe se perimit, deos rogat vt arbor suæ cædis testis sit: & sicuti Pyrami sanguine tinēta erat, etiam sui ipsius sanguine tingatur: propterea canit Ouidius: Vota tamen tetigere Deos, tetigere parentes, Nam color in pomo est vbi permaturuit ater. SEN. His nugis omissis, ad rem nostram redeamus. B R A. Apud antiquiores authores alba mora non extant, sed nigra solum, quæ sycaminea appellabantur, & sycomora, id est Ægyptia ficus, & mora rubi. Sycomorum non habemus. SEN. Arbor illa procera, quæ nunc Ferrariæ passim viret, quam vulgus sycomorum appellat, non est ergo sycomorus? B R A. Non equidem: est tamen sycomorus procera arbor, sed ficui similis, quæ fructum moro maiorem, & ficu minorem gignit, dulcem, suauem, & qui granula non habeat.

vt

Mora ni-  
gra.  
Sycami-  
nea.  
Sycomor-  
ra.



vt morum. SEN. Igitur sycomoro caremus. BRA. Caremus, ideo prætermittatur: extant apud nos mora nigra, quæ vulgò celsi mora vocantur, putant recentes ob arboris celsitudinem celsæ mora nūcupata esse, sed apud antiquos absoluto vocabulo mora dicuntur, & cum mora dicuntur, hæc intelligunt, quæ etiam appellant sycamina: quamuis hæc nomina Attica non sint, vt Galenus libro secundo de alimentorū facultatibus docet. Sed (vt inquit) quibus placet Atticismus, his non placet medicæ artis veritas. Ab Arabibus hæc mora, quæ à recentibus celsi mora dicuntur, Tut vocantur, vt ex Serapione capite. cxxxii de simplicium medicamentorum facultatibus colligere licet: eo autem loco Galenum adducit. Sunt igitur hæc mora, quæ supra arbores proceras nascuntur, & quibus in mense Maij & Iuny vescimur, & quæ aduersari stomacho, & facile corrumpi Dioscorides & Galenus dicunt, ea quæ ab antiquis absoluto vocabulo mora dicuntur. Sunt præterea mora bati, quibus Galenus & Paulus ad componendum Diamorum libentius vtuntur. In rubo nascuntur multum differente Callo. ab Hippocrate maratha nuncupantur. Sed Herzmolaus Hippocratem emendat, vt legendum non sit  $\mu\alpha\rho\alpha\epsilon\alpha \alpha\pi\omicron\beta\alpha\tau\omicron\upsilon$ , id est maratha à bato: sed  $\mu\alpha\rho\alpha\tau\alpha \alpha\pi\omicron\beta\alpha\tau\omicron\upsilon$ , id est mora à bato, id est rubo. Nos aut tria mororum genera in humilibus plantis nascentia cognoscimus. Vnum supra rubum: aliud supra idæum rubum. Tertium quod vulgò mora campagnola appellamus, inter campos nascitur & inter arua, humilis arbuscula, spinosa, folia tamen rubi & eiusdem generis morum

Mora celsi.

Tut.

Mora bati.

Maratha.

Mora cæter campagnola.



duorum, trium, quatuor, aut ad summum quinq; acinos  
 rum fert. B R A. Possunt ne hæc ad certa genera & cō  
 muniore nomina duci? B R A. Duo sunt Latina nomis  
 na, quibus hæc omnia significantur, rubus & sentis.  
 Rubus. Plinius hoc nomen rubus scribit, & eo utitur. Columel  
 la hoc nomine sentis utitur: ut apud Latinos hæc duo  
 nomina generalia sint, rubus & sentis: sed apud Græc  
 cos generale nomen est βατό. Propterea cum apud Ga  
 lenum, aut alium authorem Græcum legimus μῶρα τῶν  
 βατόν, hæc intelligimus. Sed nostri his vocabulis differē  
 tias addunt, quod & Græci prius fecere. Nam apud La  
 tinus differentie sunt, rubus caninus, rubus Idæus, r u  
 bus terrestris, vel sentis canis, vel caninus, sentis humis  
 lis, vel terrestris, sentis Idæus. Græci autem habent cys  
 nosbaton, baton Idæum, Chamæbaton. SEN. Nondum  
 edocuiſti, quid essent hæc mora apud nos. B R A. Nunc  
 id agemus. Mora quæ in spinis sunt supra rubos in sen  
 ticetis, & pro tuendis nostris aruis à beluis & hominis  
 bus, absolute mora rubi dicuntur, vel mora sentis, vel mo  
 ra sentis canis, vel mora bati, vel batina. SEN. Hæc co  
 gnosco: & his vtor in diamoro. B R A. Dioscorides di  
 cit nuncupari mora vaticana. ab Arabibus Suleich dicen  
 tur, ut Serapio testis est, capite. c x x i i i i. sui libri de  
 simplicium medicamentorum facultatibus, præsertim si  
 ipsum Galeno conferas, eo loco quo de rubo sermonem  
 habet. Adest & apud nos in foueis quæ agros distermi  
 nant, & alienos greges arcent, genus quoddam rubi bre  
 ues spinas habens & tenellas, ipsaq; arbuscula tenella  
 Idæus. est, & flexibilis, hoc genus rubus Idæus nuncupatur.

S E N.



SEN. Putabam in Ida monte solum nasci. BRA. Non dicitur Idæus quia solum in Ida monte nascatur, sed ob magnam copiam, quæ ibi viret: tamen & in Ferrariensibus senticetis Idæi rubi pullulant. SEN. Nos moris Idæi rubi, & rubi canis indiscriminatim utimur. Dic autem quæ sunt apud antiquos illa mora parua valde nigra, quæ in aruis nascuntur, & multum adstringentia sunt? BRA. A Græcis arbuscula illa χαμαιβάτης Chamaebatos, id est humilis rubus, vel terrestris rubus vel sentis humilis nūcupatur. hoc est genus illud rubi, quod facit mora apud nos campagnola appellata, quæ nigra sunt, parua, & ad summum quinque granula coaceruata habent, de quo rubo Theophrastus tertio de plantarum historia meminit, cū inquit: "τι δὲ καὶ τῶν βατῶν πλεῖον ἔστιν, καὶ τὴν δὲ ἔχουσιν διαφορὰν, ὅτι ὁ μὲν ὁ ὀρθόφυλος καὶ ὑψὺ ἔχων, ὁ δὲ ἐπὶ τῆς γῆς καὶ εὐχέως κατὰ νεύων. καὶ ὁ τανυστάπτη τῇ γῇ, ἡζόμενος παρὶν, ὃν δὲ καλοῦσι τινεῖς χαμαὶ βάτον. ὁ δὲ κυνὸς βάτον ἀνὰ κερπὸν ὑπερβύρον ἔχει, καὶ παραπλησίον τῶ τοῖς φοιῶσι φύλλω. ἔστι δὲ δένδρεον καὶ θάμνον μετὰ ξύλῳ καὶ παρὰ μοῖον τοῖς φοιῶσι. τὸ δὲ φύλλον αὐτῶν δέσσει. Quæ si interpretari velimus hæc dicit: Amplius autem & rubi plura genera maximam habentia differentiam, quod hic quidem rectus, & in altitudinem se habet, ille autem in terram & deorsum inclinans: & statim cum terram attingit, iterum radicem facit, quæ nonnulli chamaebaton, id est humile rubum appellant. Ille autem, quæ cynosbaton, id est canis rubum vocat, fructum habet rubetum simile illi punice, id est simile cytino punice. Est autem medius inter fruticem & arborem, & punice similis, folio amerinæ. Hæc Theophrastus.



SEN. Mihi videtur Theophrastum voluisse nostrum Rubum caninum in altū erigi. BRA. Id quidem absolute non dicit: sed ad alterum comparatione facta, qui humilis & terrestris appellatur, ideo dixit ipsum esse medium inter fruticem & arborem. SEN. Ex Theophrasto solum duo rubi genera sumi videntur, caninus et terrestris: tamē adest & rubus absolute. BRA. Apud Dioscoridem tria genera Bati, id est rubi, vel sentis tantum inveniuntur: Cynosbato, de quo in. i. lib. quem Serapio capite. CXXV. Set appellat, & Batos absolute, & Batos Idæus: de quibus quarto libro tractat. Sed Batos absolute, id est rubus, & rubus Idæus non differunt, nisi spinis & loci abundantia. Ideo apud Dioscoridem solum duo rubi genera inveniuntur, Cynosbato, & Batos. Vnde & Galenus de duobus solum tractat, de Bato. VI. lib. de simplicium medicamentorum facultat. & de Cynosbato. VII. libro. Paulus & Aëtius eundem ordinem servant: nam de Bato & Cynosbato duobus locis tractant, & de Rubo Idæo nusquam, tanquam de eo qui non est distinctus à rubo nisi per teneritudinem, & spinas. Imò & Plin. solum de Cynosbato & rubo differt, quamvis libro. XXIIII. capite. XIII. dicat Cynosbaton habere folium vestigio hominis simile, & Idæum rubum tantum in Ida nasci, cum tamen apud nos sit, & eo loco multa rubi genera enumeret, quæ re vera à Theophrasto, Dioscoride, Gale. & alijs distinctæ plantarum species ponantur. SEN. Ignoro adhuc, quid per hunc tuum inordinatum discursum inferre velis. BRA. Hoc inferre intendebā, Theophrastum, Diosco. & alios Græcos



Græcos sibi ipsis consentire, & esse tantum duo rubi genera, scilicet rubus absolute, vel rubus terrestris, vel rubus humilis, & Cynosbatos, id est rubus caninus, quæ duo genera tantum enumerantur: nã rubus Idæus saltẽ viribus à rubo humili non differt: nec de illo Galenus, Paulus, aut Aëtius tanquam de re distincta tractat. Nec impedit, quod Theophrastus videtur sentire tria esse rubi genera, humilẽ, magnũ, id est cani rubum, & mediũ: quia ad duo reducuntur. Imò & Gale. in. 11. lib. de Aliment. faculta. solũ de duplici rubi fructu differt. Primo de rubo, postea de rubo canino. De rubo inquit: Rubi fructum nostrates homines à bato, batinum vocant. & deniq; addit: Omnia porro quæ ex mori succo medicamenta cõponuntur, ex huius liquore parata efficaciorẽ virtutem aquirũt: postea de rubo canis tractat, inquiens: Canis rubi fructus longe adstringẽtior rubi fructu existit, ideoq; ventri supprimẽdo accommodatior. Rustici frequenter hunc existimant tenui alimonia, vocatq; Cynosbaton, id est canis rubum. Vt ergo in hac re finem faciamus, & deniq; receptui canamus, scito id genus sentis aut rubi, quod chamæbatos, id est humilis rubus à Theophrasto vocatur, à Dioscoride, Galeno, Paulo, Aëtio absolute Baton dici, à Plinio rubum, à Columella sentem. Est autem id quod Mora cãpestria à nobis vocata gignit, quæ inter campos nascuntur, & cum vindemia mature scũt nigraq; fiunt dulcia, & ad summum. V. aut. vi. granula habentia. SEN. Illa sunt, quibus probati moris in Diamoro conficiendo vtimur. B R A. Illa conueniunt, & sumi debent. Illud autem quod à Theo



phraſto dicitur Cynosbatoſ, id eſt rubuſ canis, vel ſentis canis, eſt ille met rubuſ, de quo Dioſco. Gale. Pauluſ, & Aëtius agunt, & eſt ille qui apud noſ dicitur Roueda, qui in Ferrarienſibus foueis paſſim inuenitur, ad arcenſ das beluaſ, & furaceſ homineſ à cāpiſ, facitq; mora ad oliuæ magnitudinē. In Ferrarienſi ſolo infiniti huiuſ ge neris rubi inueniuntur. SEN. Nouimus, ſed quid eſt ru buſ Idæuſ? BRA. Conſidera Ferrarienſiſ agri ſenticeſ ta, ruboſ inuenieſ qui paruaſ ſpinaſ habeant, raraſ, & qui magiſ tenelli ſint, & eorum mora magiſ rubra ſunt. SEN. Frequēter vidimuſ ſimileſ ruboſ, imò & ſine ſpiſ nis inuenimuſ. BRA. Hic eſt Idæuſ rubuſ, qui in multis Italiae partibuſ, præſertim per Apenninuſ ſine ſpinis vi ret. Ruſtici Mediolanenſeſ huiuſ rubi Idęi moriſ libē ter veſcuntur, nec ſpinaſ habet. ita in mōtibuſ Mediola no propinquioribuſ naſcitur. Hæc mora ab incoliſ Nāz poni proprio gentiſ vocabulo appellantur. Hæc de Mo riſ tibi dicenda videbantur: niſi in mentē veniſſet Seruiū per fraga, Mora quæ in herbiſ naſcuntur interpretari, in Damœtæ & Corydoniſ altercatione, cum Poëta caa nit: Qui legitiſ floreſ, & humi naſcentia fraga. Si quia dem terreſtria mora intelligit Seruiuſ, certe deceptuſ eſt. At ſi intelligit vera fraga quæ in Triphyllo naſcū tur, ipſe autem appellet mora in herbiſ naſcentia ob ſi militudinē, quam fraga cū moriſ habent, Seruiο adſti pulamur: nempe multa ſunt, quæ cum moriſ affinitatem habent, & ex ſubſtantia granulofa & acinoſa cōpoſita ſunt. SEN. Quæ ſunt apud Auicennam Mora de ſceni, quæ ipſe amara eſſe fatetur? BRA. Ea ne intelligiſ, de quibuſ

Mora de  
ſceni.



quibus tractat lib. 11. cap. cccccc 11. ? SEN. Ea intel-  
 ligo. BRA. Alias quid essent dubitavi, ob id quod dicit,  
 Amarū autē, quod nominatur Morū de sceni : nulla autē  
 mora amara inuenimus, ideo putabā in Auicennæ pa-  
 tria mora aliqua amara esse : sed postea animaduerti-  
 mus, nihil aliud esse morum de Sceni, quā id quod nos  
 vocamus Morū celsi. Morū autē, quod ipse appellat Al *Alfirsedu*  
 firsedu, & quod dicit secūdu Semicam ficus currere, est  
 Sycomorus, quē Latini Ægyptiā ficū vocāt. Propterea  
 Auicēna dicit magis loquēdū esse de moro de sceni, quā  
 de Alfirsedu. Vnde proprietates, quas ponit de moro de  
 sceni, omnes sunt proprietates mori celsi, vel mori abso-  
 lutē Dioscoridis. SEN. Aliqui per mora de sceni, bati mo-  
 ra intelligūt, alij mora cynosbati. BRA. Hi mirē decipiū-  
 tur, quia de rubo cap. CCCCLXXIX. & simul de  
 rubo, & rubo canis pertractat. Ideo apud ipsum nihil  
 aliud intelligo, quā quod Alfirsedu sycomorus sit, &  
 morū de sceni, Dioscoridis morū sit, quod vos celsi morū  
 vocatis. Nec moueor, quod legat esse amarū, qā iterpres  
 errauit, & debuit interpretari acidū. Id appet ex hoc qđ  
 de eius Rob tractare volēs dicit esse acetosum &c. SE.  
 Nō possū nō credere qđ dicis, quoad ab alio melius edo-  
 cear. Sed vnū est in quo de Pli miror, q dicat Cynosbatō  
 habere foliū vestigio hois simile. BRA. Alias & ego ad-  
 miratus sum : sed postea admirari desii, multa folia cōsi-  
 derās, quę similitudinē soleę habere vidētur. Theopha-  
 stus dicit habere folia & vocū : Hermolaus Barbarus legē  
 dū putat i' x'v' d' es, id est hūani vestigy forma, qā & hoc  
 mō visus est Pli. interpretatus esse Theoph. et eā lectionē



habuisse. SEN. Miror etiam cur lib. x x i i i i : capite  
x i i i i . Plinius dicat cynosbaton ferre vuam nigram, in  
Neuros cuius acino neruum habet, unde Neuros pastos dicitur.

pastos. BRA. In hac re si per neruum lanam intelligat Plinius  
verum dicit, aut duritiē quādā in medio. Si quid aliud,  
quid sit nescimus, nisi cum Hermolao dicamus deceptum  
esse Plinium in Cynosbato, quia Smilax aspera, id est  
hedera cilissa, vuas modo labruscæ habet, tamen ut Dio  
scorides inquit, ab aliquibus cynosbatos dicit, ut in hoc  
vocabulo Cynosbatos decipiatur. Sed potius arbitror  
per neruum lanam, aut duritiem quandam: per vuam,  
Morum ipsum Plinium intelligere: nam Smilax vuam  
nigram non habet, sed rubram, et pulchro rubore insi  
gnitam. SEN. Plinius etiam velle videtur apud Græcos

Rhānus. Rhānum rubi speciem esse. BRA. Ita sentit Plinius, tamen  
nullum authorem vidi (quod sciam) qui Rhamnum, aut  
lytium speciem bati poneret: fortē quia propinque nas  
cuntur, ideo Plinius ad Rubi genus deduxit. Nunc breui  
bus receptui canamus, quum ab authoribus mora batina  
absolute dicuntur, mora intelligas, quæ vulgò cāpagnola  
appellamus. SEN. Semper illa accipio. BRA. Tamē alij  
sunt, qui illa nō accipiūt, sed ea quæ dumetis supra cynos  
batos, id est rubos caninos nascuntur. SEN. Quæ est horū  
differētia? BRA. Quia rubi canini morū magis adstrin  
git quā humilis rubi. Scitoq; alba mora p̄ insitionē fieri  
supra populū albā: ideo nouū inuentū esse. Quare non  
mirū, si de illo antiquiores nō meminere. SENE X.

Rob nus  
cum.

**V**Ereor ne Rob nucum, quod Diamorum sequeba  
tur, de tam longa mora conqueratur. Ideo his  
omissis,



omissis, ipsum contemplemur, quod Diacarydion à Græcis dicitur. B R A. *Διακάρυδιον*, non Diacarydion dici debet. In hac autem compositione quem sequeris? S E N. Mesuen sequor, quamvis & Hali, & Serapio, in speciebus Rob, eandem compositionem faciant. B R A. Quomodo autem paras? S E N. Hoc modo secundū Mesuen: Recipe succi exteriorum corticum nucum in diebus canicularibus lib. iiij. decoque ipsum decoctione vna: deinde adde mellis lib. ij. & decoque, donec incrassetur, & fiat sicut mel. Hæc est prima compositio, quæ à Mesue conficitur. B R A. Alias nunc prosequaris. S E N. Mesue in hoc Rob nucum quatuor intentiones ponit. Prima est, si hoc medicamen pueris exhibeatur, aut mulieribus, aut humidis natura, nihil aliud addit, quàm quod simpliciter dictum est. Secunda intentio, quando morbus est in principio, opus est stiptica immiscere: ut sunt rosæ & balaustia. Tertia intentio, quando morbus est in statu, opus est crocum & myrrham commiscere. Quarta intentio, quando morbus in declinatione est, baurach, & sal ammoniacus addenda sunt. In his intentionibus Græcos imitatur. Hæc enim compositio illis exhibetur, quibus à capite ad pectus & cannam pulmonis materia acuta & subtilis defluit, quæ quandoq; eadem die suffocat, aut abscessum facit, qui breui perimit. Propter hoc Græci duas compositiones parant. Alteram Dianucis simplicis. Alterā Dianucis compositi. Videoq; Mesuen hanc suam compositionem ab Alexandro Tralliano accepisse. In mellis autē quātitate differunt, quia ex nucibus compositionem facit, sicut etiam Diamorum fecerat: tamen

Diacarys

dion.

Dianucis

simplex.

Dianucis

compositū.



coquendi modo cōsiderato, in eandem ferè quantitatem  
 veniunt, quia in mense Augusti nuces accipit, & exte-  
 res cortices detrahit, quæ in mortario cōtundit & expri-  
 mit, magmate proiecto succum mediocriter decoquit, &  
 pauxillū mellis addit, vt in cōpositione Diamorum, &  
 deniq; ad mellis cōsistentiā elixat. In Diamoro autē acci-  
 pit succi mororū sextarios. V. & ad mellis liquidi consis-  
 tentiam coquatur: postea sextariū. i. mellis addit, & ad  
 spissitudinem mellis coquit. Ita in cōpositione ex nucibus  
 fiat, sumantur. V. sextaria succi putaminis exterioris nu-  
 cis, & bulliant ad spissitudinē mellis liquidi: postea ada-  
 datur sextarium. i. mellis, & ad cōsistentiā mellis dedu-  
 catur. Postea Trallianus ea addit, quæ nos putamus Me-  
 suen ad verbū accepisse. Inquit enim infantibus & mus-  
 lieribus & in principys sine aliquo addito esse exhiben-  
 dum. In summo autem vigore addendam esse myrrham.  
 In morbi vero declinatione, sulphura & nitrum addit.  
 Mesue tamen differt, quia in principio rosas, & balau-  
 stia cōmiscet: Alexander autē nihil. Paulus autē duplex  
 Diacaryon facit simplex & compositum. Simplex idem  
 ferè est cum illo Alexandri & Mesue: nempe recipit succi  
 contusi corticis nucum viridum cotylas quinque, mellis co-  
 tylam vnā, & coquatur ad diametrum, id est ad conue-  
 niens corpus, quod est ad spissitudinē mellis. SEN. Com-  
 positum nunc tractemus. BRA. Cōpositum quidē docet  
 Paulus, & de cōposito seorsum scribit, quod nihil aliud  
 est, quàm simplex, cui ea quæ à Mesue accepta sunt ada-  
 dit, & cōpositū vocat. Nempe, inquit Paulus, ab initio  
 quidē statim, & in vigore, in oris inflammationibus mis-  
 scere



# SYRUPORVM 123

scere oportet croci & aluminis vniuscuiusq; denariū. I. myrrhæ denarios. II. In declinatione autē propter dissipationem nitri denariū. I. sulphuris tantūdem prædictorum quantū cum succi, tum mellis. SEN. Mihi nō placet in principio crocū cōmiscere. BRA. Nec mihi. propterea arbitratus sum, Paulū hoc modo intelligendum esse: Ab initio quidē statim opus est vti simplici Dianuce, postea sequatur: & in vigore miscere oportet croci & aluminis vniuscuiusq; denariū. 1. & hoc in principio nō ponatur: sed Alexandro concors in principio simplex detur: alia in alijs temporibus addantur, tuncq; à Paulo lib. vii. cap. xii. Diacaryon cōpositū appellatur. De diacaryo etiam Galenus diffuse lib. vi. de componen. phar. macis secundum loca agit. Imò Galenus huius compositionis inventor fuit. Nullus enim ante ipsum ea vsus est. His autem omissis, alios syrupos prosequamur. SEN. Nullus syrupus est à prædictis diuersus, quem in officinis habeamus, nisi medicus aliquis particularis vnum sibi finxerit, & pro se parari iubeat. BRA. De his nihil ad nos, quippe institutum nobis erat eos syrupos tantum prosequi, qui & Ferrariæ, & per totam Italiam in communi vsu sunt. Si quis autē vnū sibi fingat, eo vtatur, & illū, vt sibi videtur, examinet, si cōponendi canones bene didicerit. SEN. Solebamus et in officinis Rob de Ribes Rob de seruare, nūc aut nō habemus, nec eo vtimur. BRA. Et nul Ribes. lus est Ferrariæ qui habeat. Venetijs autem multi sunt qui Ribem seruant: tamen apud authores quid sit incertum est. Nempe apud Theophrastum, Dioscoridem, Galenum, Oribasium, Paulū, Aëtium quærens inuenire non



potui. Minus apud Catonem inueni, Varronem, Pliniū,  
 Palladium, Columellā. Soli Arabes de hoc succo, & de  
 ipsa herba vel frutice locuti sunt. Nam Serapio capite  
 CCXLI. de Ribes tractans, solos Mauritanos refert, &  
 nullos Græcos. Assuetus autem est, quū Græci de aliqua  
 re loquuntur, ipsos primo adducere: quam vero nullum  
 Græcum adducit, est Arabum inuentum, & res sua pro  
 pria. Ribem autem secundum Isaac eben Abraham des  
 cribit, plantam esse quæ habeat capreolos recentes, rus  
 bros ad viriditatē tendentes, & habet folia magna, las  
 ta, rotunda, viridia, & habet grana, quorum sapor est  
 dulcis cum acetositate, & ipsa est frigida & sicca in II.  
 gradu, & signū super hoc est acetositas eius, & stipticis  
 tas: omnesq; authores, quos Serapio adducit inquit frigi  
 gidam & siccam esse in II. gra. Auicenna vero in III.  
 gra. dicit. Venetias quendam succum ferunt, quem dicūt  
 esse Ribem, deferunt autē Alexādria Ægypti, inquiens  
 tes ex Damasco prius Alexandriam allatū esse, & quod  
 in Syria ingens copia nascatur. Aly ex Corasceni des  
 ferri tradiderūt. Vt autem de re ipsa agamus, scito arbu  
 sculam quandam ex varis Apennini locis ad nos cōpor  
 tari, quam ribem appellant, & nunc in multis locis Fer  
 rariæ habetur, et in multis hortis viret: foliū vitis habet,  
 sed minus incisum, & paruos racemos facit, qui quando  
 maturantur, rubri fiunt, & saporem acidum habēt, adeo  
 vt ego putem in secundo gradu infrigidare & exiccare.  
 Et etiā is succus qui Alexandria Venetias affertur (meo  
 iudicio) in secundo gradu potius quā in tertio frigidus  
 & siccus est. Ideo Serapioni potius quam Auicennæ cre  
 dimus.



dimus. Quod autem nos riben vocamus, & nunc Ferras  
 riæ, & Murani Venetiariū aliquibus locis, & Patavij,  
 & Bononiæ viret, Mauritanorum ribes esse nō potest:  
 quia inquirunt suum riben lata folia habere, magna, ro-  
 tunda, viridia. Sed folia apud nos vocati ribes, rotunda  
 non sunt, nec multum viridia, sed ad figuram foliorum vi-  
 tis accedunt. Adde nostrum ribē potius inter vuas nume-  
 rari debere. Rhafis autem in Almanfore riben inter frus-  
 ctus computat, & fructum esse iudicavit. At quia Seras-  
 pio, capreolos recentes rubros ad viriditatem tendentes  
 habere dicit, & aliqui per capreolos racemos intellis-  
 gant, ideo in hoc, cum nostro vocato ribe similitudinem  
 habere videtur. Sed video Serapionē de ribe loqui tan-  
 quam de re sibi incerta, & solum aliorum sententias se-  
 qui. Ideo quid sit, ex ipso bene exprimi non potest. Ex  
 alijs vero authoribus adhuc minus, quia nullus est alius,  
 qui riben pingat. Genuensis solus Arabem quendam aus-  
 thorem citat, qui de ribe hoc modo loquitur: Est planta  
 habens stipitem rubeum, ad viriditatem declinem, tene-  
 rum, cuius sapor est dulcis acetositate mixtus, folia ro-  
 tunda, viridia, & magna, cuius granum petatur de Co-  
 rasfeni, acidi saporis, de quo fit Rob. Hæc ille Arabs,  
 quem Genuensis citavit, cuius nomen est Alhauī, vt hinc  
 habeas, & hunc authorem inter fructus connumerare.  
 Hoc admonere volui, quia multi sunt, qui succū ex qua-  
 dam herba esse dicunt, imò Gulielmus Placentinus ris-  
 ben, acetosam herbam esse iudicavit, in eo deceptus, quia  
 Mesue dicit, quod rob herbæ acetosæ est in virtute eius.

**S E N.** Noster igitur ribes, quē in hortis habemus, Ara



bum ribes non erit. B R A. Non erit. S E N. Nec ribes  
 apud Græcos, aut Latinos reperitur. B R A. Nec istud  
 (quod sciam). S E N. Quid est ergo, quod pro Ribe ha-  
 bemus? B R A. Intelligis'ne hunc, quem Alexandria Ve-  
 netias deferunt, vel illum, qui ex Apennino petitur?  
 S E N. Vtrunq. B R A. De eo Ribe, quem habent Ves-  
 neti, ex Syria Damascum, Damasco Alexandriam, Ale-  
 xandria Venetias comportatum, nihil aliud tibi dicam,  
 quàm quod suprà ex Serapione & Halavi dictum est.  
 De eo vero qui ex Apennino affertur, apud Antiquos  
 quid sit ignoro, in viribus tamen cōuenire arbitror, quia  
 sapor manifeste ostendit frigidum & siccū esse, & etiā  
 operationes: quare ad eadem valet hic noster Ribes ad  
 quæ Damascenus. Damascenus enim (vt Auicenna in-  
 quit) acetositatis citri, & omphacij vires habet. Quod  
 & Serapio secundum Aben Mesuai testatur. Mesue  
 etiam dicit esse in virtute herbæ acetosæ. Vnde pro Ri-  
 be, citri succo, omphacio, succo herbæ acetosæ, aut nostro  
 vocato Ribe, qui in Apennino viret, vti possumus. S E N.  
 Ad quæ valet? B R A. Ad ingentem calorem, & sites  
 ingentes, ad incendentes febres, ad profluvium ex bile  
 cardiacis succurrit, vomitum sistit, appetitū excitat, mor-  
 bilos & variolos sanat, bilem extinguit, hæmorrhoidas  
 sedat, & ebrietati conuenit: ad omnes abscessus pestilen-  
 tis morbi valet, visum acuit: imò vnum est ex his quæ in  
 pestilenti morbo plurimum proficiunt. S E N. Egregius  
 ergo est hic syrupus. B R A. Est equidem, & adhuc in  
 maiori pretio esset, nisi citri succum haberemus. Nunc  
 vero ad alios syrnpos flectamus. S E N E X. De Syrnpis  
 finitum



# SYRVPORVM

227

finitum est. BRA. Tam paucis utimini? SEN. Non pluribus nisi infusione senæ inter Syrupos numerare velimus. BRA. Et cur non numerabimus? nam concoquens di vires habet, & ego alio Syrupo mixta utor, ut ægro conuenit, magno eius præsidio. Sunt autem in ea conficienda Pharmacopolæ dissidentes. Tu quomodo paras? SEN. Hoc modo, quem dicemus.

Recipe florum boraginis )

Buglossæ )

Violarum ) añ. 5. i.

Rosarum rubearum )

Aquæ fontis lib. i.

Mellis rosati colati vnc. y.

Senæ vnc. y.

Misce & fiat infusio secundum artem. BRA. Nihil aliud addis? SENEX. Nihil. BRA. Alij sunt qui ginger miscent. SENEX. Et ego id facio in hyeme scrup. gingeris inycio. BRA. S A V O L V S. Sæper addendum est: quia ob id additur, ut quædam frigida qualitas à Sena remoueatur, quæ ventriculum offendere solet, & flatus excitare: alias autem ob amaritudinem quam habet, ventriculo commoda est. Sed à quo authore accepisti? SENEX. A nullo, quia magistratilis compositio in hac officina à centum annis citra confecta, doctissimi medicæ artis professores ita indixere, deinceps patres mei & ego profecuti sumus. BRA. S A V O L V S. Tua autem præcitata compositio ab alijs in pondere multum differt. Ita enim conficiunt alijs.



Recipe Senę electæ

vnc. i.

Florum Boraginis )

Buglossæ )

Violarum )

Rosarum rubearum )

Gingiberis )

añ. 3. 6.

Mellis rosati colati vnc. i. Aquæ fontis vnc. vi.

Fiat infusio secundum artem. SEN. Hi mihi videtur paucissimam aquæ quantitatem accipere: opus enim est duas vncias ad minus resolui, ideo quatuor tatum supererunt. B R A. Alij vero hoc modo parant.

Recipe Senæ optimæ vnc. i. Gingiberis. 3. 6.

Florum violarum )

Buglossæ )

Boraginis )

Rosarum )

añ. 3. i.

Deinde hoc modo conficiunt. Senam in. X. aquæ fontis libras inyciunt, & ebullitione vna ebullire faciunt: deinde supra alias res scilicet flores & gingiber, quæ in vitriato vase sint, decoctum illud versant, & vas adeo obturant, quod nihil respirare possit. Itaq; per. 1111. horarum spatium dimitunt: deinde percolant, & in hoc quod descendit inyciunt mellis rosati vnc. 1111. SEN. Hi igitur mel rosatum in infusione non ponunt. B R A. Non ponunt, nec poni debet, sed facta expressione addendum est. Inter se præterea differunt, quoniam hi senæ folliculos, illi folio: alij indiscriminatim folliculos & folia recipiunt, prius tamen pediculis, & paruis festucis ablati. Alij Senam ebullire non faciunt, sed cum aqua ipsa



ipsa feruet, in eam senam inijciunt: deinde hanc aquam simul & senam in vitreatum vas inijciunt in quo flores & mel rosatum posita sint. Alij non semidrachmā Gīngiberis, sed scrupulum imponunt, & per .x. horas in infusione relinquunt. SEN. Quid igitur in tanta confusione agi oportet? B R A. Hoc, quod nunc explicare conabimur. Sicut sena apud antiquos incognita erat, & (ut Auerrois inquit) noua cōpositio est à recentibus excogitata quæ in atrabilaris passionibus, scabie Gallica, lepra, p̄sora, & eiusdem generis alijs multū proficit, quæ ab atra bile dependent: propter hoc flores, quos cordiales appellant, addidere. In hac autē infusione ego nunquam prætermittendum putarem polypodium, ad intentionem senæ, & passulas atq; sebestem, veluti ea quæ aluum emolliunt: quod & in hac infusione requiritur: vbi etiam possum, flores citrorum, aut limonum, aut narrantiorum addi facio. SEN. Ergo & simplicium pondus & parandi modum edoceas. B R A. Hic est.

Recipe Senæ optimæ, simulq; sint folliculi & folia, sed folliculi folia excedant, & sit sena ex oriente potius quàm ex Liguria aut Appulia delata: nā perfectior est orientalis: neq; multum antiqua sit, imò quāto recentior, tanto melior, vnc. i.

Gingiberis Radix vna parua, vel

ad pondus 3. ʒ.

Florū boraginis. De buglossa curæ )

nō sit, quia borago est vera buglossa )

Violarum ) añ. 3. i.

Rosarum rubearum )

P 3



Citrorum, vel limonum vel narrantiorū, si habeant.  
 Polypody. 3. 4. Passularum vnc. 6. Sebestē num. x.  
 Et si quis domi hanc infusionem conficiat, loco Sebestem, pruna damascena exiccata accipiat, & hoc modo fiat: Sumatur libra aquæ fontis feruentissimæ, quæ in vitriatum vas, in quo omnia prædicta insint, inijciatur: postea vas optime obturetur, & per decem horas dimitatur, deinde exprimatur: sed de melle rosaceo an misceri debeat nec ne, medicus secundum intentionem egritudinis, vel misceat, vel omittat: nam ad perfectionem infusionis non exigitur. Si autem commiscere voluerit, sint quatuor vnciæ mellis rosati. Tamen cōsuetudo est, semper infusionem alicui syrupo immiscere, vt affectuosi alteræ quæ in ægro reperitur, conuenit: forte mel rosatum conueniet, tunc illo uti poteris. Non mihi autem placet, senam in infusione ebullire, quia ex sena superficiales partes solum expetimus. Si quis vero senam in feruentem aquam inijcere voluerit, et statim aquam cum sena supra flores immittere, nihil refert, modo sena non ebulliat. Hæc autem infusio fit, vt horum simplicium vires in aqua recipiantur. Nam infusiones quandoq; fiunt, vt malitia alicuius medicamenti simplicis reprimatur: Quandoq; vt vires alicui medicamento condonentur: Quandoq; vt medicamentū lubricum efficiatur: Quandoq; vt vires simplicium in aquam recipiantur, quod in hac infusione senæ fit. De his vero infusionum modis antiquiores non tractauerunt: sed Mesue capite. 111. summæ secundæ in canonibus vniuersalibus has infusiones abundè edocuit. SEN. Quot vncias huius infusionis propinare



propinare possumus? BRA. Quandoq̃ tres, quandoq̃ quatuor, quandoq̃ sex exhibeo, vt his conuenit, quibus propinatur. Ratio quoq̃ habenda est, si sola, aut cū alio syrupo mixta bibatur: & an multum, vel parum euacuare conueniat. Sed commune pondus est, quod euacuat simul, & digerit. .iiii. vnc. exhibere: nam huic mirè proficit cui potui datur. SEN. Tu frequenter ea vteris, quae de causa? BRA. Quoniam frequentes atrabilarios incido, quibus ipsa conuenit. SEN. Audiui, quod ventriculū offendat. BRA. Et id Mesue cap. XV. de simpliciū medica. facul. asserit. SEN. Quomodo fieri potest, cum ipse Mesue calidam in princi. secundi, & siccam in primo dicat? BRA. Imò & subamara est sena: quæ qualitas ventriculo prodesse solet. Sed partes quasdam flatuosas habet, quibus illi obest. hoc autem facile remouetur, quia gingibere addito, partes illæ euanescent. Ideo vel hyems sit, vel æstas, gingiber continuè addi debet. Quod autē ventriculū offendat, quisquis in seipso facile experiri poterit, si hanc infusionem semel absq̃ gingibere bibat: nam statim in eius ventriculo flatus excitabuntur. Iubeo plerūq̃, vt ipsam infusionem ex iure capi aut pulli conficiant: & his multum proficit qui sumūt. SEN. Imò hoc videtur esse Mesue documētum. BRA. Ita certe est, propterea & quādoq̃ iubeo ex sero capræ parari, vt docet Mesue, & tūc mire proficit affectionibus cutaneis ex salsa pituita, & aliqua atræ bilis miscella. Hæc de Sena. Quæ cum inter syrupos vltimo loco enumerata sit, orote (nisi aliquo negotio occuparis) hac nocte mecū dormias, non vt Tityrus Melibœū



inuitauit, frōde super viridi, sed molli super pluma, aut  
( si mauis ) lana. S E N E X. Quædam negotia sunt mi  
hi expedienda. Cras summo mane huc accedam, vt Pi  
lularum compositiones aggrediamur. Nempe mihi in  
stitui, nunquam desistere, sed tibi perpetuò mor  
lestus esse, quoad hæc composita tuo  
examine perpensa sint. Vale  
nunc, & quieta nocte  
fruaris. B R A. Et  
tu quoq.

F I N I S.



# INDEX RERVM, QVÆ

IN HOC LIBELLO CON

TINENTVR.

## A

<b>A</b> Cetum mulsum	182	Cardamomum maius	179
Acetum scylliticum		Calenum	205
190		Calena vina	206
ακανθα λευκη	143	Charmesinus color	43
Acantha Ægyptia	145	Chamæbatos	214
Acantha Arabica	ibidem	Chermes	40
Ægyptia ficus	212	Κιττα	53
Alefangine species	176	Κι'α'α	ibidem
Alba spina	142	Cichoreum	162
Alefangine quid sit	178	Coccus	40
Alfirfedu	219	Κόκκος βαφικη	44
απόλεμος	17	Coccus infectorius	47
Aqua pluuiialis	84	Coccus scolecioni	ibidem
Aqua fontis	ibidem	Coccus ilicis	ibidem
<b>B</b>		Cortex radicis an sumendus	
Bombaso	35	fit, an tota radix	98
βατος	214	Cotonus	35
βατος Idæus	ibidem	Cynosbatos	214
Bedeguar	142	<b>D</b>	
Bombicina vestis	35	Defrutum	205
Bombyx	35. & 39	Diamorum simplex	199
<b>C</b>		Diamorū compositū	202
Caprea	24	Diamorum cōpositum Ale	

P 5



# INDEX

xandri	209	laram	79
Diacarydion	221	Iu	ibidem
Diacaryon	ibidem	Iuleb iuiubinum	83
Dianucis simplex	221	L	
Dianucis compositū	ibidem	Λευκοκχένεα	143
Dorcas peregrina	24	Locus Mesue restitutus	91
Dundebe	162	M	
E		Malatia pręnantii	53
Ε'ημω	204	Maratha	213
Eupatorium Mesue	139	Με'ταξεν	36
F		Mel rosatum ex succo ros	
Foly loco quid sumendum		sarum	67
141		Mel rosatum ex infusione	
Fraga	218	rosarum	ibidem
G		Mel rosatum quadruplex	
Gazella	24	70	
Gospina	39	Mel rosatum colatum	
Gonsopion	ibidem	non colatum	71
Grana	43	Mel violatum colatum	
H		199	
Heil	178	Mellacium	205
Hepseton	205	Minua Cydoniorum	175
Hydrorosatum	66	Misch	23
Hydromalum	110	Moschus	22
η'εα'	18	Mora alba	210
I		Mora nigra	212
Iuleb violatum ex aqua vi		Mora celsi	213
ignis eliquata	78	Mora bati	ibidem
Iuleb violatū ex succo vio		Mora vaticana	214



# INDEX

Mora campagnola	213	Ρεδρομα	ibidem
Mora de sceni	218	R	
Mucharus rosarum	66	Radices an cortex, an to	
Myrtetum	165	ta sumenda	98
Moschus Venerem excitat		Radechio syluestris	162
27		Rhamnus	220
N		Rhodomel	72
Namponi	218	Rhodostacte	74
Necydalus	35	Rhoeti	ibidem
Neuros pastos	220	Rob	204
O		Robub	ibidem
Omphacomeli	124	Rob nucum	220
φελιμα	18	Rob de Ribes	223
Oxymel	94	Rubus	214
Oxymel simplex	180	Rubus caninus	ibidem
Oxymel dieuchis	183	Rubus Idæus	ibidem
Oxymel compositum	187	Rubus terrestris	ibidem
Oxymel Iuliani	189	S	
Oxymel splenicum ibidem		Sacolla	178
Oxymel pro calculosis		Sachaba	142
ibidem		Sapa	204
Oxymel scylliticum	195	Scolection	47
Oxymel scylliticum compo		Secaniabin	182
situm	196	Senæ infusio	204
Oxyzachara	197	Σειγιος	ibidem
Oxyzachar	ibidem	Seris	162
P		Seris syluestris	ibidem
Præpotio	16	Sericum	28
Propinatio	ibidem	Seres	ibidem



# INDEX

Ser	29	Syrupus rosatus simplex	
Sentis	214	de infusione rosarum	
Sentis canina	ibidem	siccarum	67
Sentis terrestris	ibidem	Syrupus rosatus solutius	
Sentis Idæa	ibidem		68
Seta	28	Syrupus alter solutius ro	
Singidv	36	satus	69
Sireum	205	Syrupus solutius ex flori	
Species alefanginæ	176	bus persicorum	70
Spina alba	142	Syrupus violatus compo	
Squingebin	182	tus	76
Stangebin	ibidem	Syrupus violatus ex infus	
Suleich	214	sione violarum	77
Sycaminea	212	Syrupus violatus de succo	
Sycomora	ibidem	violarum	79
Syrupus de corticibus ci		Syrupus violatus ex deco	
tri	15	ctione violarum	ibidem
Syrupis an antiqui vteren		Syrupus iniubinus sim	
tur	ibidem	plex	83
Syrupus de acetositate ci		Syrupus iniubinus compos	
tri	51	situs	ibidem
Syrupus de stoechade	55	Syrupus de papauere sim	
Syrupus rosatus simplex		plex	89
63		Syrupus de papauere com	
Syrupus rosatus simplex		positus	ibidem
de succo rosarum	64	Syrupus de quinqz radici	
Syrupus rosatus simplex		bus	92
de infusione rosarum		Syrupus acetosus simplex	
recentium	65		94
		Syrupus	



# INDEX

Syrupus acetosus cum radi	Syrupus de epithymo	133	
cibus	97	Syrupus de eupatorio	136
Syrupus de duabus radici	Syrupus de liquiritia	148	
bus cum aceto	ibidem	Syrupus de hyssopo	149
Syrupus de duabus radicis	Syrupus de prassio	153	
bus sine aceto	ibidem	Syruporum pectoraliū or	
Syrupus de quinqz radici	do	ibidem	
bus	105. 92	Syrupus de capillis venea	
Syrupus bisantinus sine	ris	155	
aceto	109	Syrupus ꝑ calamētho	156
Syrupus bisantinus cum	Syrupus de endiuia Genti		
aceto	110	lis	157
Syruporum acetū recipien	Syrupus de endiuia sim		
tium ordo	plex	159	
Syrupus acetosus diarho	Syrupus de succo endiuia		
don	ibidem		
	114		
Syrupus acetosus diachy	Syrupus de endiuia compo		
lon	fitus	ibidem	
	115		
Syrupus acetosus de succis	Syrupus de cichorea Nico		
herbarum	lai	ibidem	
	116		
Syrupus de pomis sim	Syrupus de cichorea Pla		
plex	centini	161	
	117		
Syrupus de pomis Sa	Syrupus myrtinus	162	
bor	Syrupus myrtinus simplex		
	ibidem		
	121		
Syrupus de agresta	123		
Syrupus de fumo terræ	Syrupus myrtinus compos		
	fitus	ibidem	
	126		
Syrupus de absinthio	129	Syrupus de matricaria	
Syrupus de mentha	131	166	



# INDEX

Syrupus de artemisia	167	T	
Syrupus myrachinus	172	Taraxacon	162
Syrupus nenufarinus com-		Tut	213
positus	174	Z	
Syrupus nenufarinus sim-		Zucharum violatum	199
plex	ibidem	Zulapon	79

# FINIS.

Venetijs, in ædibus Francisci Bindonei, & Ma-  
phei Pasinei, mensis Nouembris, Anno a Vir-  
ginis partu. M D XXXX.



Syrupus de Manna

R<sup>x</sup> manna ethe ℞iij

succi cardui costici et purificati q.s.

M. f. infusio in vase ferreo et facta colatura  
adde aq. rosarum

succi pomor. granator. ex medio superfluo


succi ungu. silvestris

aque acetose. i. aq. vitrioli lib. 5


in chari fini lib. iij

M. et coquantur et s. art. f. syrupus  
qui exhibetur cum aqua frigida
















25

coll. comp